

**SIXTH LEGISLATIVE ASSEMBLY OF MIZORAM
(THIRTEENTH SESSION)**

LIST OF BUSINESS

FOR SEVENTH SITTING ON WEDNESDAY, THE 20th MARCH, 2013
(Time 10:30 AM to 1:00 PM and 2:00 PM to 4:00 PM)

QUESTIONS

1. **Questions** entered in separate list to be asked and oral answers given.

LAYING OF PAPER

2. **Pu H. LIANSILOVA**, Minister to lay on the Table of the House a copy of the Report of the Examiner of Local Fund Accounts on the Accounts of Local Bodies (Village Council within CADDC, Champhai District and Mamit District) for the year ended 31st March, 2012.
3. **Pu NIRUPAM CHAKMA**, to lay on the Table of the House a copy of Statement of Actions taken by the Government against Committee on Public Undertakings further recommendation contained in the Second Report, 2012 relating to MAMCO Ltd. for the year 1998-1999, 1999-2000.

PRESENTATION OF REPORTS

4. **Pu K. LALRINTHANGA**, to present to the House the Fifth Report of Subject Committee-V relating to Public Health Engineering Department (Greater Aizawl Water Supply Scheme Phase-II).
5. **Pu K. LALRINTHANGA**, to present to the House the Sixth Report of Subject Committee-V relating to Agriculture Department (Watershed Development Projects in Shifting Cultivation Areas and Integrated Schemes of Oilseeds, Pulses, Oil Palm and Maize).
6. **Pu K. LALRINTHANGA**, to present to the House the Seventh Report of Subject Committee-V relating to Tourism Department (Tourist Lodge, Chalfilh).

FINANCIAL BUSINESS

DISCUSSION AND VOTING ON DEMANDS

7. ***Pu P.C. LALTHANLIANA***, Minister to submit to the vote of the House various Demands under his charge.

8. ***Pu LALSAWTA***, Minister to submit to the vote of the House various Demands under his charge.

9. ***Pu LALRINLIANA SAILO***, Minister to submit to the vote of the House various Demands under his charge.

NGURTHANZUALA
Secretary

....

S P E A K E R : 'Lalin chhiarsen loh chungah ro a rel thei e, mahse a hnuah chuan tumah a chungah an lawm lo.'

Thuhritu 4 : 16

Zawhna leh chhanna ah kan lo kal ang a, Starred Question No. 85-na kan la ang a, Member zahawm tak Pu K.Lalrinthanga'n rawn zawt sela.

Pu K. LALRINTHANGA : Pu Speaker, ka lawm e. Starred Question No. 81 tih zawk tur niawm tak a ni. Transport Department Minister zahawm tak chhan atan ka zawhna chu hei hi a ni e.

- a) Bairabi to Sairang Tlawng lui Inland Water Transport zawh a ni tawh em?
- b) Sum engzat nge hmuh a nih ? Eng ang a sei nge ?
- c) A maintenance atan Mizoram Sorkar Transport Department-in ruahmanna engne a neih ?

S P E A K E R : A changtu Transport Minister, Pu Zoram Sangliana hian leave a rawn dil a, a awm lova, Chief Minister zahawm takin rawn chhan sak sela, i lo ko ang.

Pu LAL THANHAWLA, CHIEF MINISTER : Pu Speaker, Member zahawm tak zawhna chhanna chu :-

- a) Bairabi to Sairang Tlawng luia Inland Water Transport zawh a ni tawh.
- b) He Project atana Ministry of Shipping atanga sum hmuh chu ₹ 527.93 lakhs a ni. A sei zawng hi 81 Kms leh 350 meters a sei a ni.
- c) Kum 2012-2013 atan Tlawng Inland Water Transport Project maintenance atan ₹ 5.00 lakhs dah a ni a, a tul anga maintenance fund dah zel tur a ni ang.

S P E A K E R : Zawh belhna kan ko lo ang.

Pu LAL THANHAWLA, CHIEF MINISTER : A hriat duh hmel em a, Pu Speaker, ka sawi nghal ang e. Inland Water Transport atana sum hmuh hi 100% Grant a ni a. a hnu zela maintain-na tur chu State sorkar in tum tur a ni. Kan hriat theuh angin tlang ram lui te reng reng chu fur hnih/khatah a course hi a danglam duh hle a. Tin, a li(point) awmna point a sawn thin a. Central Sorkar duh danin engine nei leh neilo lawng awm reng reng chu register vek tur an ti a, a hming chauh talin Water Way tax pawh lak tura tih a ni. He thil hi Department-in a buaipui mek a, Inland Water Way hi Hortoki leh Bairabi mipuiin hman tangkai an tum hle a. Hortoki ah ringawt khuan engine Boat 140 chuang a awm tawh niin hriat a ni a, Bairabi ah 30 chuang a awm tawh nia hriat a ni. Hetiang hian hman tangkai

tumin an thlai thar te pawh a tona zawk phai lamah an keng thla nual thin a ni tih hriat a ni. Pu Speaker.

Tin, Chhim lamah pawh hmalak mek zel a ni a, a Director of Inland Water Transport te pawh a hmunah lo kalin kan DPR te pawh an lo en a. A Minister hi a fel viau a, kan General Secretary hlun, G.K.Bupanar-a fapa a ni a. Mizoram pawh minrawn ngaih sak viau a ni. Hemi kan DPR vaibelchhe 26.97 Karnaphulli te, Tuichawng etc. siamthat na tur atana kan tih Project report hi min approved sak tawh a ni.

SPEAKER : A bengvar thlak e. Zawhna 82 – na zawt turin member zahawm tak Dr. R. Lalthangliana sawm ila.

Dr. R. LALTHANGLIANA : Pu Speaker, ka starred question no. 82-na Social Welfare Minister zahawm tak chhan atan -

- (a) Rualbanlo, mithiam, degree nei tha tam tak an awm lai hian, Job identification tuna hman lai hi tihdanglam (amend) tumna a awm em?
- (b) PwD Act – in rualbanlo te tana sorkar hna 3% reservation a lo siam hi tihpun tumna a awm em?
- (c) State Commission a lo din tak hnu hian, State Policy mumal tak ruahman a ni em? tih ka zawt e.

SPEAKER : A chhang turin a changtu Minister zahawm tak Pu P.C. Lalthanliana i lo sawm ang.

Pu P. C. LALTHANLIANA, MINISTER : Pu Speaker, member zahawm tak Dr. R. Lalthangliana zawhna chhanna chu hetiang a ni.

- (a) Tun maiah Rualbanlo te tana hna hauhsak (job identification) tih sa bak tihdanglam tumna a la awm lo. Amaherawhchu, Draft Mizoram State Policy for Persons with Disabilities (PwDs) ah chuan sorkar hnaah leh Public sector undertaking a hna awmah te reservation a awm theih nan post identified sa te hi a tul ang zela ennawn tumna a awm. He Policy hi sorkar in a la pawm loh a ni.
- (b) Hei hi India ram puma dan hman lai a nih avangin 3% bak hi tihpun tumna a la awm lo.
- (c) Draft Mizoram State Policy for Persons with Disabilities (PwDs) siam tawh a ni a, hei hi la pawm fel loh a ni, tih hi ka chhanna a ni e.

*Speech not corrected

SPEAKER : Zawhbelhna Dr. R. Lalthangliana.

Dr. R. LALTHANGLIANA : Pu Speaker, Job identification chungchangah hian kan rualbanlo te hi mithiam deuh deuh mai, line hrang hrangah specialized na nei ve te pawh hi kan Mizo zingah pawh hian kan nei ve nual mai a. Mizoram a kan kal pui dan ah hian tun thleng mai hian khatiang degree nei tha tak tak te kha

an nih na tur dik tak ah hian kan dah mang lo niin ka hria a. A tam ber hi hmunphiat, group 'D' tih bawr velah hian an lut a. Hei hi a felhlel deuh in ka hria a. Chuvang chuan Job identification tih ah hian entirnan group 'A'/group 'B' post ang ah te pawh a tha tak tak khatiang ang a lut ve tur ang chi kha an awm teuh mai a. Chuvang chuan hei hi Supreme Court ruling awm mek a ni bawk a, tin central sorkar ah khuan ka hriat sual loh chuan khatiang a inthliar na awm miah lo khan open vek a ni a. Chuvang chuan hei hi sorkar in engtin nge tih a tum tih lai hi ka'n zawt duh a.

Pahnih – na a ka zawhbelh duh chu 3% kha India ram pumpui a a nih laiin State thenkhat Karnataka State ah chuan 5% te pawh anni tan hian reservation hi siam niin ka hria a. Hei hi kawng lehlamah chuan State sorkar hian generous takin ti mai ila, thilphal takin an mahni kan ngai pawimawh tak tak a nih chuan ruahmanna a siam thei tho niin ka hria a, hei hi ngaihtuah thar leh dan kawng a awm thei dawn em tih ka zawt duh a.

A tawp ber ah chuan hei State Commission kan han din a, thil hi a letling zawng deuh in kan kal niin ka hria a. State Policy mumal tak siam si lo hian kan han din teh tawp mai a. Hei hi a kal dan tur nichiah in a lang lova, engpawh nise kan Minister khan in Draft Stage-ah a awm a, approval kan la thei thuai turah ngai ta ila, engtikah nge kha kha a tak a tihfel theih beisei a nih tih kha min hrilh theih chuan a lawmawm khawp ang.

SPEAKER : A chhang turin a changtu Minister zahawm tak Pu P.C. Lalthanliana i lo ko ang.

Pu P. C. LALTHANLIANA, MINISTER : Pu Speaker, member zahawm tak zawhbelhna pakhatna ang deuh a mithiam zawk hna tur siam belh sak te leh kawng hawn sak kha a tha lawm ni tih kha a rawn zawhbelhna a ni a. Nia, 2007 kum ah Mizoram Sorkar hian group 'A', 'B' leh 'C' te tan hmanni a ka sawi tawh ang khan an hna tur hi a identified vek a, chutiang chuan ruahman a ni a. Hemi tihdanglam theih na tur chuan he Draft Policy kan neih mek, tuna kan ruahman mek hi pawm a nih hun chuan heng ang pawh hi tih danglam theihna tur kha he Draft Policy ah hian khung tel a ni a. Chu chu kan neih hun ah chuan Sorkar pawhin ala en thei turah ngai ila a tha in ka hria. A tawp ber a a zawhna nen khan inkaihnhawih nghal in ka hria a, he Draft Stage Policy hi a Department concern ve deuh te, School Education te, SCERT-ah te, NIOH ahte leh Health and Family Welfare Department-ah a draft hi thawn a ni a, chuta tang chuan Department ten engnge ngaihndan an neih, engnge rawt belhna an nei em tih te, ngaihthla in chutiang chuan thawn a ni a, tun thla chhungte hi chuan chutiang chuan laklet a, finalised te pawh a nih a rinawm a, chumi hnuah chuan a tul angin Sorkar chuan a kalpui turah ka ngai a ni.

A zawhna pahnihna 5 % job reservation State dangte pawhin an ti a tih kha a sawi a, amaherawhchu 3 % reservation hi all India-ah anih avang hian in State in a lo

tihdanglam ngawt chu a theih lova, mahse section 41 ah hian State Sorkar in a duh chuan Public Sector ahte, Private Sector ahte hnathawktute kha 5 % disable te encourage nan State Sorkarin a ruahmansak thei ang tihte a awm a, chutiang chite pawh chu an kalpui a ni ang tih ka ring a, chutiang chuan in 5 % taka hi chu Labour leh Private leh Public Sector a thawkte tan reservation State Sorkar in a duh chuan a siam thin a, hemi 3 % tih tak a hi chu keini lo tihdanglam theih a nih ka ringlo va, chu chu ka chhan theih dan tlangpui chu a ni e, Pu Speaker.

*Speech not corrected

SPEAKER : Zawhna 83 naah kan kal a nga, chumi zawt turin Pu P.P.Thawla i lo ko ang.

Pu P.P. THAWLA : Pu Speaker ka lawm e, Health & Family Welfare Department enkawltu Minister zahawmtak chhan a tana ka starred question 83 na,

- (a) Tun dinhmunah Civil Hospital Aizawl ah leh Referral Hospital Falkawnah Doctor engzat ve ve nge awm?
- (b) Heng Hospital pahnihah te hian Nurse engzat ve ve nge awm ?
- (c) Kulikawn Hospital-ah Doctor engzat leh Nurse engzatnge awm mek? tih a ni e.

SPEAKER : A chhang turin a changtu Minister zahawmtak Pu Lalrinliana Sailo i lo sawm ang.

Pu LALRINLIANA SAILO, MINISTER : Pu Speaker ka lawm e, a chhanna chu :-

- (a) Tun dinhmunah Civil Hospital, Aizawl-ah Doctor 123 an awm mek a, Referral Hospital, Falkawn-ah Doctor 7 an awm mek bawk.
- (b) Civil Hospital, Aizawl-ah Nursing Superintendent – 3, Ward Superintendent 21 leh Staff Nurse 157 an awm. Referral Hospital, Falkawn-ah Nursing Superintendent – 1, Ward Superintendent -5 leh Staff Nurse-30 an awm.
- (c) Kulikawn Hospital-ah Doctor – 7 an awm a. Nursing Superintendent – 1, Ward Superintendent -2 leh Staff Nurse – 16 an awm.

SPEAKER : Zawhbelhna Pu. P.P.Thawla a ni a, Pu Lalduhoma a ni bawk a, chumi chu kan ko ang.

Pu P.P.THAWLA : Pu Speaker ka lawm e, zawh belhna pakhatna, Civil Hospital ami kha Referral Hospital lamah sawn an ni nual a, Doctor leh Nurse awmdante kan hre ta a, tun dinhmunah hian heng Hospital pawimawh tak tak te pahnih a a thawktute insem zai dan hi a tawk mai em? Tin, pahnihna OPD chawng khat bo tih sawi fo mai a kha kan hriat hnahnun ber dan in chhui turin SE pakhat ruat ani tih kha a ni a, tunah hian engnge ni a dinhmun ni chiah tawh tih kha ka zawt e.

Pu LALDUHOMA : Pu Speaker ka lawm e, kan Health Sub Centre leh Health Clinic ho ah hian Grade IV ho hi an indaihlo em em mai a, Health Workerte hian thil an load a, an unload-te a ngai a, Grade IV hnathawh ang hi an thawk deuh teuh mai a, kan Sorkar hnathawk indaihloh dan tlangpui hi chu kan hre theuh va, hei hi chu a zual kai deuh hlek in ka hriatpui deuh a, tin, Govt of India pawhin Health Department hi chu a duat deuh niin kan hria a, post creation hi chu regular post a theihloh pawhin MR tal emaw pawhin engngemaw zat he indaih lohna hi tikhian theih dan a awm angem tih ka zawt duh a.

Pahnihnaah chuan 2011 Budget Session-ah khan Sairang Damdawiin chhiat tawh zia ka sawi a, kum hnih a ni tawh a, kan Minister zahawm tak hian assurance min pe a, a hmunah pawh kan endik tawh a, Finance Commission Award atanga quarter chhia repair phawt a, a main building sak that tura tih kha a ni a kum hnih kan nghak tawh a, engtia rei nge kan la ngah dawn tih kan zawt teh ang.

Pu LALRINLIANA SAILO, MINISTER : Pu Speaker, a zawhna neitu Pu P.P. Thawla zawhna kha - Referral Hospital leh Aizawl Civil Hospital a thawk te tuna sem zai dan hi a tawk mai em tih hi tawk kan la ti lova. Amaherawhchu, kan hriat tlan vek MLA zawng zawng te pawhin a kan sawi tlan thin helaiah pawh kan sawi thin Doctor kan neih tam tawk loh avanga kan indaih tawk lohna avangin tunah hian Referral Hospital lam hi an la phai hle a. Tin, Indian Public Health Standard norms a hi Civil Hospital ah pawh hian kan la pha lo hrim hrim a chuvangin tuna kan sem zai dan hi tawk kan la ti lo deuh a ni.

Tin, OPD chhawng bo tih kha, ni e, a awm loh miau chuan a bo ti khan sorkar hmasa ah khan chanchinbu ah te a chhuak a, khalai kha ka subject em em anih loh avangin tunhnu ah kan hre ve chauh ani a. Enquiry Committee kha an din ngei mai a SE chuan report a rawn thehltut tawh a drawing ang lo hian sak ani e tih kha a niin ka hria a, ka recall vek thei mai lova chutiang chu an chhanna a ni.

Tin, member zahawm tak Pu Duhoma zawhna kha - nia Health Clinic leh Health Sub-Centre hi tunah hianin 466 kan nei a Mizoram ah hianin zakua chuangah hian, kan la indaih lo hle mai a. Thawktu 479 ah hian IV Grade awm loh na hi zahnih chuang anih ka ring a, a chiah chiah ka hre lova hmanni ah kan chhut a kan la leh nual a, a chiah ka hre ta mai lova zahnih chuang chu anih ka la ring a chutiang chu kan tun dinhmun ani a. A M.R. ang hianin lak na kan nei chiah lova, kan han ti ve ngial thin a Finance ah te Planning ah te kan dil chamchi a, Health Worker ang chi hrim hrim pawh hi, chuvangin, Finance te pawh hianin min duhsak deuh kan han ring a tun plan tharah hianin. Sawi angin Health leh Education hi chu Central pawhin priority a a dah a nia, tunah phei hi chuanin Central hianin Health hi priority no. 1 a a dah ani nghe nghe a, theihtawp kan lo chhuah zel ang, kan indaih lohna hi kan hria a kan dil ve zel a. Tin, zep thu a awm lova kan la lui ve deuh bawk a ni. Tunah pawh hian kan Finance te va rawn lem lova lak te pawh kan nei ve a, a loh theih silova miin nau an han chhar a, a nih loh leh miin harsatna an han tawk a, khatiang khanin a hman hman in nau chhar te va puih luai luai chi a ni

silova, regular taka lo pui tu hi chu an ngai ve hrim hrim a. Tin, member zahawm tak sawi ang khanin vaccine pek te leh training hrang hrang ah hianin an rim khawp mai a Pu Speaker, chu chu kan mangan na pawh a ni.

Nia, Sairang hi kan sawi tawh thin a. Member zahawm tak Pu Duhoma nen pawh hian kan zuk kal a, tunah hianin quarter sak na tur 5 (panga) 13th Finance Commission in Award ah khanin ruahman a ni a, kartin hianin kan beisei reng a Finance lampang ah. Tin, a main building sak na lampang ah nuai sawmkua leh tih kha kan ruahman bawka, tunah hianin an sanction mai kan ring a, a rei ka ring tawh lo chu chu ka chhan theihna a ni e, ka lawm e.

S P E A K E R : Zawhna 84-na zawt turin member zahawm tak Pu K. Liantlinga i lo sawm ang.

Pu K. LIANTLINGA : Pu Speaker ka lawm e. Kan Minister zahawm tak ka zawhna starred question No. 84-na.

- (a) Mizoram Sorkar leh Hmar People Convention ten Agreement an ziah kha, eng kum leh ni leh thla nge min hrih thei em?
- (b) Kha inrem naah khan 'Sinlung Hills Development Council' din tur ni khan ka lo hria a, SHDC tan hian Act siam a ni tawh em? La siam loh anih chuan siam tum a ni em? tih a ni e.

S P E A K E R : A chhang turin a changtu Chief Minister zahawm tak Pu Lal Thanhawla i lo sawm ang.

Pu LAL THANHAWLA, CHIEF MINISTER : Pu Speaker, Mizoram Sorkar leh Hmar People Convention ten Agreement an ziah kha, eng kum leh ni leh thla nge min hrih thei em? tih channa chu Agreement an ziah kha kum 1994 ni 27 July thlaah khan a ni. Kha inrem naah khan 'Sinlung Hills Development Council' din tur ni khan ka lo hria a, SHDC atan hian Act siam a ni tawh em? La siam loh anih chuan siam tum a ni em? tih chhanna chu Mizoram Sorkar leh Hmar People Convention inkara inremnaah khan Sinlung Hills Development Council chu Notification hmanga din niin, official gazette-ah chhuah a ni. He inremna hian Act siam a keng tel lo a ni.

S P E A K E R : Zawhbelhna Pu K. Liantlinga, chutah Pu K. Lalrinthanga.

Pu K. LIANTLINGA : Pu Speaker, ka lawm e. khami Agreement kha a copy min pe thei ang em? Tin, kha mi order leh a hma sorkar hmasa ina rules a lo siam kha a copy te min pe thei ang em? tih a ni e.

S P E A K E R : Pu K. Lalrinthanga

Pu K. LALRINTHANGA : Pu Speaker, Sinlung Hills Development Council sum ruahman hi tun sorkar a pek zat leh tun sorkar pian hma a pek tawh thin zat a kha a inthlauhna engzatnge ? tih ka zawt duh a. Chutih rual chuan SHDC huamchhung bakah hian sum hi hman theih a ni em ? tih ka zawt e.

S P E A K E R : A chhang turin a changtu Chief Minister zahawm tak i lo ko ang.

Pu LAL THANHAWLA, CHIEF MINISTER : Pu Speaker, zawhna neitu member zahawm tak kha a dil copy te leh khami subsidiary kha kan pe thei ang. SHDC hi Pu Speaker, a nihphung tur leh a kaldan tur duanna SHDC Constitution & Conduct of Business Rules, 2008 siamfel tawh a ni a, tin, SHDC Election Rules, 2008 siamfel a ni tawh nghe nghe a, hengte hmanga a nihdan tur dik taka anih theihna tur hian sorkar-in a ngaihtuah mek a. Tin, sum allocation lampang kha chu supplement kha a lokal dawn tih ka lo hre lem lova, sum hi ka ngaihsak ber leh ka ngaihtuah ber a ni vak lem lova, chuangin ka lo hre lo a ni. Engpawh nise, tun kumah hian 3 crores kan dahin ka hria.

S P E A K E R : Zawhna No. 85-naah kan kal ang a, zawt turin member zahawm tak Pu C. Ramhluna i lo ko ang.

Pu C. RAMHLUNA : Pu Speaker, Public Health Engineering Department changtu Minister zahawm tak chhan atan ka question chu hengte hi a ni -
 (a) Lawngtlai Greater Water Supply Scheme hi engzatnge a sanctioned amount ?
 (b) Hna hi engzatnge thawh ni tawh a, engzatnge sum hi sen ni tawh ?
 (c) Eng hunah nge Commission theih ni ang ? Commission a nih hunah hian khua engzatnge a chawm tur ? tih a ni e.

S P E A K E R : A chhang turin a changtu Minister zahawm tak Pu S. Hiato i lo ko ang.

Pu S. HIATO, MINISTER : Pu Speaker, member zahawm tak Pu C. Ramhluna zawhna chhanna - (a) Lawngtlai Greater Water Supply Scheme sanctioned amount hi ₹ 2564.50 lakh a ni. (b) Hnathawh tawh zat hi 46% niin pawisa sen zat chu zawhna kan chhan lai khan ₹ 1005.56 lakh a ni na a, 20.3.2013 thleng khan nuai sang leh za leh sawmpasarih leh singkhat sangnga zali sawmsarih pakua hman tawh a ni. (c) Kum 2015 ah commission tum a ni a, commission anih hunah Lawngtlai khua leh Chawnhu te chawm tura ruahman a ni.

S P E A K E R : Zawhbelhna Pu C. Ramhluna, chumi zawhah Pu Lalduhoma, a dawtah Pu R. Lalrinawma chuti chin chu kan la phawt ang.

Pu C. RAMHLUNA : Pu Speaker, kan zawhnaah khan lo zawh law law awmtak pawha ni a, mahse zawhbelhna hun min pe a, ka lawm a. Tunge contractor

ni a? eng zatin nge pek a nih? a sanction amount chu kan hria a, contract in pekna zat kha hriat a chak awm a, an hna hi a schedule ang khan an thawk thei em? tih kha hriat a chakawm a. Tin chubakah chuan a khua chawm tur kha kan lo hriat dan chuan Thingkah te Mampui te kha chawmthei tur khan kan lo hria a, Chawnhu leh Lawngtlai deuh chauh kha an sawi ta mai kha Mampui leh Thingkah te pawh AOC thleng khan a chawm thei mai lawm ni? A khawl vang nge tui tlem vang nge? tin chubak ah Saikah te Lawngtlai te han chawm nghal thei se a va tha ve. Kha tiang khan an design leh thei mai em? tih kha kan zawt a ni e.

Pu LALDUHOMA : Pu Speaker ka bial ah khuan Tui harsa bik khua kan awm a, Tanhrilah khuan, tunhmaa an sem kha a pha ta lo lutuk a. Setlak Lui atangin Pump kan nei thin a, tunah chuan a kang tawh a, chuvangin Tanhril bik a kan tui problem hi tun ai a zing deuh in minrawn supply thei a ngem? tih ka zawt duh a. Tin Lunglei ah tunlai hian tui a harsa khawp mai an ti a, private ten an zawrh to deuh deuh in an lei a, khawl pakhat Aizawl lamah an la phei an ti mai a, tak tak nge ka hre lova current awm mumal lo nen, an indaih lo hle an tia. Pu Speaker, sawi hrehawm deuh mahse kan sawi mai anga, thil dik lo hi a tha lo a, a thawktu MR ho sawn an hralh ru thin ni awm tak a ni, tute emaw NLUP dawng ang deuh an nia Scooter an nei thluah thluah mai an tia, chungte pawh chu endik deuh a tha a, thenkhat chuan zurui chung ten an sem a ni. Kan mithmuh ve ah pawh hian a be thiam thiam te hi an ni deuh a, chuvang chuan kan hnathawktu te hi a te ber thleng hian, an officer te hian mipui rawngbawltu an nih ang ngei hian endik deuh sela, nungchang mawi pu tur leh Pathian rawngbawl an ni tih te pawh in hre tel deuh tur hian an lo vil ngun thei deuh ang ngem? tih kan zawt tel bawka ni.

Pu R. LALRINAWMA : Pu Speaker ka lawm e, Lawngtlai lam zawhna atangin Aizawl lam ah kan la phei bawka, ka zawh belhna chu Zemabawk, Zemabawk N, Thuampui, Zuangtui leh Folkland veng ah te PHE water supply distribution line extent turin hma min lak sak thei em? tih a ni a. Sawnglai ah sawn PHE water supply dawn ve na ani a khua a than angin mi an pung zel a, Line a indaih lo em em a ni. Zemabawk, Aizawl – Lunglei Road Forest Gate phei vel te saw PHE Line hian a la thleng lo a kan mamawh em em a hma min lak sak thei em? tih kan zawh belh a ni e.

SPEAKER : Kan phal sak hram mai ang che han zawt rawh le.

Pu HMINGDAILOVA KHIANGTE : Pu Speaker ka zawhna a chuak ve dawn silova Serkhan Bagha Road kawng laih hian Chaltlang tui lakna a ti chhe vek tih ka sawi tawh a, tichuan PWD leh PHE hi a in coordinate lo a ni e, PHE in eng mah in hre si lova tiin he House zahawm tak ah pawh hian ka sawi tawh a. Chu Coordination Committee chu an siam tawh niin ka hria a. Zawhna min chhannaah chuan, Tui hi tha taka thleng leh tur chuan KM 7 vel a ni a, huna duh rei dawn a, kawng laih a kal reng bawka si a, Temporary in lak dan Pipe in min zawn sak rawh u,” ka ti a, an zawng hlei thei lova. January thla a ka va kal khan an mangang a, “ka pu, Subsidised in Rubber pipe min zawn sak la, tichuan keimah ni in kan pawt ve mai ang”, an ti a, kan han zawng a Horticulture-ah kan hmu a. Cheng singli man kan hmu a”, chu chu anmahni mai khan an siam hlei thei lo va, zawmnaah khan a lo pawk chhuak leh a, chu chu kan PHE Minister zahawmtak hi ka’n request duh a, action min lak sak vat

turin. Vawiin ni-ah March thla a ni a, a harsa em em tawh mai a, min en sak vat turin ka'n request duh a. Eng chen nge hma min lak sak tawh tih pawh hi ka'n zawt duh bawk a ni.

S P E A K E R : Kham chu ti tawh lo mai ang. Ka Bial lamah te pawh sawi tur ka nei ve thova. Pu Lalthansanga.

Pu LALTHANSANGA : Pu Speaker, ka lawm e. Ka Unstarred Question 36-na ah hianin Hrangturzo Constituency huam chhungah PHE hian kum 2009 – 2013 chhung hian a hmalakna te chipchiar deuhin min hrilh thei em? tih ka zawt a. Chumi min chhanna-ah chuanin chipchiar deuh an tih lai hi an ti lo nge ni ang a, Hriangtlang-ah sustainability WSS under NRWDP 2010 tih ringawt ten min han chhang ta a. Hriat a har em em mai a. Tichuan, Keitum-ah an han ti leh a, Keitum WSS augmentation tih ni awm tak a ni 2010 – 11 tih ang deuh ten min chhang ta a. Chipchiar deuhah kha chuanin hemi ah hian chumi chu a ni a, hetiang zat amount chu kan hmang, chuti zat chu kan seng e tih te kha tel awm tur deuhah te khanin ka'n beisei a. Engnge helai hi a chipchiar deuhin tih kha min la rawn tih that sak thei ang em le ? ka Unstarred Question hi tih kha ka rawn din chhuah pui a ni.

S P E A K E R : Ka lo chhiar ve a. Pu Lalthansanga chu an va han hlau em ve le. A Bialah an lo va thawk tam riap riap em ve aw ! ka ti a. A la chipchiar lo i la ti lehngal a. Engpawh nise, Minister i ko ang.

Pu S. HIATO, MINISTER : Pu Speaker, Member zahawmtak Pu Ramhluna zawhna – Tender amount kha ₹ 19,658,5349/- a ni. Tin, a thawktu kha M/S Excelsor Private Ltd, Kolkata an ni. A thawh hun hi Sorkar lam inpeih hunte, working season te a changin min tih buai avangin duh hunah chat chuan kan tan thei lova. Tunah chuan a hna hi a kal tha viau e tih ka'n sawi duh a. A approach road hi Chawnhu atangin 8km tui pumpna thleng laih zawh tawh a ni a. Cent percent complete tawh a ni a.

Tin, Clear Water Pump ERW pipe 273.10 diameter a lian chu rawng kah zawh tawh a ni a. A hnuai lam hi rawng kah phawt loh chuan hman kan rem ti lova. Pipe line thiar thlak ni tawhin 1.1km welding tawh a ni. Hei hi 30% complete ang a ni. Tin, Zonal Tank ah hian 5 a awm a. Thingkah ah zawh tawh a ni. Nichina zawhna Thingkahte, Mampui te kha a tirah Sorkarin Rural a ni an tih avangin, Lawngtlaiah khan an pawm loh avang khan kan telh a. Mahse, an phal loh avangin Sorkar mit hmuhah chuan Chawnhu leh Lawngtlai chauh kan ti na a, Thingkah te, Mampuite pawh hi huam tel tir kan tum a ni. Zonal Tank bikah khan Thingkah hi zawh tawh a ni a, a dang tih mek a ni a, 20% complete a ni a. Reservoir hi 5 lakh dawng tur hi tunah hian sak tan dawn mek a ni a. Chu chuan Pu Ramhluna zawhna kha a chhang kimin ka hria a.

Tin, Pu Lalduhoma zawhna kha Tanhril hi tuihna an nei tha lova, tui an harsa a. Tunah hian kar khatah vawi khat vel pe thei ang kan ni a. Tin, tum khat semah hian chhungkaw pakhat tan tin 10 vel pek a ni thin a. Tui harsat vang chuan Setlak Lui kha tui a awm that lai chuan pump chhoh thin a ni a. Kan pump chhoh hi a chang chuan tui a kang thin vang te, tin, diesel leh electric harsat vang te pawhin pump loh chang a awm a.

Theihtawp chhuah chuan an tang chho mek a ni tih kha ka'n sawi duh a. Tunah hian a Tank a tet avangin tui kan dah tur pawh kha duh ang zat kan dah thei lova. SIPMIU atangin UD&PA atangin tuizem litre 4,50,000 dawng thei turin an sa mek a. 2015 ah hi chuanin kan siamzawh theih kan inbeisei a ni.

Tin, Lunglei Tlawng lui te hi a lian ve viau emaw kan ti a, a pump tirh lai kha chuan. Chutah Pialthleng kha kan la leh bawk a, a pahnihin. A tirah chuan a daih viau a ni. Mahse tunah chuan tui a kang nasa ta a. Duh angin pump tur te kan neih loh chang a lo tam ta a. Lunglei tuitha bera kan neih kha kuminah kan harsa ve tan a. Tunah hian sorkarin scheme hranpa a siam a, Mat lui pump chhoh na turin hma lak mek a ni a. Chumi atan chuan crore 19.65, NLCPR atangin report thehluh mek a ni a. Hemi a lo chhuah chuan kan zia chho deuh turah ka ngai. Tin, Pu Duha sawi kha a dik a. A tlangpuiin Lungleiah chauh pawh ni lo, kan M.R te hi thenkhat tha tak tak an awm laiin thenkhat hi chu sum peka tui sem ching an awm a ni tih hi report kan dawng ve thin a. A then phe chu ban nual te pawh kan nei a. A hrehawm khawp mai. Tin, pawisa pe tam deuh hi an pe tam thin e, midang aia reiin an pe thin tih pawh report kan dawng thin a. Kan theih ang ang chuan warning te kan inpe thin a. Mahse, a ruka thiltih a nih avang hian a hrehawm riau a ni. Kan check famkim theih lohna lai chu a awm ngei ang tih kan ring a. Hetah hi chuan hma lak chhoh zel kan tum a ni. Hetiang case hi report in pek vat thin nise a tha hle ang.

Tin, Pu Lalrinawma zawhna, Zemabawk kha, tumna a awm a, tunah hian Zemabawkah a thawhna hmun tur chu Primary School atanga Lal sipai in thleng a ni a, Zemabawk atangin A-L road atanga Thanzama in thleng, Zemabawk North Field veng atanga Sericulture office gate thleng, Thuampui MULCO peng atanga Pastor Quarter tlang thleng hi tih tum a ni a. Tin, Distribution line kan hman mek hi Aizawl khawpuiah a chhe tawh em em a. Kan sawi thin angin tui pipe te a lo chhia a, a tuiek a, thlak tumin tunah hian UP & PA pawhin hma an la a. Asian Development Bank atangin pawisa te pawh engngemawzat an dil chhuakin kan hria. Khami a chhuah kha chuan hei ai chuan distribution system pawh hi kan that deuh kan inbeisei a ni.

Tin, Pu Hmingdailova Khiangte zawhna kha chu, ni e, kan harsa khawp mai a. PWD in kawng an lai a, keinin kan siamthat sa an lai chhe thin a. Kan inhnial lek lek thin a, mahse, kawng an siam kha a pawimawh bawk si a. Tin, kan pipe te a lo hlui tawh a, JCB ten vawikhat a nawr tawh chuan a lo tliak a, han hman theih leh ngaihna kha a awm lova. PWD hnenah Estimate te kan siam tha leh a, kan theh lut a, tikhan E.E te, J.E te, S.D.O ve ve. PWD leh PHE te pawh an inbia a. Tunah hian Serkhan - Bagha road te pawh chutiang chuan sanction te pawh chhuak tepin a awm a, a bialtu pa hian in a ngaihven khawp a, polythene pipe te pawh min pe mai ula, engngemaw zat chu kan zawm ang e a ti a. Eng emaw tal tih theih dan a awm em? tiin department te an in dapna a, polythene hi keinin kan lo supply silova. Harsatna hi an tuar tih kan hriatpuia, theihtawp in tan kan la mek a ni tih ka chhanna a ni e.

Pu Lalthansanga zawhna kha i zawhna hi a lo tam khawpa ni e, i zawhna kha details deuh a chhan tur nge tur loh tih hi hriat a har khawp a, keini chuan kan thawhna

hmunkha a hre duh a, a thawhna hmun a khua kha a hre duha chu chu kan han pe a (Pu Lalthansanga : Details deuh a min chhan ka duh avangin unstarred a ti kha ka nia) (Speaker : Detail deuh i tih a kha, heng te heng te i ti lo ve deuh bawk a lawm) khatah khan a detail loh chuan Pu Speaker detail deuhin kan lo pe ang e. Ka lawm e.

SPEAKER : Zawhna 86-na kan la anga, tunah a zawt turin member zahawmtak Pu K.Liantlinga i lo ko ang.

Pu K.LIANTLINGA : Pu Speaker, ka lawm e, Environment & Forest Minister zahawmtak ka zawhna No.86-na

- (a) Mizoram sawrkar hian Supreme Court Order ang hian thing kih dan tur working plan mumal takin a siam em ?
- (b) Thing kih dan tur mumal tak a siam anih chuan,Mizoram khawilai area-ah te nge a siam min hrih thei em?

SPEAKER : A chhang turin a changtu Minister zahawmtak Pu H.Rohluna i sawm ang.

Pu H.ROHLUNA, MINISTER : Pu Speaker, member zahawmtak Pu K.Liantlinga zawhna (a) na chhan na chu Mizoram Sorkar hian Supreme Court Order angin Working Plan Thingkih dan tur mumal takin a duang ve mek a ni.A zawhna (b)-na Thingkih dan tur mumal taka siam a nih chuan, Mizoram khawilai area ah nge tih chhan na chu Kawrthah Forest Division Working Plan hi approve nitawhin hman mek a ni a, tin heng Forest Division te tan hian Draft Working Plan chu siam a ni tawhin Regional Office MoEF ah thehluh a ni tawh a: chung forest division te chu Mamit Forest Division, Lunglei Forest Division, Tlabung Forest Division, Aizawl Forest Division, Kolasib Forest Division , N.Vanlaiphai Forest Division, Thenzawl Forest Division, Chakma Automomous District Council,. Tunah hian Central Sorkar MoEF Approval kan nghak mek a ni, ka lawm e,Pu Speaker.

SPEAKER : Zawh belhna Pu K.Liantlinga.

Pu K.LIANTLINGA : Pu Speaker, ka lawm e. Hmun hrang hrang ah Working Plan tih a ni a, Aizawlah hian thingzai an phur lut nasa em em mai a, khawchhak, khawthlang chhim leh hmar atangin. Hengte hi working plan mumal taka siam approve la ni si lo ah hianin mark tree kha tianga permit pek a tihkha a ni em? tih kha ka zawt chiang duh a. Tin, khawthlang lamah khuan teak an hralh nasa em em mai a, engtiang chiah in nge cubic feet in nge? lock permit in an pek ka hre lo a, tin, teak te kan thawn chhuahah hian, tu ten nge leia, tu ten nge hralh? Hei hi sorkar hian a hriatpui em? A chhan chu teak an lak khuan a kung tha chin an la a,a zuihchin tam tak khu a ral ta a ni. Khung ang hman tangkai dan tur te khu ruahmanna siam in permit kha pek a ni em? tih kha ka zawt duh a. Tin, hei tuna thingzai phurtute hi a la chhawng tute pawh an ni anga, Forest Department-in a an check vak vak thin chungchang hi hriat chian ka duh deuh a, hmanah khan ka bial chhunga mi an man a, hmeichhe pahnih chumi te chu an confiscate saka, royalty chawi chu sawi loh, anmahni pawhin an khul leh theih loh khawp khan an siam a. Kan Minister te kan bia a, ‘tihngaihna a

awm lo', an ti a, amaherawhchu PCCF Pu Karbial kan biak khan Supreme court order hi interstate transit atan chauh a ni a, a ti a. A chhan chu Marruari in a North East thing an lak thlak tam lutuk khapna a ni a, 'keimahni local requirement hi chu he tah hian tha takin a tih theih lawm ni? single Royalty in a kal tir theih mai lawm ni?' tiin kan zawt a. 'A dik alawm supreme court order hi thing kih phal loh a working plan te siam a, chu bakah mumal taka tih tur a ni', ati a zalen takin min chhuahsak ta a. Supreme court order ang a kal khan sorkar hmasa ah khan harsatna an tawk nasa em em a. Vawinah hian an tawk ta lo niin ka hria a, single royalty zelin em ni an chhuah tak? tih kha kan zawt duh a, a chhan chu thil pakhat kan sawi lawk duh chu, thingzai phur te hianin gate kaltlang hrehin zan dar 12, dar khat a thlen thlengin an nghak a, khangah khan royalty sawrkara a luh ai hian a royalty lo lam hi a tam duh mah mah zawk zawk thin a. Kha vang khan royalty tam zawkna atan khan PCCF hmasa khan a ruahman niin ka hria a. Tha takin mumal takin an kal thei ta em? tih kha kan zawt duh a ni e.

SPEAKER : Zawhbelhna Pu RL Pianmawia.

Pu R.L. PIANMAWIA : Ka zawh belhna working plan ruahmanna in siam thehluh zingah khan Darlawn division kha a tel lo tlat mai a, ka lo hriat dan khan an ruahman ve khan ka hre si a. A lam tel hmaih nge a tel lo hrim hrim? a tel lo anih pawhin tih leh dan a awm em?

SPEAKER : A chhang turin a changtu Minister zahawm tak i ko ang.

Pu H.ROHLUNA, MINISTER : Pu Speaker zawhna neitu zawhbelhna Aizawl vela permit pek hi reserved forest area pawn lamah working scheme hi keimahni state dan dinglai angin siam phalsak kan ni a. Chumi ang zulzui chuan private plantation thenkhat harvest hun tawh te mumal takin pek an awm niin ka hria a. Tin, a royalty cubic feet ang zawng emaw a royalty pek dan ka inring lova, Pu Speaker hei hi chu ka sawi mai thei lo a ni. Tin kan lak zat pawh ka sawi mai thei lo.

Tin, state pawna kan thawnchhuah hi tute nge lei thin tih hi Kawrthah Division bak hi chu tianga mumal taka permit pek theih kan nei lova, kan sawi tawh ang khan working plan approval kan neih tawh hi Kawrthah Forest Division chhung chauh a nih avangin lo pek kan tum dawn nia. Tin, a lei tute hi Teak Transporter Association te leh midang helaia interest group ho in a hetiang state pawna thawn chhuak an ni a. Chuvang chuan a leitu lam chu department lam hian kan lo hriatpui tehchiam lo a ni. Private business ang anih avangin. Tin thingzai hi forest checkgate ah te kan duty ten an lo man thin a, hei hi 6 time royalty te in kan chawi tir thin a. Zalen taka han tih dawn hian Supreme Court order hi lehlamah chuan a awm a, chu chu thlahdul ngawt theih a ni lo a. Amaherawhchu mipui in kan mamawh miao si a. Chuvang chuan tlemin inhriatthiam nain kan kal a ni tih kha he house hian min hriatpui se tih ka duh a.

Pu RL Pianmawia zawhna Darlawn Division draft working Plan thehluh zingah khan a va tel ve lo ve tih kha tunah hian kan hmabakah kan buaipui chho mek a ni.

SPEAKER : Zawhna No. 87-na zawt turin Pu K.Lalrinthanga i lo sawm ang.

Pu K.LALRINTHANGA : Pu Speaker, ka lawm e. Transport Minister zahawm tak chhan atan :-

- a) Thingtlang mite zangkhai nan Maxi-cab terminal siam tum a ni em?
- b) Project thehluh nise engzat man nge? Khawi hmunah nge?
- c) District khawpui hrang hrangah Bus Terminal siam tum a ni em? Khawiah te nge? Engzat man te nge? tih a ni e.

SPEAKER : Chhang turin sawi tawh ang khan a changtu Minister a awm lo va, a aiawhin Chief Minister zahawm tak i ko ang.

Pu LAL THANHAWLA, CHIEF MINISTER : Pu Speaker, member zahawm tak zawhna, thingtlang mite zangkhai nan Maxi-cab terminal siam tum a ni em? tih hi siam tum a ni. Project thehluh nise engzat man nge? Khawi hmunah nge? tih hi Project senso tura ruahman zat chu ₹ 1000 lakhs a ni a, a hmun tura ruahman chu Transport department ram Mel 3 piah lawkah sawn a ni. District khawpui hrang hrangah Bus Terminal siam tum a ni em? engzat man te nge? tih hi, tunah rih chuan Serchhip leh Kolasib-ah siam tum a ni a, a project cost hi 3 crore ve ve a ni a, DoNER ministry pawhin a retain tawh a. Tin, a hma khan Silchar-ah siam tum a ni bawk a. Silchar ami chu DoNER lam atanga an rawn en laiin kan Engineer-te an awm lova, tunah hian Pu Zangenga petrol pump thin hmunah khuan Mizoram Bus Terminal tha tak siam tum a ni a, tunah chuan drop rih a ni a, revive leh ka tum mek a ni.

Tin, hei ka hmuh angin Maxi-cab ho terminal awmna veng nih hi an duh vak hlawm lova. A chhan chu, ka tawng an huat suh ah, inthiarna fumfe te a lo awm lova, veng te a tawp duh a, kawng hrang hrangin khatiang khan a den thin a vangin khawpui daia dah tumna a awm a. Brigade ram chhuahsan tak te kha kan en thin a, tun thleng hian a la rem chiah lo a. Tin, sawtah Zemabawkah mimal ram lak dante pawh ngaihtuah a ni a, a la fel hlei thei lova, tunah rih hi chuan heng kan concept paper thehluh hi DPR in a zui tawh a, NLCPR atang in hei hi bawhzui mek a ni a, a hmun chu Mel 3 ah sawn a ni.

SPEAKER : Zawhna No. 88-na zawt turin Pu R.L. Pianmawia i lo sawm ang.

Pu R.L. PIANMAWIA : Pu Speaker, Ka Starred Question No.88, Animal Husbandary & Veterinary changtu Minister chhan atan : 7th Tuivawl bial chhung Zohmun khua-ah RAHC dah ve theih a ni em? tih a ni e.

SPEAKER : A chhang turin a changtu Minister Pu Nihar Kanti i lo sawm ang.

Pu NIHAR KANTI, MINISTER : Pu Speaker, member zahawm tak Pu R.L. Pianmawia zawhna chhanna chu: Animal Husbandary & Veterinary department hian hospital-5, Dispensary – 35 leh RAH Centre – 37 chu tunah hian nghaktu awm loin a ruak mek a ni. Chuvangin, tun dinhmunah chuan Zohmun khua a RAH Centre hawn belh hi a remchang rih lo a ni.

SPEAKER : Zawhbelhna, Pu R.L. Pianmawia i lo sawm ang.

Pu R.L. PIANMAWIA : Pu Speaker, kan Minister hian harsa chung chung a ngaihtuahna a hman thin dan ah te a fakawm hle mai a. Amaherawhchu, Lungei South a Mualcheng South pawh a thuin an hawng a, a thawktu tur pawh an dah thei tawh a, building chiah kha a ni mai a. A thu a hawn a athawktu dah ve phawtdan te kha a awm thei ang em? Lungei Dist. huam chhunga Mualcheng South a mi ang deuh khan tih kan zawt a. Tin, Mualcheng South pawh chu a Building sakna tur te kha a pe thei dawn em? tih kan zawh sak e.

SPEAKER : Chhang turin a changtu Minister zahawm tak i lo ko ang.

Pu NIHAR KANTI, MINISTER : Pu Speaker, zawhna neitu hian a bial hi a ngaipawimawh hle a, NLUP hi kan Department tan pawh malsawmna a ni a, ranvultute tan pawh thil tha tak a ni. Awle, kan hriat theuh tawh angin Doctor-te leh Technical Staff-te kan indaih lo nasa hle a, tun dinhmunah chuan sum harsatna avangin ala dah theih rih lohva, engpawhnise, kan sum dinhmunte a that chhoh zel chuan ka lo enpui dawn a ni.

SPEAKER : Aw le, kan zawhna hun a tawp a, kan tih tur dangah kan lo kal tawh ang a. Vawiin hian kan Minister zahawm tak Pu P.C.Zoram Sangliana chu hmun dangah tul a neih avangin Session-ah a lo kal thei lo a ni. Laying of papers hun kan lo hman ang a, Pu Liansailova Minister zahawm takin “A copy of the examiner Report of the Local Fund of Accounts of Local bodies (Village Council within CADC Champhai District and Mamit District) for the year ended 31st March,2012” hi House-ah rawn lay sela, i lo sawm ang.

Pu H.LIANSILOVA, MINISTER : Pu Speaker, he House zahawm takah hian, “A copy of the Report of the Examiner of Local Fund Accounts on the Accounts of Local Bodies (Village Council within CADC, Champhai District And Mamit District for the year ended 31st March, 2012” hi ka rawn lay e.

SPEAKER : A copy kha han sem rawh u le, Pu Nirupam Chakma Chairman on Public Undertaking in ‘Statement of Actions taken by the Government against Committee on Public Undertakings further recommendation contained in the Second Report, 2012 relating to MAMCO Ltd. For the year 1998-1999, 1999-2000’ hi House ah rawn lay sela.

Pu NIRUPAM CHAKMA : Pu Speaker, kam hnih khat chauh sawi min phal sak la, khami Report chungchangah khan. (Speaker : Awle sawi rawh) Pu Speaker, ka Statement lay tur hi 1st leh 2nd Report on Committee on Public Undertakings atanga Committee Recommendations te sawrkarin a bawhzuina a implementation Report chungchang a ni a, committee kal phungah chuan sorkar implementation report chungchangah hian further question siam a remchang tawh lova. Committee chu a lungawi chiah lova, mahse an chhanna ang ang hi House-ah rawn lay a ngai ta a, chu chu ka sawi chhuak duh a. Tichuan Pu Speaker, i phalna leh House zahawm tak remtihain ‘Statement of Action Taken by

Government against Committee on Public Undertakings further recommendation contained in the Second Report, 2012 relating to MAMCO Ltd. for the year 1998-1999, 1999-2000' hi he House zahawm takah ka lay e.

*Speech not corrected

S P E A K E R : A copy kha han sem rawh ule. Paper lay kan zo a, tunah report present-na Pu K.Lalrinthanga, Member zahawm tak, Chairman, Subject Committee- V ni bawk chuan heng

- (1) Fifth report of Subject Committee –V relating to Public Health Engineering Department (Greater Water Supply Scheme Phase –II)
- (2) Sixth Report of Subject Committee-V relating to Agriculture Department (Watershed Development Projects in Shifting Cultivation Areas and Integrated Schemes of Oilseeds, Pulses, Oil Palm and Maize)
- (3) Seventh Report of Subject Committee-V relating to Tourism Department (Tourist Lodge, Chalfilh) te hi House-ah rawn present sela

Pu K. LALRINTHANGA : Pu Speaker, i phalna leh he House zahawm tak remtihlain Subject Committee – V, Fifth Report relating to Public Health Engineering Department Aizawl(Greater Water Supply Scheme Phase –II), Sixth Report of Subject Committee-V relating to Agriculture Department (watershed Development Projects in Shifting Cultivation Areas and Integrated Schemes of Oilseeds, Pulses, Oil Palm and Maize) Seventh Report of Subject Committee-V relating to Tourism Department (Tourist Lodge, Chalfilh) te hi ka rawn present e.

S P E A K E R : A copy kha han sem rawh ule, a pathum khan han sem ula.

Pu K.LALRINTHANGA : An semlai an sem zawh hma ni bawk a, hetia a bu hi aliana kan han tihna chhan chu report ah khan chart te a awm a. Phek hlaia chhut ngaite anih avangin a hma report kan siam tawh thin bu te ang khan kan siam thei lova, a hlaia siam a ngai a chuvang a ni e.

S P E A K E R : A tha zawk daih, keini ang tan pheih chuan a ziaak a lian duh deuh a, a bu lian hi, a tha.

Tunah chuan Financial Business lamah kan kal tawh ang a. Vawiin hi Minister Demand kan lakna hmasa ber tur a ni a. Minister pathum Pu P.C.Lalthanliana, Pu Lalsawta leh Pu Lalrinliana Sailo te demand lak tur a ni a. Demand pathumte hi la kawp mai ila, kan remti em? remti maw? ti hian a pathum hi kan la kawp leh mai ang a. Kan han lam hmasak ber angin Pu P.C.Lalthanliana, Minister zahawm takin a demand No.19-na leh 29-na te hi House-ah rawn submit se.

Pu P.C.LALTHANLIANA, MINISTER : On the recommendation of the Governor of Mizoram and with your permission Sir, I move the demand No.19 and 29 for ₹ 99,57,58,000/- for meeting expenses during 2013-2014 in respect of the following

department. Demand No.19 – Local Administration Department - ₹ 67,41,47,000/-, Demand No.29 – Social Welfare Department - ₹ 32,16,11,000/- Grand Total - ₹ 99,57,58,000/- Thank you Sir.

*Speech not corrected

S P E A K E R : Pu Lalsawta, Minister zahawm takin a demand No.4-na, 12-na, 20-na leh 21 na te hi House ahrawn submit se.

Pu LALSAWTA, MINISTER : Pu Speaker, Governor of Mizoram phalna leh i remtihna a hnuai Demand No.4-na, 12-na, 20-na leh 21 na a vaia belhkhawm ₹7,05,10,40,000/- hi kum 2013-2014 chhunga hman atan karawn chhawpchuak e. Hengte hi an ni. Demand No.4-na – Law & Judicial - ₹17,38,91,000/-, Demand No.12-na Parliamentary Affairs Department - ₹52,70,000/-, Demand No.20-na School Education ₹ 5,80,07,60,000, Demand No. 21-na Higher and Technical Education ₹. 1,07,11,19,000 hi karawn chhawp chuak e.

S P E A K E R : Pu Lalrinliana'n a Demand No.24, 28, 44 terawn chhawp chuak rawh se.

Pu LALRINLIANA SAILO, MINISTER : Mr Speaker Sir, on the recommendation of the Govt. of Mizoram and with your permission sir, I move demand No.24, 28, 44 for ₹1,80,96,15,000 for meeting expenses during 2013 – 2014 in respect of the following Departments. Demand No.24 Medical & Public Health Services ₹1,67,93,36,00, Demand No.28 ₹ 8,10,04,000 and Demand No.44 Trade & Commerce ₹ 4,92,75,000 only. Thank you.

S P E A K E R : Tunah Minister te demand kan dawng ta a, kan sawi ho nghal ang a. Member te minute 10 theuh in pe ila tha kan ti mai em ?tha kan ti tlang maw. Group leader chu minute 15 nise. Pu C.Ramhluna.

Pu C.RAMHLUNA : Pu Speaker ka lawm e. Sawi hmasa a tan hi a tha ka ti a. Demand No. 44 kha a changtu Minister khan min lo ngaihthlak sak that deuh sela. Ka bial chhung Tuisentlangah khuan phar pahnih ka hmu a, tihngaihna ka hre silova, hei hi Department hian min hriat sak se ka duh khawp mai a, an hming te pawh ka pe thei ang a, anmahni pawh an zak khawp mai a, engtianga enkawl tur nge tih kha ka'n sawi duh a.

Tin, a dang lehah chuan Hruitezawl te, Hmunnuam te leh adangah te khuan Clinic Centres kha nikum khan sak a ni a, mahse tun thleng in Health Worker dah a la nilova, Chubakah chuan Chawngteluiaha te nikum khan sak a ni a, health worker an la awm lova, an indaih lo tih chu kan hria a, khawtlangin a mamawhna a nasa si a, churang chuanin heng ho hi min ngaihtuah sak thei sela ka duh khawp mai. Ka bial khu an hriseina lam khu a tha lova min ngaihtuah sak se ka ti khawp mai.

Tin, Health Care chungchang thu ah hian nikum pumpui khan ka bial ami te khuan an hmang lo ti ila ka ti sual awm love, thlalatuh khan a laptop kha a tihchhiat avangin thla kha a la leh thei tawh lova. Smart card nei lo khan an awm kum tluan thak mai a. Kuminah hian Dec. 21-ah kan la zo ang an ti a, vawiin ni thlengin an la zo lo leh nghal a. Chuvang chuan hei hi a rang lama hma min lak sak turin kan phut a ni. Tin, Bungtlang South-ah khian PHC kan nei a Dr.Richard Lalrinmawia a awm a. Ani hi Health Minister zahawm tak hriat atan ka fak duh a, a chhan chu a awm tha duh khawp mai a, an chhungkua in an awm rap mai a, dam lo a enkawl tha bawk a. Hetia han fak hian min lak chhuah sak ang tih ka hlau khawp mai a, hmun dangah in dah ang tih ka hlau a, la awm thei hram se la ka duh a. Mahse a handicap riau a, X-ray khawl pawh a nei lo va, technician pawh a nei lo a. Tin, account clerk te a nei lo va, pharmacist a nei lo bawk a. Chuvang chuan helai hi Pu Speaker, kan Health Minister zahawm tak hian in min lo hriat sak se la a tha in ka hria a ni.

Tin, demand No.44-ah khan kal ta ang ila Trade & Commerce hian Market hi hmun hrang hrangah hian an sa a. Thenkhat te phei chu Horticulture Deptt., atangin pawisa a lo kal a MAMCO-ah an pe lut a, tichuan MAMCO atang khan an sak zawh hnuah Trade & Commerce-ah an hlan ta a. Hetiang a ti lo hian arrangement dang siam theih ni se tha in ka hria a. MAMCO kal tlang kher lo hian a tul anih chuan a enkawltu Trade & Commerce hian sa ta mai se la, an enkawl tha dawn bawk si a. Chuvang chuan he mi a process hi thui lo deuh se la a tha lawm ni tih kha ka ngaihtuah a. Tin, chubakah chuan Rural Market ho hi enkawl that an ni lo tlangpui a, PAC pawh Muallungthu te, Sateekah te pawh kan va kal a, hengah te pawh hian enkawl that a ni lo hle in kan hria a. Chuvang chuan he enkawl na hna hi V/C kutah te hlan a ni chung si hian V/C te pawh hian an enkawl tha lo deuh niin a lang a. Tin, chubakah chuan site selection chungchang thuah hian eng emaw hralh tur pawh awm mang lo ni a hriatna hmunah te hian Market hi a lo awm ve leh ringawt zel a, chuvang chuan site selection chungchang thuah hian fimkhur deuh se la a tha in ka hria a.

Tin, ka bial Hruitezawl-ah khuan Rest House sak a ni a. Khu Rest House khu a sanction amount kan hre ve lo va. Nimahsela MNF hun laia Rest House an la sak a kha an tuai hnum ni mai khan ka hria a, a hranpaa building sak kha a awm lo va. An sak ve chu Choka pakhat an sa ringawt a, chu chu a ni mai a, fencing te an siam a. Hman ni khan riah ka tum a, khum pakhat mah a lo awm lo va, riah ngaihna a awm lo hrim hrim mai a. Chuvang chuan Rest House ni ve ta lem chu kan Minister zahawm tak hian khawngaih tak in saw Rest House saw min chei that sak ta sa sa chu riah theih in min siam sak thei ang em ? Tui te la in, khum te pawh dah in, saw Rest House saw a hla bawk si a, va thlen hian hmun dang a han riah na a awm bawk si lo va, mi in a riah kha a ni deuh mai a, min lo ngaihtuah sak se la a tha in ka hria a. Tin, Pu Speaker hemi compound chhungah hian mi paruk kha an lo awm thin kha a ni a Lalvana te, Niropama te, Maphu te, Lalnuntluanga te, Kiokio te, Taizaom te an ni a. Heng ho hi kan Minister zahawm tak hian a va kal lai khan ‘in sawn chhuak ulang in cheng singkhat ka pe ang che u tiin thu min tiam a’, an ti a. Nimahsela vawiin ni thleng hian khang ho kha pek an la ni ta si lo a. Hman niah pawh a hnenah hian lehkha te pawh an submit tawh nghe nghe a, mahse vawiin thleng khan la tih hlawhtlin loh niin ka hria a. Helai hi kan Minister zahawm tak hian in a tih ang khan an in sawn ta a. Chuvang chuan a thu hi min tih

hlawhtlin sak se la cheng singkhat hi min pek sak se la a tha in ka hria a. Tin, Pu Speaker, Zorinpui hi nakinah chuan kan Trade Centre lianpui tur kha a la ni a. Kan Minister zahawm tak hian helai hmun hi eng anga chei nge a tum, eng nge ni plan te an siam tawh em ? Estimate te an lo nei tawh em ? Engtin nge proposal te an lo neih tawh? tih te hi min han hrilh thei se la a tha in ka hria a, chu chu kan sawi duh a ni.

Tin, Demand No.21-ah khan thil pahnih pathum han sawi ka duh a. Phailengah khuan Higher Secondary School mahni bial ni lo mahse Phaileng West-ah khuan HSS 2001-a din kha a ni a, Congress sorkar hmasa hun lai a din kha a ni a, Gazette-ah te pawh chhuah a ni vek tawh a. He school hian Tuipuibari te, Damparengpui te, Phaileng te, Lallen te, Chhippui te, Phuldungsei te, Pukzing te kha a chawm a ni a. Anni ho hi mirethei te te te awm khawm te an ni a, MNF Ministry khan an hun tawp dawn lamah khan grant-in-aid te a lo pe ve a. Chumi hnu chuan sorkar hian kut thlakna a nei ta reng reng lo mai a. Tin, hemi sikul atanga chhuak ho hi an ti tha khawp thin a, pawl 12 pawh 100% an pass thin a. Kuminah pawh hian mi 32 lai mai kha an awm a ni a. Chung ho chu an pass a beisei awm hle mai a, he lai hi kan Minister zahawm tak khan lo hriat sak thei sela ka duh khawp mai a.

Tin, Polytechnic Lawngtlai hi vawiin thleng hian sak a la ni ta lovin ka hria a. Hengte pawh hi hma min lak sak thei ang em? tih kha ka zawt duh a. Pu Speaker hun a tlem si a, Law & Judicial-ah hian thil pahih/pathum han sawi ka duh a. Pakhat chu Lawngtlai lamah sawn Civil and Session Judge, Saiha leh Lawngtlaiah sawn kan nei ve a. Nimahsela an Case Dispose theih chin hi a tlem deuh emaw ni? Case harsa deuhah chuan Lunglei lamah sawn kal a ngai fo mai a. TA/DA-te an pe si lova. Chuvang chuanin, harsatna an tawk tam thei hlein ka hria a, Lawngtlai leh Saihate hi Lungleia Magisterial Power an neih ang chite hi an pek ve theih mai lawm maw ni le? tih kha ka ngaihtuahnaah a awm a, kha kha ka han sawi ve duh a ni.

Tin, Lok Adalat hi District hrang hrangah hian dah ve theih a ni em? hei hianin case chi hrang hrangte suggestion-te a lo siam sak ve theih dawn bawk avangin dah kim nise tih hi ka ngaihtuah a ni.

Tin, Lawngtlaiah hian Court building hi min sak sak thei em? A chhan chu DC Office-ah khian an leng lo hle a. Chuvang chuanin helaiah hian Court Building-te min sak sak theih ni sela chuan a tha dawnin ka hria a, ka ngen duh a.

Tin, Pu Speaker, “High Court Building Secretariat Complex Raj Bhavan hmunah khuan kan sawn ang,” tih kha a ni thin a. Vawiin thlengin sawnna a la awm ta si lova, khu building khu a chhe mai dawn a, chuvang chuan eng emaw tia hman tangkai dante a awm thei lawm ni? tih kha ka sawi duh a, Pu Speaker pahnih khat chauh. Department dang han kai lawk ka duh a.

Social Welfare Department hi a ni a. Social Welfare Department-ah hian MSDP kan tih hi Central Sawrkarin kan bialah Lawngtlaiah chuan Bhudhist ho ta tura ngaih a ni deuh thin a, minority hian Kristian-te a huam vek a ni si a. Bhudhist chauh ni lo hian extension-a hi a siam theih lawm ni? Tithe ka sawi duh a.

Tin, chu bakah chuan Pu Speaker pakhat chauh Housing Loan hi tunah hian tih mek niin kan hria. Tun hma kha chuan a Board-ah hian kan awm ve thin kha a ni a, Opposition MLA-te pawh kha. Mahse tunah hian kan hre ve ta reng reng lo mai a, kan biala mite pawh an lo kal thin a, mahse hei hi engmah hriatna kan nei lo tlat mai a. Pu Speaker, Opposition MLA-te pawh hi min involve tir vein a hriat ve theih lawm ni? Tin, pakhat lelah chuan Local fund transfer hi.... (SPEAKER : Khatiang zel kha a ni a, kan ti...si a) Ka zo tep e, Pu Speaker, harsatna kan tawh chu nikumah khanin 25% hi Local Body Fund atang hian District Council khan a lo cut sak zel a. "Chu chu a thiang lo a ni e," tiin Joint Director, LAD pawh khan District Council kha a hriattir chung pawh khan an la cut zel a ni a. Hei hi kuminah pawh Local Body Fund transfer leh tur kha a awm si a. Chuvang chuan 25% hi cut tawh lo hian District-ho hian fund hi a nihna ang ang hian Local Body-ah hian a transfer theih lawm ni? tih kha Pu Speaker ka han sawi duh a ni. Ka lawm e.

SPEAKER : Pu R. Lalrinawma i lo ko leh ang.

Pu R. LALRINAWMA : Pu Speaker ka lawm e. Hei Department pakua kan sawi dawn a, Department pakhat sawi nan hian minute khat ang vel kan nei tihna a ni a, a tight hle mai a, kan sawi zung zung mai ang a.

Demand No. 19 Local Administration Department hi Department pawimawh tak a ni a, khawpui pawn village kan ti a, Rural Area-ah chuan kan inngahna a ni a. Step, Retaining Wall, Thlanmualte leh khawtlang mamawh hrang hrangah a Department hian hna a thawk nasa a, tunah sum tlem te an nei chung hian tender-in singhnih man lek lek pawh tender-in an han ti a. Khawtlang tan an tangkai em em a, sum tam zawk an neih hi a tul hlein ka hria a. Tin, V/C-te enkawltu pawimawh tak an ni a, Vilage-te enkawl chungchangah hian Pu Speaker, he House-ah Minister zahawm takin assurance min pek angin rang takin assurance min tih hlawhtlin saka, hei hi he House kaltlangin lawmthu kan sawi duh a, rim takin a assurance kha bawhzui a ni a, Lungdai Village Council te leh...

SPEAKER : Kha kha chu sawi teh suh, District boundary a ni tlat. (Interruption) kha chu thu lian zawka la kal thei a ni, Khawngaih takin kha chu sawi suh.

Pu R.LALRINAWMA : Lungdai VC i hnenah anlo kal a he House ah hian thusawi phallo turin an ngen che a ni tih pawh ka hria, mahse kan zalenna a ni, Pu Speaker.

SPEAKER : Ni love, khatiang chiah khanin bialtu pakhat khan a rawn sawi thei a ni. Kolasib District ah MLA pathum an awm a, kha khan an rawn sawi thei a ni. I sawi ang chiah khan Kolasib District a MLA khan an rawn sawi thei a ni. Chu chu House a ka awih loh nachhan a ni.

Pu R.LALRINAWMA : Pu Speaker, minlo hrethiam la helai ah hi chuan House a min assure dan hi village boundary a ni a, village boundary chinfelna tur a ni a, chu chu hei assurance committee...

SPEAKER : Village boundary-ah a kal tawh lo a, District boundary a ni tawh.

Pu R.LALRINAWMA : Mahse hei LAD in an khawih veka.....

SPEAKER : LAD chu LAD a ni, government chu government a ni.

Pu R.LALRINAWMA : Pu Speaker, Assurance Committee report, 5th Report nimina kan dawnah hian.....

SPEAKER : Sawi lo mai rawh, Chair atanga sawi loh tur ka tih chuan sawi mahla kan record chuang lo ang.

Pu R.LALRINAWMA : Pu Speaker, Muthiah khian LAD hian park tha tak mai an neia, a thengthaw nuam khawp mai a, Aizawl atangin a hla lo bawk a, kan nula tlangval te han hawi thawven na tur hmun tha tak mai kan neia, khing te khi hawn thuai thuai theih nise a duhawm hle a. Amaherawhchu a tlang a thengthaw a, a nawm viau rual khian, apang a khi kham, awih deuh maite awmlai a awm a, khi khi fencing tha taka tih a tul hlein ka hria a, nula tlangval midang tello a kal phei chuan chetsual hlauhawm tak a ni, chuvangchuan fencing a pawimawh hle a, chu chu kan sawi duh a.

Tin, Demand No.29 na ah hian Social Welfare Department hi naupang atanga tar tlawmngai pawl te chi hrang hrang enkawltu, vohbik kan tih te, department pawimawh tak a ni a. Integrated Child Development Scheme (ICDS) kan tih hnuaiah Anganwadi Center building nei hi 1980 vel building tha nei niin ka lo hria a. Budget-ah hian nuai 250 awmin a lang a, Pu Speaker kan minister zahawmtakin ni 24th Nov,2009 khan Central Ministry hemi chungchanga a dawr na ah hian ka tawiawm ve a, kan bial chhung Anganwadi Centre mamawh tak tak, hei khaw thang zel, mipui pung zel an ni a, heng te hi MLA fund atang ten ka theih ang ang chu building sakna te kan pe ve a, mahse tun ah hian mamawh tam tak a awm a, Central Ministry a dawr tuma tawiawmtu kha min la hriat reng kan beisei a, kan ngen nghala ni. Integrated Child Development Protection Scheme (ICPS) hetah hian Juvenile Justice Care and Protection of Children Act 2000, Amendment Act 2006,heng te hi Social Welfare Department enkawl a ni a, hemi a kan sawi duh chu Juvenile Police te pawh hi Social Welfare atanga din tur chu a ni lo a, Home department lam tih tur ani a. Hei naupang thil ti sualte police in an han man nawk nawk te hi, Dan chuan a phalloh a ni a, chuvangchuan Juvenile Police bikte hi awm a ngai hle a.Tin, The Schedule Tribe & Other Traditional Forest Dwellers, Recognition of Forest Rights Acts 2006 hi tun Ministry hian Central Act kan adopt a ni a, Social Welfare Department hian a taka kalpuiin village level ah committee te pawh an din a, heng hi forest ram a lo awm thin te, hlauthawng reng renga awm thin te tan a thlamuan thlak hle a, he department hnathawh hi a lawmawm ka ti a ni.

Demand No.4 - Law & Judicial ah hian Pu Speaker, separation of judiciary, court rorelna sawrkar atanga lak hranna hi a taka kalpui alo ni ta a, sawrkar hmasa lamah, 'keimahni tih a ni e,' 'tun sawkar tih a nilo' tiin notification ringawt chhuahin a taka kalpuina a awm lo a, judge te pawh an transfer a khatiang ang kha a ni a. Tunah erawh chuan

a taka kalpui a ni ta a, tun hma a Administration of Justice, Court lama thawk tute chawhlui kil tham lek, hlui khat daih lek, pali panga chauh ni thin kha tunah erawhchuan District judge cadre ringawt pawh 10 an lo awm ta a, senior civil judge cadre hi 8 an ni a, civil judge cadre 15, Court lama roreltu kan tih pawh 33 lai tun sawrkar, kan House leader zahawmtak kaihhruaina leh kan Minister chaktakin hma a laknaah kan nei ta a, a pawimawh em em a, executive te kan ngaipawimawh a, legislature te, judiciary hi hlamchiahin a awm thin a, chuvang chuan 3 pillars of democracy ah hian hetiang administration of justice lama hma kan la hi lawmawm ka ti a. Tin, Law Department hi department dangte ang lovin, Directorate hrang nei an ni ve lova, an sub-ordinate office zawng zawng te Secretariat atanga Law Department atanga enkawl an ni a. Tin, Department hrang hrang meeting-ah present a ngai a, hei dan kan passed tur zawng zawng Vet te a ngai a. Chuvang chuan he House-ah pawh hian ka sawi tawh a, Law & Judicial Department-ah hian Legal Department leh Judicial hi a hrangin awm thei sela, Law lam leh Legal lam enkawl tur te, Judicial lam enkawl turte hi, heng hi State dangah pawh an tih dan a ni a, chung chu hengah hian kan sawi lang duh a.

Tin, Parliamentary Affairs-ah hian Pu Speaker, nichin lawk pawn report hrang hrang te kan han dawng a, Assembly Committee Report te, tin, House session te hi chu executive kan Sorkar hnathawk lam pawn an ngaihpawimawh viau rualin, heng Committee-a kan thawhna te, House-ah engkim tih theih a ni lova. Legislature-te executive te nena kan thawhhona kawngah hian Parliamentary Practice and Procedure tih hi Pu Speaker, Parliamentary Affairs-ah Superintendent-a ka thawh ve lai khan training kan buatsaih a, heta kan officer tam takte Delhi atirh thlak a TA/DA tam tak sen ai chuan anni a training pe tu tura kha kan ko chho zawk a, pathum/pali an lo kal a, helaiah training kan pe a. Khangte kha a hnuah hian chhonzawm a awm ta lova. Chungte pawh chu tih leh theih nise a tha hlein ka hria a. Tin, Parliamentary form of Government-ah Sorkar kalphung, kan Legislature te kalphung kan zir chhoh nanah Mock Parliament han tih ang chi, tunhma pawha ruahmanna awm, zirlaitena heng Parliament Debate ang te kha tun Sorkarah kan Minister chak tak kaihhruaina hnuaiyah tih te a lo ni ta a, a lawmawm ka ti a.

Demand No. 20-na School Education-ah hian, RMSA building tha tak mai Sihphir, Zemabawk leh Tuirial Airfield-ah min sak sak a. Heng te hi hawna hman tangkai thuai thuai kan nghakhlel hle a. Tin, school building, a bik takin Primary school building hlui tawh, chei that ngai a tam hle mai a. Hengte hi min hriatsak ka duh a. Education Department-ah hian Sihphirah exam centre min pe a tun Sorkar hian, kan lawm em em mai a. Zirlai naupang exam tur te, bus changa tlai hlau reng reng a awm thin kha, waviin niah chuan mahni in/mahni hmun atangin an exam thei ta a. Kan lawm hle a ni. Education Department-ah hian kan sawi lan leh duh chu, overseas scholarship chungchang hi, nuai 35 dah belh tih a lo lang a. Hei hi a la beitham deuh em aw ka ti a. Kan thalai te an hawi harh tawh a, information technology hmang ten engkim an hria a, tam tak hi ram pawn lamah thil zirin an kal a. Tunah hian ka hriat danin mi 80 velin an dil a, 20 vel chauh hi pek theih tur dinhmun a ding niin ka lo hria a, hengte hi tihbelh a tha mange. Ka bial chhung Zemabawk atang sawn hmeithai fa in a dil ve a, Malaysia a zir, chungte pawh chu telh theih nise ka duh hle mai a. Thenkhat hi chu Officer fate, nei deuh fate an ni a, hmeithai fa foreign-a zir ve ngar ngar te kha ngaihpawimawh nise tih House-ah hian ka'n sawi chhuak duh a ni.

Pu Speaker, Medical & Public Health Services chungchangah kan Minister zahawmtak hi lawmthu ka hrih duh a. Zemabawk North leh Sihphir Venghlunah tun term chhungin Clinic Centre min hawn sak a, a tangkai em em mai a. Tin, Falkland-ah hian hawnsak tumin hma min lak sak mek niin ka hria a, Tuirialah khuan kan mamawh hle mai bawk a, chung te chu min hriat sak se. Health Department-in hna an thawk tha a, Central atangin chanchinbu ina a pek mai ni lo, Central Sorkar-in lawmman chi hrang hrang a siam panga lai tun hnai maiah te pawh an la a ni tih kan hria a, a lawmawm ka ti a. Tin, Health sub-centre building Zemabawk a mi te saw a hlui tawh khawp mai a. Tin, a bulding a te a, mipui an tam zel si a, mamawh belhna a nasa hle a ni.

Demand No. 44-na Trade & Commerce-ah hian hmalakna a nasa a, foreign trade chungchangah Zokhawthar land custom station te, Zorinpui te, hmalakna a nasa a, lawmawm ka ti a. Tin, bazar, village market kan tih ang te hi siamthat ngai a tam hle mai a. Sihphir bazar te pawh khi a hlui tawh khawp mai a, siamthat a ngai hle a ni tih kha ka'n sawi lang duh a. Tin, Zemabawkah sawn inrinni tuk hi chuan kawng dungah bazar a ni a, bazar building min siam sak a, UD & PA hnuaiyah a awm a. Tunah AMC hnuaiyah a awm leh a, midang an luah tir a, thla khatah ₹ 6000 niin ka hria. Mipuiin bazar atan kan hmang thei lova. A kawng panna turin mimal ram cheng nuai 15 velin an in be rem a. Hei hi AMC hmalak tur nia an sawi si, an lak loh vawiin thlengin heng te pawh hi min enfel sak a bazar kan hmang tangkai hi a tul hle a. Tunah chuan kawng dungah an bazar a, inrinni tuk phei chuan Cancer Hospital panna kawng te a lo ni a. RIPAN kawng te kha motor dan vek ngai te a lo ni a, chung chu min enfel sak ka ngen duh a. Demand hrang hrag Department 9 Demand te hi ka support a, support pahin kha kha ka sawi a ni e. Pu Speaker, ka lawm e.

S P E A K E R : Pu Hmingdailova Khiangte, Lungdai V.C. ram sawi miah suh.

Pu HMINGDAILOVA KHIANGTE : Pu Sspeaker, i thu awi in ka sawi lovang. Vawiin hi Minister pathum Demand a ni a, Department a tam bawk si a, (tawng te a rang vak lova, tawng te kan hausa vak lo bawk a, thiam tawk erawh chu ka han thawh dawn nia.) A hmasa berin ka theihngihlh hmian kan House Leader zahawm tak leh Kan Health Minister te hnenah lawmthu ka sawi duh a. Kawpui Primary Health Centre ah regular M.O. tunhnai ah khan min pek avangin lawmthu ka sawi duh a ni. Pu Speaker, Demand No. 19-na. LAD hi Department hi a upa lo hle a, amaherawhchu, kan tangkai pui hle a. Mizorama V.C. zawng zawng te kha AMC a pian hma phei kha chuan min enkawl a. Tunah hian thingtlang lam te min enkawl tho a, kan hmang tangkai a. Amaherawhchu, Inter Village, Inter-Town, internal town leh Internal Village Development atana sum min pek hi a tlem ta lutuk a. Kumin phei hi chuan khaw tinah kan chang ta lova, hei hi a khawhar thlak deuh a. Pu Speaker, kan Minister zahawm tak hian min tih pun sak thei lawm ni ? tih ka zawt duh a.

Tin, chutiang bawkin Housing Loan chanchin kan lo hria a, keini te pawh quota pali lai min pe ve a, kum hmasa te kha chuan, kumin hi pahnih bak in chang lovang tih deuh dawnin ka hria a, heng te pawh hi min hriatpui leh se, a ngai awh theih se la chu, a lawmawm khawp ang tih Pu Speaker ka sawi a ni e.

Tin, Demand No. 29-na, Social Welfare hi, mi chak leh mi hrisel te chuan, Social Welfare hnathawh hi an hre vakin ka ring lova. Amaherawh chu, keini pawhin engtin tin emaw kan lo hre ve a. Mi tawmkai lo ho enkawl tu an ni a, an chhang chhe viau mai a, hna hi an lo thawk tha hle a ni. Tin, tunhnaiah kan sorkarin Peresons with Disabilities atana Commissioner te pawh an lo dah fel ta te hi a lawmawm a. Tin, tar kum 60 atanga kum 79 te pawh hi mi sing hnih (20000) zet mai thlatin ₹ 200 pein an lo enkawl a. Tin, tar kum 80 chin thlatin ₹ 500 pein mi sangli (4000) ai tam an lo enkawl mek bawk a ni.

Tin, chu bakah chhungkhata ei zawng tu ber a lo boral a, tanpuina an pek hi a pawimawh hlein ka hria a. Tunah hian tuhma a ₹ 10000 an ti kha ₹ 20000-ah an tipung tawh a, chhungkhat a ei zawng tu ber a boral chuan ₹ 20000 pein tanpuina an buatsaih mek a ni. Tin BPL pa ber a lo boralin hmeithai pawhin thlatin ₹ 300 lain enkawl na an lo pe mek a ni.

Tin, ICDS te pawh hi kan sawi seng lovang a, Mizoramah hian 27 lai a awm a, an hnuaiyah Aganwadi hi center 1980 an awm a. Naupang school kal te leh school kal hrih loh te leh hmeichhia nau pai te, widow te, rual ban lo chi hrang hrang te an enkawl a, chaw tha tak tak te'n an chawm a ni tih kha kan zavaiin lo hria ila. He Department hi kan tangkaipui hle a ni tih kha kan sawi a ni.

Tin, a dawt leh ah chuan Demand no. 20-na School Education han sawi hian sawi tur tam tak a awm a, kan Education Minister zahawm tak ngaihndan hi ngaihndan ka nei a, chu chu education industry hi he ramah hian kan din tur tih hi a ni. He ramah hian industry hi kan din lawk dawn lova, kan din theih chhun chu education industry hi a ni. Manager tur kan ngah mai a, general manager tur pawh kan nei a, raw material tur pawh kan ngah bawk si a, amaherawhchu a thawn chhuah nei tur chuan quality education a ngai a ni tih hi a chiang hle in ka hria a. Quality education kan neih theih nan a sawi belh ka duh chu Pu Speaker, kum 4/5 hmalam ah khan he ramah hian High School 30 aia tlem lo result hi Nil a ni thin a ni. Nikum khan high School 8 ah Nil ala ni fo a, hetiang a Nil a nih fo dawn hi chuan education industry, quality education hi chu kan nei lawk dawn lova. Hei hi chu kan Sorkar hotuten a kal pui dan leh a tihfel dan an hriat ka ring a. A awlsam nan 2005 – 2012 inkar kum 8 ah khan High School drop-out hi an tam em em mai a, chung chu 41983 an ni.

Tin, Higher Secondary ah pawh hian 26320 an ni. Heng drop-out te hian he ram quality education hi an tichhe hial thei ang tih a rinawm a ni, tih te kha ka'n sawi duh a. Tin, Lungdai ah nikum hmasa khan matric examination center kan Sorkar in min pe a, kan tangkai pui hle a. Tin, chubakah rual awh a na si a, Higher Secondary School Private a din phalna min pe a, nikum khan candidate 7 an awm a, an pass fai vek a, kan lawm hle a. A lawmna te pawh ropui takin an siam a, kan Education Minister zahawm tak pawn minrawn hmanpui a kan hlim hle a ni tih ka'n sawi duh a.

Tin, chu lo leh ah chuan Mid-day meal hi SSA hnuaiyah a tangkai hle mai a, committee in khaw 30 vel hi chu kan tlawh tawh a mid-day meal an nei tha

em? tiin. An nei tha tlangpui a, chanchinbuah leh Pu Speaker, i veilama mi te khan an rawn sawi nual a, 'mid-day meal hi a pawisa an hmu tha lo a an buai' tih te. Chanchinbu a ka hmuh pawh kha tuten emaw an fuihpawrh a ni awm mang e aw ka ti a. A pawisa hi chu an hmu regular lutuk lo, amaherawhchu sikul zirtirtuten an sikul pawisa emaw an veng a dawrkai hausa te hnenah emaw an lo ba a, sorkar in sanction a rawn pek leh hun ah an rul leh mai thin. An mid-day meal hi vawikhat mah a break lo in kan hria a. Khaw hnih khatah kan tlawh loh ah chuan mid-day meal hi fumfe lo deuh a tih te a awm a, chung te pawh chu committee in kan ngaihtuah a kan la tlawh hial in ka ring. Tin, Minister zahawm takin nimin khan a rawn sawi nual tawh a, education chung chang a harsatna te. Sikul 337, October 2008 a MNF Sorkar ten, ngaihtuah na nei lo nge ni an nei viau zawk kan hre lova, Finance Department remti lo chung chung a an han upgrade thawt khan nikum thleng khan he Sorkar rorel pawh hi a tibuai a ni tih kha a sawi a. Chuvang chuan Higher Secondary pawh hi hmun tam takah din duh mahse a din hleih theih loh a ni tih te a sawi kha ka'n repeat duh lawk a.

Tin, Pu Speaker, Medical & Public Health Services, Demand no. 24-na. Helai ah pawh hian sawi tur tam tak a awm, Referral Hospital sawi hi chuan kihhnawk te pawh hi alo lang ve a. Education Department sikul 337 han sawi hi chuan kihhnawk a lang a, sikul 337 up-grade avang hian hlawh la thei lo te pawh an awm a, hei hi a nilo zawngin kan opposition hotuten an sawi a, Budget atangin NLUP pawisa tur hi an pawt chhuak a chuvang chuan hlawh in la thei lova ni tiin an lo sawi thin a, awih tawh te pawh an lo awm a Pu Speaker, hei hi a dik lo, NLUP pawisa tur chu a hranpa liau liau a lokal vaibelchhe 324 point 8, leh vaibelchhe 370 a ni, kum in ah pawh 370 a han ni leh a budget atanga pawhchhuah nilo a hranpa liau liau a pawh chhuah kan budgeta dah mai a ni. Heng avang hian sorkar hnathawk Zirtirtu te leh Bank lamin buaina an nei chuanglo, tih kan sawi duh a, chuvang chuan heng kan Ministerte zahawm tak tak demand hi support thlak vek an ni e tih kan sawi ve a ni e, Pu Speaker ka lawm e.

SPEAKER : Lungdai ramri i sawiloh avangin ka lawm e, Pu B.Lalthlengliana

Pu B.LALTHLENGLIANA : Pu Speaker, LAD tawite ka sawi duh, sawi hmasa ten an sawi ang khan kum in ah Housing Loan atan nuai 400 a lo lang a, kum hmasa lam deuh ah khan in pahnih, pathum te min lo pe ve a, kan lawm khawp mai a. Tunah hi chuan in khatiang rim kha kan hrepha ta lova, nuai 400 lai sem tur a nih si chuan opposition MLA te pawh kha min lo hma ve leh thei se tih kha kan sawi lang duh a. Tunah Member zahawmtak in a sawi ang khan LAD hi keini thingtlang lam bialtu te chuan kan chhawr ber thin kha a ni a, tunah erawh chuan hei an hlep an hlep te a, village level ah hian hnathawh an nei mumal manglo a, chung avang chuan thingtlang bialtu te chuan MLA fund te hi tihpun nise kan han tih nachhante pawh kha a ni a. Hengah te pawh hian kan sorkar Finance Minister te pawh hian LAD Department hi hre thei deuh sela. Thingtlangah chuan Tuihawk luan kawr thuk tak tak, khuarkhurum, kawng mumal lo vawh kawng ang mai mai a kal na a la tam em em mai a, chung chu develop a ngai a ni tih tih kha kan sawi duh a.

Tin, Social Welfare ah hian an budget hi tunah a landan ah chuan cheng nuai 1663.63 in a thla hniam a, mahse hei hi chu plan size te hriat hnuah upgrade leh tur ah ngai ila. Social Welfare in tunah nutrition naupang hnenah an pek hi a quality a tha hle mai tih zirtirtute leh naupang kal thin ten an hria a, naupangte pawhin an ngeih viau tih an sawi a, hei hi a lawmawm ka ti a. Department dang hetiang ang zawng supply tithin te pawh hian sample an quote ang thil tha hi supply ve thei se a va tha dawn em tih kha ka rilruah a lo lang a. Tin, Tar pension an han ti kha chu a pung lam zawng a tih zel kha a tha in ka hria a. Tin, Social Welfare hi MLA ten a kan mamawh kan han lam theihna awm chhun a ni ta ber in a lang a, Sport ah hian tlem kan la hmu thei a, Industry Minister hi nikum atang khan a ngawi vang vang mai a. Thingtlangah puanthui zir eng emaw zat an awm a, Khawl neilo han pek dawn khan harsatna kan nei a, kha kha Social Welfare ah ni sela.

School Education hi kan Minister zahawmtak hmalak tum dan kha a tirah a tha a, Education Commission te dinin Committee thuchhuak expert Committee ten an han thuai chho leh a, report te pawh an pe tawh a. Khangho report te kha hmantlak a ni ta lo nge ni, a hma aiin education hi kan sawpchhe zawk emaw tih tur in a kal emaw ni aw !!! ka lo ti deuh va. Tunah pawh khan Education Department a budget hlawm lian zawng Plan leh Non Plan a mi kha hlawah a kal fai deuh vek niin a lang a. Khatiang a nih kha chuan hmasawna kawng zawh kha a har viau mai thei, chuvang chuanin kan House Leader in hlawh daih tur siam tur a a hrih an siam fuhloh avanga a daihlo ang kha ni tawh lovin, khami bak ah khan thildang tunhma a grant-in-aid leh development dang an kal pui ang khan thuam ni thei se a va tha dawn em tih ngaihtuahnaah a awm a. Tin, zirtirtu indaihloh chungchang hi a reh hlei thei lova, hei hi engtia siamthat tur nge ni ang? Tunah hian VRS hmangin mi engemawzat an pension zel a, chutihlai chuan a lak belh lam hi kan hreve hlei thei lova. Heng VRS pension hmun ruak hnawhkhah a nih dawn te leh post ruak dang hnawhkhah a nih dawn hian policy kan neih atana ka duh chu a post ruak awmna khua ami te kha duhsak ni sela qualify an awm chuan lak ngei ngei nisela a thain ka hria a. Hei zirtirtu an lak chhun Hindi Teacher te, Primary School te pawh a nianga SSA te pawh a nianga, Aizawl mite thingtlang kilkhawr ah in rawn dah a thlakhat pawh an awm peih lova transfer an bei leh a. A changtu Minister tan pawh luhai thlak tak niin ka ring. Chuvang chuan a khua post ruak awmna hmuna qualify an awm chuan chu chu dah thei ila party kan induhsak a nih pawhin khaw tinah mi leh sa duhsak tur kan nei tho. Khang kha ngaihpawimawh ni thei se kan education hi a tha mai awm mange aw ka ti a. Tlem lai deuh khan Students Union nge ni Private School leh Sorkar School comparative kha an rawn siam a, Private School a than viau lai khan academic leh infrastructure ah, Sorkar School zirna kha a tlahniam hle tih chanchinbu pakhat ah ka lo chhiar a kha khan ngaihtuahna a ti tam hle mai. Chuvang chuan education hi kan industry ropui ber nia kan chhal si chuan helaiah hian kan ngaihtuahna tam zawk kan hman a ngai lawm ni? tih kan sawilang duh a.

Tin, Middle School leh High School leh Primary School a Headteacher leh Headmaster post hnawhkhah loh nimpiniah lawkah kan Minister zahawm tak khan a sawi a, 'tih tum mek a ni' a ti a. Hei hi kan sorkar ve lai pawh khan ka lungkham thin a ni a. A ruaitu ber Headmaster a lo kal loh ni hi chuan school ah

hian kum 10 dawn lai ka lo thawk ve hman a, zirtirtu hi kan inthlahdah duh khawp mai. Chuvang chuan hei leh chen High School Headmaster nei lova school a awm chuan zirna than ngaihna a awmin ka hre lova chuvang chuan engatinge qualify thawk vek an nih si laia a Headmaster tak thawk lai atanga dah mai tur si kan ti hleithei lo lai kha ka ngaihtuahna ti tam tu a ni a. Kan Minister zahawm tak hi thil ngaihtuah peih mi a ni a, a tihdan tur a hria in ka ring. Chulai chu ngaihtuah ran nisela sorkarna a tawp hma ngei hian tih fel theih nise ava tha dawn em tih kha ka sawi hmasa duh a.

Tin, kan Minister pawn a sawi a, Member-te pawn in sawi fova, MNF sorkar laia school zathum chuang vel kan upgrade chungchang avanga education kal hleithei lo leh zirna chhe khawp deuh thawa an sawi thin hi chu ngaihpawimawh zawng a inan loh vang a niin ka hria. He education hi industry pawimawh taka kan ngai tak taka, vawiin a thalai te hi nakin a kan ram hruaitu tur ni tura kan chher duh anih si chuan engatinge hei hi thil harsa em em a in ngaih? in ti thei lo anih chuan a ti thei kan rawn thu anga kan ti mai ang, lo ngai reng ula. In ngaihpawimawh zawng chu NLUP pawh cheng vaibelchhe zathum chuang kum tin in dah thei, a tha, khatiang khan a tih theih dan hi a awmin ka hria a. Tin, District headquarters pawh sorkar a tlak dawn khan engemaw zat in han puang a, MNF sorkar lai khan infrastructure ah leh a thawktu ah a.....in kan ti thei chuti anih laia engatinge mu tan a in ngaih tlat a ti thei lova inngai hi chuan a ti thei lo reng dawn niin ka hria.

Tin, Higher & Technical Education ah hian Pu Speaker sawi duh ka nei a. Pu Nirupam a'n a rawn sawi Law College leh Kalamanager ah College deficit atanga upgrade chungchang kha an phu ka ti khawp mai. Mizoram ah hian deficit kan han tih ang chi kan han sawi theih chu khami pahnih chauh kha a ni, hlawh ah engmah danglamna a awm chuang lova, pension benefit ah chuan danglamna a awm anga, chumi anih avang chuan hemi hi chu tih sak hram ni thei sela chu sorkar tan pawh ava hmingthat thlak dawn em tiin. Ani kha MLA ani tawh lova, sawlai District Council a CEM nih tum ani bawka a a tlin zel na atan pawh khan a tha maithei a tihsak hram ula ka rawn pui a ni.

Tin, College ah hian UGC Norms kha pawm ani tawh em? Fully in nge partially in pawm anih ka hre lova engpawhnise, UGC Norms hi pawm anih chuan Principal mumal nei lova College engemawzat la awm reng hi UGC Norms ang khan tuna University in Principal tur selection a an la ang hian lak ve nisela. Doctorate Degree nei, chuti zat service chin tih niin ka hria a. Chuti anih chuan MPSC in emaw selection in ti sela, hei hi chu thil har lo tak a nia a tihfel theih in ka ring. Tin, Polytechnic hmung hrang hrangah a awm a, Lunglei Polytechnic leh Women Polytechnic te hi tun aia nasa zawk hian tih phuisui theih ni sela, hei hi professional course zirna hmun anih avangin mi tam takin heta tanga zirchhuak hian Mizoram pawnlamah hna an hmu nasa a ni tih kan hria a, hei hi tun aia tih changtlun nisela.

Medical chungchang hi kan Minister hnenah pawh vawi engemaw zat ka sawi a, ngaihtuah pawh min ngaihtuah a, doctor hrisello tak mai min rawn dah sak a, a thi hlahu mai lehngal a, chutichuan nei lovin kan awm a, Sesih leh Bungzung leh Farkawn ah tun thleng hian kan nei lova kan bial a kil si a, dam mawh hritlanah a buaithlak khawp mai. Khawbung chauh khi tunah chuan kan rin a ni ta a. Chuvang chuan, hei hi min ngaih pawimawh sak hram thei sela, tin, a building chungchang pawh hi ngaih pawimawh kan duh tawh khawp mai. Tunah hian PHC sakna tur hmunnga velah a awm ni awm tak a ni, kan bial Farkawn, Bungzung, Sesih, engemaw ber tal hi chu min rawn tihsak sela.

Tin, ka hriatthiamloh Sub-Centre sakna tur engemaw zat ka bial chhungah a awm a khaw 4/5 a mi chu min pawhchhuah sak leh a, henge hi enge ni a chhan? Ruahmanna siam ni si a lo chhuah tak hnu a pawhkir leh lai hi kan Minister zahawm tak hian min hrilhfiah se.(S P E A K E R : Tih tawp tum tawh rawh aw) Dental chungchang hi kan sawi leh lawk Pu Speaker. Dental Doctor ho hi Medical leh Ayush Doctor te anga ngaih pawimawh theih nisela, an hlawh a pung theilo te 25% kumtina a ngheta dah dan hi, state dang ten kumtin an tih chhoh mek ni a langah hian Mizorama Dental Doctor tepawh hi ngaih pawimawh ve ni thei sela a va tha em tih kha kan ngaihtuah a. Tin, Ayush Doctor hi Pu Speaker, Lunglei te Kolasib te hmun hrang hrang kan han tlawhkual a, Doctor fel tak tak kan nei amaherawhchu, thawhna tur hmun leh staff an indaih lova hei hi ngaih pawimawh ni thei se a va tha dawn em aw, tih ka ngaihtuahnaah a awm baw k a.

Tin, Referral Hospital kan sawi fova, a lawmawm a. Amaherawhchu, kuminah work scheduled te kan en a, hmun hrang hrang atangin kan zawng a, Referral Hospital develop-na tur sum pakhatmah ka hmu si lova, chulaiah chuan engtia kal zel nge kan tum aw ? Tin, Medical College pawh hi engatinge Assam ramah mai pawh hmun engemaw zat a awlsam te te a an din theih laia Mizoram-ah Medical College din te a harsa viau em ni ? Heng tepawh hi chak zawka hmalak ni thei sela ava tha dawn em tih kha Pu Speaker, ka hun a tawp tawh si a khalai kha khamlo takin kan titawp mai ang e, ka lawm e.

*Speech not corrected

S P E A K E R : Minute 2 i ei belh tawh ania, tunah Pu T.T. Zothansanga.

Pu T.T. ZOTHANSANGA : Pu Speaker, ka lawm e. A hmasa berin Education lam kha kan sawi hmasa duh a. Highter & Technical Education ah khan Central service lamah te mi tam tak tunhmain kan tling thin a thalai ten kan hruaitute kan umpha ta lo. Chuvang chuan Central Service hrang hrangah hian kan tlem ta khawp mai a, hei vang hian kan in encourage deuh a ngai a ni tiin incentive cash award UPSC exam a tling te hnenah te kan in pe a, chutih rual in UPSC level ah mi tam tak tlin theih a ni si lova Miozoram level ah MCS te leh thil dang dangah Incentive cash award hi pek ve nisela ti a ruahman na awm kha eng ang thleng nge kan kal tawh tih kha kan Minister zahawm tak khan min lo chhinchhiah sak sela ka duh a, ruahmanna kha awmin ka hria a, khang kha Cabinet te

khan min lo clear tawh em, tunah hian lekhathiam hna hmu lo kan tam kan ti a Centralah leh Mizoram ah hna tam tak a awm a, huaisenna nei lem lo te tana thil han tih ve theihna tur kawng zau tak hawn kha thain ka hria.

Kan Scholarship 2010 a board hran a kan ti hi tha khawpin ka hria, chubakah an pawisa dawn thin te kan ti pung a Secondary zirlai in 2900 atanga 5000 an la ta te Graduate pangngai 5750 atanga 8900 te, Post Graduate in 9600 atanga 13500, Technical zirlai 14000 atanga 27000 an han la ta te hian kan Minister chak zia a pho lang khawpin ka hria. Zirlai kan lo ni tawh thin Shillong ah kan zir a Mizoramah harsa takin kan in tir a, harsatna chi hrang hrang zirlaiten an lo tawh thin kha tunah Board ah mi tha tak tak kan neih avangin an clear ta duak mai leh an sang chho awk awk te hi nakin lawka kan ram hruaitu la ni thei kan zirlaite tan hian a lawmawm zualin ka hria hei hi lawmawm ka tiin fak phuin ka hria a.

Tin Pu Speaker CSS hnuaiah Scheme thar Pre Matric Scholarship Tribal tan an awm leh te hi a lawmawm ka ti a. Hei hi tun hmain a la awm ngai lova, hei LAD leh UD & PA hnuaiah hian hmunphiat tam tak kan nei a, heng hmunphiat fa ten Scholarship an lak theihna tur bik Scheme thar te a rawn chhuak leh mek a, ka hriat sual loh chuan heta tan hian nuai 70 vel RBI ah credit mek niin ka hria, hei pawh hian kan minister chakzia a ti langin ka hria. Kan mamawhna zawna thil kan va hrilh a a duh anga thil a lo tih theih mai lohna ah hian kan Minister pawh hi kan ti kan ti, mahse a chakna lamah hi chuan a chak a ni. Hetiang a pawl 9/10 ten Scholarship an han la thei tur te hi a lawmawm a ni. Chubakah khawvel hi a lo zim ta khawp a Sap ramah lehkha zir te kan duh a chutiang tan chuan IELTS/TOFFEL (Language lam) Kolkata-ah khuan test na a lo awm thin a, tahchuan ₹ 30000 vel sen a ngai thin a ni. Mahse vanneihthlak takin Scholaship Board a kan hotute hmalakna avangin Aizawlah British Council Kolkata te nen in be remin Aizawlah Rs 9000 sengin test theihna a lo awm zel a ni. Hei hi a lawmawmin Sorkar level atang pawha hma lak zel tha in ka hria, hmun danga lehkha zir duh tan hrim hrim a tha a ni. Tin, hmun danga lehkha zir duh tan a tha a ni. Scholarship Board a hrana siam chhoh takah hian Board Secretary ten an approved loh chu hmun dangah pawh kal se Visa pek hi a harsa tawh a ni. Chuvangin tuntumah hian in sawi loh lam anih avangin Scholarship lam hotute kan thlur deuh a ni.

Tin, rilrua awm reng fo thin Educational Loan zirlaite tana tih theih dan tur ruahmanna awm kha eng ang chiahin nge hotute hi Bank nen a in tie- up na kan nei thei tawh em? nei tha tawh ni ila engzatin nge hetiang hmanga Loan lo la tawh tih kha hriat a chak awm a an lo la la lo anih pawhin hei hi chu a tha a ni zirlaiten Bank a Loan an lak theihna an zirna hmunah mumal taka harsa ten kan zir ve theihna kawng khatieng kan sawi kuak kha a tha-in ka hria a. Khalai kha ka'n ngai pawimawh bawk a.

Tin, Research Scholar ho zingah tunhma-in ka awm tam a. Sum hi an mamawh hnem khawp mai a. Research Fellowship ho in an sum lak 6.5 lakhs Fund hi a tlem angreng hle-in ka hria a. Zir sang zel tur hi kan ngah lo deuh nge ni. Helamah hian hma kan lak hnem tha ka ti a. NET te kan han ti a SLET-te kan han ti a, khatieng bakah khan Post Doctoral han tih chhoh zelna tur kawng zau tak keimahni'n kan hawn theihna tur hian kan

Education Department hian Higher & Technical through hian an ti thei niin kan hria a. Chuvang chuan, helaia kan Research Fellowship ten, kan lekhathiam rual Zoram kaihruiatu turte, khalh ngiltu tur ten zau taka lehkhia zirna kawngka an neih theihna tura hunk an pek kha a tha in ka hria a. Chu chu ka'n sawi tel duh a.

Tin, Champhaiah kan Sorkar duhsakna-in College kan sa deuh mup mup mai a. 9.51 crore in tunah khian a chanve aia tam kan sa tawh a. Hei hi min hriatpui ka'n duh bawk a. Tin, chutihrualin +2 hi Champhaiah khian pakhat chiah kan nei a. Khi khian College khi a feed a. Zirlai 700 chuang kan nei a. Hei hi kan hotute khan min lo hriatsak thei sela. College pakhat feed tura +2 pakhat chauh ang te kha chu a dik thei lova. Chuvang chuan, khalai kha min lo hriatpui ka duh bawk a ni.

Tin, Health & Family Welfare chungchangah khan NRHM hnuaiyah 2009 hnu-ah Specialist – 18, MO – 45, Dental – 35, Ayush – 20, Doctor 100 chuang vel zet mai kan nei a. Ka Bial chhunga Rabung PHC ah tun term chhunga Doctor pakhatmah an hmel leh an ke hniak rah vawikhat pawh kan hmu lo khi chu a na kan ti ve khawp mai. Khilai te khi chu kan hotupa hian min lo chhinchhiah sela. Nurse pakhat chauh a awm a. Chu chu a thiam em kher a, kan lawm a. Kum 15 chuang a thawk tawh a. Khi khi dah nghet pawh kan dah nghet hleithei si lova. Khi tal khi chu han nghet se a tha tur kan ti a. Khilayah khian kan mamawh tak zet zet a ni tih kha ka'n sawi duh a. Tin, chubakah Vapar-ah Health Worker mipa chauh an awm a. Hmeichhia kan nei lova, nau an neih dawnin a buaithlak khawp mai. Thingtlang kilkhawr-ah chuan hmeichhia in nau an neih dawnin mipa chhar hi an lo ti mang lova. Chuvangin, Vapar-ah khian Health Worker kha min pe hram hram turin kan han beisei a. Chutih rualin kal harsatna hmun Selam-ah hmeichhia Health Worker kan nei lo leh bawk a. Khing khi min lo hriatsak kan duh a. Chubakah Hnahlhana kan Hospital, CHC ah khian Doctor 1 leh Nurse 3 chauh an awm a. An indaih lo lutuk a. Khinglai vel a chhehvel zawng zawng mai, khaw 10 leh khimi Burma lam ho zawng zawng khi an lo kal mai bawk si a. Doctor 1 leh Nurse 3 chauh an awm si a, an indaih lo lutuk a, lal hmei angin an phe zak zak mai a ni. Chuvangin, min pek belh hram hram kan duh a ni. Lungphun lian-a Health Clinic Centre min pek tur kha chu kan hre reng bawk a ni.

Tin, Pu Speaker, LAD chungchangah khan tunlai ka ngaimawh chu, khawtlang hian mike te hi kan nei tha tawh lutuk a. Noise pollution lam hi engtinngge kan ngaihtuah ang aw ! Tuikhuahtlangah an han tlangau ul ul a, Khatla-ah an han tlangau leh a, Mission Veng ah an au leh a. A bengchheng em em mai a ni. Veng dang pawh anih ka ring. Helai noise pollution control dan hi LAD lam atangin nge ni ang a, noise pollution lam atangin, kan ngaihtuahnaah khan lo awm se ka duh a. Chutih rualin Champhai LAD quarter sak tura ruahmanna hman a awm tawh ni a kan hriat kha engnge a dinhmun kha min han hrih thei turah ka'n ngai a.

Tin, chubakah NLUP-ah Vety thlang kan ni a. Khawchhakah khian ran huang lamah hian eng anginngge ruahmanna fel zawk in rawn nei thei em ? khawchhak lamah khian harsatna kan tawh a ni tih kha ka'n sawi tel duh a.

Pu Speaker, a tawp berah chuan Law & Judicial chungchangah Lungleiah leh Champhaiah te hmun hrang hrangah Judicial building te sa turin sum te a lo kal a. A hmun hi tihfel a la ni lova. Champhaiah te khian eng hmun nge kan tihfel ? Lunglei ami pawh saw a fel tawha ka ngaih, ka va fang vek tawh a ni a. A la fel lo niin ka hria a. Khatiangte pawh kha kan Minister zahawmtak hian min react thei se ka'n duh a. Sawi tur a tam a. Ka han sawi zawng zawng te bakah khan Demand ka han sawi loh te nen khan lawm takin ka rawn support e.

S P E A K E R : Pu V.L. Robiaka i lo ko ang.

Pu LALROBIAKA : Pu Speaker, ka lawm e. Ka hma-a hun han hmangtu khan a sawi rang thei a, Kei chu ka sawi rang ve thei dawn lova. Hun kha min pek belh turin ka'n ngen hmasa duh che a. Vawiinah hian kan Demand hrang hrangte LAD-te, Social Welfare te leh a dang kan han sawi chhoh tur te hi kan sawi chho mek a ni a. A lawmawm khawpin ka hria a. Tin, kan pawisa hman tur leh kan demand te pawh hi a reasonable hle niin ka hmu a. Nikum lam te han thlirin thenkhatah hi chuan a pung nual a. Chutihrual chuan a tlangpui thuin a ngai ang deuh a nihna pawh a awm a. Engpawhnise a lo kal leh zel tur te nena hisap leh ngaihtuahna atanga hetiang kan nei thei hi a lawmawm hlein ka hria a. A hmasa berin Local Administration Department hi vawiin niah hian nasa takin phel tetin a awm chung hian an tihtur dik tak leh an tihtur a bik takin village council bial neitute, thingtlang bial viltute leh hetia enkawltute tan chuan an pawimawh zia hi sawiin a siak lo a ni tih kha ka'n sawi duh a. LAD hian kan khua, kan veng min tichangkangin kan hawiher leh kan administration zawng zawng hi min kenkawh sak a. Chutihrual chuan kan VC te khawtinah an fakawm hlein ka hria a. Amarawhchu, an duty te a san viau rual leh a pawimawh viau rual erawh chuan an lawmman, an remuneration hi a beitham em em mai a. Entirnan, Pu Speaker, keini bial angah chuan Mamit, kan district headquarter a ni a. Meeting an han kova, Darlung atangin emaw, Bawngthah atangin emaw, South Sabual atangte chuan motor an nei mai si lova kan VC ten. Tiang khan Aizawl an rawn thleng phawt a. Aizawl atangin a hranpain Sumo in an han kal leh a. An khawngaihthlak khawp mai. Heng ngaihtuah hian an hlawhin a daihlo nasa a, an kal man ringawt pawh hi. Chutiang chu an dinhmun a ni. Chuvang chuan kan VC te hi tih changtlun a, an lawmman te pawh hi tihsan dan a awm lo'm ni? tih kha kan Minister zahawm tak khan min lo ngaihtuah sak se ka duh a. Chutihrual chuan Housing loan chungchangte pawh kha kan hmu a, a lawmawmin ka hria a. Chutihrual chuan in leh lo nei thei lo, tunlaih thil man a to a, kan thil man to te avangin harsatna tam tak, hemi kan lak chung pawh hian tam takin kan la nei fo a ni. Amarawhchu, sorkar thatna te, LAD thatna te avangin tiang kan nei thei hi a lawmawm ka ti a. Chutih rual chuan kan Opposition lam khan an han sawi nawi deuhna in vawiin a kan sorkar hi sorkar huapzo a ni a. Tunhmaa kan MLA hmasa te chuan an sawi thin a. Term hmasa maiah pawh khan LAD a ni emaw, Silpauline sem thlengin min pe ve ngai reng reng lo an ti a ni. Chutichung chuan vawiinah chuan engkim hmaih hauh lovin kan Minister ten an huam zel a. An fakawm ka ti a, hei hi a Pathian thu tih kha ka'n sawi duh a ni.

Tichuan Demand No. 29 na, Social Welfare-ah khan sawi tur a tam khawp mai a. Social Welfare hi mirethei tan leh a nazawng kan ti dawn nge ni? Hlain a sawi ang deuhin

a pui a pang te u, tih ang deuh khan engkim mai hi an khawih mai niin a lang a. Putar, Pitar, mi rai lai atangin upa (oldage) thlengin an khawih vek mai a, Chutah chuan Day Care Centre, Pre-school atangin De-addiction te, hetah, nichina kan sawi tak ang khan hmeithai lo ni ta, an pasal tena an thihsan te thlengin a'n chhawmdawl chho va. Tin, chumai ni lovin vawiinah lawmawm em em kan tih chu Women's Commission te kan han nei a. Hengte hian nasa zawkin hma an la turah ngai ila. Tin, destitute children lakkhawm te, tin, Juvenile Justice Act tha tak kan han kalpui chho te, a lawmawm hlein ka hria a. Vawiinah hian lehlamah a ministry ang hian chak lo leh chhangchhe deuh angin lang mah se, khawtinah upa pension te an han la a, an lawm ve em em a. Tin, tunhnaiah hian lak mai tur a awm em? tih min zawt te pawh an awm a ni. Chungte pawh chu kan Minister hian min hrilh se ka duh a. Tin, ramtuileilo te bengngawngte thlengin vawiinah hian an chhawmdawl chho a, a lawmawm ka ti a. Chutihruah chuan vaibelchhe 32 nuai 16 singkhat sangkhat an han nei hi ka lawmpuia, an duhthusam chu a ni hauh lovang tih ka ring a, amaherawhchu thil dang lo la kal tur a awm tih kha kan hria a. A bik takin keini Mamit District kan Dy.Speaker zahawmtak khan han sawi se a sawi thiam zawkin ka ring a, keini district hi Lawngtlai district te nen MSDP te kan han nei a an ni kaltlangin, tha takin harsatna neuh neuhte nei mahila vawiinah chuan kan minority te chhawmdawl na tur atan leh an sikul tha zawka kan siam sak theihna tur te an ei leh in tha zawk leh tui thianghlim an in ve theihna tur atan pawh an ni department hian min huam zel a. Heng avangte hian an ni department chungah hian lawmthu kan sawi duh a ni Pu Speaker sawi tur a tam si ka speed a tha mang si lova.

Pathumnaah chuan kan sawi duh chu School Education hei kan member zahawmtak te khan an sawi tawh a, SSA chungchangah te tin, mid-day meal chungchangahte hmun hrang hrangah khaw hrang hrang ka tlawh a, ka rilru a awm leh vawiinah han sawilan ka duh chu tunhma British hunlaia an zirtirtute British pum chhuak an tih thin zirtirtu kan neih lai kha chuan sikul a tha em em a, vawiinah hian government sikul hi engvanga tha ta lo nge tih lai hi han sawilan ka duh chu a ni. A pawimawh ber chu vawiinah hian inspection staff pakhatmah kan nei lova sikul endik a awm ngai tawh lova, zirtirtu tha lo deuh leh eng emaw harsatna siam deuh pawh a khua a miten han hek emaw an chungchang han sawi an hreh bawk si a, tiang chuan an kal mai mai thin a ni. Chuvangin hetilai pawh hi nguntaka en a ngaiin ka hria. Tunhma chuan inspection staff sikul ah te sikul Inspector a lo kal dawn an tih chuan kan hlau em em a, naupangin chawimawina hla hial an lo phuhsak thin a ni. Khatiangte kha anih laiin vawiinah chuan a awm ta lova. Engpawhnise kha kha thil tih theih a nih chuan zirna lamah pawh hma kan sawn phah sawt ka ring a ni.

Tin, (SPEAKER : Minute 2 i la nei aw) UPS hna lak chung changahte SSA ten nasatakin kan ram min ti hmasawn a; tin, mid-day meal chungchangte pawh a tha khawp a. Tin, a biktaka kan sawilan duh chu ka bial Silsuri ah khuan UPS ruak a awm a chutah chuan anmahni khua ngei proposal ka siam a, amaherawhchu khawi atangin nge ni hmeichhe pakhat appoint a ni, he hmeichhe pakhat hi Silsuri ah a awm dawn lo reng reng, Chakma tawng a thiam lova ei leh in helaia kan ei ang a awm lova engtinmah a awm dawn lo, helai hi kan Minister-in min lo hriat sak se ka duh a, a khuaa awm, a khuaa thawk thei qualified an awm chuan kan dahmai tur a ni tih kha kan thu nawn kha a ni fo a, a la ni turah ka ngai a, chu chu min hriatsak se amah pawh ka hria amaherawhchu vawiinah hian ka sawi lo ang a.

Higher and Technical Education ah hian vaibelchhe 1,07,11,19,000 lai mai an nei a. Kan sawilan duh chu overseas scholarship nichinah khan member zahawmtak khan a sawi tawh a khati zozai han awm thei kha a lawmawm ka ti a, vawiinah hian kan thlen phak te kan rah phak te a zau tawh a, nasa zawka kha kha promote zel leh tihchantlun zel kha a pawimawh hle a ni tih ka sawi duh a.

Tin, kan member zahawmtak Pu Ramhluna khan West Phaileng Higher Secondary chungchang a rawn sawi a, thahnem min ngaihpuoi a, a lawmawm ka ti khawp mai, chutihruai chuan vawiinah hian kan bialah hian Higher Secondary pakhatmah kan nei lova. Chutih rualin bial azawnga bial rethei ber bial kan nih ka ring. Chutiang chu Aizawlah tam tak an kal theih loh avangin drop-out tam tak an awm a ni. Chutiang te chu kan Minister zahawm tak nen hian vawi tam tak kan sawidun tawh a. A tih theih hun atan, a hmasa berah kan ti dawn nia tiin thu min tiam tawh a, a lawmawm ka ti a. Chutihruai chuan rang thei ang bera min ngaihtuah sak a, hemi bikah hian hma min laksak turin kan request duh a ni. Pu Speaker, tawite in.

Medical and Public Health ah hian ₹167,93,36,000/- lai a awm a. Kan sawi hmasak ber duh chu nikum kumtawpah khan bial fangin kan kal a. Chuta Ṭuahzawl khua leh Saithah khua an VC tena sub-centre an duh zia min hrilh dan hi a inang chiah mai a. Mak ve angreng deuh chu, 'kan khua in sub-centre kan nei si lova, khawdanga kan nupui te an va inphelh sek reng mai hi kan duh tawh lo a ni,' an ti a ni Pu Speaker. Chuvang chuan, kan Minister zahawm tak hian abik takin Saithah leh Ṭuahzawl bikah hian kalna tur a hla si a. Chutihrualin, hrisei lohna i hria a, khawthlang lamah i awm tawh a, i hria a Malaria te thil chi hrang hrang natna eitur tha lo nen chutiang chu a tam avangin khawngaih taka sub-centre ang zawnga kan dah thei lo anih pawhin clinic centre ang tala min dahsak turin kan ngen duh che a ni.

Tin, Trade & Commerce ah khan Myanmar border chungchang te, Indo-Bangladesh border trade ang chi te, vawiinah hian kan sorkar in nasa taka a kalpuina te, tin, Kaladan Multi-modal transport project 60% lai maia kawng zawh tawh ang chi te, chutiang han hriat chu a nuam ka ti a. Tun mai ni lovin kan tu leh fa ten nasa zawk a sumdawna (SPEAKER : duh tawk tawh rawh, duh tawk tawh rawh) tawi tein kan lo zo ang e aw, Pu Speaker, a laklawh khawp mai. (SPEAKER : A laklawh zel dawn a ni, thupui danga i kai zel kha chuan) kai tawh lovang, helai hi kan conclude vek ang e. Kaladan Multi-modal transport project chak taka kan Central hotute Look East Policy kal chho zela kan han ti chho te, hetiang han hmuh hian a lawmawm ka ti a. Kan tu leh fa te tan nasa zawka sumdawna te khawvel zau zawk an hmuhna tur leh nasa zawka kan intodelhna tur atan kan ram tan a pawimawh dawn hle a ni tih hi a Chiang a. Heng avangte hian a lawmawm ka ti a, Trade & Commerce in ₹ 4,92,75,000/- an han nei hi ka lawmpui a. Heng zawng zawng tuna kan sawi leh kan sawi hman tak loh, Law & Judicial te, tin, Parliamentary Affairs te leh Labour Employment te, kan demand zawng zawng hi ka rawn support a ni tih kha kan sawi a ni e. Ka lawm e.

S P E A K E R : Le, minute 3 i ei chuang a, tunah chuan kan chawl rih ang a, dar 2-ah kan thut zawm leh dawn nia.

2:00:PM

DEPUTY SPEAKER : Kan demand sawi kan chhunzawm leh ang a, chawhma lamah khan mi 6-in in sawi tawh a. Pu R.L.Pianmawia.

Pu R.L.PIANMAWIA: Pu Deputy Speaker ka lawm e. Demand No. 20-naah hian kan tan ang a, zirtirtu hlawh an daih theih takah hian ka lawmpui a, zirtirtu indaihlohna chungchangah mamawh tam ber pawh kan nih ka ring a, theihtawp min chhuahsak tawh a, a lawmawm rualin hmabak tam tak kan la nei a. Hemi hnawhkhah chungchangah hian ka bial a pilril deuh Mauchar leh Zokhawthiangte khi appointment hmuh nan an rawn hmang reng mai a. Hei hi a khaw neitu ngei min dah sak theih ka duh a, Hindi teacher pawh pahnih theuh dahna awm chi-ah chuan min dah sak a. Mahse tunah chuan awmlohna te a awm tawh a, pakhat chauh awmna te a awm a. Kan hriat lohvin a ruk a ralin an lo sawn chhuak leh mai thin a. Ka lawmthu te ka lo au ka lo aupui laia thil lo thleng duhawm loh tak mai anih avangin bialtu te rawn lo chuan bial chhunga zirtirtu te hi dah chhuah tawh loh nise tih ka sawi duh a. Tin, zirtirtu lak dawnah hian a khaw neitu in mark 10 hi a tlem lutuk ka ti a, a chhan chu thiamna lamah khawpuia tha taka lo zir chhuak te hi el pha tur chuan mark 10 dah ringawt hian a ti nung pha lova. Chuvang chuan mark 20 a khaw neitute tana dah dan hi awm a tha hle in ka hria a. Chumi a nih loh chuan thiamna zawnga tih khan harsatna kan nei a, kan bial chhung mi an tling thei silova. Hmun dang ami mithiam te an rawn dah a, reiloteah kan hriat loh hlanin an transfer leh a. Chutiang reng renga sawisaka kan awm hi zirna siamthatna tur atan hian a tha ber lovang tih ka ring a. Thildangah chuan Scholarship atana sum an dah tam tha ka ti a.

Demand No.24 na, Health department atang hian ka bial chengker tak tak te chhawmdawlina tur kawng hrang hrangin duhsakna kan dawng tawh a. Chutih rualin hmabak min ngaihtuah sak tur health care-ah pawh min duhsak a, ka bialah hma an la hmasa ber a ka lawm a. Mahse chutihruala a khua tawp tawp hmaih an awm, a mak ka ti a. North Khawdungsei, Upper Sakawrdai leh Zokhawthiang te health care scheme tih thar leh ah khan an hmaih tawp mai a ni. A khua tawp tawpa hmaih theih hi chu mawhphurtu an awm ka ring a, action lak nise ka duh a ni. Mi harsa tana chhawmdawlina tha tak mai sorkar policy in a thlen phak loh an ni hi a paw ka ti, a min en zui sak thei se tha ka ti a ni.

Health Department hmalakna ah X-Ray khawl hmun hrang hrangah pek kan ni a, ka hriat sual loh chuan khawl hi a chhe leh vek tawh a, paw ka ti hle a ni. Sum tam takin kan lei a hman tlak leh siloh hi tunhnuah chuan fimkhur hle a tha in ka hria a ni. Ayush damdawi in te a thawm kan hria a, a tha kan ti a, kan lo awt hle a. Amaherawh chu damdawi in awm that na sa changkang tawh deuhah te function ropui tak tak kan han ti mai hi keini ang tan chuan chilput in kan lo en liam a ni ringawt mai a. Chuvang chuan dandawi in han dah mai theih lohna hmun khing hmar tawp Zohmun khuaah te khian

Ayush dandawi in te hi min dah sak theih dan awm sela a tha in ka hria a. Damdawi a thlawn a ni bawk si a, a thlawna dawng tur chu mi harsa te kha an ni bawk si a. Chuvangin kan ban phakin Ayush hmalakna hi min kalpui se hma min lak sak se tih kha ka sawi duh a. Tin, lawmthu sawina, Clinic Centre hi Sunhluchhip leh Pehlawn-ah min dah sak tawh a. Amaherawhchu, neih lohna khua kan la ngah riau mai a Chhanchhuahna khawpui kan tih te, Lungsum te, Damdiai te, Khawpuar te, Zokhawthiang, Upper Sakawrdai leh North Khawdungsei te an la awm a. Heng hi tun Ministry chhung ngei hian kan sorkar hian min dah sak se. Tin, Darlawn-ah PHC kan nei ve a, hei hi kan sorkar hmasaka kan Finance Minister Pu J.Lalsangzuala hun laia pawisa bang nawi min zawn khawm sak a kan sak kha a ni a, hmanraw hlui pawh 25% hman tel tur tih a ni a. Ruahmanna hmasaah pawh khan a sakna tur pawh a awm niin a lang a, amaherawhchu min kal kan rei ta riau mai a, tun tum pawisa chhuak leh hmasa berah hian kan Minister pawh hian sak turah min telh sak ngei se tih ka sawi duh a. Tin, Sub-centre building chungchangah hian, chhim lampang te an hma deuh a, tunah chuan hmar lampangah rawn sawn phei theih tawh turah ka ngai a, ka dil duh a. Thingsat-ah khian building tlu lek lek tawh a awm a. Chuvangin kan mamawhna min pawm sak se, tuna sak thar leh tur ruahmanah hian min telh sak hram se tih ka'n sawi duh a. Tin, lawmthu sawina bawk, Free Clinic chungchangah bial rethei leh chhangchhia kan nih avangin Health Department chuan Free Clinic-ah an duh sak ber bial ka nih ka ring a, ka lawm a, lawmthu pawh ka sawi a. An duh sakna hi tunah tawp mai lo in hun lo kal zel turah pawh min la duhsak zel turin ka rawn ngen duh bawk a. Tin, Medical College leh thil dang ropui tak tak te kan sawi mek lai hian hei pawh hi kan ngaihtuah chang lo a ni tun kan dinhmunah hian.

Tin, Darlawn Dawmdawi inah Doctor pakhat kan nei ve a, an chungkua harsatna bik thil avangin kei hi min thlak sak ula, Ani hi Aizawl-ah dah ila midang min dah chhoh sak rawh u ti a ka ngenna vawiin thlengin chhan in a la awm lo va. Chuvangin vawiinah pawh sitting demonstration neih a ni a, a hrehawm ka ti hle. Chuvang chuan hei hi a pawh ka tiin tiang ang tih ngai lo va tih theih tura ngaih a ni a. Keima phak tawkah chuan ka bawhzui hle in ka hria a, file awmna tak ngial pawh kan chhui chhuak zo tawh lo a ni. Chuvangin a hrehawm ka ti a, tunah hian hemi chungchanga ka tawrh nat zia lantir nan ngawi reng in rei lo te kan ding ang e.

Awle, kha kha Health Deptt., lamah nisela. Demand No.28-na Labour & Employment hi keini thingtlang mi te tana tangkaina vak nei lo a kan ngaih thin kha, a tangkaizia kan hmuchhuak thar ve a. Chuvang chuan kan ngenna tlawm tak pawh min tihlawhtlin sak in kan bial chung Darlawn leh Sakawrdaiyah te officer kal in Registration min rawn tih sak tawh a, an chungah kan lawm em em a. Tin, tunah inhlawhfa te tana hamthatna tur ruahmanna tha deuh mai an nei a, pawisa pawh tam tak an nei a. Heng hman tangkai tur hian an mi duhsakna tihlawhtling turin Registration kan ti mek a. Chuvang chuan tihlawhtlin anih theih chuan kan chhawr leh zual dawn a, kan lawm hle a ni. LAD lamah kan kai leh lawk ang a, LAD lamah hian ruahmanna hrang hrang a tam mai a, hma lak theihna tam tak an nei a. Amaherawhchu, khawpuitenan chhawr tur bik a tam riau mai a. Thingtlangin kan neih theih chhun chu step siam leh culvert siam te hi a ni a. Hemi atan hian pawisa tam zawk ruahman ni thei se, a thain ka hria. Ka lawm e.

DEPUTY SPEAKER : A dangdai ve hrim hrim alawm sawi huna ngawi renga dinte pawh hi, kan indaih viau e. Pu Lalrinmawia Ralte kha nichinah a phar lawk tawh a, i ko phawt ang aw.

Pu LALRINMAWIA RALTE : Pu DeputySpeaker ka lawm e. Minister zahawm tak tak pathumte Demand a ni a. Department pawh a tam a, sawi vek sen a ni lo vang a. Hei nimin lama kan sawi ang khan zawi zawiin hma chu kan sawn a, department tinah hian, amaherawhchu mihring hmasawna sang zelah leh mihring pung zelah leh inelna sang zelah hian duh khawp tak tak neih ni hi chu khawvelah hian kan thlen ka ring chiah lova. A deparment tinah hian kan duh dan ang thal hi chu a hminga kan bial lamahte pawh thlen loh hi kan nei nual a, vui thu lam a ni lo va, sawi rik kher pawh tul ka ti chuang lo va. Demand No 20-na School Education-ah hian kan Minister zahawm tak hian tawngkam ngeiawm ni lo se, han sawi chhawsak pawh min phalsak sela, “Aizawl hi a nuam a ni ang, Aizawl hi a lo hlu khawp mai a. Mizoram khua zawng zawng bulah hian Aizawl tih hi dah vek mai ila”, a tifiama. A manganthlak em em mai a. Rationalization-te pawh hi a har a ni. Department dang dangahte pawh chu chu kan harsatna a ni tho mai a. Education hi a langsar bik viau mai a, a dang GAD hnuai district administration-ahte leh RD-a Block Administration-ahte pawh hian harsatna a awm ve tho mai a. Rationalization hi a har viau a ni. Health department-ah pawh hian chung chu a ni ve a hriat riati ruinate kan nei a. Chuti chung chung chuan Schhol Education Department-ah hian kum 2009 session an han tan chiah khan sorkar thar tirah khan kan bial chhungah khuan ka hriat reng chu Primary School leh Middle School 18 lai mai single teacher school an lo ni a. Tin, Primary school pathum phei chu mak deuh maiin school hawngtu tur Zirtirtu nei miah lovin an awm a ni. Chu chu tun dinhmunah a tlem berah zirtirtu pathum aia tlem lovin kan Minister zahawm tak hian min dahsak hi lawmawm ka ti a, lawmthu ka sawi a. A hahdam zawngah te, naupang ngah zawngah te, ziritir tam leh tlem thuah te, sawi rem thlep thlep a, khatianga han sawi rem vek kha chu a har viau tih kan hriatpui a. Engpawhnise, Sorkar tirha kan bul tan lai ai kha chuan tunah hian nasa takin hma kan sawn kan ti a, lawmthu ka sawi duh a ni.

Tin, demand No 28-na, kan chuk lawr den den ang a. Labour and Employment-in a an khawih tur niawm tak, Youth commission atang emaw pawh a ni mai thei a. Hei India ram khawpui hrang hranga Mizo Welfare hruaitute nen kan inkawmin kan inhmu zing khawp a. Session hmasa lam atanga ka lo sawi lan tawh, Mizoram atanga phai lama company hrang hrangahte..... leh Massage Parlour ang chi, Beauty Parlour –ahte pawh a ni ang, hnathawk tura Mizo thalai lut thla thin te, an kalna tur,” hna kan hmuh sak che u,” tia heta placement agency anga awm thinten vai ramah, India ram ril lamah kan thalai (sang tam tak a nih hi ka ring tawh a) an thawn thla ruih ruih a, harsatna, a tak taka harsatna awm si Mizoram mipui nawlpuiin a kan hriat si loh hi phai lama kan Mizo Welfare-te rilru tinatu leh ti hahtu hi a tam hlein ka hria a. Tunah hian kan Mizo thalai eng zat hi nge, kan tawng tumah mimal huat atan ka ti lova, haw ngaihna hre lova tang hi awm ang? Human Trafficking anga lang si lo, human trafficking dik tak tuartu Mizo nula/Mizo tlangval engzatnge awm ang? tih kan ngaihtuah chang hian a thawipikthlak viauin ka hria a. An harsatna tawn zawng zawng, a nihna dan dik taka khawlaiah rawn sawi rik ngam pawh a ni chiah lo a ni. Chuvangin hetiang placement agency ang emaw, recruitment agency ang kan ti

dawn nge ni, hetiang tena mi an thawh thlak dawn hian Labour & Employment atanga hriatpuina emaw, engtin emaw an hnathawh dan zuk enfelpui a, zuk regulate dan tur hi khauh deuh a kan neih loh chuan, tun mai session hma lawka ka zin pawhin thawh thlak thar leh tam tak an awm a, welfare hruaitute contact bawk si lo, chhiat that eng emaw han awm a, Mizo hnahtlak han in auh khawm dawna an mobile number tak ngial pawh hriat theih bawk si loh ang ten a awm a. A buaithlak em em a. Nikuma ‘North East mite haw rawh se’ tih lai pawh khan phai lama kan Mizo welfare te, hmun tina mite lu tihaitu ber a tling ve a ni. Biak pawh theih loh Mizo thalai tam tak an awm. Tin, tunhnaiah pawh thalai thenkhat chuan an lo hmu a, Facebook-ah Mizo nula ‘haw dan pawh ka thiam tawh lo, engtinngge ka awm ang’ tih rawn post tawp te pawh an awm an ti a. Hetiang chi hi tun ang zela a kal chuan kan hnamin human trafficking a tuar dan tur a hi a rapthlak viauin a zeldin theih a. Chu chu tunah hmalak mekna a awm dan ka Chiang Chiah Lova. Kan Minister zahawmtak te ka lo zawt hman lova. Engpawhnise, kan hmabak niin ka hria a, chu chu rawtna ang deuhin kan sawi duh a. NGO lam hotute pawh theih ang ang chuan kan Home Minister zahawmtak nen te pawh hian kan han sawipui chang te pawh a awm a, titi ang ten, a vei awm khawp a. Phai lam welfare hotute khu chuan an vei vek mai a. Mahse, helai Mizoram chhungah hian, a chhuk thla te chhungkua ngei pawh hian an dinhmun derthawnzia leh hlauhawmzia hi tam tak chuan an chhut phak lo, an hrethiam phak lo ni te pawhin a lang a. Hei hi veiawm tak zetin ka hria a, min chhin chhiah sak atan ka’n sawi duh a.

Tin, Demand No. 29-na Social Welfare Department-ah khan ‘The Scheduled Tribes and other Traditional Forest Dwellers recognition of Forest Rights Act, 2006’ kum 2009-a kan adopt tak chungchang kha a lo lang a. Committee hrang hrang te, Village Level-ah te, District Level-ah te, State Level-ah te siam a ni tawh a, Sub-divisional Level-ah te. Mamit District pumpui deuh thaw khu hemi chungchangah hian harsatna tawk deuh vek kan ni mai a. Hei hi a lehlamah chuan kan hrethiam khawp a, a Nodal department hi, Social Welfare Department a ni a, ka tawng tu huatthu ni lo sela, Department lian tak a ni lem lova, mi leh sa te an indaih lo em em tih kan hria a. Amaherawhchu, a tak taka chin fel hi thil har lutuk ni pawn a lang chiah lova, a Act te han en vang vang khan. Chuvangin, hei hi chak lehzuala bawhzui ni ta sela. Forest-in ka ram ti a eviction notice pe bawk si, Land Revenue Department-in LSC pek ni bawk si ang chi te kha a awm a. Tin, Tut-Langkaih Forest Reserve notice a chhuah hma daiha khua lo awm a, village council te pek ni a, Village Council ram te, Jhum land te engkim neia District Council hun vekah pass te pawh lo pek ni si a, chungte chu periodic-ah te leh LSC-ah te leh chhoh ni bawk si a, 1960 leh tih a notification hmanga reserve anga khung an ni leh vek si te, a in buk thuah tup tup mai a. Khumi ching fel thei tur dan awm chhun niin kan hria a. A District mite khu chuan, an nghakhlel em em a, kalpui mek a nihna chungchang thuah lawmthu kan sawi rualin, ka tawng ngaih loh lamah tu’n min lo ngaih sak lo ula, District tam tak leh hmun tam tak aiin khulailah khuan harsatna hi a Chiang Kuang bikin kan hria a. Kumtinin, englaipawhin, Forest reserve leh Village land ni a kan hriat bawk si te, Revenue Department-in pass a pek si te hi englai pawn a in buk thuah um reng a tunah khuan. Chinfel a chakawm em em a, mipuite pawh an khawngaihthlak a, chungte chu ka’n sawi duh bawk a ni.

Pu Speaker, Health Department chungchangah pawh hian, Mizoram sawrkarin min enkawl dan hrim hrimah hian kan bial Hachhek constituency khu kan vannei khawpin kan hria a. Kawrthahah khuan CHC, 30 bedded hospital, khum 30 awmtheihna hospital kan nei a, District Hospistal tluk zet, malaria tam lai hun angah phei chuan damlo te pawh ngah zawk thin an ni a. A phuisui theihna tur hian theihtawp kan chhuah a. A tih theih ang angah kan Minister te pawhin hma min laksakin kan ngenna te min tih hlawhtlinsak thin a. Khulai khu malaria tamna a ni a, Mamit District hmun dangte pawh a ni a, Health department hotuten chiang takin an hriain ka ring a, statistics eng emaw te atang pawhin. Tin, hnam chi hrang hrang kan tam a, nunphung leh chin dan inang lo tak tak hnam 12 vel awmin kan hria a tawng hrang nei thah. Chuvangchuan natna eng eng emaw te pawh kan nunphung in a zir loh vang te pawh a ni ang a, kan ngah bik, kan chhangchhe viau a ni. Min hriat reng hi kan duh a, health clinic han tih ang chi, free clinic han tih ang te pawh hi nasa zawka min neihsak te pawh kan han ngen a ni. Kan bial chhungah khuan CHC pakhat leh PHC 3 kan nei a, kan ngah khawp mai a, kan han nawr kan han nawr lai pawh hian kan ti thin a, constituency khat chhunga hetiangam damdawi in tihtlak zet, tihtham tak 4 zet mai kawlaw chu a lehlam zawng chuan kan duh thala staff min pek kha a har tur zia kan hrethiam tho mai a. Amaherawhchu, chuti chung chung chuan hei tun kan sawrkarah hian, kan ti leh daih ang a, Pu Deputy Speaker, hei ruling tiin han sawi ila, tawng ngeiawm nilo se, ruling MLA 32 zingah hian 28 emaw hian kan bial khu min rawn tlawh sak tawhin kan hria a. Kan Minister te pawh an lo kal kim lek lek tawh a ni. Mit ngeiin min rawn hmuh sak a kan ngenna te pawh theih tawkin min rawn tih hlawhtlinsak thin a. Sawrkarna te Pathian leh mipui zarah a kal zel ang a, kan pute ho, kan Minister te pawh an Minister chho zel turah kan ngai a, duhawm deuhvin tun ang renga min hre zui zel turin kan ngen che u a ni e,ka lawm e.

DEPUTY SPEAKER : Pu Lalthansanga, a chhawk deuhin aw, i lo sawm ang.

Pu LALTHANSANGA : Pu Deputy Speaker, ka lawm e, hei vawiinah Demand 9 kan han sawi dawn a, ka hma a sawi reng reng kha an vui vek mai hian ka hria a, a ruling party pawh hi kan budget ah hian an lawm lo a ni. Demand han sawi pawh hi a chakawm loh hlein ka hria, an lawm loh thu leh an lawmna chhe te kha an rawn sawi zel a ni mai a, chuvang chuan ka phar ve thuai loh kha chuan ka vui nasa lutuk ang tih kha ka hlau a, kei opposition lam atang hi chuan, chuvangchuan ka rawn phar ve a ni a.

Hei LAD hi keini thingtlang bialtu tan chuan an pawimawh awm a, LAD atang hianin LAD Park hmun hrang hrang atang te pawh hian revenue hi an lo la lut ve nual mai tih te zawhna atang ten kan han hmu a. Khi N.Vanlaiphaiah khian Khawng Park kan han siam thar a ni a, V.C te thahnemngaihna in, khitilai hmun khi engtik atang khian nge a lo awm tawh ang tih khi, a hmunhma han en khianin tunhma hun rei tawh tak kum 100 hmalam panga chengte awmna tawh angin a hriat a, khitiang lai hmunte khi min develop sak thei ve ang em? LAD Park angin min cheisak thei ang em? Tin, E.Lungdar tlangte leh Biate, khimi Biate Chungtlang te pawh khi LAD hian hma min laksak ve thei ang em? tih kha kan sawi duh a, budget ngai anih avang hian RE ah khitiang te kha tih theih dan a awm ang em? tih kha kan sawi duh a, tin hemi LAD in area a demarcate dan taka hi engtingnge ni tih hi hriat thiam a har ang reng hle mai a, Serchhip VC Secretary khian Keitum lamah khian mi pakhat

hnenah hmun a dil a, 'No objection' a pe a, tichuan 2009 ah khan periodic patta kha an issue ringawt mai a ni. Khatiang te kha engnge thil awmdan ni ang? tih kha, tunah khian NABARD hnuaiah rubber an ching a an inti buai a chu chuan hecter nga vel zeta zau kha Serchhip V.C. khan No Objection pein P. Patta te kha an lo pe a, A buaithlak khawp mai. Hetiang lai te pawh hian V.C. function te pawh hi in hrilh chian leh hi a ngai awm mang e. Chu chuan waviinah hian harsatna min thlen. Chutiange pawh chu min lo en sak leh se, tih kha kan duh hle mai a. Tin, engtinge nia LAD hian hemi performance award a pek hi Keitum khi an titha em em a, Office ah pawh thlalak an tar a ni a, Thirteenth Finance Commission atang hian. Chu chu khaw dangah khan award kha an pe deuh tlat si a, thlalak an tar te kha pek awm tak a ni a, an performance a that si chuan, hemi an pek dan hi min hrilh baw se, ka duh a.

Tin, Social Welfare, Demand No. 29-ah hian hei, ICDS hi bi-furcate tur tih kha manifesto ah pawh khan an telhin ka hria a. Pu Deputy speaker, waviin thleng hian ti hian a awm ngaiin a la awm zel a ni mai a. Hetiang ICDS Project awmna ah te hian transfer te hi a zing ang reng a. Hetiang hmunah hian quarter neih dan te a awm ang em? Article 275 hnua atang te hian tih te kha kan hria a, hemi hnua atang hian thawh theih loh kha a lo tam hle mai a ni tih te Chanchinbu ah te pawh kan han hmu a. Chuvang chuan a thawktute tan hian harsa a in sawn te a lo zing a, quarter hi an mamawh hle a ni tih te a hriat a. Hetiang hnua atangte hian hmalak dan a awm ang em, tih te ka hre duh baw k a.

Social Welfare Department hi engkim a kan engkim a ni mai a, thingtlang mite tan pheichuan, tar pension tih te hi a lo hlu khawp mai a. Tar pension an lak hi chuan an chung leh khat te, an tu leh fa te pawh hian an duat sawt hle a ni. Chutiang tak anih avang chuan tar pension te hi a tam thei ang hi tia State Matching Share te pawh hi dah tam a va tha em; tar te kan hmangaih tak tak a nih chuan, hetiang pheih chu buaipui tak ka ni a. Kan Boss ber hi buaipui a ngai a, waviinni pawh khanin building hi ropui a ti tawh lutuk a, kan asset hi a ropui a. Annexe te khu kan han fang dun a, Room te leh khutiang lai vel zawng zawng khu kan han en dun a, ropui a ti em em mai a ni Nuam pawh a ti a, "Hetiang hian maw kan Assembly hi a ropui", a ti a. Chutiang chu a ni a, kan va khawih phak loh ho hi in hmangaih zual theuh ang u, keini State Plan Fund atang te hian Matching Share te pawh hi dah tam sak leh a theih ang anga heti laiah hian hma laksak turin ka duh deuh baw k a ni tih kha ka sawi duh baw k a.

Tin, Education Department lamah hian Demand No. 20-na School Education hi han ti ta ila. Hei ka bialah hian a buaithlak khawp mai a. Tunlai pheichu bandh siam te an tum a ni a, nasa tak maiin a in tam a, zirtirtu nei miah lo khua te kan nei a. Tunah pawh hian Keitum Primary School -III ah nge ni khianin tunah hian Teachers an awm miah lova. An Head ber kha VRS in a pension a. Tichuanin, a pension khan charge pekna tur a hre lova, School Committee hnenah Seal a pe tawp mai a. School an luh leh dawnin a buaithlak ngawtin ka ring.

DEPUTY SPEAKER : School naupang engzatnge awm?

Pu LALTHANSANGA : School naupang tak chu ka hre lova. School naupang awm pawh nisela, tunah hian admission pawh ti dawn sela, a tih theih lova, chutiang khawp te chu a ni. A tlangpuiin kan nei lo deuh fur mai a. Hei, kan Minister zahawm tak pawh hi Pu Deputy Speaker, hmannah pawh kan ti a. April ni 3 hma hian kan tifel hman ang te a ti a. Science Teacher neih loh vang ringawt pawh hian, Vanlaiphai High School-ah khian MLA Fund in Teachers hi kan chhawr rei hle tawh a. Dik tak chuan a mipui khian sorkar hian min tham lo nge maw ni aw tih thinlung te an nei phah a.

Chuvang chuan kan bial te pawh khi, hmanah kan sawi tawh a. Lungkawh ah Teacher pakhat an rawn dah a. Thingsulthiah khua ni 5 chiah a zawm a an transfer leh an ti a, a thei bik nge tih kha kan House Leader min chhan dan kha a ni a. Chutiang chuan kan bialah khian zirtirtu indaih lohna a nasa a, tin, chumi rual chuan Higher Secondary te hi Khawlailung ah te pawh din kan han tum a, hetilaiah hotute an han dawr deuh pawhin an lo encourage pui lo viau zel a ni a. Amaherawhchu tunlai khawvelah naupang te zirna kawngah an lo kal chak tawh a, an kal chak tawh avang hian pawl 10 an han zir khaw dangah te, hmun dangah te lehkha zir tura an han kal hian an tan hian a hrehawm em em a, mi hnena va awm te, NLUP ah kan hlawhtling a waviinah mitin in an dawng a ni kan tih rual hian ei leh bar te, nun a lo harsat avang hian khang ho drop-out student hi kan tam em em mai a. Chuvang chuan kan bialah pawh khitiang hmun hrang hrang khaw lian deuh ah chuan Higher Secondary te pawh hi Sorkar hian min dah sak sela.

Tin, Primary sikul ah te, middle sikul ah te teachers awm loh naah te pawh khian teachers hi min dah sak se tih ka'n ngen duh a. Chutiang chuan building khi a chhe em em mai bawk a ni. Sialsir ah te han kal ila a building khi naupang tan chuan hrehawm tak mai, waviin niah Right to Education, Education for All tiin waviinniah India chuan Policy ah a rawn nei tawh a. Chuvang chuan chutiang ang policy a neih tawh lai chuan naupang ten sikul kal chakna nei lo tur khawpin sikul building te a chhia a. Tichuan Lungchhuan ah te khian wavi engnge maw zah kan sawi tawh a, private in an han din a, khawtlangin an han din a tiangkhan a building te chu a kaw siarsuar a, MLA Fund ten kan han thuam tha thin a. Dik tak chuan sikul a chhe lutuk a kal pawh a nuam lo, ruah a sur phei chuan a hrehawm tih te hi a tam em em mai a ni. Chutiang ang chuan waviinah hemi Compulsory Education Act 2009 a lo awm tawh atang phei hi chuan hetiang pawh hi naupangin sikul an kal chak lehzual theihna tur atan waviinah hian tan kan lak nasat a ngai em em niin ka hria a, tih te kha ka'n sawi duh a.

Sawi tur a tam hle mai a Pu Deputy Speaker, ka Pu hun kha min pe mai la tih kha ka'n ngen duh hial a. A chhan chu Hriangtlang ang te pawh khi han sawi ta ila. Hriangtlang ah te khian High Sikul an nei lova, High Sikul tunah hian an han din chawp a. C.M bial te an lo ni thin a tunhma in, thil engkim changtlung turah an inngai a mahse, engmah kha an lo changtlung mang si lova, kan Pu a lokal hian kan lawm em em a, a hawng a, a bo leh duak mai thin a an ti a, Hall phei chu an ngen ngun viau tawh a ni ang Pu Deputy Speaker, kan House Leader pawh hian

ngaihven sak se tha in ka hria a. A changin Pu Zira hnenah min thlen a, a changin khati khan a ni hnenah kan thlen leh a engmah hi a hlawhtling thei lo an ti a. Tichuan Hriangtlangah pawh khian naupang sikul kal lo hi an tam hle a ni. A chhan chu engatinge kan tih chuan Serchhip ah te emaw Aizawl ah te emaw an zuk awm a, pawl 9 pawl 10 zuk zir a an awm chuan an tan lehkha zir a lo harsa a, chuvang chuan sikul khi an chawl leh mai thin a ni a. Chuvang chuan World Class Education te kan introduce a hetilai ah kan sawi dup dup mai a, overseas thleng atana scholarship te kan buaipui tawh lai hi chuan khatiang ang te kan han sawi rual khan keini thingtlang zokhaw lampang bial tan chuan kan mamawh hi a la hniam khawp mai a, he kan mamawh hi chu kan Sorkar hian nasa lehzualin min han tihhlawhtlin sak teh se tih kha ka'n sawi duh a. An vui vek mai a, chuvang chuan kan Budget hi Budget tha lutuk a ni lo a niang a tih hi ka rilru ah a awm deuh a, ka hnu a lo sawi leh tur te pawh kha vui tawh lo deuh se tih kha ka'n ngen zawk mah mah anih chu heti lam i veilam atang hian Pu Deputy Speaker, ka lawm e.

DEPUTY SPEAKER : Awle, tunge sawi leh ang le? A senior dan indawt deuhin i ti tawh mai ang nichin khan in phar sup sup a. Pu K. Lianzuala i ko mai ang.

Pu K. LIANZUALA : Pu Deputy Speaker, ka lawm e. Hei vawiinah kan Minister-te demand pathum lai mai kan han sawi a ni a, Department pakua lai mai, amaherawhchu, minutes 10 chhung hi chuan eng vak kha kan sawi hman dawn lo a ni tih kha chu a chiang mai a.

Demand No.20-na School Education ah hian han tan ka duh a, ka hma a Member zahawm tak ten an sawi ang hian Pu Dy.Speaker khawtinah hian school a awm a, chuvang chuan Member zahawm takte kha min khawih vek a ni tih kan hriat hlawm ka ring a, kan Minister zahawm takin nimin lamah question hour-ahte pawh a han sawi tawh a, zawhna pawh a lut hnem a kan vai khawih anih avangin, mahse ninawmah min lo ngaihsak lo sela, kan bial chhung harsatna te hi min lo hriatthiam sak turin kan ngen hmasa duh a ni.

Primary School, Middle School leh High School ahte hian Head neilo an tam em em mai a, a hminga kan bial chhungah pawh an tam em em mai a, mahse, nimin lamah te pawh kan ngaithla a, heng hi a chhan tam zawk chu pawisa lamah harsatna avangte a ni a, hriatthiam loh theih loh thil a awm a ni, amaherawhchu chutichung chuan kan sawi duh chu nichina Member zahawm takin a han sawi ang khan Zirtirtu pakhat awmna kan bialah pawh an awm nual a ni, a then chu cancer a na te, a then VRS a kal mai turte an ni a, chung chu a khaw ril ril an ni a, Pu Chatea nena kan bial inrina lam a ni a, appointment ah han hmuh hian Zirtirtu in an zawm ni hi an awm ni a ni fo mai a, kan bial lamah te hian chu chu a vanduaithlak ka ti a, hei hi Department pawn ennawn se a tha in ka hria a, zirnaah tun sorkar hun chhung hian nasa takin hma kan sawn a ni tih erawh hi chu ka han sawi duh a, tun hnaia VRS a pension mai turte hi tun thla tawp hi niin ka hria, an tam em em mai a ni, khang regular te kha an pension chuan SSA a awm ti tha duh vak lo kutah khan khaw tam tak School tam tak hi an awm dawn a ni. Hei hi rang taka ngaihtuah anih loh chuan a pawl thui

thei viau ang tih ka ring a, chu chu vawiinah hian han sawi rik ka duh a, tin, SSA lamah zirtirtu appointment han hmu te Member tam takin an sawi ang tho kha a ni, keini bial ve ang pawh, an zawm tuka transfer leh mai ang te, ni hnih khat han awm a aiawh la mai angte an ni, heng ang hi Member ten han hrechiang ta ila kan Minister zahawmtak hian min ban sak se, a khua ami te min dah sak se qualify an awm tho va, chu chu vawiinah hian ka ngenna a ni. Chu chu khawtlang leh Member te pawhin kan duh dan a ni a, chu chu vawiinah kan thlen duh a.

Tin, kan bial Chhiahtlangah Politechnics School kan Minister zahawmtak leh kan Sorkar in min han dah sak dawn a ni a, kan lawm hle a, session hmasa lama ka zawhna chhanna ah chuan building hi sak turin pawisa vaibelchhe khat dah a ni tawh e tih a ni a, vawiin hian bul tan a la ni thei lo fo mai a, kan nghakhlel ve si a, Serchhip District ang phei chuan tlumte a thlir takin kan lo thlir tawh anih avangin khingte khi chak zawk leh hma zawkin hma min laksak thei em aw!! tih kan sawi duh a ni.

Tin, RMSA lamah hian Pu Dy.Speaker, hmasawna hi sawi tham tak zet a awm tlat mai a, hei hi kan Education Minister chak tak leh Department lam hmalakna pawh a ni a, hei hi an hnenah lawmthu kan sawi duh bawk a, 2009 – 2013 khan School thar hi 81 sak hman a ni, hei hi a lawmawm thlawtin ka hria a, a building thar hrim hrim hi khati zat sak a ni tawh a, tin, building 23 hawn a ni tawh a, 32 hi tunah hian sak leh mek a ni bawk a ni. Tin, zirtirtute ram pawnah hmun dangah an intuai hriam nan study tour hi an lo buatsaih hnem hle tawh mai a, zirtirtu 726 lai hian chutiang ang chu a zar an lo zo tawh a ni. Tin, kan hriat angin India ramin tunlaia kan buaipui em em ‘hmeichhia te pawngsual’ nimin thlenga Central in a buaipui em em, chung laka lo invenna tur RMSA hnuaiah zirlaite karate zirtir an ni a, 15485 lai chutiang ang laka invenna tur chu training pek te an lo ni tawh a ni. Hengte hi chhinchhiah tlak tak Education Department in RMSA hnuaia a hmalakna a niin ka hria a lawmawm ka ti a. Tin, sawi nuam tak han sawi ka duh chu Human Resource Development Ministry in RMSA programme a awm hnu a hmang tha berah hian a hmang tha ber chu a ni lo deuh maithei e, hmang tha berte zingah Mizoram min han puang thei hi a lawmawm ka ti a, kan Minister zahawm tak hmalakna leh department te tawiawmna a tha a ni tih a hriat a, churang chuan lawmthu Minister hnenah pawh han sawi ka duh a.

Tin, Pu Deputy Speaker, kan faten pawl X, XI, XII te heng laiah tha takin an han passed ve mai a, hmun dangah hian lehkha zir zawm turin an kal thin a technical lam thil te a bik takin a ni a. India chhimlam te khuan mark an ren lo deuh nge ka hre lova, helaia mark tha fe kan tih hi an lo tluk lo viau zel a chu chuan technical line a zir tur te tam tak a ti beidawng thin a ni an mark duh a san em avangin, helai hi engtia tih tur nge ka hre chiah lova kan Minister zahawm tak leh MBSE lam nge ni ang, kan mark pek dan evaluation system kan ti dawn nge ka hre lova hei hi chu kan bih chian deuh a tha mange aw ka ti a. Tin, Science te, Maths te, Commerce ah te hian a tihdan danglam deuh khatianga hmun danga technical line a an zir chhunzawm dawna harsatna an tawh lohna turin mark ren lo se han tih ringawt chu a dik si lovang a, a tihdan hi ennawn a tul awm mange ka ti

a, chu chu vawinah hian kan Minister zahawm tak leh department te pawh hian chhinchhiah tlak niin ka hria a chu chu kan sawi tel duh a.

Tichuan, nichina kan member zahawm tak ten an sawi ang khan sorkar sikul te aia private sikul te'na result tha an nei fo mai pawh hi department lam te pawh hian zir chian a enchian a va ngai em ka ti a ni, chu chu Education lamah nise a tam si a kan sawi seng dawn lo a ni.

Tin, Health Department lamah han sawi ila Demand No. 24-na ah hian. Hei, kan sorkarin kan Minister chak tak hnuaiah nasa takin hma an la a, a lawmawm a, lawmman national level-ah te pawh kan han dawng nual kha a ropui a, lawmthu kan sawi duh a. Rural health, thingtlang lam hriselna hi a pawimawh hle a ni, Central sorkar pawn a ngaih pawimawh a ni a chumi hria chuan kan Minister leh department lam ten thingtlang lamah te health sub-centre te min han sak sak a, a lawmawm kan ti a. Amaherawhchu, a thawktu a te bawh hi an ni, a thawktute hi an awm thin lova, engtingge helaiah hian hma min lak sak dawn tih kha kan Minister zahawm tak hi ka zawt duh a. Tin, ka bial Ngentiang ah khian PHC kan nei ve a ni, 2000 kuma hawn kha niin ka hria a tunah khian a damdawiin building leh a quarter pawh khi khata tang khan repair a awm tawh lo reng reng a, a chhe hneh hle tawh a ni, kum a rei bawh a. Chu chu sak that theih dan te hi a awm lawm ni, doctor 1 fel tak kan nei a, a awm tha duh em em a, a nghet lo a la ni lehngal a, khitiang ang Zo khua hriselna ngaipawimawh doctor khi chance a awm anih chuan min hriat sak se pawh ka duh a. Tin, Nurse te an han dah ve a, an awm a reiloteah transfer an ngen a, an chhuak zel mai pawh hi a pawh a thingtlangah chuan an awm tha duh thin si lova. Tunah pawh hian Pu Dy. Speaker, kan Minister-in min hriatsak nghal ka duh chu Nurse pakhatin transfer a khel leh mek a, transfer anih chuan Nurse an awm dawn lo a ni, khilalah khian khaw ruk velin khi PHC khi an ring ve a ni a. Chuvang chuan, hei hi a pawimawh em a kan sawilang duh a.

Tin, Tlungvel khi khaw lian tak a ni a, Mizoram khaw hmingthang tak a ni a, tunah khian Health Sub-Centre building chhe tak an nei a kan ngen duh zawka chu kan Minister zahawm tak hian SHC emaw tal hi min dah sak ve sela khaw 4/5 in an tawm theih tur a la ni lehngal a, khitiang khi ngaih pawimawha min neih sak theih chuan a lawmawm ngawtin ka ring a kut hnathawk nasa khua an ni a, an taima a, hriselna in a lo tuar thin si a. Chuvang chuan, SHC min dahsak ta sela kan lawm dawn mange ka ti a.

Ayush hi India Sorkar-in a ngai pawimawh em em a, India ram a awm chhung chuan a pawimawh zual zel dawn a ni Sorkar hian Department lianah, puitling zawkah a siam dan te hi a awm lawm ni ? fund lam hi hemi bik atan hian kan thiam phawt chuan sawi chhuah tur hi a tam hle ang tih pawh ka ring a, chu chu vawinah hian kan sawi duh a ni, Pu Deputy Speaker, ka lawm e.

DEPUTY SPEAKER : Pu K. Lalrinthanga i lo sawm ang.

Pu K. LALRINTHANGA : Pu Dy. Speaker, ka lawm e. Demand No. 19-na atang khan han tan ka duh a. Demand-ah khan internal improvement of Town & Villages tihah khan nuai 290 a awm a, step & retaining wall, footpath ah khan 325 a awm a. LAD hi keini thingtlang bialtute tan chuan kan in hnangfakna, khuua mipuite enkawl na atana pawimawh ber a ni a, hetizat an dah hi lawmawm kan tih rualin hei aia tam hi ni thei se chu ka duh a. Chuvang chuan, hun kal leh turah pawh Minister hi chuan a aia tam daih hi dah a duh ka ring a, amaherawhchu sum leh pai indaih lohna avang te pawn hei aia tam hi chu a dah thei rihlo te pawh a ni maithei a. Hun kal leh turah chuan hei aia tam hi Finance atangte pawn dil chhuah dan te pawh awm tase a tha in ka hria a, chu chu a hmasa in kan sawi duh a.

Housing chungchangah khan composite cash loan to Govt. Servants tih kha nuai 250 a awm a, amaherawhchu mipui mimir sorkar hnathawk ve lo tan a awm lo a ni. Hei hi a pawl hlein ka hria a, Sorkar hnathawk tan chuan Bank atangin Housing Loan lak a harsa lo lutuk, Bank atanga hlawh la tan pheh chuan awlsam taka lak a theih a, mipui mimir tan hei hi dah zawk atanah ka va it e aw, ka ti a chu chu kan tarlang duh a ni. Midang tan lak tur awm ve miah lo kha pawl ka ti.

Demand No. 29-na Social Welfare Department chungchangah khan ka han sawiduh chu Bilkhawthlir-ah ICDS Project Minister-in min dah sak a, kan lawm takzet a, chutih ruala hemi Deptt. hnathawk ka han tarlan duh pakhat chu Adolescence Girl Scheme kum 11- 18 te tan 100% funded Govt. of India atanga lo kal hi a lawmawm ka ti a, veng tin leh kohhran tin ang zawngte pawn ngaihtuah ta ila kum 11 – 18 inkar mipa/hmeichhia in enkawl dan tur hi kan thiam loh pawl tak a niin ka ring a. Hemi atana sorkar atanga kum 11- 18 inkar tana sum lo kal hi lawmawm ka ti a, an nun insiam lai tak, mi chezia an thlir lai a ni a. An rilru leh ngaihtuahna te siam that a nih chuan an puitlin hunah khawtlang tan leh chungkaw tan anmahni tan pawh eizawna chungchangah te leh kohhran thilah pawh mi hman tlaka an chhuahna tur hun lai tak anih avangin hetiang a fund awm thei hi lawmawm ka ti a Budget ah khan a rawn intar lang a lawmawm ka ti hle a ni.

Nutrition chungchang Supplementary Nutrition programme hnuaia Department hnathawk hi a tha hle in ka hria. Tun dinhmunah chuan Nu rai lai te naupang hnute hne lai te Anganwadi ah chawtha an pe a. Chu chuan a nghawng chu tun dinhmunah hian Awrpuar hmuh turte khawtinah hian thlir ta ila an vang tawh khawp mai, piangsualte chaw tha neih loh avanga than thalo naupang hmel hmuh tur an awm ta lo. Anganwadi Centre a naupang hruai regular deuh chu an fate hi an eng sar sar vek a ni. Social Welfare Department hian an thawk tha hle a ni, Mal- Nutrition an tih ang chi hmuh tur an awm ta lo hi lawmawm ka ti a chu chu kan tarlang a ni.

Demand No. 20 leh 21 kha ka'n sawi zawm mai ang a. Education leh Higher & Technical Education ah khan, zirtirtu kan mamawh chungchang hi thingtlang bialtu te chuan Minister ah leh Department Officer ah kan sawi tawh thin a chuta chhanna kan hmuh chu rationalization kan ti dawn a hei hi lo nghak hram rawh u tih a ni thin a. Thingtlang kil

kil te hi a vanduai an ni a. Amaherawhchu, tunah hian rataionalization hi tih tawh a niin ka hria a. Keini Serlui bialah chuan he rationalization hi a tangkaina pakhatmah kan la hmu lo. Zirtitu indaihlo ten zirtirtu an la hmuh phah chuang lo tih hi House ah hian ka report duh a. Chutih ruala ka sawi duh chu Zirtirtu in lak thar te hian Minister leh Officer te ai hian thil an ti thei zawk a ni awm mang e ka ti. Enge a chhan? A awmdan chu hei hi a ni Minister leh Officer hnenah thingtlang khua awm thei Zirtirtu min lak sak rawh u kan ti a. Min laksak thei lo a ni. Aizawl atangin lehkhathiam deuh an rawn dah a, an rawn zawm a thingtlang ami Minister leh Officer ten an laktheih loh te kha, khang teacher thar rawn zawmtute khan an ai kal an la daih mai a ni. Khangte khan thil an ti thei zawk daih tihna a nih chu. Chutiang chu anih avangin Pu Dy. Speaker zirtirtu kan lak dan hi tih danglam deuh a thain ka hria. Ka hmaa sawitu in a sawi ang khan, thingtlangah an awm duh dawn nge dawn lo tih te chu in zawt ve theuhin ka ring a interview hun laiah chuan thei an tih vek ka ring. Amarawh chu kum thum vel tal thingtlangah hna an thawh phawt loh chuan an hlawh te hi pe lo mai ula chutiang chuan an awm duh miah lo in ka ring kha hna kha an dil duh miah lo in ka ring chutiang chu a ni a, thingtlangah a zirtir thei ve tu an awm reng lai a, a kal duh si lo kan lak hian kan tangkaipui lo, quality Education hi kan neih phah chuang lo. Zirtir thei Zirtirtute hi quality Zirtirtu te chu an ni tiin ka'n sawi duh a ni. Kolasib District pumpuih khuatin kan Minister-in nimin nge nimin piaha a sawi ang khan 10+2 School hi kan la nei lo a ni. Khu khu zirna lamah kan tlakhniam phah hle a. Chutih rual rual chuan Thingtlanga tuna ka han sawi Zirtirtu kan neih that theih loh phahna chhan te pawh kha a niin ka hria. Vairengteah khuan private in 10+2 chu an din ve a. Chu chu NREGS a mipui inhlawh ten an hlawh inthawh tawmin Zirtirtu hlawh min pek sak thin a ni. Chutiang chuan harsatna kan tawk mek a. Chuvang chuan, Kolasib District Headquarter takah khu chuan Roman School te a awm a. Kha kha a chhenfakawm mai a. Ama'rawh chu, Kolasib khaw pawn ami te tan 10+2 hi kan mamawhna a sang hle a. Helai hi min ngaihtuahsak ve turin ka ngen a. Chutih rual ruala ka han sawi duh chu Ruling Party Office nei lo ten Minister hnenah zawhna leh dilna dam deuhhleka kan han sawi hi min ngaihthlaksak chianguang vak lovin ka hria a. Opposition ho dilna hi in ngaihtla chianguang deuh zawk a ni awm mang e aw tiin ngaihtuahna ka siam a. Chu chu min lo hriatsak turin ka ngen che u a.

Tin, Medical & Health Service chungchangah hian sawi duh ka neih chu Bilkhawthlir PHC khu a rei tawh hle a ni. A chhe lek lek tawh a ni. Kuminah hian theihaite a par nasa a, theihai a par nasat chuan thli a na thin an ti a. Thliin a tichhe palh ang tih ka hlau viau a ni. Thli in a tihchhiat chuan kan mualpho hle dawn a ni. Department lam pawh, bialtu MLA nih pawh a zahthlak dawn a. Khu khu min sak that sak thei ula ka duh hle a.

Health Worker chungchangah hian Mizoramah 2009 vela Health Worker lak tur an awm mumal loh lai khan kan Minister zahawmtak hian i bialah Health Worker training chhuak an awm em tiin min zawt a, an awm rih lova. Chumi hnu lawk chuan training chhuak an awm a. Khami hnu-a Health Worker rawn training chhuak te khan Health Worker hna min tih sak rawh tiin min ngen a. Minister-ah vawi nga vel ka ziaak tawh a. Tichuan, Health Worker chu an han la thin a. Mahse, a tel lo leh thin a. Chumi diltu chuan Saiphai te, Chawnpui a awm te an hreh lo em em a ni. Hna an hmuh theihna tur anih phawt chuan, an chak zek zek a ni. Ama'rawh chu, Pu Dy. Speaker, Saiphaiah te chuan mi dang an han la leh

thin a, Chawnpuiah te chuan midang an rawn dah leh thin a. Nichina kan hma ami te sawi ang khan hna hmuh nan chiah an ti a, an haw leh thin a ni. Education a Zirtirtu-te ang chiah baw kha an ni. A in ang khawp mai. Chuvang chuan, heng a thawk duh ngawih ngawih, awm reng duh an awm hi chuan helam pang hi min ngaihtuhsak ve deuh ta ula a tha-in ka hria a. Chu chu ka han sawi duh a ni.

Trade & Commerce chungchangah hian Saiphaiah khuan Vairengte anga market kartin a awm ve a ni. Mi an kal tam hle a, Bilkhawthlir lam atangin an chhukthla thei a. Serkhan atangin Aizawl atangin an pan thla thei a. Chutiang chuan, Market lian deuh hi Vairengte ami ang khuan kartin a awm ve thin a. Khulaiah khuan Market Project siam turin Trade & Commerce a Officer te ka ngen tawh thin a, 2009 atang khan tun thlengin ka la ngen chhuak lova. Minister hnenah pawh ka sawi tawh a. Chu chu project an siam chuan Horticulture Department atanga sanction dil tur a ni a. Helaiyah hian kan Minister zahawmtak hian ruahmanna min siamsak thei ang em tih ka'n zawt duh a, ka ngen nghal baw k a ni.

Tin, Look East Policy ah hian Akyap thleng kawnglahina turin kum 1997 leh '98 lai khan a chanchin kan hre tawh thin a. Amarawhchu, sorkar thar a lo piang a. Kum 10 dawn mai a reh ta vang vang a. 2007, 08 velah khan tuna kan Chief minister zahawm tak hmalakna avang khan a chanchin kan hre chhuak thar leh ta a. Chutah, tunah hian kalkawng laih a lo ni chho leh ta hi a changkang ve hrim hrim a, a lawmawm ve hrim hrim a tih kha ka'n tarlang ve duh a ni. Han sawi chhunzawm zel pawh ka duh viau va, ka duhtawk mai ang e. Chuvang chuan heng kan minister zahawm tak tak te Demand no. hrang hrang hi ka sawi kim vek tawh lo mai ang a. Hengte hi pass ngei turin ka rawn support a ni e, ka lawm e.

DEPUTY SPEAKER : Nia, hun a tlem a. Minute 10-ah hi chuan sawi zawh a har, sawi chak deuh tal ula a tha awm mang e aw. Tunah Pu Nirupam Chakma i lo sawm ang.

Pu NIRUPAM CHAKMA : Pu Deputy Speaker ka lawm e. Sawi zung zung ang. Demand No. 19, Local Administration Department, Housing Loan chungchangah MLA theuhah tun tum chu at least 10 chu min pe rawh se, tih hi kan zavai aiawhin ka ngen duh a. Local Body Fund hi a hun takah release ni rawh se, tih hi pahnihna ah ka sawi duh a ni. Pu Deputy Speaker, hei Social Welfare Demand no.29 ah, MSDP chungchangah khan, timely release of fund hi kan mamawh a.tam tak siam tawh a ni a. Central sorkar tan pawh fund release chang sorkar level ah khan a tlai thin a. District level a thlen chu a tlai deuh a, a changing financial year chhungah pawh hman theih lohna kha a awm ve a. Chuvangin a rang lamin fund hi release sak sela. CADC chhungah 710 families atan rural housing ang chi hei IAY ang chi kan pe a, nikumah khan Minister hovin kan pe tawh a. 2nd Instalment pawh min release sak tawh a. CADC in an pe vek tawh a. 700 dang kha tunah pek tur kan la nei a, kha kha a rang lamin min release sak se kan duh a. Tin, ITI Chawngte a dah tur kha Kamalanagar, CADC headquarter ah a rang lamin sanction min tih sak sela tih hi ka sawi duh a. Nutrition lam pangah Anganwadi Centre hrang hrangah khan nutrition pek dan hi MLA ten engmah kan hre thei si lova. Chuvang chuan khawngaih takin MLA te copy min pe thei lo'm ni? tih kha ka sawi duh a ni. Engnge ni an pek, engzahnge an pek? Kha kha verify kan

thei si lova, a copy engmah kan hmu thei si lova, hetah hian MLA te involve chu a ngai lova, information tal chu min pe thei lo'm ni? tih kha ka sawi duh a ni. Tin, Anganwadi functioning dan hi department ten a khat tawkin verification la sela, inspection la sela tih hi ka sawi duh a.

Demand No. 4 na, Law & Judicial-ah, Sub-division level-ah High Court kan mamawh a. Tukin zing lamah member zahawm tak pakhatin Lawngtlai Court chungchang a sawi a. Lungleiah te kal a ngai a. Chuvang chuan kan district hrang hrang khawpuiah te Court mumal zawkin dah a ngai. Tin, Sub-division level-ah te, entirnan, Chawngte ah chuan zurui case pawh Lawngtlaiiah kal a ngai. Zu umkhat an man a, Lawngtlaiiah kal a ngai, Pu Deputy Speaker. Amarawhchu, Prohibition a awm lova, example-ah ka sawi mai a ni. Tin, zurui Chawngte ah man chu kan duh lo. Legal Awareness Campaign hi rural area ah nei tam ila, Legal Awareness campaign hi mipuiten an mamawhin ka hria.

Tin, School Education hrim hrim hi sawi ka duh a. Education chu 'backbone of the society' a ni a. Nichinah khan member zahawm tak tak ten sikul chungchangah problem an sawi, zirtirtu awm tha duh lo, chumi khamite kan sawi a, tunge a mawhphurtu, mawhphurtu kan sawi ngam lo em ni? Minister nge, Director nge, Secretary nge, District Officer nge tunge a mawhphurtu? Village Education Committee nge Village Council nge tunge a mawhphurtu? Mawhphurtu kan sawi duh si lo a, vui ringawt engmah awmia awm lo. Village Education Committee engvangin nge kan dah a, hnathawk duh loh chu ban mai tur a ni. V.C te pawh engvangin nge kan dah zirtirtu awm tha duh lo chu sorkar ah report vat tur a ni, chutiang an tih duh loh chuan anmahni mawh a ni mai. MLA te pawhin zirtirtu awm tha duh lo ziakin Minister ah theh lut se voter kan hlauh chuan engmah kan siam tha thei lo ang. Zirtirtu ringawt pawh a ni lo, sorkar hnathawkte pawh a hmuna an awm duh loh chuan MLA te pawhin action lak theih a ni. Chutiang tih theih loh chuan hetah House ah sawi sawi kha awmia a awm lo, chuvangin ka thiante pawh chutiang lamah chuan active takin awm se ka duh a ni, opposition emaw ruling emaw he house ah kum 21 ka awm tawh Pu Dy. Speaker, Session apiangah kan sawi mai engnge action awm? action kha a ngai a ni. Chutiang a nih loh chuan ram kan siam lo ang, Mizoram kan develop thei lo ang.

RMSA School Mondiachhorra hei MDC bialah a create tawh a, Mondiachhorra chumi hming atan chuan kan duh a ni. Khawngaih takin kan department te pawhin min ngaihtuhsak se, Junachhorra kha a bul ah a awm a Pu Rama bial khawlian pahnih a awm a, chuvangin High School pakhat kan mamawh belh a Minister pawh ngen ka duh a departemnt official te pawhin min hriatsak sela. Law College leh Kamalanagar College chungchangah zinglamah khan Pu Thlengan min sawi sak tawh a, ka lawm em em a ni. Amaherawhchu MNF sorkar laiin Higher and Education Technical a chang ve a khatihlaia min ngaihtuhsak lo erawh chu hriatthiam harsa ka ti. Minister zahawm takin kan pahnih a ngenna hi min ngaihpawimawh sak sela, tun tuma provincialise ngei turin hma la sela kan duh a ni. Nichina sawi ang khan senso kha a tam vak lova service condition hei Pension pensionary benefit lam erawh chu a danglamna a ni.

Building 9 an nei, DoNER atangin sanction an hmu tawh a Kamalanagar College pawhin 2.24 crore an hmu tawh a, tunah building contract pawh an pe vek tawh a. Chuvang chuan building lamah te Establishment lamahte harsatna a awm lova, UGC grant te pawh an hmu tawh a, chuvangin engmah problem a awm lo danglamna a awm lo. Chuvangin he thil hi chu perception problem nei lo turin ka duh a ni.

Tin, Polytechnic hi kan district ah awm tur a ni a, a rang lama awm turin hma min lak sela, Borapansury PHC 1992 Pu Dy. Speaker mak in ti viau ang vawihnih kan sa tawh building, pakhat chu nuaih 10 in kan sa tawh hmanah khan kan sawi a congress sorkar hmasa khan, mahse kan tla a, MNF sorkar in engmah a tih sak duh lo a building kha a tlu ringawt, chumi hnuah hei kan Minister in concrete building min sak sak tawh a hmanni lawk 13.3.2013 ah kan hawng a ni. Tunahmodel council nen kan function a. Chuvangin district council mipui aiawhin Minister te, Department te hnenah pawh lawmthu kan sawi a. Secretary te leh Director ten hma an la tawh a. Lawngtuivat ah PHC min dahsak dawn a, building pawh sanction ni tawhin kan hria. Tin, Health sub centre pali Minister in min pe dawn a, kan bial lamah zin lain a puang ve a. Hindirochora, Khumtuli, Ngarom, Chotapanchury, hei hi chu vek loh kha ka duh vek a ni. Vawinah pawh kan sawi chhuak a, record ah awm sela tih hialin ka duh a. Tin midang te pawh Pu B. Thlenga te pawhin an duh a, lo pe mai rawh se.

Labour chungchangah minimum wages act, implementation of trade union act, heng act hrang hrangte hi labour welfare ah hian kan implement a. Implementation of contract labour act, labour regulation act phek 450 ah lo en ila, number of registration 60 chauh, number of licence issue 60, revenue receipt 3411, contract labour regulation and evaluation act hnuaih registration 60 chauh kan nei a ni. Tin, implementation of interstate migrant workmen regulation and employment condition of service act hnuaih interstate migrant workmen no. of registration 86 chauh, no. of license issue 86 chauh. Hei hi ka ngai pawimawh hle mai a, Mizoramah labour tam tak an lo lut a, registration timang lovin kan kal a ni a, record ah hian a Chiang mai a, revenue kan hlauh a, regulate a awm si lova, engatinge an in register duh loh, registration an neih loh chuan haw tir vek tur an ni. Social Welfare te, Higher & Technical Education chungchang ah pawh sawi tur a tam mai. A tawp bera ka sawi duh chu overseas scholarship chungchangah lawmthu ka sawi a, amaherawhchu a pawimawh ber chu District quota a awm loh chuan engtinge ni ang, District zawng zawngah sem rawh se 1.30 crore te hi chu District tinah a kal tur a ni. Zirtirtu pawh Aizawl District atang chauha an lak chuan kan haw mai ang, kan duh lo. He scholarship pawh hi District tinah a kal tur a ni, chutiang ruahmanna chu siam tur a ni. Ka lawm e.

*Speech not corrected

DEPUTY SPEAKER : Tunah chuan Pu John Siamkunga i lo sawm ang.

Pu JOHN SIAMKUNGA : Ka lawm e Pu Dy Speaker. Nia, hei kan budget kan sawi tawh a, general discussion kan zo a, vawiin niah hei demand kan han sawi tan a. Kan budget a kan lawmna em em chu chhiah punna tur a awm lo a, chhiah lak tharna tur te a awm lo a, mipui phurrit a awm lo a ni tihte kan sawi tawh a. Tin, kan State in a chhiah kan lakluh

tlem hle mahsela, hetiang zat department tina sum sem tur la awm te hi a ropui hle in ka hria. Kan thianten thil tam tak an sawi tawh a, thil tamtak sawi ka tum lova, hei a hmasa berin demand No.19 na LAD an thawk tha hle a, anni hi thingtlang khaw lama hma la thin an ni a. Thintlang khaw lam tan a ropui a an hmalak tawhna ah te lawmthu kan sawi a. Hei tunah pawh work programme an rawn tih chhuahah te an hma lak leh zelna tur te a rawn lang a. MLA te hi hmunkhata development luang tlurh lova ram kilkhawr ber thlenga development a luanna tur atana development pawt darhtute kan ni a, democracy ropui zia a lang hle in ka hria. Vawiina mahni bial hrang hrangte kan han sawi leh development hmun hrang hranga a luan dan tur te kan duh dan kan sawi te.

Pahnihna ah chuan School Edcation chungchangah lawmthu ka sawi duh a. RMSA hnuaiyah Darzo ah High School min sak sak a, a tha khawp mai a. Tin, Hnahthialah min sak sak bawk a, Muallianpuiah min sak sak bawk a, a lawm awm hle a, lawmthu ka sawi a. Tin, chutih laiin Bualpui 'H' Primary School ah naupang an tam khawp mai a, 130 chuang an ni deuh reng a, Primary School pakhat chauh a awm a, pahniha then te an han rawt thin a, a khaw neituten. Amarawh chu pahnih hi chu kan tlin lovin kan hria a, zirtirtu hi min pe tam ta zawk sela a tha zawk ang a tih te kan sawi thin a. Tunah zirtirtu 3 Head nen an awm a naupang 130 chuang an enkawl a, a Head ber khi zirtirma pe thei tawh lo a ni a. Chuvangin zirtirtu kan mamawh belh a, chu chu kan hotuten min lo chhin chhiah sak sela.

Tin, Higher & Technical Education demand No. 21-naah khan lawm awm em em mai chu, tunhnai mai khan Hnahthial College saw tluchhe lek lek tawh a ni a, tun Ministry avang hian sang takah a awm a, a tira naupang 30 vel nei thin kha kumin ah 184 an nei tawh a. College Bus an nei tawh a, zirna In pawh sak that mek a ni a, naupang pawh an hlim a, a panna kawng te kan lai tha vek tawh bawk a. Tin, kan lawmna em em pakhat chu Geography department hawn a la ni lova private in an hawng tauh tauh a, an hlawh te kan han in tum sem a, keipawn thlatin Lecturer pakhat ka ruai a ni. Chutihlai karah chuan Permission to open kha tunhnai maiah khan sorkar in min pe a, a lawmawm em a lawmthu kan sawi a ni. Tin, Cherhlun Govt' Primary School II-ah khian naupang an thahnem ang reng khawp mai a, chutih rualin zirtirtu Head chauh a awm a, a tawng naupangin an hre hlei thei lova, zirtirma a pe thei lo a ni. SSA lam atangin zirtirtu pakhat min pe a, chu chu kan hotuten min hriatsak sela pek belh kan ngai khawp mai. Tin, Thingsai High School ah pawh chutiang tho chu a ni.

Tin, Medical and Public Health Services ah hian kan sorkar ah lawm thu sawi kan ba nasa hle in ka hria a. Kan sorkarin nasa takin hma min lak sak a Cherhlun PHC sak mek a ni a, Tin, Thingsai ah min sak sak bawk a ni. Tunhmaa sorkar hmasa te theihtawpa an nawr thin kha hlawhtling zo lovin an lo mangang thin a, tuna kan sorkar erawh chu a dan a dang daih a kan C.M kaihhruaina hnuaiyah Health Department in chak takin hma a la a min din sak a ni. Tin, chu mai bakah Hnahthialah sawn Sub-Dist. Hospital min sak sak mek a. Phase I sak zawh chhoh a ni a, phase II kalpui tan leh tur a ni a, tahchuan sum a awm ta vak lova, hei hi kan hotuten min chhinchhiah sak sela a sak zawhna tur sum hi kan mamawh hle a ni. Tin, ka sawi leh duh chu Health Clinic hi ka bialah khaw te reuh te te pahnih an awm a South Lungleng leh Aithur, South Lungleng khi In 27 a ni a, mihring 134 an awm a, Aithur ah In 35 a awm a mihring 162 an awm a ni. Chu chu natna te an tawk ve thin a, an mangang

ve thei hle a ni. Chuvangin Damdawi In an pan ve zung zung thei lo, nau neih chung thu ah te leh engemaw hliam han tawrh thut thut ah te, chumi anih avang chuan ngaihsak an ngai hle a, dah sak dan min zawn sak thei sela, khilai Tuiralah khian harsatna an tawng ve thin a, Damdawi In pan dawna pan theih mai siloh, khilaila Doctor an lo awm chuan harsatna tam tak min sutkian sak thin a, min dah sak thei hram sela tih kha kan ngen a. Tin, New Ngharchhip ah khian Sub-Centre min din sak turah ngaiin a building kan lo sa zo vek tawh a, khi khi kan mamawh khawp mai a, min chhin chhiah sak sela, a building chu kan sa zo vek tawh tih kha kan sawi leh duh a ni. Tin, chubakah heng PHC-ah te hian IPHC norms angin Ayush Doctor pakhat leh MO pakhat Alopahy awm thei tura tih kha a ni a. Hengah te hian a theih hram chuan Ayush Doctor te min dah sak thei ta hlawm sela a lawmawm hlein ka ring a, tin Ayush Damdawi In hi Thenzawlah pakhat lianpui mai sak tur a ni a, a lawmawm hle in ka hria. Tin, Hnahthialah pawh sawn min han ruahman sak ve a, hei hi chu aran aran lo ni mahsela kal mek zel niin min hrilh a, hma chak zawka an lak theih ka duh a ni. Ayush hi tlema lo dang deuh te an ni a, a wing hran deuh hi chuan han awm thei sela chak zawkin hma an la thei ang tiin kan ngaihtuah mai mai a.

Tin, Demand No, 28-ah hian Labour & Employment chungchangah hian sawi kan duh chu, kan hotuten an sawi vek tawh a, thui sawi ka tum lova, Mizoram Building and other construction worker welfare cess-ah hian sum an khawl tam khawp mai a, hemi hnuaiyah hian registration te kan nau ten an han ti a. Hei ti tur in a forms te kan han pe chho belh leh mek a, hei hi a hlawk khawp mai a, tunah hian vaibelchhe 10 chuang hemi atang hian an khawl niin ka hria a. Tin, zirlai admission nei lo te tan pawh hemi a registration an tih hian admission kha tum sak theih an ni a, tin, hemi a in registration te worker tan pawh ham thatna dang dang a tam a ni tih kha kan sawi duh a. Thui tak a sawi theih lohva hun a tlem si avangin.

Tin, Trade & Commerce ah hian han sawi duh tlem ka nei a, kan house leader zahawm tak, kan C.M khan tunhma khan Thingsai bula insumdown tawna tur khi weekly Market din tur khan hma min lak pui a, a lawmawm hle mai a, hei hi kan Trade & Commerce Minister khan min chhin chhiah sak sela, khilailah khian kan in kal pawh tawh reng mai a, Motor pawh khi Mizoram lam ami an hmang a, tin JCB pawh an rawn hmang tho va Bungkhaw kaiah khian insumdown tawna khi chu tlem tlem chu an ti reng thova, tin tournament pawh awm sela inkhelh pawlh vek kan ni a, khilailah khi chuan, a kawng khi han zauhva, a alignment tha deuh hleka siamin khilai khi chu in sumdown tawn nan weekly market ang chuan a theih mai dawn a, chu chu kan sawi duh bawk a ni. A tawp bera kan sawi duh chu chhiah kan pek tlem mah se sorkar ah kan beisei a sang lo thei lova, heng ram changkang te chu kan el phak rual an ni lova, chhiah an pe tam a, sorkar in mawh a la ngam a. Keini hi chuan chhiah kan pe tlem a, chutichung chung chuan kan thik thu a chhiain kan beisei a sang em em a ni. Tin, he budget demand kan han sawi hrang hrang, a vai hian ka support a ni tih kha kan sawi duh bawk a ni. Ka lawm e. Pu Deputy Speaker.

DEPUTY SPEAKER : Khaile tunge han sawi leh ang, Col. Z.S.Zuala. i lo sawm ang.

Lt.Col.Z.S.ZUALA : Pu Deputy Speaker, ka lawm e. a hmasa ber in Demand No.19 LAD hi tlem han sawi ka duh a. Loan allotment hi 400 lakhs a ni a, nikumah pawh khan hetiang zat hi a ni a, a hma kha chuan a tam a, keini MLA hoin Quota tih pun kan rawt baw si a, kan in daih dawn lo a ang riau mai a. Hengte pawh hi tihpun dan a awm lawm ni? Nichina Member zahawmtak Pu Nirupama sawi ang khan Loan quota hi min tihpun sak thei lawm ni tih kha Minister hnenah kan thlen duh a. Social Welfare ah hian kan bial hi kan vannei a ITI ah khuan Mizoram a la awm ngai miah lo, Bal Bhavan rawn sak tumin, tunah khuan hna an tan tawh a, vaibelchhe 4 an rawn hmang dawn a ni a, kan bial chu kan Hausa leh sawt dawn niin ka hria. A lawmawm khawp mai a, chumai bakah naupang zirna chi hrang hrang an rawn siam dawn niin a lang a, a lawmawm tak meuh a ni.

Tin, thil pakhat han sawi chhuah leh ka duh chu construction of two tribal girls hostel at Aizawl and Saitual a ti a. Saitualah hian a awm daih mai a, an chuh chak deuh nge Aizawlah te hian awm mai awmah kan ngai deuh a. Enga pawh nise kan hotuten uluk taka an ngaihtuah a ni a. Tin, nutrition, anganwadi ami hi a tha em em a, naupang pawh in an hrisel phah a, mahse hei hi a freshness old stock a ni em tih ang te hi kan check ngai em ka hre lova, old stock te anih chuan pek lo a tha a, a thenin an sawi dan chuan a bag te pawh a thler a, sazu te pawhin an lo ei a, khatiang chi te anih chuan a tha lo ang a, Officer incharge ten lo en thei se a lawmawm khawp ang.

Tin School Education-ah hian kan bialah sawn Government Special Model School a awm a. Saw saw English medium govt. school awm chhun a ni a. A buildingah sawn an tawt viau mai a a compound te pawh saw private encouragement te pawh a awm nual a, vertical expansion te remchang takin a tih theih a, kan Minister pawh hian a hria a, expansion tura min tihsak theih chuan a lawmawm khawp ang. Tin, school provincialization-ah hianin ITI ah khuan High School hmun tha deuh mai-ah kan nei a, hei BAL BHAVAN an sak tumna bul lawkah hian a building pawh tha tak mai a ni a, hei hi min provincialised theih chuan a hmun pawh a tha a, result pawh a tha a, Government School tha tak kan nei thei mai dawn a, hei hi education ang pawh a hmasawna tha tak a ni thei ang. Chutiang bawkin provincialization-ah hian Primary School, Dam Vengah khuan kan nei a, hei hi min hriatsak theih chuan provincialised theih awm tak a ni a, veng upa a ni a, School naupang pawh an tha hnem a. Kan biala Govt. Boy's Primary School (Sikul sen) kan tih saw kan pi leh kan pute school kaina hmasa ber a ni a. A building condition saw a chhe tawh ang reng a, a rei tawh a, a hlui tawh a, renovation min tih sak thei se, British kut chhuak tha tak a ni a, a lawmawm khawp ang. A bulah sawn Govt. Boy's M/E School tun hma a British hun laia an sak, khang hun laia Assam-a School building tha ber leh mawi ber a ni a. Aizawl College sawn a awp vung tawh mai a, a college a kha kan sawi sel a ni lova, mahse a maintenance saw a tul khawp mai a, min lo hriatsak thei se.

Tin, Aizawl college saw sawn tumna a awm ni awmin kan lo hre vaih vaih a, kan minister zahawm tak hian a hriatpui em ka hre lova, Mualpuiah khuan hmun tha tak Govt. Zirtiri College hmun khu a ruak a, tahkhuan in sawn tumna te a awm niawmin kan lo hria a, an ti dawn anih chuanin college hmun tha tak a ni ngei ang. Sawlaia chep taka awm ai chuan. Kan Minister hian hma a lak theih chuan college hmun tha tak kan nei thei ngei

ang. Khulai khu private encroachment a nasa a, nakinah dan theih loh chin kan neih a hlauhawm khawp mai.

Tin Medical and Public Health Service ah hian kan sawi fo tawh angin Referral Hospital kan Sorkarin Falkawna a han siam hi tupawh hian vision an nei tha tih hi kan hriain ka ring a. Aizawl Chhimlam pang chuan medical treatment awlsam zawkin kan hmu thei. Kan bial chhungah Kulikawnah khuan Hospital kan nei a, kan Minister pawh hian min ngaihtuah pui a, vawi 2 vawi 3 min thlawh tawh a, khungte pawh khu improvement na scope chu a awm a, hman deuh khan Health Worker college te an sa a, hmeichhia leh mipa awmna tur te a hranin tha tak an siam a, kan sorkar hnuah pawh hian hma an la a. Hospital building tak erawh khu chu building hlui anih avangin chuti takin a changkang hlei thei lova, khu khu ka han remind duh a. Tin, Mizoramah hian kan vannei hlein ka hria. Tun hmain cancer treatment reng reng kha Bombay a kal vek a ngai a. Tunah chuan a treatment hetah, Aizawl ah te an ti thei ta te hi nasa takin mirethei ten cancer treatment an lo hmuh theih phah a. Tah hian kan Minister hi a fakawm hlein ka hria a. Tin, hei hi mi tam takin an hlawkpui pawh niin ka hria.

Tin, Labour & Employment ah hian ITI ah khuan building thar, ITI building class room tur niin ka hre ta, building tharte min sak sak a. Khu khu a hman theih tawh dawn ni te pawn a lang a. Khungte khu kan bial chhungah hmalakna ropui tak an rawn siam a.

Tin, Trade & Commerce-ah hian, Mission veng market building saw kan Minister ngei pawhin vawi engemaw zat min thlir pui tawh a. Sawmi approach road saw tunah hian PWD ten hma min laksak a, approach road siamna tur pawisa te min pe a. Chubakah a building modified, kawng expand na tura eng eng emaw sut thlak ngaite a awm a. Chungte pawh chu kan Minister hian min phalsak a. Amaherawhchu, anmahni lam atang hian improvement-na tur pawisa hi min la sihchhuah sak chiahlo niin ka hria a. Hei hi min hriatsak thei se chu a lawmawm khawp ang. Khang kha Pu Deputy Speaker, ka han sawitheih chu ani mai e. A dang sawina hun a awmlo bawk a, i thu awihin hun chu ka exceed ve lo mai ang e. Ka lawm e.

DEPUTY SPEAKER : E...i hmang dik chiah chiah e. Le, tunge sawi ang? Pu Joseph Lalhimpua i lo sawm ang.

Pu JOSEPH LALHIMPUA : Pu Deputy Speaker, ka lawm e. Hei vawiin ah kan demand sawiho kan Minister pathum te chanpual hi mipui hnaih zual niin ka hria a, LAD, Social Welfare Department te, School Education Department te leh Medical Department te a ni a. A pawimawh hle in ka hria a. Sawi tur tam tak a awm a. Bul tan nan chuan kan Minister te demand hi ka rawn support a ni tih kha ka thu bul leh ka thu tawp ka han tarlang hmasa a ni.

Demand No.19-na LAD chungchangah hian hei ka ngaihawh zawng tlemte Pu Deputy Speaker ka tarlang duh a. LAD park kan tih district park kan tih hi Lunglei ami saw a hmasa ber a ni ang em aw ka ti a. Kum 20, kum 30 dawn kalta ah khan siam a ni a.

Hma pawh a sawn viau laiin enkawlna lamah te harsatna tam tak a awm a. Tunah sawn swimming pool te pawh tha tak an siam tawh a. Amaherawhchu, a enkawltu lamte an awm mumal hleih theih loh avang sawn tun kum 2,3 chhungah pawh hian vanduaina, thihna tawh hial te pawh mi engemaw zat an awm tawh a ni. Chuvang chuan, a chei that leh a enkawl hna ah te mi rawih belh theih dan a awm chuan min rawih belh sak sela ka duh khawp mai a kan Minister zahawm tak ka han ngen ni sela.

Tin, Demand No.29-na Social Welfare Department chan hi mipuite nena inhne tak a niin ka hria a. Hei tlawmngai pawl te, chhiatni thatniah leh Mizo society-in kan mamawh tam tak subsidies-in a chang phei chuan a thlawnin a pe thin a, hei hi lawmawm hlein ka hria a. Kan tangkaipui tak zet a. Helam kawngah hian tam lehzual min pek theih kha kan han duhthusam a ni a, kan han tarlang a. Tin, upa leh tar chaklo te, pianphunga rualbanlo te, hamthatna leh chhawmdawlina min pe thin a. E.g. Bengdar kan tih te, Wheel-chair kan tihte, an pe thin a, a lawmawm khawp mai a. Amaherawhchu, Pu Deputy Speaker, a pek dan kalphung hi a harsa angreng khawp mai a. Thingtlang khua atangin an doctor ngeite emaw inentir a annin an certified chutiangte chu a lo ngai a. Wheel chair mamawh tak takte leh Bengchhet upa lam pang tak tak tan phei chuan a har khawp mai a. Hei hi tun aia awlsam zawkin engtinngge lak dan kan neih theih ang aw ka hrethiam lova. Kan Minister-in min lo ngaihtuahpui sela. Medical Doctor-in an damlohna leh an natnate a ziak a, a hriatpui ngei anih phei chuan MLA te pawh hi entrust ngamin MLA te hian kan hriatpuina nente hian lak chhuah dante hi awlsam zawkin min zawnsak sela tih kha ka duh khawp mai a, kan han tarlang a.

Tin, hei Lungleiah achievement tha tak mai kan Minister zahawm takin a nei a. Social Welfare Department te nichina kan sawi ang khan godown tam tak sum leh pai tam tak sengin mi in hmun hrang hrangah an luah thin a. Tunah chuan Office building nghet tha tak mai tun atanga reiloteah an luah thei dawnin ka hria a, ka lawmpui khawp mai.

Tin, Demand No.4,20,21-naah hian thil thenkhat han tarlan ka duh a, Law & Judicial-ah hian mizote hi kan pi leh pute atanga dan leh hrai nei hranpa lo, lalte leh khawnbawlte aia upate zawlbukah te leh chaw eina a nu leh pa thusawite dan anga hmang mai chi kan ni a, inkaihhruai kan ngai hle a ni. Dan leh hrai chungchanga inzirtirna sorkarin pawisa a hmante kan hmu thin a, tha hlein ka hria. Tun aia tangkaiin tlawmngai pawl lian deuh deuhthe leh kohhran pawlte nen pawh hian hetiang hian hmang thei ila a tangkai ka ring a. Dan inzirtir nan hian awareness neih thin a ni a, tun aia tangkai lehzuala hman theih nise tih hi ka duh khawp a ni.

Pu Deputy Speaker, kan College neih mekah sawn kawng engkimah tihlen dan saw awm sela chuan tunaia a let anih em loh pawhin zirlai engemaw zata tam an lak belh theih chuan thiamna leh finna mi tam zawkin kan neih ka ring a, hei hi hma min lo lak sak sela.

Tin, Demand 21-naah hian hma kan sawn hle a, sorkarin scholarship-te India ram pawna kalna tur nen lam sorkarin ruahmanna a siam hi a lawmawm hlein

ka hria a ni. Tukin zawhnaa kan Minister-in a sawi ang khan Lungleiah pawh pawl 12 result a chhuak a, kumtin mi sang telin an passed chhuak a, a dawt leh chiah Govt. College, Lunglei leh J.B. College leh Baptist kohhranin a din a awm a, College pathumah chuan engtikawng zawng mahin kan leng dawn lova, dropped out tam tak a awm sa a ni. Tunah semester system a kal an ni a, College-ah admission tam tak a lak theih tawh silova, tunah JB College kan tih te pawh sorkarin theih tawpin hma a la a, building chhe tak tunhmaa department thenkhat building an luah hawh thin kha tunah chuan building in an sa mup mup a, Minister hnenah pawh lawmthu ka sawi duh a ni. Govt. College-te pawh hian building thar auditorium te an mamawh a, tin, exam center te a ni a, exam pawh saw a buaithlak khawp mai, a room zau deuhva an awm a room tam tak exam an thut te a ngai a, kum hmasa lama kan Chief Minister pawh Lunglei a kal khan hmalak tur thu pawh a sawi a, khawngaih takin kan Minister hian min lo hriat sak sela ka duh a ni.

Tin, Science zirlaite tan study tour an buatsaih sak thin a, exam-ah mark engemawzat a pu a ni. Study Tour atan hian sorkar hian pawisa a dah em ka hre lova, pawisa a dah lova College-in a tir thei lo anih chuan practical exam-ah hian engtingge mark an inpek ang aw tih kha ka rilruah a awm deuh a ni. Sorkarin sum a dah lo anih chuan ruahmanna siam thei sela hei a takin College-a zirlaiten an harsatna ka hnenah an rawn sawi ve thin a ni.

Tin, Demand 20-na hian zirtirtu tulna avangin Aizawlah an kal khawm thin a, District hrang hrang atangin Teacher Inn pakhat an nei a, a tangkai khawp mai a, keini pawh zirtirtu angte leh sorkara kan awm ve zawk laiin chulaia a rash dan te kan hria a, teacher Inn saw Aizawlah hian tihlen dan awm sela, teacher damlohna avangte, hnathawhna avangtea Aizawl kal tan a tangkai hle ka ring a ni.

Tin, zirtirtu rationalization chungchang thu hi chu a harsat zia kan hria a sawi pawh a ngai tawh lovin ka hria a. Transfer norms a rules emaw a system emaw kan neih hi na chhawknah leh a tanpuitu lian ber a niin ka ring a, hei hi a hma thei ang a deptt., in a buatsaih chuan, hei kohhranah pawh kan hria a Synod kohhranah te, Baptist kohhranah te pawh, kohhran dangah te pawh a ni ang thingtlangah chu mi zat, hard posting kan tih ang chi te pawh a awm a, engmah harsatna nei lovin an kal thei a. Sorkar school zirtirtu te hi hetiang deuh hi awm ve ta se la Highway-ah te, Dist. Capital tihah te, ke a kal ngaiyah te, hetiangah te hian a posting an service chhunga chuti zat awm ngai tih a rules(norms) awm sela helai harsatna tam ber hi kan sukiang theiin ka ring a, ka han tarlang duh a ni.

Tin, Pu Deputy Speaker RMSA leh SSA a awm hi a vanneithlak khawpin ka hria a, kan education system leh kan institution nasa takin a ti phuisui a, hei hi a lawmawm tak zetin ka hria a. Helam pang kawngah pawh hian nasa leh zuala hma an lak kha ka duh a. Chutih rual erawh chuan ka rilruah a awm fo chu Central in guidelines a rawn siam ang mil diak diaka helaia kan lo hman thin hi a hman loh dan a awm em ? District committee te nge ni a State Level Executive leh a committee sang te, Minister ho in emaw, Chief Minister ho in emaw, sorkar Secretary ho hian emaw ngaihtuah dan awm thei se tih ka rilruah a la awm fo a.

SSA-ah chuan zirna khua Primary School awm lohna, Middle School awm lohna khua atanga km chuti zatah, naupang chute zat awm hnenah a thlawnin pek tur a ni. Chumi atan Central sorkar in guideline mumal tak nen pawisa a rawn sanction a School building te sak tur a ni. Zep thu a cheng lo tlema thingtlang pilril deuh, ka tawng mawi lo ni lo sela hmun thenkhatah te pheih chuan lo neih tur awmna hmun a pem, lo neih tur a hlat huna an khua sawn leh mai te pawh hi an awm ve thei a ni. Chungte kum li kum nga emaw, kum reilo te naupang 10,20, 30 vel kalna tur atana cheng nuai 5 emaw nuai 10 emaw a aia tam pawh nise la ruamhmanna kha khawpuiah, khawpui bulah naupang za tel awm nan pawh a inang a ruahmanna kalpui thin a ni a. Hei hi an mamawh dan mila siam danglam nisela tunai hian kan hmang tangkai angem aw ka ti. RMSA-ah school tam tak sak thar a ni a, kan bialah pawh kan Minister zahawm takin Ralvawngah te school thar min pe a kan lawm khawp mai. Rultlang East-ah school min din sak a school thar min pe leh mai dawn a kan lawm em em a lawmthu kan han sawi a ni.

Chutih ruala ka sawi duh erawh chu tun atanga kum 50 pawh hi lo kal sela he khuuah hian naupang 50,70 an awm lovang tih hriat ngawih ngawih, tun atanga kum 10-ah chuan he khua hi chu an pem darh mai ang a tih pawh rin theihah te school kan han sa a, nuai 40, 50 naupang 50, 60 naupang 100 awmna te nen kan school building sak a man a in ang reng mai a. Helai hi mamawh dan mil hian State level atang hian kan hotute hian khai rual sela chutah chuan kan hmang tangkai leh zual zawk angem aw tih te ka ngaihtuah a, chu chu kan Minister pawh in min lo hriat sak sela ka duh a. Zobawk-ah sawn HSS lumpsum kan nei a, tunah sawn naupang 70 chuang an awm mek a ni. Kan Minister zahawm takin Exam Centre te min pe a, kan lawm khawp mai a. Sawngte pawh saw HSS kan mamawh leh election hmate pawha mipuiin an mamawh kan lo tarlan thin a ni a kan hotuten min lo hriat sak sela ka duh a.

Education chungchangah a tawp ber atana kan han tarlan duh chu kan mizo moral reform hi a ngai ve in ka hria a. Hei hi tlawmngai pawl te tih tur nge, Kohhran tih tur nge Zirna school institution atang hian kan tih tur tih hi ka rilru in ka ngaihtuah thin a. Zirna school atanga moral reform hi siamthat anih a, kan reform loh chuan kan ramah vawiin ni atanga hun reilo teah harsatna tam tak kan tawng ang tih ka hlau a ni. Chanchinbu a thu ziak te ka chhiar thin a, TV a fakselna tih te ka lo en thin a, facebook a chanchin thar leh group hrang hrangah te ka lut ve thin a, kan ram thatna tur leh kan ram chhuanawm zia tarlan aiin kan ram hrehawm zia leh tute emaw sawiselna thu hlir hi kan hmuh a ni. Hetiang zela kan kal chuan keimahni ngei pawh hi awm rengna chakawm loh in kan siam ang tih a hlauhawm a. Chuvangin education, kan institution atang hian taimakna te, rinawmna te hi kan in zirtir nawn leh a ngaiin ka hria a education institution-ah. Primary school kan kal lai chuan kartin vawihnih kan school compound leh a vel te kan thian fai thin. Chu chuan kan khawtlangah faina rilru min put tir a. Chutiang chuan zirtirtute thuawih te, mahni taksa tihthianghlim chungchangah te pawh zirna school atanga kan tan a pawimawhin ka hria a, Pu Deputy Speaker, ka han tarlang duh a ni.

A tawpna berah chuan Referral Hospital kan neite hi a lawmawmin ka hria a. Kan Minister leh thawktute hnenah lawm thu ka sawi a. Vawi tam tak kan au pui thin a, Lunglei Civil Hospital-ah khawl tha pui pui min pe, amaherawhchu current awm loh avangin

khawl tam tam hman lohin a chhe tawh a, a chhe mek bawk a ni. chumi atan chuan Hospital-in a bika a hman tur, “Transformer thar min pe rawh u,” kan ti a. kan ngen thin a, tunah chuan Transformer tha tak Hospital tan chauh insawr bing tur min han siam sakte hi a lawmawm kan ti a, lawm thu ka sawi a.

Tin, Doctor indaih lohna chungchangah nichina an sawi ang khan harsatna tam tak a awm a, kan hriatpui a. Lunglei Civil Hospital saw chhim lam zawng zawngin kan hnik a ni. Anaestician hnimhlum petu doctor pakhat a awm a, leave a lak emaw a chawlh chuan inzai zawng zawng a chawl vek a ni, saw saw a bika ngaihtuah kan ngai hlein ka hria a, kan Minister-in min lo hriatpui sela a thain ka hria. Tin, Zobawkah PHC din tur anih thu kan hria a, kan lawm hle a. Amah phei chu lo kal sela vawk kan talh dawn a ni tihte pawh kan sawi a, a aiawhin Parliamentary Secretary zahawm tak leh Secretary, Department- Secretary-te an rawn tir tawh a. Engtikahnge bul min tan sak theih ang, min tan sak thuai thuai sela kan van duh ve tih, ka sawi duh a.

A tawpna berah, Border Trade chungchangah, Champhai lamah hmasawna tam tak kan hmu a, kan sorkar chungah lawmthu ka sawi a. Look East Policy, saw lamah chhim tawpah hmasawna tam tak kan hmu mek a, lawmthu ka sawi bawk a ni. Tlabung Border khu kan pi leh pute atanga ram dang nena kan in sumdawn tawna a ni a. Hemi kawngah hian hmalakna tam taka awm mekin ka hria a. Eng chen nge kan thlen tawh, chak leh zualin hma min lak sak se la, tih kha ka han ngen a ni.

Tichuan Pu Dy. Speaker, kan Demand te hi ka support a ni tih ka rawn sawi nawn leh a ni e. Ka lawm e.

DEPUTY SPEAKER : Pu K. Liantlinga

Pu K. LIANTLINGA : Pu Deputy Speaker, ka lawm e. Ka sawi rei lo ang. Hei, kan budget hi nikum size kha a ni mai a, han sawi belh em em tur thil a awm vak lova. Minute khat te te in ka han sawi ang a.

Demand No.19, LAD chungchang thu ah hian, Housing Loan kha, budget bu ah khan nuai 400 kha a dah a, mahse a work programme ah hian a dah leh mang si lova. A lehlamah chuan, Composite Cash Loan ah hian nuai 500 a dah ve thung a. Hei hi a budget lamah khan ka hmu chiah lova, khawi atang nge, ka han en a ka hrethiam lo nge, min hrilhfiah se tha in ka hria.

Hei, Village Council, sum Telegraphic Transfer a an Account a an pe hi a lawmawm ka ti a, kan Finance Minister in budget-a a pharh chungchangah pawh khan, Village Council-te anmahni a inenkawl (free-hand) a development leh thil danga an kal thei ta hi lawmawm hlein ka hria. Hei hi hmasawna a ni a, 13th Finance Commission pawhin a pek ang leh, hei, ni 4/5 chhung velin Village Council Account ah an han dah lut vek a, a lawmawm hlein ka hria. Budget a lo lang Creation for Capital Asset tih ah hian nuai 500 vel a awm a. Sum hetilaia awm hi a tha ka ti a. Tin, District Council ten anmahni a ro an in rel

theihna tur atana development te an kal pui thei hi lawmawm hle in ka hria a. Land Development ah hian nuai 72 vel dah a ni a, work programme siam hi a detail lo em em mai a. A hmaa kan sawisel ang bawk tho khan a hlawm hian an rawn dah leh hlawk hlawk zel mai a, budget hi thlir thiam a har riau mai in ka hria a.

Tin, Social Welfare hi, hei Director Recruitment Rules te kha kan nei tawh a, hengte hi chu eng emaw takin ti nghet sela a hnuaia promotion lo kal chho tur nen hian hmasawna kawng a niin a rinawm a, tin ICDS te Directorate hranah te dah duhna a awm thuak thuak nen post chungchang thua te hian hmasawna an neih theih deuh ka ring a, Demand No – 29 naah hian work programme engmah hmuh tur a awm vak lo ve leh thung a, amaherawhchu material an supply ah te minor works ah te hi chuan eng emaw zat an dah a, kha kha Article 275 anih ka ring a, nuai 1197.6 vel a awm a, heng hi ka bialah te pawh min tih sak a ka lawm khawp mai tih kha kan sawi duh bawk a; tin, old age pension leh national family benefits scheme chungchang te, widow pension-ah te, kan State share hi pek kim hram theih nisela, widow pension-ah hian share pek loh niin ka hria a, old age pension ah hi chuan pek kim tawh niin ka hria a, ka hriat sual loh chuan, Pu Dy.Speaker, widow pension hi sawi eng eng emaw neuh neuh chu awm deuhin ka hria a, kan State share chungchangah hian kan sawi lang duh a ni.

Law & Judicial chungchang Demand No – 4 naah hian kal leh ta ila, High Court hi State pathum khan tun tumah khan an nei chho a, kan hma lakna hi a tha tawk lo nge ni, a building turte kha sawrkar thar tirh te kha chuan sawtilai secretariat complex ah te khan an dah a, a hmasawna hrim hrim hi chu tha ka ti a, High Court te hi MNF leh India sawrkar inremnaah khan a hrangin High Court an nei ang ti khan dah a ni a, kum 26 vel emaw ni, kum 27 na, vawiin thlenga State 3 an pek zingah pawh kan tel lo hi chu a paw ka ti a, kan Minister te pawhin min hrilhfiyah thei sela a tha viauin ka hria a.

Tin, School Education Demand No – 20 na ah hian Republic M.E School kha ka sawi duh a, House ah hian ka bial chungchang hi ka sawi khat viau a, a ram pumpui huapin a tlangpuia kan sawi thin avangin, ka biala ME school building sakna tur sanction min tih sak hi a lawmawm ka ti a, lawmthu ka sawi duh a ni. Republic M.E School ah hian cheng nuai kua leh sing li leh sang hnih vel niin ka hria a, ka hriat sual loh chuan, tunah a hna pawh an tan mek a a lawmawm hlein ka hria a. Mizoram ah hian ram tha leh Industry te leh thil dang kan nei tam lova, zirna hi a ni ber mai a, zirtirtu lak chungchang thu ah hian ka hriatsual loh chuan kan Minister khan 400 vel dawn lai kha lak thar tur awm ni khan a sawiin ka hria a, qualified teacher tak tak lak leh training tih that hi nise a tha in ka hria a. Tin, hlawh chungchang thua hian lawmawm ka tihna lai a awm a, nikum budget atang khan kumin ah chuan hlawh lak theih loh kha a awm lo a, kan sawi fo tawh a Consultative committee member a han awm kha chuan kan han ngaihtuah thin a crore 63 zet ba an awm a advance in, tun thla March thla hlawh an lakin July thla hlawh thleng kha eiin hlawh an la thin kha a paw a, an siamtha ta hi a lawmawm ka ti a, kha pawh kha sawrkar hian ngaihtuah chian a ngaiin ka hria a, an fimkhur tawk loh vang niin ka hria. Ka zawt a Non-plan sum hi engzatnge in neih? Kan ei zo thei em ? ti a ka zawh khan, kum 3 kalta vel chhung khan 2008-2009 crore 24 te, 2009-2010 crore 28 te , 2010-2011 crore 26 te kha an lo surrender si a, Non-Plan a

zirtirtu tih loh loh avang leh management fel tawk loh vang niin ka hria a, department mawh liau liau niin ka hria a, hei hi a fel ta em? Non-Plan ah te hian engzatnge kan rin loh theih tak, kan Minister hian min hrilh thei em? tunhma a harsatna kha chu awm ta lo niin ka hria a. A lawmawm a, scholarship chungchang hi kan sawi duh a, 35 lakhs abroad atana an dah hi a lawmawm ka ti a, tin British Army nih duh te pawn mi eng emaw zahin an rawn dil a scholarship board ten anlo tihpui a, mi 7 vel lai niin ka hria, tin, ramdangah hian kan thalaite hi thawn chhuah theih an ni kawng hrang hrangin. Kan ram chhunga zirna lampang leh Board lampang te pawh kan ngaihtuah chian tel a ngai viauin ka hria a.

DEPUTY SPEAKER : Lawkin, khi dar 4 a ri tawh a, kan ban kha a hun a. Engpawhnisela, han sawi zo phawt sela, rem kan ti em? Han sawi zo phawt rawh, minute 2 vel i la neiah inngai la.

Pu K. LIANTLINGA : Pu Deputy Speaker, ka lawm e. Chuti anih chuan thui tak kan kal hman dawn lova. Scholarship Board hi tih chak a pawimawh a ni. Hei hi kan thalaite zirna tur leh national level leh international level thlenga kan zir theihna tur te pawh a ni a.

Chumi nena inkaihnhawih chuan Demand No. 21-na Higher & Technical Education-ah hian ka'n sawi duh chu kum tinin zirlai 400 vel hi technical student kan tir chhuak a, kum nga hnua rawn zir chhuak vel anghang ngai ta ila, Technical student 2000 vel hi chu ramdangah kan zirlaite an awm a, ka sawi tawh ang khan 2004-2005-ah P. Chidambaram-a'n Budget Speech a Educational Loan a sawi ni ah kan simplify ang a, kan tidanglam ang a ti a. Guarantor leh mortgage ngai lo a ni a., hei hi kan Scholarship Board te la ta sela, kan technical student te hi tanpui ta sela, student 2000 vel hi chuan an enjoy thei vek a ni. Recognized University hnuaia affiliate college-ah chuan a tih theih vek avang khan ngaihtuah ngun a tulin ka hria. Pu Deputy Speaker pawh hianin a fanu a tirin ka hria a. Mimal chuan a tih theih mai. Amaherawhchu, Sorkar anga mi harsa zawk leh mi hnuaihnuung zawk te tanpuina tur atan hian ke kan pen a ngai a. Tunah hian mi tam takin loan an dil a, an la pe thei lo a ni, chung avang chuan harsatna hi kan zirlaite hian an tawk nasa em em a ni. Tin, nimin khan kan Chief Minister zahawmtak khan a wound up naah khan a sawi a, loan repayment tha lo chungchang kha a rawn sawi a. Kan deposit ratio CD ratio-ah hian 50% vel chauh hi Advance loan Mizoram hian Bank hian an pe chhuak chauh a ni. Chutah chuan repayment tha lo a tih kha kan sawi fiah duh a, North East-ah hian Tripura a tha ber a, 72% an achieved a ni. Tin, Mizoramah chuan 64% a ni a, Manipur 30% a ni a, Nagaland 35% a ni a. Kan ramah hian kan Bank hian Bank-a kan deposit pawisa hi phai lamah sumdawn nan an hmang ta zawk a, Hei hi kan sawrkar hian enfiah a, tan a lak a ngai em em a ni.

Pu Deputy Speaker, a tawp nan Health lam hi ka la lut ve lova, hei chauh hi Minister demand pakhat hi kan lut ve leh zawk ang a.

DEPUTY SPEAKER : Minute 1 sawi rawh. Minute 1 te te in ka sawi ang i tih kha.

Pu K. LIANTLINGA : Nursing College hi sum dah ka hmu lem lova Budget-ah hian. Tin, Medical College-ah khan concept paper an ti fel tawh em? Kan han sawi hluai a, DPR te siam a ni tawh em? tih te pawh kha kan sawi duh a. Tin, AYUSH hi Directorate-a dah tur tih te pawh kha kan la mung chho rih niin ka hria a. Amaherawhchu, hospital chu Thenzawlah chuan an sa niin ka hria, hengte hi tih chak a tha in ka hria.

Tin, Labour & Employment-ah hian thil tha deuh a awmin ka hria. Kan Director thar hi a tha hle niin ka hria, ka va leng a, ka bialah pawh tan kan han la a, Building and other Constructions Workers Welfare Cess chungchang thua hian tam tak labour tena enjoy theih a awm a. Hengah pawh hian crore engzatnge ka hre chiah lova, kan Minister khan wound-up-naahrawn sawi sela, crore 10 dawn lai chu kan nei tawh niin ka hria a. Tin, ITI dinna tur sanction pawh hi Budget-ah hian a lang lova, hei hi engnge ni, Centrally sponsored scheme a ni a, mahse Budget-ah chuan a lang turah chuan ka ngai a.....

DEPUTY SPEAKER : Khai le, i duh tawh ang. Labour lamah kha i lut leh tawh.

Pu K. LIANTLINGA : Tunah chuan Labour & Employment hi Department lian ber, Chief Minister lak tlak khawpin a awm chho dawn niin ka hria a, a lawmawm hlein ka hria. Mizorama 60%/70% deuh thaw hi labour kan nih avangin, hetiang hma la tu chak Officer tha kan nei te, Minister tha kan nei te hi ka fak duh a ni. A chhan chu 2009 atang khan ka sawi tawh a, ka sawi ka sawi a, mahse, kan Minister leh kan Department te pawhin Secretary in thlak zing lutuk a, tin, Director a in thlak zing lutuk a, khalamah khan hma an la hman lova, tuna mite hi chu kum 5 che lovin kal sela chu, Labour & Employment hi, Chief Minister chan tlak khawpin kan ti lian theiin ka ring a ni. Hei hi a tawp ber atan ka sawi duh chu a ni. Pu Deputy Speaker, Ka lawm e.

DEPUTY SPEAKER : Eng department pawh hi Chief Minister chan tlak vek a ni, tih kha ka Chair atangin ka han hrilh duh che a ni.

Aw le hei, vawiin hian Minister pathum Demand kan sawi a, kan ban hun kha dar 4 a ni thin a. Amaherawh chu demand sawi hian kan pass mai a ngai si a, dar engzah ah nge kan ban dawn a la hriat loh a. Member 16 in an sawi tawh a, la sawi lo an awm nual baw si a. Engpawhnise, ban hma chuan kan zo hman turah ngai ila. Mahse, kan chawl lawk ang a, dar 4 a chawl tur kan ni a, mahse Pu Liantlinga'n hun a la deuh hlek a. Thingpuite an lo ruahman tawh si a, kan chawl ang a, dar 5 ah kan lut leh dawn nia. Order ka hmuh danin dar 5 a ni. Chuvangin dar 5 ah kan lut leh ang a, kan chawl rei deuh dawn a ni mai.

Recess 4:00 PM

SPEAKER : 16 in kan sawi tawh a, tunge sawi leh dawn le? Pu Zothangliana.

Pu H. ZOTHANGLIANA : Pu Speaker, ka lawm e. Recess hunah khan Minister zahawm tak Pu S. Hiato nen A.R. Ground ah 1st N.E. International Trade Expo. Inaugurate turin kan va kal a. Thuhma ah han tarlan zawk ka duh a, Speaker remtihna in. N.E. ah chuan International Trade Expo hi Mizoram bikah pheih chuan kan neih vawikhatna a ni a. Beiseina

keimahah tak phei chuan ka nei sang lo khawp mai a, mahse thil lawmawm tak mai he House leh Zoram mipuite pawhin min hriatpui se ka duh chu he event hi Gauhati based NGO 2 leh Industry Department, Govt. of Mizoram te nen tang ho a buatsaih a ni a. Hei hi khawvel ram dang ami te pawhin entrepreneur ten min lo hlutsak hle mai a. Thailand atangin exhibitor rawn inpho chhuak ve 21 an rawn tel a, Bangladesh atangin 3, Singapore atangin 1, Egypt atangin 1 an rawn tel bawk a, tin India ram hmun hrang hrang atangin stall 45, Japan atangin 1 a ni bawk a. Chubakah chuan Mizoram atangin kan entrepreneur 10 vel an tel bawk a ni. Tlereuh thil te tak te te atangin mau lam product mawi tak tak, chhawr nahawm tak tak tur te leh Egypt ram lam thil ropui mawi danglam tak takte pho chhuaha hralh a ni a, hei hi tlawh theuh tlak a niin ka hria a, thil lawmawm tak a ni a. Hetiang hi Zoram hmun dangah pawh Chhim lamah te leh hmun dang dangah pawh min buatsaih sak an inhuam hle thu an hotunu in a sawi nghe nghe a, a lawmawm hle in ka hria a, chu chu a hre duh te hriat atan ka han tarlang hmasa a ni, Pu Speaker.

Demand no. 29 ah Social Welfare Department ah hian sawi tur a tam hle mai a. Anganwadi Center 1980 vel Mizoram ah hian kan nei a, chung kan center zawng zawng deuh thaw chu pucca building a sak a han ni ta mai te hi thil chhuanawm tak, achievement ropui tak kan Minister kaihhruaina in kan nei a thil lawmawm tak a ni. Heng hi kan neih theihna chhan pakhat chu NGO te leh a community pumpui nena tanho na, thawhho na tha Department ten an hmuh avang a ni lian hle tih ka hria a, churangin an hnenah pawh lawmthu ka sawi tel nghal duh bawk a ni.

Social Welfare Department ah hian Scheme thar deuh tun kum kal mek atanga kan neih chu Rajiv Gandhi Scheme for Empowerment of Adolescent Girls kum 11 – 18 inkar te tana scheme tha tak mai hi a ni. Vocational Skill hrang hrang an neih theih nan te, in lam sekrek khawih thlenga thiamna changkang zawk, chhawr tlak zawk an neih theih nan te leh hriselna kawngah te, ei leh in chungchangah te, family welfare hrim hrim lama awareness tha zawk, hriatna tha zawk an neih theih nan te he scheme hian nasa takin hna a thawk dawn a ni, a tangkai dawn a ni tih kan hria a a lawmawm ka ti tak meuh a. Mizorama kan Administrative District hmasa leh lian pathum Aizawl, Lunglei leh Saiha District ah te 2012 – 2013 hian kal pui niin heng hmeichhe naupang leh tleirawl te mi 25856 laiin an chhawr tangkai mek te hi thil chhinchhiah tlak tak niin ka hria.

Lawngtlai District bik atan scheme thar kan neih a awm bawk a Indira Gandhi Matrivas Sahyog Yojana an tia niawm e. IGMSY hei hi ‘A Conditional Maternity Benefit Scheme’ tih a ni a, he scheme hnuai ah hian hmeichhia kum 19 leh a chunglam nau tha taka, dam taka pahnih hring chin te hnenah tanpuina, lawmpuina ti ila keini Pathian rochan fanau lama han ti tha ve deuh Pathian khawngaihna kan ni a, churangin a incentive tih zawng pawhin sawi ila, a lawmman tih zawng pawhin sawi ila a dikin ka hre deuh a, a dik tak tak chiah em chu ka hre lova. Chutiang mite hnenah chuan cheng 4000/- theuh installment thumin

pek an ni a. Hei hi Lawngtlai District ah Mizoram pumpui ah tan a han ni bik a, pilot basis a kalpui a han ni te hi kan Minister hnenah leh Officer te hnenah, a thawktute hnenah lawmthu ka han sawi duh a ni.

Multi Sectoral Development Project hnuaiyah Lawngtlai leh Mamit District te hi a vannei kan ni a. A bikin religious minority kan tih Buddhist ho ten keini ramah chuan a tlangpui thuin Chakma leh Bru te hian hemi hnuaiyah hian duhsakna an dawng a, a vaibelchhe sawm telin thil tam tak tih sak an ni tawh a ni, hengte hi thil lawmawm tak a ni.

Demand No.20 School Education kan Minister zahawmtakin House ah a sawi chhuah tawh angin Head Master post 55 ruak hnawhkhahna tur phalna an hmuh tawh thu te khan mi a thlamuan khawp mai a, a taka tih hlawhtlin thuai thuai hi keini Thingtlang lama High School neite chuan kan duh a kan nghakhlel tak meuh meuh a ni tih hi kan sawi nawn ve leh duh a, Rationalisation of Teacher hi hun reitak nghah a niin engemaw chen chu kal pui tawh niin ka hria a, nimahsela tun aia la rationalize leh zual hi a tul a ni tih hi kan thian then khat ten an sawi tawh nachungin ka sawi nawn leh duh hrim hrim a ni, kan mamawh em a vangin. Kan opposition member pakhat khan Congress ho hi School 300 chuang lek kan lo upgrade ve kha in sawi in sawi mai a harsatna siamtu ang bera in sawi a, hengte chu ngai pawimawh ula thil tih har pawh a ni love ti zawng khan arawn sawi a, chu mai a la tawp lo chuan MNF kan sorkar leh hunah hei chu kanrawn tife ang kha a ti a MNF sorkar leh hun tur hi nghak tak tak ta ila kan nghak chhuak lovang tih hi tunlai khawvel thil awmzia in a a hrilchhuah mek hi a ni a, a sawitu pa pawh khan zaktak chungin a sawi niin ka hria, damrei nghah thil tih aia rei tak hi niin ka hria. Engpawhnisela MNF sorkar leh hun hi nghah a ngai lo va, tun sorkar hian a enkawl thei a ni tih hi ka sawi duh a ni, an lo kit hnawk a an kih hnawk mai duh tawk lovin kan Minister zahawmtak Pu Lalsawtan a sawi tawh thin ang khan kih hnawk mai duh tawk lovin hmun tam takah an phun hnawk baw a, chutichung chung chuan Congress sorkar hian a ngaihna a hria a, kawng a awm loh pawhin kawng a sial chawp a, waviin thleng hian tha takin a kalpui mek a, a kal pui zel baw dawn a ni tih hi sawi ngam awmin ka hria.

Higher and Technical chungchangah Lawngtlaiah Polytechnic min han dah sak ve dawn a; kan lawm a. Tun hnaiah Lawngtlai, Saitual, Khawzawl, leh Aizawl North College te Principal regularized a ni ta te hi a lawmawm a, hmasawna ropui tak a ni. Anmahni lawmpui thu ka sawi rualin hemi kawnga mawhpurthu zawng zawngte chungah lawmthu ka sawi baw a ni. Medical & Public Health Services hnuaiyah hian Lawngtlaiah solar energy hmanga Civil Hospital enkawl turin kan hotuten hma min lak sak mek a, kan lawm em em tih kan sawi tel ve leh baw a ni. Health Sub Centre leh Clinic Centre tam tak min sak sak avangin kan lawm hle, chutih rualin thenkhatte a taka 'run' theih a la ni lova, engpawhnise, hemi kawngah hian chak leh zuala hma min lak sak turin kan hotute kan duh em em a ni tih ka sawi duh a, Health Worker te pawh hi an awmna hmun chungchangah hian rationalize an ngai a ni. A bikin khawpui deuhah an awm dul dul a, an norm ni ve awma ka hriat pakhat chuan Centre pakhat ah hian Male worker pakhat leh Female worker pakhat tal

an awm tur a ni a, mahsela khawpuiah female worker an awm khawm teuh va, thingtlang lamah an in daihlo em em a, chutiangte chu anih avangin siam that a ngai khawp mai.

Trade & Commerce chungchangah hian Pu Speaker, Assembly-ah ngaihdam dil ka duh a, Kolody Multi Modal Transport Road laih tan a nih dawn lai khan he House ah hian uangthuung ang reng takin thu ka sawi a, sawlamah chuan compensation ah kan buai ve lo, ka ti vei pam pam a; a tuk tuk leh lawk atangin kan buai chhe hle mai a, a zahthlak ka ti hle mai a, he House ah hian thupha ka chawi a ni, helam kan ni emaw, sawlam kan ni emaw Mizote hian kan kristianna hi a takin kan nunpui lova; kan Chief Minister zahawm takin compensation hnamah kan inchhuah zo dawn ta a tih hi a lo dik a ni a paw mang e aw, ka ti! Kolossa bung 3:5 leh Ephesi 5:5 ah te chuan duhamna hi milem biakna a ni tih leh mi duham chu milem betu a ni tih kan hmu a ni, compensation uchuak taka kan um te hi kan kristianna kalsan a milem biakna kawng a ni tih hria a Zoram mipuite hi kan inngaihtuah chhuah, kan insiamthat a va hun ta em tih hi Pu Speaker ka'n sawi tel hram duh a ni, ka lawm e.

Dr. NGURDINGLIANA : Pu Speaker ka lawm e. Ngawi renga ding peih an awm chuan ka tia ngawi reng a thut bik ka tia ka rawn dingchhuak a ni e. Pu Speaker, hei min hriatpui vek a nangmah leh ka member pui ten. Hei inthlan a zova, result te a chhuak a Pathian leh mipui zarah thlan tlin te kan lo ni a, bialah pawh la kal hman lovin hei Session in min nang zui nghal a ni mai a, chuvang chuan kei chuan discussion ah chuan ka tel hrih lo mai ang, ka lo ngawi thu rih ang e ka ti na a Education chungchang a awm avang hian he Demand hrang hrang hi kan lawr ve a. A hmasa berah chuan Demand No. 29-na ah khan Social Welfare chungchangah khan hei campaign a kan kal kual khan hmun tin deuhthaw ah Anganwadi Centre tha tak tak changtlung tak tak ka hmu a tin, heng sorkar hmun hma tha tak tak te tlawhna programme kha kan nei vek a tin, hmalakna tur pawh tam tak a awm a, chumi kawngah chuan kan Minister zahawm tak hnenah khan lawmthu ka sawi a. Tin, khaw hrang hrangah la din tur te pawh a awm a chungte pawh chu ka thlen nghal nisela.

Tin, Demand No. 20-na ah khan Medical leh Public Health Services chungchangah khan hei kan Minister zahawm tak hnenah hian lawmthu ka sawi duh a. Khilai Tuivai Lui kual dungah khian khaw 4 a awm a Phuaibuang, Khawlian, N.E.Tlangnuam leh Daido. Anni mai bakah Manipur thlengin Phuaibuang Hospital khi an rawn pan thin a, chumi atan chuan a building a chhe viau tawh a Minister in a thar hlak min han sak sak a hei pawh hi la hawn loh a ni a. Tin, kan vannei a Phuaibuangah khian a khaw mi Dr. Hlua fel tak mai, taima tak mai kan nei a, ani khi Nurse 3 in an tawiawm a, chuan ani khian engkim a khawih ani ber mai a, zai atanga nau chhar thlengin, ani khi a rim em em a, chumi kawngah pawh chuan Doctor min pekbelh theih chuan kan lawm khawp ang. Tin, hemi bakah hian khaw 3 khaw 4 velah clinic centre kan la rawn dil dawn a kan Minister zahawm tak khan min lo hriat sak nghal nghe nghe se.

Tin, Demand No. 20-na ah khan School Education kha nichinah kan member zahawm tak Pu Joseph khan a rawn sawi tawh a, tuna ka finding ah chuan ka bial khaw hrang hranga ka han kalah khan khawtinah zirtirtute kawmna kan nei a Primary atanga High School thleng chuta ka hmuh chu elementary stage ah hian tan lak a ngai hle a ni a bik takin ka bialah, rampum ang pawhin anih ka ring. Zirtirtu leh naupang ratio pawh chhe tak a ni amaherawhchu, Middle bikah chuan tlemin a zia High School ah tlem in a zia leh. Tin, kan Education Minister hnena lawmthu kan sawi duh chu tun RMSA teacher in lak hnahnun kha an thiam tak takin ka hria, khawthumah kawmna ka nei a M.A., M.Sc. mi vengva tak tak hmelpu vek an ni a. Engnge in mu tanna, engnge in harsatna ti te in kan inkawm a, hemi hna i dil hian engnge i rilruah awm i work ethics engnge, i inpe em ti ten inkawmna kan nei a chuta a tlangpui ka hmuh dan chuan hnathawh tak tak an tum vek, tin, Aizawl lama in transfer dil pawh an tum lo 'ka pu kan mamawh chu In tha hi a ni mai a theihtawp kan lo chhuah ang' a saptawng takin pakhat phei chuan a sawi a N.E. Tlangnuam ami khan 'Sir, will give on the best of education mahse nang pawn min tanpui rawh kan mamawh' a ti a. Khatiang khan khaw hrang hrangah bial hrang hrangah zirtirtu lak kawngah a fuh hlein ka hria a chuvangin, keipawh zin chhoh ka chak nachhan chu anni ho nena hmalakna kawng a han inkawm a ruahmanna han siampui ka chak tawh a ni. Chumi kawngah chuan an ti tha hle a ni. Tin, a naupang lama hmuh hrehawm deuh ka tih chu kan naupangte khi an etiquette a chhe em em mai a; tin, chumi piahlahmah hawihhawmna hi an nei vak lo a ni chuvang chuan nichina kan ngaihthlak ang khan moral reformation te etiquette zirtirte hetiang hi an mamawh lutuk a bik takin elementary stage ah chuvang chuan kan Minister pawn khatiang hawi zawng khan nakinah Deptt. hotute pawh kawmna lo nei turin kan ngen nghal a, a tlangpui thu chuan helaia kan hotuten kan han bial hma a hma in lo lakna zawng zawngah khan lawmthu ka sawi a. Tin, kan kalchhoh leh zelna turah pawh keini chu bial hnufual bik kan nih angin education lamah ani emaw, road communication-ah a ni emaw Health lamah a ni emaw in mi tawiawmna kha ka rawn dil zel dawn a.

A tawp nan chuan vawiina he kan Minister pathum Demand hi ka rawn thlawp a ni tih ka rawn sawi a ni, ka lawm e.

*Speech not corrected

S P E A K E R : Nang ang theuh kha chuan hun hmang thiam ila chuan kan bang tlai vak lovang. Pu P.P.Thawla

Pu P.P. THAWLA : Pu Speaker, ka lawm e. Minister zahawm tak tak pathum-te Demand sawi hun anih avangin hun a ren awm hle mai a, chutihlaiin i dinglama miten inthlan kum anih avang emaw ni thahnem an ngai viau zel mai a minute pek piahlahmah nasa takin tan an khawh thin a chutiang chu ka ti lo turah ka inngai a. Demand No. 19-na atangin han tan ta ila LAD chungchang thu a ni, he House-ah hian fahrah takin party pakhat atang chuan keimah chauh tling ka ni thin a term hmasaah khan Saiha District lamah te Housing Loan Board ah te min dah ve ang

chu ka ti a, min dah bawk si lova, kum nga chhunga min beiseitute beidawng takin ka siam a, tun term tal chu an tam em mai a hnampui zawkte pawh an ni a, min dah ang chu ka ti a, min dah bawk si lova. Mahsela a Minister hi kan thenawmpa a ni a Saiha lamah quota pahnih, Aizawl lamah quota pahnih tal chu min duhsak ka rin avangin thlamuang takin ka thu a ni tih kha ka han tarlang duh a. Nikum lam aiin plan sum lah chu nuai 50 chuangin tih tlem sak a ni a, chuvang chuan quota te pawh a tam viau mai thei. Mahse, ka ngenngawlina hi R.D. Minister pawh hian hmanah khan min tihhlawhtlin sak tawh a, hlawhtling ngei turah ka in beisei a ni Pu Speaker.

Demand No. 29-naah Social Welfare Department-ah han kal leh ta ila. Social Welfare Department hi a hming han sawi atang pawh hian a thlamuan thlak nghal maiin ka hria a, a chhan chu a mawhphurhna hi a pawimawh hlawm hle mai Pitar/Putar tena pension hlawh lawm taka an lo lak theihna thin Department kha a ni a, Hmeithai pasal nei tawh lo eizawngtu mumal pawh nei tawhlo ten a sing tel an lo dawn theihna thin te a lo ni bawk a. Tin, chumai bakah chuan Rualbanlo te pawn inghah nana an lo hman thin a ni a, piangsual kebai te pawn thuam mawina an lo dawng bawk thin a. Nichina kan ngaihtlak tak ang khan Bengngawngte pawh hian Social Welfare Department atang hian hriat theihna tur hmanraw tha tak tanpuina an dawng thin a. Amaherawhchu, a hmuh theih dan kawng kha a lo khirh angreng khawp mai a, thingtlangah doctor an vang thin si a member zahawm takin a sawi ang khan MLA ten an verify chin hi chu hotute pawn min pawm sak zel mai sela a tha awm mang e tih kha kan sawi lang duh a ni. Hetiang taka Department pawimawh anih lai hian enge ni a chhan ka hre miah lova nikum lama an sum hmuh aiin nuai 1663 laia tihtlem sak a ni ta mai hi a pawl ka ti hle a, an hmalakna thin te a pawimawh tehlu nen.

Tin, Social Welfare Department atang hian bialtu MLA ten kan bial chhunga NGO tangkai deuh deuh te tana an mamawh thil P.A. Set a ni emaw, Dekchi, No, Thleng leh Tarpaulin te hmanraw chi hrang hrang kan lo dilna thin Deptt. a ni a helam pang atana sum an lo dah tam a, dil tur an lo ngah hi chuan kan phur viau zel a House-ah pawh hian han au khum vakna chi pawh a ni lo beiseina sang tak nen kan lo thlir a ni tih kha kan tarlang duh a. Chutiang bawkin tun kum tawp dawnah pawh hian NGO te mamawh thil hi a tam thei ang berin min ngaihtuah sak thei sela a lawmawm hle ang tih kha kan sawiduh a ni.

School Education Deptt. hi ram leh hnam siamna tur atana Deptt. pawimawh tak a ni a, sorkar pawhin Education atan hian sum tam tak kan dah thin a, chuti anih lain sorkar zawkin sum kan sen tamna sikul kan enkawl mekte aiin private sikul hrang hrangte hi an hming tha zawk a an quality pawh a tha zawk tih hi kan hria a ni. Hei hi kan thawktute inthlahdah vang nge ni ang a enkawltute kan inthlahdah vang nge ni ang tih hi ngaituah tham a ni, khawpuiah chuan sorkar sikul te a that vak loh pawhin private high sikul te a that em avang in naupang tha tha te an lut chhuak thei a. Tiang kawngah hian sorkar a thawktu zawng zawng te tan kan lak

a pawimawh a hle a ni. Govt. sikul ve lem si ah clerk pakhat pawh awm lova kal tak reng mai te hi chu a hreawm ve a hei hi changtu Minister hian ngaipawimawh se a hun tawp hma ngei hian heng sikul te a lo that zawk theih nana an mamawh hi min ngaihpaawimawh sak thei sela a lawmawm hle ang.

Tin, Demand 21-na, hei kan Government Saiha College tunah hian building tha tak mai Minister hian min sak sak mek a tunah hian 80 % vel chu sak tawh a ni. A satu kut hnuhma pawh a mawiin a tha in ka hria a; amaherawhchu, a pawisa lampang release chak lo hian hna hi a ti chak lova a bathlau ngawta sak anih avangin a thawktute pawh an hlawk tur angin an hlawk lovang tih kha hlauawmin ka hria a ni. Chuvangin fund release lamah khan tan min lo lak sak thei sela tih ka sawi duh a ni.

Ka bial chhungah hian Govt. high sikul 6 a awm a, tin, private adhoc H/S sikul pali lai a awm a. Chuti anih laiin Higher Secondary sikul pakhatmah an nei lova, Tuipang sikul hi a senior ber a ni a; tin, chubakah Saiha Dist. chhungah school tha pawh a ni thin a ni. Tuipang High School hi higher ah dah ve ngei nisela tih ngenngawl takin kan sawi lang duh a ni. Sikul ti hming tha tu headmaster te leh thawktu senior te nen, an lo pension nual si a. Tunah pheii chuan headmaster mumal an awm lo. Headmaster fill up turah khan Tuipang block lampanga headmaster dah tur te hi a tha tha min dah sak thei ngei se tih hi kan sawi duh bawk a ni.

Pu Speaker, demand 24 na hian Aizawl Civil Hospital lamah hian ka kal zeuh zeuh a chutihlaia ka thil hmuh chhuah ve pakhat chu kristian ram mah nise, aids chungchang thu hi kan sawi zing ta bawk a hei hi do let tul tak a ni. Hemi lama thawktute hi ka tlawh kual thin a an chetna hmun te hi a zim ve a, an rawngbawlina pawimawh si Counselling neih nan te pawh a hnawk em em a sorkar pawh hian ngaihsak sela central sum mai lo state sum atang hian aids lampang do letna tur hian engzatnge kan ruahhman ve hrim hrim tih Minister hian min hriih thei sela, ART center kan neih te a counsellor-te hi ₹ 8000/- hlauh atanga tanin tlem te te-a tih pun sak a ni a, SSA teacher te RMSA teacher te hi BA an nih pawhin MA an nih pawhin 20000, 25000 vel an hlauh a. Hemi rawngbawlina pawimawh tak HIV do letna tur counsellor ho hi an hlawhte a tlem lutuk hi a siamthat theih na dan hi a awm lo emaw ni le.

Tin, Tuipang hian Doctor pakhat chauh kan nei a. Tuipang a PHC kan tih hi a senior ve khawp mai a, Mizoramah chuan, chutilaia doctor pakhat chauh mai awm hi a tha lo hle mai, programme pawimawhah an zin chhuak lo thei lova. Chuvang chuan Tuipangah hian doctors 2 vel tal min dah sak thei se ka ti khawp mai. He Department rawngbawlina pawimawh tak hi kan sorkar pawhin ngaipawimawh ila hriselna kan mamawh em em a chuvang chuan aids te tunaia chak zawka do theih nan te thingtlang kil khawr PHC ah te leh Health sub-center-ah te thuam that kan mamawh em avang hian an plan sum chan te pawh hi belh leh theih nisela a lawmawm hle in kan hria a ni. Ka bial Phura-ah pawh hian Doctor an awm lova Nurse pheii chu an awm reng; tin, Chakhang ah Doctor an awm lova Nurse pawh an awm mumal lo.

Tin, Saiha bialtu zahawm tak bial Chhuahlungah pawh hian Doctor leh Nurse an awm lovin ka hria a, hengah te pawh hian dah theih ni sela. Tin, Helicopter-te Aizawl pan nan, a neinung tan service tir a ni a, lawmawm hle mahse a hmang ve pha lo ho ten PHC a thawktu dah that nisela a lawmawm hle ang . Chutiang taka Department pawimawh leh hma la an nih laiin an Plan sum chan hi nikum lam aiin kuminah 2508 laia tih tlem a ni hi a paw ka ti, he department rawngbawlna pawimawh tak hi kan sorkar hian ngai pawimawh leh zual ila, hriselna kan mamawh em em a Aids te mumal leh chak zawk a do a nih theih nan te, chubakah thingtlang kilkhawrah PHC lam thuam that kan ngaih em avang hian Health department hi sum pek belh theih ni se a lawmawm hle in ka hria. Tunah plan sum kan chan tur a chiang lova, min pek chian hunah phe chu an chan tur ang chang pha ta lo, nikum lam aia chang tlem ho hi duh sak ni tasela a tha hlein ka hria Pu Speaker, ka lawm e.

Pu LAL THANZARA : Pu Speaker ka lawm e, kan member thar zahawm tak Pu Ngurdingliana hun hman ang lek kha hman ka tum dawn nia. Ka hma a sawi member zahawm tak khanin Ruling member ten hun an va duh thawh ve le, inthlan hnaih vang em maw ni le te a ti a. Kan Minister zahawm tak tak te hma lakna hi a chhuanawmin a ropui em mai a minute 10 chung leka han sawi zawh theih a ni lo tih kha kan hrilh duh a ni.

Demand No. 29 na Social Welfare Department hma lakna hi sawi ka duh a. Kan Minister zahawm tak hma lak nain tunhma atanga rualbanlo ten an lo beisei thin kan neih hleih theih loh, People with Disability Act in a phut Commissioner puitling sorkarin rualbanlo te enkawltu tur a lo dah ta hi a lawmawmin a ropui ka ti a. Minister leh kan Chief Minister zahawm tak te chungah vawiinah hian lawmthu ka sawi duh a ni. He sorkar hnuaiah hian rual banlo ten hamthatna tam tak an dawng thin a, heng tar tiang tih te, Elbow Cruch an tih te, kiu zuk nghahna tur kal tha thei lo ten an hman tur te leh, Rolator te, Wheel Chair te hi Spastic Society in a enkawl Gilead Special School ah te sawn a khat tawkin kan dawng reng ta mai te hi a lawmawm hle a. Tin hei thil ho te ni ang a lang, Hearing Aid atana tunhma a vuah hrehawm tak V-Cord vuah nuam lo tak an sem thin te kha tunah chuan Behind the Ear tih beng hnung lama vuah bo mai theih chi an an han dawng ta te hi he lam panga harsatna nei te tan chuan a lawm awm tak zet a ni. Chaw tha, Nutrition programme hnuaiah naupang leh puitling mi 2,08,405 laiin an dawng te hi a ropui tak zet zet a ni. Tin, hetih rual hianin NGO lampangte leh Para-Church lampang te pawh he Department kaltlang hian kan Minister zahawmtak hian tanpuina a pe thin a. A hminga ka lo inhnawhniawih ve na Spastic Society te leh Disciples Society te ang te pawh, kan Minister zahawmtak hian tanpuina min pe thin a. Tunah pawh hian dawn tur engkim sanction tihfel tawh he pawl pahnih tan hian min ruahman sak a ni. Heng avang te pawh hian lawmthu ka'n sawi nghal duh a ni.

Tin, hetih rual hian ka bial chung Electric Veng-ah hian tun hma deuh khan Anganwadi Centre hi neih thin a ni a. Amaherawhchu, zirtirtute hlawhte a tlem tham avangin chu chu tihtawp a ni a. Tun hunah hian veng thenawm-te, Chhinga Veng lampang va tawmin, khulai atang khuan naupang-te an kal thin a. Kan Minister chak tak hian ka Bial chung Electric Veng-ah pawh Anganwadi Centre te hi min ngaihtuhsak thei se tih kha ka'n ngen nghal ni sela.

Tin, Demand No. 20-na School Education chungchang-ah hian tunhma-in School thenkhatah zirtirtu pakhat chauh te, pahnih chauh te naupang engemaw zat enkawl ngai awm chung si a neih thin ang te kha tunah chuan tihbo lo ni ta in, School pakhatatah a tlem lampangah zirtirtu pathum tal dah zel a lo ni ta te hi a lawmawm tak zet zet in ka hria. Kum 2011-a Census a literacy rate 9.58% a wawiinah hlankai kan lo ni ta te hi kan Education Minister zahawmtak leh Department te thawhrimna avang a ni tih a hriat a. Hengte pawh hi a chhuanawm tak zet zet in ka hria.

Tin, SSA hnuaiyah Primary School zirtirtu 550 leh UPS zirtirtu 1643 lai mai hna pek thar a'n ni te hi thil lawmawm tak a ni.

Tin, chumi piah lamah chuan Sports Centre 176 hawn tawha zirlai 5280 hmang tangkai mektu kan nei te hi a ropui hle a ni. Sports Hostel pali, Aizawl, Kolasib, Mamit-ah te siam a ni a. Zirlai 120 kan neih mek angte hian Sports lamah zirlai naupangte nasa takin a pui dawn a ni tih a hriatchian a. Heng avang te pawh hian a lawmawm tak zet zet in ka hria. Chutih rual chuan Spastic Society Mizoram in an enkawl nichina ka sawi, Gilead School-ah khan zirtirtu engemawzat Sorkar hian Sorkar hlawh ang min tum sak tawh a. Chutihrual chuan tunah hian Guwahati leh Kolkata ah te India Sorkar pawhin a recognize atangin rualbanlo-te enkawltu tur zirtirtu pathum, trained chhuak kan nei a. Hengte pawh hi kan Sorkar chak tak hian an hna hautak tak mai hi min hriatpui a, an hlawh turte pawh hi min han tum sak ve leh thei sela tih hi ka'n ngen duh hram bawk a ni.

Tin, Demand No. 24-na Medical & Public Health Services ah hian Sorkar hmasain an hluhlawn leh an hralh bo tep tawh Referral Hospital wawiinah an han chhawm nung leh a, Falkawna khum 150 awm thei tura kan Minister leh Department ten kan Chief Minister hova hma an han la te hi a lawmawm tak zet zet a. Khum 200 awm theihna tura 12th Five Year Plan hnuaiyah ruahmanna a kal chho mek te hi a ropui hle a ni. Chumi piah lamah chuan Medical College Referral Hospital, Falkawna din tura hma chak taka lak a ni mek te hi a lawmawm tak zet zet in ka hria. Heng bakah hian Aizawl Civil Hospital te, Champhai Hospital te NRHM hnuaiyah sum tam tak senga thuam that a ni mek te hi a chhuanawm tak zet zet in ka hria a. Chuvang chuan, wawiinah kan Minister zahawm tak tak pathumte Demand hi ka thlawpin pass ngei turin ka'n ngen pui a ni e, ka lawm e.

SPEAKER : I insawi ang chiahin hun i hmang thiam khawp mai. A lawmawm e. Tunge han sawi leh dawn le? Dr. R. Lalthangliana.

Dr. R. LALTHANGLIANA : Pu Speaker, ka lawm e. Hei, term a tawp tep tawh mai a, nimina kan sawi ang khan thla 4 thla 5 hnu lawkah campaign buaiin kan buai chho tak tak dawn a. Thenkhat chu thlaleh lawka inthlan lo awm leh tur atana inpuahchah te pawh a awm thei a. Tun hun hi thil tha kan hriat zawng zawng House-a han sawi chhuahna hun a ni tawh lo deuh a. Ni a tla tep tawh si a. Chuvang chuan sawi tur eng eng emaw kan neih te pawh kawng lehlamah chuan han insum te pawh ngai dawnin ka hria a. An han sawi tam berah hian a bik takin i dinglam ami te hian wawin thleng pawha kan thldan phung kan la bansan hleih theih loh, tangkai tura kan ngaih te pawh a ni ang a. Sorkar hmasa hun lai thil

engngemaw te han sawi hi a fuh lo deuh lai hi kan ching viau mai a. A thatna lai tak pawh politics-ah chuan a awm a ni tih ka ring tho a. Amarawhchu, hun reilote chhung khan khatiang zawng khan ka hmang dawn lova.

A hmasa berin Demand No. 19-na, LAD hi, kan Housing loan chungchang hi thil hote a lang, mahse, elected kan han nih hi chuan mi beisei ve na lai chin kha an nei a. Kan Minister zahawm tak hian, kan Minister a bula thu a thilphal ang deuh hian han phal ve sela a tha khawp ang. Hmanni khan kan DMR Minister kha a thilphal a, ka lawm khawp mai a. Kha kha a hun tawhin ka'n hre deuh a, ka'n chah duh a.

Demand No. 29na ah hian Social Welfare hi point hnih khat lek ka'n sawi duh chu, Pu Speaker, Tar pension hi ni e, kan tam ta a, Mizoramah. Hei hi engtinemaw taka tuna kan han pek loh ang deuh hi State Fund atanga han belh hlek a, han tihpun sak chu a va tha em, tih hi ka rilruah a lian thin a. Ka'n tarlang ve hrim hrim duh a. Tin, hei Old Age Home hi kan nei a, Luangmual Govt. Complex bulah khuan. A tha khawpin ka hria a, amarawhchu, district tinah hian neih theih dan chu awm se a tha khawp mai a. Kan ti hman dawn tawh lo na a, a pawimawh ka ti si a, ka'n sawi ve hrim hrim a ni. Ram changkang, UK te, America ten heng tar, kum upa zawk, old age te hi an ngai pawimawh em em a. An chhawmdawl nasa a, theihtawp chhuahin an bei thin a. India hian hei hi kan la man tawh lo deuh nge ni, harsatna kan tawh ka hre chiah lova, pawimawh ka ti khawp mai. Tin, NGO ten kan mamawh neuh neuh thin kha kan Social Welfare Minister-in a hrethiam mai ang a. Han thilphal ve deuh sela tih kha ka'n sawi a, a man thiam maiin ka ring.

Demand No. 24-naah hian NRHM hnuaiah hian Dental Surgeon te hi mi 28 lai mai an awm a. Doctor anmahni ang deuh chi hi engngemaw zat lak an ni bawh a. Amarawhchu, an hlawh leh thildangah hian an inang lo hle mai a. Hei Plan 2013-14 ah phei chuan anni ho hi telh an ni miah lo niin a lang a. Chuvang chuan rei tak lo thawk tawh te an ni a. Regular post a an luh ve dan te, tin, doctor dang te ang bawka duhsak ve hi an va phu em! tih hi ka'n sawi sak duh a. Tin, chumi rual chuan sorkar hmasa hun laia 3F doctor kan han tih mai ho kha mi engngemaw zat an awm a. Hmun harsa tak takah vawiinah post an ni a. Hna an thawk tha viau pawhin ka hria a. Heng ho hi kan sorkar hian an la ti hman ang em ka hre lova. Ngaih pawimawhah chuan thla 2, 3 chhung lek hun kan la neihah hian han neih leh theih nise tih kha ka'n sawi sak duh a ni. Hei, Darlawn atangin phone ka dawng daih mai a, Pu Piana phone bial atangin. Doctor awm tha duh vak lo kan nei emaw ni aw, ka ti a. Vawiinah te pawh an pungkhawm e, an ti a, NGO ho. Khilaia post si, awm mumal miah lo kan nei a ni awm mang e aw, ka ti a. Doctor hming ka hre chiah lova. Hei hi enfel ran a tha khawpin ka hria . Tin, chumi rual chuan Khawzawl Hospital building hi, kan Minister hi a fel viau na a, a bial a ni lehngal a. Phone ka dawng a, ka en lova. Amarawhchu, an sak mekah khian contractor an tam leh lutuk a intawm, chuvangte pawh chu a ni mai thei an ti a, en ran a that ka ring mahni bial a ni bawh si a. A ban leh beam in zawmna a khi deuh vek e an ti a, kan C.M hian thiltha a duhin ka hria, khatiang hnathawh tha kha hrih hriata enfel ran kha a tha in ka hria. Tin, a beam an han chhung a a kul nasa lutuk an ti a repair ngaisa ringawt maia sak pum hma hauh maia awm kha a fel lo deuh ang e kan ti a ni.

Tin, Civil Hospital Lunglei hi kan bial lamte a ni bawka OPD hi anih dan tur ang hian function ve se tih hi ka sawi thin a, engnge ni anih dan tur hi a awm ve deuh a phuahchawp tak takin doctor te kan pawt lawr a vawiin thlengin kan la kal tir tih ka hria a. Department khata doctor an nih dan tur ang ni lo lutuka sawtianga an pharbuai pawh saw en fel a tha in ka hria a. Tin, Nurse leh staff dangte kan in daih lo hle a, Lungleiah sawn doctor te leh nurse ten quarter kan nei mumal lo hle mai a. Hei hi nakin zelah sorkar thar te a lo piang anih pawhin ngaih pawimawha neih chhunzawm a tha hle in ka hria.

Buarpui lamah hian han kai ta lawk ila, hei hi ka sawi zing viau a, Malaria tamna khulai khu hrisel lohna tam tak kan neihna hmun a ni a. Tlem lai deuhin Dental Doctor min pe a, Ophthalmic tih te, Pharmacist te min lak chhuah sak a vawiin thleng hian an dah let leh thei tawh lo lai hi mipuiin hrehawm kan ti hle tih te hi min hriatsak sela. Health Supervisor kan nei mumal lo va, staff nurse phei chu kan in daih lo khawp mai. Tin, kan hospital approach road khi fur lo thleng tur a han kal nan chuan hman a huphurhawm hle tih kha kan sawi duh a ni.

Hei kan hospital lian ber Civil Hospital, Aizawl han ti ta ila hengah te hi chuan MRI te hi chu kan nei ve tawh turah ka ngai a, Private hospital pakhat hian a nei niin ka hria a Trinity an tihah hian. Hengte hi kan la nei lova tin, vawiin thleng maia, nikum July, 2012 pawha kan sawi tawh CT Scan kan la function tir thei lo hi helam pang hi kan Minister hian han ngaih pawimawh a van tha em. Hei accident te leh eng emaw ruh ti tliak te khatiang thil tam tak Mizoramah hei an awm a. Kan patient tam ber te pawh hi an niin ka hria a. Chutih mek lai chuan a Department tha taka a function lai hian man to em em ni pawh a ka hriat loh C-arm takngial pawh hi kan la nei lo niin ka hria a. Hengte hi kan Minister in chhinchhiah a, rang deuha tih tur chi ah ka ngai a.

Tin, Mizorama kan Hospital hrang hrang te PHC te leh SHC ah te hian kan zin changin ka tlawh zeuh zeuh thin a. An mutpuan mutbu vel hi a tawp thei khawp mai. Thi kai lei luai, ro tawh te, khawpuahte pawh hian a ni deuh tho mai a. Hei hi tih dan kawngte hi a awm lawm maw ni le. Mutbu puan bal lutuk leh chhe lutukte hi Hospital nen hi chuan a inrem lo mang e aw tiin ka'n sawi ve hrim hrim a ni.

Tin, RIPAN hi a pawimawh ka ti a. Ayush pawh a pawimawh a. Ka'n sawiduh lai tak chu, Govt. of India atangin Funding a har lo em em mai a. A bik takin Infrastructure leh Pu Speaker, damdawi man turte leh hmanrua -khangah khan zalen taka kan hmuh theihna hi a ni a. An generous, an thilphal em em mai a. Chutihlai chuan kan hmang tangkai tawh lo deuh te hian ka hre thin a. Tunah hian Ayush Doctor 24 contract in kum 5 zet lo thawk tawh kan nei a. Mahse, vawiinah hian heng ho hi kan la dah nghet thei miah lo mai a. Chutih lai chuan, District tin maiah hian kan han function chho tan dawn a, Doctor mumal tak han dah chat chat thei ta ila, Nurse han dah thei bawk ila. An mamawh tur staff te han pe thei bawk ila. Damdawi chungchangah harsatna a awm lova. Infrastructure Building sak nan harsatna awm miah lohna, Mizoram State Sorkar tangka va hnikhnai lohna deuh mai Project leh Scheme tam tak siam theihna tur si a hi tun aia nasa zawka avail theih hi kan Minister chak tak hian a hriat ka ring a. Hei hi ngaih pawimawh hle atan ka'n sawi ve duh a. Chutiang

bawkin RIPAN hi hman deuh lawk khan ka va tlawh zawk a. Ka rin ai daihin a lo changtlung chho ta a. A lawmawm ka ti a. Ama'rawh chu, hei bakah hian tih tur tam tak a awmin ka hria a. Medical College kan han sawi fo te pawh hi duhdan tak phei chuan a hmun in zo sela chuan, sawmi RIPAN hmunah sawn remchang, ruahmanna siam thei ta ila, Research Centre a lo ni bawk ang a. Sawtah kan equipment hrang hrangte nen han thawk tlang ta ila. Tuna Mizoram kan mamawh tawh tur ang hi chu nasa takin min puhrukin, awmzia kan neih phah ka beisei a ni.

Demand 28-naah hian Labour & Employment-ah Sorkar hmasa in a ngaih pawimawh em em thalaite khawvel awm zel dan tur thlira a lo ruahman Youth Commission kan ti thisawn ti tih deuh tlat mai hi kan Minister hian thil dang a ngaih pawimawh rualin hei hi a han ngai pawimawh thar leh thei em? hun reilote chhung an la nei a tih hi ka'n sawi duh a. Kan thalaite hi kan asset kan neih te an ni. Kan tihsual vaih chuan kan ram hi a hrehawm dawn a ni. Chu chu nu leh pa tam tak pawhin kan hriat a ni. Chuvang chuan an ni hmakhua ngaihtuahna tur atana he Youth Commission hi din a ni a hei hi kan palzut ta lutuk deuh emaw chu aw ka ti a.

Tin, thildang daih kan sawi duh chu hei Mizoram ah hian State sorkar in kan rawih pawh ni lem lo Central sorkar pawh ni lutuk lo, Private company te pawh a ni awm e, hei airtel, aircel,bsnl kan tih ten khaw tam takah tower te an rawn phun a, an rawn siam a, helaia kan local mi mi tam tak an rawn ruai a. An duh zat zat hlawh hi an pe ringawt mai a, hei hi a fel lo ka ti khawp mai a. Kan Labour and Employment Minister hian minimum wages kan kalpui mek lai hian, hengho hi engemawti a mumal zawka en tel hi a tha in ka hria a. Tin, labour law kumin thlenga mumal taka kan la nei thei chiah lo hi ngaih pawimawh ran a tha in ka hria . Tin, hemi ruala kan sawi duh chu kan Industrial Training Institute (ITI) hi tlemlai deuh khan kan zuk tlawh ve a. Aizawl khawpui hmun tha lai tak maiah an awm a ,amaherawhchu building a chhe hle mai a, engemawti a khulai khu ngaih pawimawh a va han tha em ka ti a. Tin, an training course neih tlangpui kan zawt a, a tunlai tawh lo tam tak a awm a. Chutihlai chuan kan thangthar tunlai mite han training ve sela han zir ve sela tih tur tam tak khu kan ITI ah khuan awm lo a awm tawh a ni. Chuvang chuan update thei ila ka duh khawp mai a. Thil pawimawh tak tak khulaiah khuan course reilote te kum khat, kum hnih, kum thum khatiang atan khan kan neih theih ka beisei a, hei hi ka rilruah a awm reng a ni.

Tin, Trade and Commerce demand 44 naah khan Kawrpuichhuah ah hian hma hi enge ni kan lak chin dan hi ka kal loh avangin tunhnaiah kan Minister hian min han hrilhfhiah sela ka duh a. Demand number palina Law and Judicial ah hian Hight Court hran neih theihna tur atana hmalak a la ni thei lo hi kawng lehlamah chuan a lungchhiatthlak ka ti a. Tin, Judicial Service post 32 nikum lam daih tawha MPSC in a advertise interview leh written test te pawh an neih vek tawha an paltlang tawh a tawpah buai leh ta post panga chauh la thei a a bak zawng kan la thei ta lo hi enge ni kan Minister in min hrilh thei se ka duh a.

Demand number 21 naah hian Higher & Technical Education-ah Principal nghet nei lova waviin thlenga kan la awm hi a fel lo khawp mai a college ah. Tin, kan Govt.

College Lunglei te , JB te ah te hmar lampang ami te leh hmun dang ami min rawn dah thin a. Post nen hian an chhuak ta emaw tih turin kan chan hnem riau tawh mai a primary lam leh middle school hi tukin lamah in sawi hnem deuh a, college lama zirtirtu kan chan te kan in daih lohna tam tak kan nei a ni tih hi kan sawi nawn leh duh a ni. Tin ka sawi leh duh a chu Mizoram ah hian Common Admission Test, CAT kan ti mai a, hei hi ruahmanna an rawn nei thin a. Mizoram chhungah ngei awm thei se ka duh a. Scholarship Board tih len an sawi tawh kha ka support hle mai a, kan thalai tam tak lehkhathiamte awmze nei tak mai a, vawiinah nu leh pa harsa te te te an ni a. An zirna atana an mamawh tur hi ngaih pawimawh nisela tih hi kan sawi duh a. Tin, Lunglei ah sawn MZU campus din tumna kha a awmin ka hria a, hei hi state sorkar thu chu a ni chiah lova, kawng tam takah thawhhona a awm theiin ka ring a. Tihpuitlin theih dan awm se a tha hle in ka hria a . Tukin zingah phone ka dawng a, kan Home Minister bial atangin , kan SSA academy hi min thiah sak a kan in thiar chhuak an ti a an buai viau mai a Saitualah. Kha kha ngaihven a that ka ring, thawktu 5 an awm a Hostel te awm si min han thiat vut vut mai hi a va hrilhhai thlak em an rawn ti a ni. A dang leh ah chuan Education chungchang kan sawi nasa a zinglamah Education ah hian Act 2003 ah kan nei a, chumi hmang chuan Rules tam tak Pu Speaker siam a ni a hun hmasa ah khan. Heng hi kan hmang tangkai lo anih ka ring a, hei hi awmze neia kan hman a pawimawh a.

Tin, Education a pawimawh lai ber pakhat decentralised administration hi a pawimawh a hei hi inspection atan a pawimawh a ni. Chuvang chuan hun hmasa ah pawh kan ngaih pawimawh em em Mizoram hmun tam takah Sub-division level dahna tur hmun tam tak kan hawn a, engemaw chen chu tunah a function mahse duhthu a sam lo hle mai a hei hi enfel tha in ka hria. Tin, quality Education chungchangah khan a tawpna a ka sawi duh chu SCERT hi kan thluak bawm ve tak tak te School Education ah chuan a ni a. Tunah phei chuan Syllabus te Text Book te an kutah thil tam tak awm turah ka ngai a. Chuvang chuan Academic authority hi kan pek a pawimawhin ka hria a chutiang anih loh chuan a buaithlak hle dawnin ka hria a chu chu ka sawi leh duh a ni.

Tin, a tawp bera ka sawi leh duh chu Pu Speaker, hei Central sorkar atangin a bik takin keini state harsa tak takin CSS hmang te in scheme leh plan thil tam tak ruahmanna kan siam thin a, heng kan siamna kawngah hian ka rilrua lian em em thin chu a hun taka thil kan tih a pawimawh a. Tin, a hun taka kan pawisa hmuh te hi kan hman a ngai a helaiah hian kan tifel tawk lo deuh nge ni ka hre lova harsatna kan tawk nasa em em mai a. Education chauh ni lovin department tam tak heng CSS te leh Govt' of India atanga thil kan hmuh tur awm chi thil tam tak thil tha lo awmah hian harsatna hi kawnglakah kan tawk nasa em em in ka hria a pawi ka ti a. Hei hi kan hun tawp lamah hian a sawi hun phei chu a ni lutuk tawh lo na a ka ngaih pawimawh em em a ni tih kan tarlang duh a ni, Pu Speaker, ka lawm e.

Pu LALDUHOMA : Pu Speaker Trade & Commerce atang hian kan tan ang a, hei hmunphiah hralh tham kan lo thar ve ta hi a lawmawm hle mai a. Khulaiah Bagha ah man man zawka hralh theih anih laiin NLUP Marketing Cell leh Hnam chhantuten rate tlawm zawkin agreement an siam avangin, chuta hralh tir tum a ni kha buaina a chhuak deuh hlek a, permit engkim lo nei tawh te Bagha kal phal lova gate-a dan an nih avang khan trip engemaw

zat khan gate kha an sutlang lui kha a ni a, khami kha case te siam sak an ni zui ta em tih ka Chiang Lova, an lo nih chuan withdraw sak leh nise tih kan ngen duh a. Tunah hi chuan khatiang a in tihluhna awm lovin zalen takin kal tir an lo ni leh ta hi lawmawm ka ti a, an hralh hnu hnun berah kha chuan Bagha ah 1kg 62 in hmunphiah hi an zuk pe a ni. Chuvang chuan he laiah sawrkar in a lei tu tur bik agency deuh a lo siam anih pawhin mipui hian duhthlang thei sela, a aia a bul lawka market sang zawk a hralhna a awm reng lai pawh a, tihluhna a a hniam zawka hralh tura kan inti thin hi, kum kha leh chen kha Mizoram kut hnathawktute hi sawi sak an ni tawh a. A chang chuan a man man zawka hralh an tum a, gate an hel pawhin Police umtir hial te an lo ni tawh a, heng hi thleng tawh lo sela, market competition hi awm ngei sela tih hi chak takin ka rawn rawt duh a, tuna a kal dan hi tha ka ti. Tichuan hralhna tur an hriat loh changa han tluk luhna mai tur sawrkar in dawr bik a lo siam te kha a fuh tho, a tha tho a ni. Tin, hralh duh zawk pawh mi tam tak a awm ve theih a ni. Chuvang chuan in tihluhna awm lovin mipuite hi duh thlang theiin siam zel ila tih kha kan sawi duh a.

Tin, sawhthing te pawh hi a rate a tla chak khawp mai. Vawiina ka hriat dan chuan A class an tih hi tunah Vairengte ah kg ah ₹ 22 a ni a, a dang chu kg ah ₹ 20 vel a ni leh der tawh a ni. A sang kan ti thin a, a tla leh thin, hemi fluctuation dang theitu chu sawrkar hi a ni a, chuvangin a minimum rate hi sawrkar hian siam thei sela, ZNP Policy ang hian, hei hi a tluk a awm lo reng reng, miin a chem a tah hriam lain kg ah heti zat aia hniam hian ka hralh dawn lo reng reng tih Chiang sa in kumtluanin hna thawk rawh se, khami security kha a awm tur a ni. Tunah hian sawrkar hian, “1kg ₹ 25 in sawhthing kan la ang hralhna dang in hriat loh chuan,” tisengin 25 ai hian a tlak hniam ka ring lo reng reng. A aia sangin private in an la vek tho ang, sawrkar in a lei buai a ngai chuang lovang, chumi chu kan la tih chuan loh avangin sumdawngtu hrang hrang te kutah kan kut hnathawktute kan la hnuchhiah tlat a, a him tawk hauh lo a ni, a market hi a Chiang lo a ni. Miin Vawk a vulh chuan kg 1 hresa in vawk a vulh a, kan kut hnathawktute hi engatinge an thil deh chhuah tur kum tluana hling zinga hna an thawk chung hian an hriat ve loh reng mai? Dawrkai zawng zawngin an thil zawrh rate an hre vek a, keini sawhthing zuar ve chu vaipa an tawk a, “Vaia, ka sawhthing hi engzat man nge,” tia zawh a ngai tlat a, a letlingin kan kal alawm. Chuvang chuan a rate hi awm sela, hralhna dang an hriat loh hun a lo thlen chuan Sorkarah hralh mai rawh se, chumi atan chuan Sorkar in sum dah mai rawh se. Tunah hian MIP-ah te, NLUP ah te vaibelchhe tel kan seng a, chengkhat mah sorkarin hmuh let tur a nei chuang lo, mipui tan, welfare state chuan a ti mai a ni. Hemi thlai thar lei hi chu hralh leh theih a ni, total loss a ni ve dawn chuang lo, sorkar in a sale proceed a tel dawn a, a dang lei nan a hmang zel thei a ni. Chuvang chuan a tha em em a, hei hi chak takin kalpui nisela tih hi ka rawt duh a, Pu Speaker, ka ngaihpawimawh zia lan tir nan ngawirenga han din ve pawh ka hnial hauh lo a nia. Mahse Sorkar ngaihdan tur kha ka hre ve mang silova.

Tin, support price kan tih te leh Crop Insurance te hi kan la ti tawk lo, a hming mai maiin kan ti a. Andhra Pradesh ah chuan an Agriculture Minister in College chawlh lain College Student rual kha thingtlangah a singtel in a tir chhuak a. Farmer te hnenah crop insurance zirtir turin, a fill up dan te, engkim tihsak turin a tir a ni. Mi Minister

te chuan chutikhawp chuan an mi enkawlte hi an tanpui a ni. Keini chu crop insurance kan ti a, mipui pawh kan zirtir chuang lova, awareness a awm tak tak chuang lo a ni. Pu Speaker, ni a chhuah hunah chuan crop insurance hi kan thupui ber a ni ang. Chutih hunah chuan miin an sawhthing te hi tam se an duh zawk mah tawh ang, chawh hah ngai silo, phurh hah ngai si lo, pawisa fai dawn tawp kha a ni mai a. Sorkar leh company ho khan a tam ang tih hlau in a hlo nen an um an um tawh zawk ang a, sawhthing tamna tura dil turin zing tawngtaina ah te an thawh mai zawk ang tih a hlauhawm tawh.

Tin, Czech Republic Ambassador kha hman deuh khan a lo zinin ka hria a, kan Sorkar hotute nen hian sumdawonna lam kawng te, kan Airport te tihdan tur eng eng emaw kha an sawi tlangin ka hria a, an ni ramhlun, ram upa an ni a, hemi thleng thlenga Ambassador te lo kal kha chu umzui kha tha ka ti a, engnge an in dawr zui dan, trade lamah hian, chhawr tangkaina tur kan nei em tih hi a wind-up na ah Minister zahawm takin han sawi thei se a lawmawm hlein ka ring a.

Tin, hei Trade and Commerce subject turah ka ngai a, tunlai hian Pu Speaker, Awke hi an zawng nasa em em mai a, a hming dik chu Chawke a ni a. Mi thlam te hi him a ram a awm tawh lo a, an zawng nasa lutuk a. Heng market te hi a awm reng em Trade & Commerce Minister chuan hriat awm tak a ni heng hi smuggling nge anih a sumdawonna thinghlim tih te pawh kha kan hriat a ngai a lawm le. A sa te pawh hi thenkhat chuan a tha an ti leh zel tawh a, a khawi tawh te pawh an awm tawh a. Mipuiin heti taka an buaipui tawh hi chuan Sorkar version hi TV emaw engemaw tal Press Release emaw thudik hriat hi a ngai thin a. Khatah khan sorkar hi kan beisei lo thei lova. Vamur ek an ti thul, Saphu kawr an ti thul a...eng eng emaw hi kan ramah hian a tam a. Zo damdawi ringawt pawh hi an zuar huai huai mai a. Heng te pawh hi 1000 man te pawh han in dawn han in dawn ila, 200 a lei theihte pawh hi a tam ang reng khawp a. Heng te hi mihring tan a tha em? tih thleng hian sorkar in aw min neih sak deuh selangin a tha in ka hria.

Tin, Labour & Employment ah hian kan lut ang a. Session hmasa ah khan India sorkar priority chu skill development hi a ni tiin state hrang hrang leh a bik takin North East a an kalpui dan te, Sikkim ah te chuan Assembly Constituency tinah skill school an nei tawh a ni tihte ka sawi tawh a. Vawiin ah chuan chipchiarin ka sawi lovang a. Hei kan hriat danin Muallungthu-ah sawn Pu H. Vanlalruata'n a ram sorkarah a pe a. Indian Language Institute and Skill Development Training Centre dinna tur niawm tak a ni a. Helamah hian hma kan la tan anih chuan a lawmawm hlein ka ring a. Chu centre chu engtika din nge kan beisei? Eng eng te nge kan tih dawn? Kan thalaite vawiin a muhlum mek leh in awkhlum mekte tan hian beiseina thar kawh a eng thei dawn em tih hi ka hre duh a.

Tin, Mizoram Youth Commission leh Jett-Wings te khanin thawhhona te pawh lo nei tawhin thalai 18 lai Gwahati-ah training thla 6 course pein an vaiin placement an hmu vek tawh ni ten kan hria a.

Skill development lamah hian hma kan la ve tan niin ka hria a, a lawmawm ka ti a. Khatiang kha anih avangin India ramah pawh Foreign ah pawh MoU hi kan sign pui thei

ve vek a. Khami kawngah khan Jett-Wings te kan sign pui ang khan car company hrang hrang te leh hotel industry te leh thildang tam tak a awm ang a. Khang te nen te khan MoU te hi han sign kual ve ta ila, kan thalaite hi an phurin ka ring a. Dik tak chuan helaia kut hnathawh kan inhrih hi an phur vak tawh lo. Hnatlang ah pawh hian Kohhran hian hnatlang koh hi kan huphurh deuh tawh a. Hlawhfa i la ang kan ti deuh zel tawh mai a ni. Kum upa deuh lam lo hi chuan hnatlangah pawh hian hna hi kan thawk vak ta lo tlat mai a. Kan thalaite phurna kawng hi kan zawn hmuh a ngai a. USA ah te an kal a, ka tawng an huat thu suh ah USA a Mizo kal 80% khuan kut hna vek an zu thawk sia ni. Khutah chuan an hreh leh miah lo a ni. Drain tihfai te a ni Mizo tam berin USA ah khuan an zuk thawh ni. Amarawhchu, an hlawh a tha a, an phur a, mahni hna ah khan tui takin an zuk thawk a ni. Chutianga an tui thei anih si chuan khatiang kawng kha skill development ah khan engah nge kan ngaihtuah pui loh ang. JE tur ringawt pawh hi ram tam takah hian an mamawh teuh, Nurse te hi an mamawh em em a ni. Labour tur ringawt pawh an mamawh a ni. Hlawh sang zawkin, hlawh hniam te te um in phai lamah te pawh kan in tir nawk nawk duh a ni a, khami kawngah khan skill development hi chak zawka rawn chhunzawm a rawn tih ni se a tha hle in ka hria a.

Tin, Building & Other Construction Workers Welfare Fund tih hi, hei Cess kan lak zat hi engzatnge tling tawh tih nakinah Minister zahawm takin sawi thei sela a bengvar thlak in ka ring a. Kan Minister zahawm tak leh Director nen hian kan bial lamah chuan mipui awareness pe turin public meeting kan ko a, kan zuk campaign tawh a, mahse rin aiiin mipui in an bawh lo khawp mai a. A that zia hi Mizo mipui hian kan la man lo va, hei aia uar hian Tv lamah te pawh campaign na hi beihzui a tha in ka hria a, hlawk tak tha tak a ni a. Zirlaite tan pawh a free a lehkhah zir theihna a awm a, housing loan lak theihna thleng te pawh a awm a, medical reimbursement lak theihna te a awm vek mai a. Chu miah chuan hei aia chak zawka mipui educate hi a tha in ka hria a. A tihlawhtling te NLUP a kan interview ang deuh hian in a ti hmasa te pawh hi han ti ilangin. Dik tak chuan hair cutting mai maiah pawh hian a sing tel a lak luh theih a. Ka u fapa hi India ram a lu meh in meh siakna a pali na a ni a, foreign a thawnchhuah turah a tel hman lo chauh a. Five star hotel-ah a thawk thin a, a la lut hnem hle a ni, tunah chuan Aizawl-ah a rawn in sawn chho tawh a. Lu meh ringawt pawh hi eizawna tling a ni tih hi kan thalaite kan zirtir a kan kawhmuh hi a hun tawhin ka hria a

Tin, Education-ah hian kan kal deuh daih ang a. Zirtirtu transfer chungchanga harsatna kan tawh hi kan sawi kan sawi a, anmahni te pawh hi kan dem deuh a, kan tan ti tih teh ang. Sorkar hnathawk dangte chu khawtinah an awm ve lo va, zirtirtu chu khaw rilah pawh a vaia an awm a ngai a. Sorkar hnathawk dangte chuan quarter te an nei a, hard posting-ah te chuan zirtirtu tan hian quarter te pawh hi pe ve ila mawle. Hard posting allowance pawh hi pe ve ila a ziaawm ngei ngei ka ring. Dik takin helai atanga chhim lama an han kal vang vang mai a in luah tur pawh an han hmu zo lo te leh an tawng pawh an han thiam si lo te hi chu hrehawm ve tak tur chu a ni. Chuvangin anmahni lam ngawr ngawr pawh hi dem theih a ni lo va, rationalization tih te hi chu sorkar hian ziakin tha lutuk in a nei vek tawh implementation hi a awm lo mai mai a ni. Group A,B,C,D an ti a kawngpui dung, kawngpui atanga km chuti zat tih zawng zawng an duang vek tawh a, mahse a tak tak hian an kengkawh zo lo niin ka hria a. Hei hi chu human problem a ni a, a solve dan tur chu incentive te pe ila,

quarter te pe ve ila, chenna problem lutuk te kha nei lovin siam ve i lang chuan a ziaawm ngeiin ka ring a.

Tin, chulo-ah chuanin kan education hi kan privatize hi a damdawi a ni. Zirtirtu hi lak belh miah tawh lo ila, a awmsa bana thil danga school close sak thu chu a awm lo va, a tah tawlin private school tha lo awm hi sorkarin tanpuina pe mai ilangin . Vawiin a zirtirtu tam tak chuan an thawh naah an fate school an luh tir duh miah tawh lo a ni. Anmahni fate ngei pawh an kal tir duh tawh lohna school kha chu rei tak ding tawh lo sela a tawk mai. School tha, public school te lo ding hi sorkar in enpui ila, sum in tanpui ila, sorkar hian a standard te a policy te duang chauh sela. Engtikniah emaw chuan naupang hmuh loh avanga school close hi a lo tam chho tial tial ang a privatization-ah hian by its own course in kan in switch over dawn tho tho. Chumi hun chu kan nghah a ngai, kan lak belh leh thin chuan he problem hian tawpin tai a awm dawn lova. Privatise anih chuan transfer-ah problem a awm tawh lo vang a, zu rui chhar reng a awm tawh lo bawk ang a, Education chu a tha mai dawn a ni. Thil hi chu a har lutuk lo, common sense atanga kan ram harsatna tam tak hi chu siam that theih niin ka hria. Tin, School tha bik deuhte pawh hi siam ila, a talented deuhte pawh hi siam ila, mark chuti zat hmu chin chauh a luh theih te ti ila. Khawvelah hian resource hlu ber chu thluak hi a ni. Khawvela hralh sum to ber chu thluak hi a ni. chumi chu kan capital hlu ber a ni. Chumi chu human resource chu kan develop ang a, Education a pawimawh a, chu kan thluak hmang chuan hnathawh hah vak vak ngai lovin Mizo nula leh tlangvalte thluak hi i zuar ve teh ang u, khawvelah hian. Chumi ti tur chuan a vai chuan kan tlin lo vang a, naupang thiam thei bik zirtirnate hi kan siam a thain ka hria a, chutiang zawng chuan kan hnam hi a taimate tana kan siam a thain ka hria a.

Tin, Health and Family Welfare-ah hian kan kai tawh mai ang a. Kan Health Care Scheme hi Pu speaker, mipui hian an la hre tawh lo cheu mai a ni. Ka hnenah hian an lo kal a, “Damdawi man a ngai a, phaiah min reffered a,” an ti a, “Health care-ah hian in lut tawh em,” kan ti a, “Lut lo” an ti a, “Engatinge ?” han ti ila “ Kan lo hre ve lo a, ram kan riak a,” tih vel hi a tam em em mai a ni. a mamawh ber berte hian a nachang hi an hre si lova, “Chuti anih chuan han ti rawh u,” han ti dawn ila, hawn hun bik te kha a lo awm leh bawk si a. Chuvangin Pu Speaker, strong taka ka rawt duh chu he Health Care Scheme-a luh nachang hre lote hi an hriat hun huna an luh theih dan kawng hi i hawn sak ang u. Tanpui an ngai a ni, hriatthiam pawh an ngai a ni, a mamawh ber an ni a, a nachang an hre si lova. “I kal tawh em/ I ti tawh em?” han ti ila, “ La ti lem lo,” hi an ti mai mai a. Mahse pawisa kha min dil min dil tho si a ni. Hei hi a buaithlak em em mai a, chuvang chuan, hawn bik hun te hi nei lo ila, kum tluan hian a la ti lo tan chuan ti zel thei tur hian hawn sak hram thei ila a tha khawpin ka hria a.

Tin, Zonuamah khuan Health Clinic min hawn sak a, kan lawm a, an function tawh a, in function tir tawh si a, a building lam pang saknain min la umzui si lo va, chu chu a rang lama min rawn tihsak kan duh a. A building a awm chuan a bak chu pawisa kan khawn khawm a, kan nei nual tawh a, thildang chu kan lo intodelh vek thei a, a building khu chu MLA fund a han tih mai chi pawh a ni lo a, a hmun kan nei tha a concrete a chhunzawm mai

theih tur kan nei sa a, hei hi kan function na a rei ve tawh a, a building min rawn tih sak hram turin kan ngen duh a.

Tin, CT Scan kha kan han sawi zo a Pu Speaker, CT Scan kan lei tirh khan helaiah hian ring taka sawiseltu ka ni, India rama CT Scan rate kan en khan Mizoram in khatih laia sawrkarin a leina kha a to uchuak hle a ni. Chubakah a chhiat a that pawh kan hre lo a, secondhand anih leh nih loh pawh kha kan hre lo a, lei a ni ta a, kha company ah khan a maintain na tur sum kha an pe nghal vek bawh a ni. A chhiat hma khan a repair na tur zawng zawng an pe nghal anih chu, an fel loh zia, induhsakna uchuak a ni a, a chhiat hunah zuk ko mah ila a man an tel vek tawh a, kan ko kal tawh dawn em ni? chubakah khatih lai khan a dahna tur building a awm lo reng reng, tichuan a kum a kum lungpui chung a Nghavawh theihngihl kan sawi ang chiah bawh kha a ni, a ngawi reng ringawt mai a ni, kil khatah. Tichuan a building an han sa leh te te a, kum tam tak hnuah an han dah ta a, chuan an han hmang ta a, mahse kan CT Scan a kan result hi a fiah lo, a tha lo tih kha a ni tlat a ni. CT Scan tha tak chu a ni lo aniang, a lei tirh atanga hei hi ka sawisel a ni. Mipuite tana tha tur, mipuite tam tak damlo leh bawrhawm te tana damna thlen theitu tihchingpen hi a dik lo a ni. Chuvangin heng te pawh hi kan material leh bungrua kan neih reng reng hi a dik tur a ni a, hman tangkai theih a ni tur a ni tih hi a tawp nan kan sawi ang e. Pu Speaker, min pek belh hmel tawh lo em mai a, ka lawm e, ka ti tawh mai ang e.

SPEAKER : A chuang deuh viau tawh a ni. A ngaihna em mai a, ka lo theihngihl lek lek a ni. Awle, member 22 in kan sawi tawh a, la thu lang ho ah chuan la sawi lo hi Pu R.Selthuama mai hi a ni tawh nghe nghe a, ani hi chuan sawi a tum lo niin ka hria a, NLUP lam lalpa a nia, a mamawh lo deuh aniang ti lam chu. Tichuan a wind up lamah lo kal dawn tawh mai ilangin, a changtu Minister te lo ko dawn tawh mai ila a thain ka ring a. Tunah chuan Minister zahawmtak Pu P.C Lalthanliana, a Demand te wind up turin sawm ila, tin, a wind up zawhah ding tlang nghalin Pass rawn dil bawh sela, lo ko ang.

Pu P.C. LALTHANLIANA, MINISTER : Pu Speaker, ka lawm e. House Leader zahawmtak duhsakna leh bial mipuite duhsakna avangin he House zahawmtakah hian mawhphurhna pawimawh tak mai chelhin vawi engemaw zat Budget te ka lo present ve tawh a. Vawiin hi ka tan chuan he Sorkar term angah chuan a hnuhnung ber te a ni a, Pu Speaker, he dinhmun pawimawh tak ka chelh chhungin House-a ka Member pui zahawm tak tak te nen thawhhona tha tak kan nei a, a lawmawm ka ti a, vawiinah hian House Member te chungah lawmthu ka'n sawi duh a. Tin, department tlinglo taka kan enkawlte nen mualpho lutuk lovin vawiin kan thleng thei a. Department lama kan hnathawktu, kan Officer te leh a te ber thlengin vawiin Budget hun hnuhnung ber tura kan neihah hian lawmthu han sawi hrim hrim ka duh a ni. Pu Speaker, Member 20 laiin kan Department enkawl te, duhthawhna te leh lawmthu sawi pahna te in an rawn ti ri a, lawmawm ka ti khawp a. Amaherawhchu, hun te a tlem a, thil tam tak sawi hman loh te pawh an neih ka ring a, he House chhungah kan inhrilh hria a, kan sawi hman lo anih pawhin House pawn lamah pawh engtik lai pawn Member-ten an duhzawng ang te kan Department-ah sawi tur an neih chuan ngaihthlak leh lo dawn sawn kha kan in peih reng a ni tih te pawh vawiinah hian ka'n sawi duh a ni. Ka Department

enkawl hi Pu Speaker, kan hre theuh a, a chhangchhiatna lai te, a huam a zauhna lai te, kan pachhiatna lai te, kan dinhmun te Member-ten an rawn sawi vek a, a dik khawp mai a.

Social Welfare Department hi kan pian hma nu puma kan awm atangin min enkawl a, chutah a lo leikang deuh a, Anganwadi an enkawl leh a, an tleirawl ve deuh, awm tha duh lo kha an enkawl leh a, a awm tha te pawh ei tur tuihnai leh tha pe in an enkawl leh a. Chutah an lo nula/tlangval awm tha duh lo te Home lamah min enkawl leh a, chutah mihring an lo piangsual palh anih phei chuan an enkawl zui a, chuan an lo tar a, enkawl leh an ngai a, pasal an sunin enkawl an ngai bawk a, chutiang Department chu kan ni. A chhangchhia pawh ti ila, a dik viau awm e. Chuvangin, Lal Isuan heng mite ber a tih te kan Department chhungah hian an awm tak zet a, a pawisa lamah khan min han duhthawhpui a. Kan Member zahawm tak thusawi kha lawmawm ka ti a.

Social Welfare Department hi a bik takin Lal Isuan, “ Mi te ber a tih te enkawltu a ni a. Kan Planning Minister zahawm tak hi Upa fel tak tha tak a ni a, nakin lamah chuan min la hriat reng ka ring a. He mi te ber chungang in ti hi ka chungang ti in ni”, a tih tlat avangin kan Department chhungatan hi chuan kan Minister hi a in huam hlein ka ring a ni.

Pu Speaker, a leh lamah LAD ah khaw khat a pa fing keini aia thusawi thiam thiam zawk kha kan han enkawl leh a. Keini aia fel zawkte an ni a, LAD lamah chutiang chu a ni, kan Department enkawl hi. Chuvangin famkim lohna tam tak member te pawhin a kan sawi duh lem loh te he House chhunga kan tih rik duh kher loh te pawh tam tak a awm ka ring a. Chungang chu an mi hriatthiamna te an mi tawiawm naah a bik takin House Member te chungah lawmthu ka sawi duh bawk a ni.

Kan House Member te thusawi hi ka theih ang angin ka sawi ang a. Chutiang chuan hun hman kan tum ang a. Pu Ramhluna, member zahawm takin Multi Sector Development hnuai Development hna tam tak he sorkar hian Central Ministry atangin a thawk a, Ministry of Minor Affairs atangin. Chutah chuan a bik takin Buddhist lam Tuikuk leh Chakma te lamah hian hman a ni vek mai a. Hei hi khulam ringawt lovah a theih lawm ni ? tiin a rawn sawi a. Ni e, a dik khawp mai a. Section – II (c) of the National Commission for Minority Act, 1992 ang chuan Christian te hi Minority kan ni, India ramah. Amaherawhchu, he scheme hnuaiyah Ministry in quide line hran rawn siam a. Chutah chuan heng State 5 te leh Union Territory ah te hian “Christian te hi Majority an ni”, a rawn ti ve leh thung a. Muslim in Jammu & Kashmir leh Lakshadweep ah te Christian in Mizoram, Meghalaya and Nagaland, Sikh in Punjab a rawn ti a. Chuti anih chuan a quide line ah hian heng State a Majority kan nihna ah hi chuan hetah a quide line 4(8)-na ah hian tiang hianin a rawn tih leh avangin “In the Minority in the consultation District in the State of Jammu & Kashmir, Meghalaya and Mizoram. Where a minoritical unity is in Majority. The manificiary oriented scheme should to be directed to work the other Minorities”, a ti ta a. Hemi anih avang hian a tira scheme tam tak anni Buddhist leh khulai Chakma leh Tuikuk lam lo a kan tih pawh kha min rawn cancel tir ta a. Anmahni lam ho khan min rawn siamthat tir leh ta vek a, chu chu kan kalphung a ni a, chuvangin keini

pawhin kan pumpelh hlei thei lo a ni tih kha kan Member zahawm tak ka'n hrilh duh a.

Tin, Local Body Fund, 13th Finance Commission in a in a min pek te District Council in 25% an cut a tih hi engvanga cut nge kan hre lo a. Village Council te District Council hnuaiyah, District Council area ah chuan an awm a. Tuna 12th Finance Commission kha chuan direct in Local Body te account ah hian a dah lova, LAD in a pawisa a draw vek a, District tinah tiang khan a installment in a pawisa hi Local Body te hnenah an work a zirin a pe thin a. Amaherawhchu tuna 13th Finance Commission hi chuan direct in account ah dah luh vek tur a ti a, kan dah lut thin a. A leh lamah chuan a monitor theih lohna a awm rualin kan inti thu a, Department te kan monitor hram hram a. Engemaw hnathawh chhiat leh that vanga a enkawltu Department-in a hren sak nge ni a cut sak nge ni ka hre lova, engpawhnise cut ngawt dan chu dan ang chuan a awm lova, hei hi a tul angin kan District Council lam te pawh kan lo enpui dawn nia tih kha ka'n sawi duh a.

Tin, Housing Loan Board ah hian Opposition MLA te min dah thin a min dah ta lova han tih kha chu midang te pawhin an han sawi a. Pu Speaker, party angin MLA te a hmasa ah kha chuan kan indah chho thin a party aiawh angin. Amaherawhchu MLA thenkhat ten keini awm ai chuan a party lam mite hi awm ve se a tha alawm an tih avangin an party awmna aiawh te erawh chu kan dah vek a ni. Tin, chumi piah lamah kan dah loh pawhin kan opposition MLA te hi hrilhhai in kan siam hauh lova kan House Leader zahawm tak kaihhruaina hnuaiyah hian mahni fate chauh eitur pek a thenawm naupang pek loh hi kan tihdan a ni lova kan pe ve ziah a ni an quota kha tih anmahni pawhin an hria in ka hria a chu chu ka'n sawi duh a.

Tin, kan MLA zahawm tak Pu Rinawman Muthi Park hi hawn thuai theih a ni em a tih kha Pu Speaker, LAD-te hi Mizoram ah park recreation kan tih ang chi te kan subject pakhat a ni ve a, chutiang chu Mizoram in vawiinah kan mamawh ve ta tih a taka hmu tute, hretu te kan ni ve a. Amaherawh chu tunhma atanga hetiang hi lo ruahman nachang kan hriat tawh loh avangin vawiinah chuan han ti thar dawn mah ila ram awl a awm tawh lova, hmun tha a awm tawh lova a harsa hle a ni. Chutiang chung chuan vawiina kan Sorkar ah hian kan theih ang tawh tawkin LAD hian kan sum neih tlem te te hmangin hma kan la a. Tunah hian Lengpui ah Sorkar hmasa lama bul an lo tan tawh a ni a chu chu kan chhunzawm zel a vawiinah hawn theihin kan peih tawh a. Tin, Muthi hi Sorkar hmasa khan a hmun an lo thlang tawh a tin, hna tan a ni a chutiang chuan kum 3 kum 4 chhungin kan bei chho a vawiinah hawn thuai theih beisei a ni a. Tin, Hmuifangah Tourist Lodge bul chiaha in hung deuh mawi ang reng tawh tak saw a then hi chuan Tourism Department emaw an ti thin a, saw saw LAD a ni a, ram tin 20 hmun zet mai sawlai Hmuifang VC ten a thlawn liau liauin min pe a, tisawn bul kan tan chho a kan luh hlim atangin tichuan vawiinah hawn kan tum tawh a, session zawhah te chuan hawn kan tum dawn a. Tin, Thenzawl ah sawn a thlawnin ram zau tak VC

ten min pe a chutah chuan kan ruahman a, chu pawh chu hawn kan tum a. Tin, Lunglei ah Kawmzawl hmunah ram tha tak mai mi inphal te avangin kan nei thei a tin 20 dawn hmun. Chu chu kan bei mek a chu pawh chu inthlan hma a hawn ngei kan beisei a, chutiang chuan kan sum neih ang angin Park hi a theih theihnaah District Headquarter ah pheih chuan kan ti a. Tunlai nula tlangval te, nu leh pa thlengin naupang chenin hawi khawthawna hmun kan nei lo lutuk hi kan ramah harsatna tam tak a thlen niin ka hre ve a. Keima rilru ah pawh nula leh tlangval ten bike a chak taka inphurh a kawng sira pehteh nena dinna mai kha an hmuh hmun a ni tawh a, chuvangin heng hian sual a ti pawnglang a, chuvangin park nuam deuh te changkang zawka kan nun kan hman dan te, kan hlim zawkna tur te hi kan Sorkar hian a ngaih pawimawh pakhat anih avangin changtlung lo deuh pawhin kan hawn theih thuai kan beisei a ni. Tin, kan MLA zahawmtak Pu Hmingdailova khan Internal Road Village tinah te tunhma a kan hmuh ang kan hmu ta lo deuh va a ti a, kan hre theuh a kan budget te pawh a tlahniam lo thei lova tun dinhmunah; tin, Park lamah Department chhunga internal allocation kan han tihah hian kan han uar deuh va ka sawi tak ang khan tun kumah hian kan hawng deuh vek dawn a, internal road lamah te pawh a hma ai chuan hma kan la chak zawk thei tur ah ka ngai a ni.

Tin, Housing Loan quota tam zawk tih hi member tam tak pawn kan sawi a, nikum sorkar kuma kan hmuh zatve kha tun kuma kan hmuh a ni a, hei pawh hi kan hotuten harsa tak chungin an ti hram hram a, a lehlamah zep thu a awm lova, loan hi rulh loh tur emaw ti mai kan tam a, chuvangin thil tho awm tak a ni lova, mahse, kan hotuten ngai pawimawhin a crore tel min la dah sak hram hram a, he House zahawmtakah hian Zoram mipuite pawh hian Loan kan lak rulh that hi kan ti tur a ni kan tu leh fa kal zel atan pawh tih hi sawi hial a ngaiin ka hria, chuvangin MLA ngaih pawimawh zawng pahnih khat bak a hi chu tun kum hi chu kan in tih sak thei ang em tih hi kan ngaihtuahna a ni, mahse intih sak hram chu kan tum dawn a ni tih kha ka han sawi duh a.

Tin, Pu B.Thlenga kan MLA zahawmtakin MLA atana sum tam zawk tih te, Housing Loan MLA quota neih tam ve tih te, kha khan a chhang maiin ka hria a. Tin, Pu T.T.Zothansangan Champhaiah LAD Quarter sak tumna kha a awmin kan hria a, tun thlengin sak a la ni lo a tih kha LIC atangin hemi Housing Loan a kan sem thin ang chi hi kum hmasa hmasa leh ah khan a tawp ta a, khatia kan hmuh lai khan 20 crore vel hi Mizoram in kan hmu thin a, keini hi 5 crore te min rawn pe a, keini hi chuan loan ah kan hmang vek zel a, Department thenkhat hi chuan Departmental Housing Loan ah te an hmang thin a, chuvangin keini hi chuan Quarter hi kan mamawh a sa tih ang u tih kha kan han rawt kha a ni a, mahse, Planning lamin Loan a tih thin kha Quarter sak nana hman kha min remtih sak ta lova, chuvangin min turn down a ruahmanna kan siam ang khan kan ti thei ta lo a ni.

Tin, Pu Robiaka MLA zahawmtakin VC lawmman beitham kha tihsan a rawn rawtte kha awm kan ti khawp mai, mahse, VC te hi mipui chungu roreltu kan ni a, sorkarin a thei lo chungu harsatna khawpa hlawhsan erawh hi chu kan bei ut ut lo a ni an ti ve a station hrang hrangte pawh in Cabinet ah te pawh rawtna kan thlen tawh a, VC thlan dawnah khan, amaherawhchu, Village Council lamah in tihpun kan duh bawk si avangin a za tel a sang tela

pawisa mamawh tho tur V.C member kan siam tam tak avangin hlawh lam tihsan kha kan ti ta lo a ni a, hei hi sorkar chuan engtik ni ah emaw chuan a la tisang ngei ang tih hi ring ngam ila a tha in ka hria, Tin, Tar pension te an pawisa lak hun hi engtikahnge ni dawn tih kha tunah hian January 2013 thleng sanction hmuh a ni a, sanction pawh tih fel a ni a, hei hi Deptt., chuan draw turin a buaipui mek a, an draw thuai theih kan beisei a ni. Tin, Pu Speaker Tar pension lawmman chungchangah hian State Level Meeting ah pawh ka sawi tawh a, hetiang Tar pension ang chi lawmman ang chi hi chu awlsam zawka sanction hi a kal theihna turin ruahman nisela, Secretary, Director anih loh pawhin Secretary level sanction-a tih mai nisela lakte pawh an la hma thei deuh ang kan ti a, a chhan chu Mizoramah hmung zawng zawng mai correction ngai leh nen Planning ah, Finance ah tih thar reng mai kha a buaithlak em em a, chuvangin a awlsam zawng ang hi awm thei se tih kha kan rawt tawh a, chu chu kan hotute Deptt., lamah kan thlen tawh em tih kha ka hre lo va, thuneitu lamah kan thlen tawh em ka hrechiang chiah ta lova kan department thlen turah ka ngai a chutiang chu ka mamawh khawp a ni tih kha kan sawi duh a ni.

Tin, member zahawm tak Pu Lalthansanga'n park hmun thenkhatah te in siam a, khimi ka bial lamah te khian min siamsak thei em a tih kha Pu Speaker, Village Council member te kan inchah ber chu khawvel thang zelah khawtinah reserved park nuam neih tumin V/C te hi hma la ula kan inti a, chutiang chuan kan inchah ngawih ngawih a amaherawhchu, khawtin maiah keini LAD tena hma va lak vek theih a nilova amaherawhchu, Zoram pum ang pawha thlir a leh a district ang pawha hmun nuam zawk khaw dang pawhin han pan khawm ang hmun te thil tha anih chuan department lam te pawh la hriattir a chianguang zawka la en tlan a kan ram tana sawngbawl tlak anih chuan sawngbawl theih loh anih ka hre lo a ni. Tin, V/C Serchhip in ram pek chungchangah no objection an pe daih mai a hi engnge a awmzia, V/C thuneihna hi ennawn a ngai a ni tih kha. Pu Speaker, ka hrethiam chiah bik lova Village Council boundary ang hi revenue hian a boundary a ni chiah lo nge ka hre lova keipawh ka V/C ve lai khan kan veng V/C area ni lova kan ngaihah khan pass an han siam tak tak dawn chuan Revenue khan Bazar Veng V/C in in signed a ngai a ni no objection a rawn ti mai a. Chutiang chuan hemi town area chinah hi chuan Revenue in ramri a a neih ang V/C ramri lo ang hi a awm ve thei a chuvang chuan khang thil te pawh kha ani maithei a engpawhnise, kei chuan ka chhang fel mai thei lova.

Tin, 13th Finance Commission Award in sem kha eng criteria in nge in sem a V/C tha zawka kan ngaih a thlalak te pawh an hnathawhin tarlan ngei ngei te dawng silova V/C dangin an dawng a tih kha nia nikum financial year tawp dawn tep khan nuai 116. something a ni ka chiang chiah ta lova a zat a kha. Pu Speaker, kan hmu thut a, kan department hotuten min rawn phone a hei naktukah ngei ngeia Planning a a luh a ngai tawh si a engtinngge kan tih dawn, tutenge kan thlan dawn a tute V/C ah nge kan pek dawn an rawn ti a, a chawpchilh tawh si a engpawhnise, DLAO tinte an district chhungah rawn ula chutiang chuan ti mai rawh u kan inti a, zan dar 12:00 thleng sanction moved theihna tur khan an han ti chawp chuk chuk a, eng criteria mah a awm hran lova khami kan thlan tumah khan. Chuvang chuan

tunhnu zelah Award hi hmu thei kan nih avangin department pawhin criteria fel tak nei a thlanna dan tur siam nise kan ti a chu chu ruahman tawh a ni bawh a ni tih kha kan sawi duh a.

Tin, ICDS quarter sak that ngai tam tak te hi a sak that theih lawm ni 275 Article ah engemawzat development in ko thin a a ti a. Nia Pu Speaker, hemi 275 Article 275 (1) hnuaiiah hian sum leh pai engemaw zat Department in kan hmu thin a chung ang atang chuan quarter te, office te pawh hi kan sa hnem tawh khawp a kan hun chhungin tih kha kan chhang duh a. Sak loh lai deuh a bial lam Lungdar te pawh ka han kal a an nutrition godown that tawh loh dan te pawh ka han hmu a, remchang hmasa berah anni pawh khi telh ngei kan tumin ka ring a, a bial chhung E. Lungdar ami te pawh tih kha kan hrilh duh bawh a ni.

Tin, member zahawm tak Pu Lalrinmawia'n The Scheduled Tribe & Others Traditional Forest Dwellers Recognition of Forest Right Act, 2006 hi chak zawka kalpui theih dan a awm em a ti a. Nia Pu Speaker, hei hi thil sensitive tak a nihna lai a awm bawh a kan theih ang tawkin kan kalpui a, 2009 ah he House zahawm takah hian kan adopted a chumi hnuah State Level Committee te kan din a, District Level Committee te kan din a, Sub-Divisional Level Committee te, Village Level Committee, Block level thlengin kan din tawh a tunah hian. Tin, State dangin engtingge an tih tih zirchiang turin State Level Committee atangin Tripura ah te pawh kan zuk intir tawh a chutiang chuan awareness District level ah te pawh kan nei a tin, tunlai hian one day sensitization workshop hemi Forest Gailler (?) Act ah hian kan nei mek bawh a ni. Chak deuha hmalak han tih khan Pu Speaker chak deuha hmalak han tih hian vawiinah hian he dan hnuaiiah "hei hi kan ram a ni, pi leh pu atangin he dan in a phal ang hian kan rawn claim e" tih hi pakhatmah kan la dawng lova kan dawn loh miau chuan pek tur kha an awm lova tualthahna dan awm reng mahsela miin tual a thah miau loh kha chuan kha dan hmanga hrem tur kha a awm lo a ni. Chuvangin, he dan kan han adopt tak hnuaiiah hian vawiin ni thlengin rawn claim a, rawn diltu an awm miau loh kha chuan hmalak dan kha a awm lo a ni, awareness bak hi chu kan kalpui theilo a ni, tih kha kan sawi duh a.

Tin, Pu K. Lalrinthanga leh Pu K. Liantlinga kan member zahawm tak ten Housing Loan-ah tunkum atan awm lo anga an rawn sawi leh Govt. Servant tan zawka awm anga an rawn sawi kan budget-a lo kal an rawn sawi kha Pu Speaker, a pawh khawp mai a, tukin zingah ka hmuchhuak a kan work programme ah khan kan depts. hotuten an lo tidik lova, keipawh kan en a Housing Loan kha NIL a lo in ti a, HBA atan nuai 500 tih kha a lo lang thung a. Kha kha Planning lamin draft budget lo siam rawh u an rawn ti a, a hmasa zawka an duhdan anga an siam kha a ngai ang rawn ti leh rawh u an rawn ti a, kha kha lo ti danglam lovin khalai te kha a kal palh a ni. Housing Loan hi tun kum atan crores 4 kha a awm a, sorkar hnathawkte tan khan kan neilo zawk a ni tih kha ka han sawi duh a.

Tin, kan member zahawm tak Pu Nirupam Chakma in MSDP hi chak zawkin kalpui theih nise tih a han sawi kha a dik khawp a Pu Speaker, central hian min rawn sanctioned tam ang reng khawp a tunah hian keimahni state chhungah sum leh paiah te kan cash balance te pawh hi a that tawk loh chang tam tak a awm avangin duh angin helaiiah Finance lam te pawhin min release chak thei bik lova a implementing agency hi district level-ah Deputy Commissioner hnuaiia Committee an ni a, annin sum leh pai an dawn si loh chuan UC min pe ngam si lova, a tlangpuiin zep thu a awm lova, depts. ang ah chuan kan hmu tawh a, k.deposit ah emaw a awm tawh ber te chuan kan inpe mai ngam a. Amaherawhchu, a implementing kha Deputy Commissioner Chairman na hnuaiiah a ni a, anni hian sum leh pai an dawn thlap loh chuan UC hi an pechhuak thei si lova kan fund release dan kha duh angin Finance lam atangte in kan chak thei bik si lova, a pawl kan ti tlang a. Vawihian hian Pu Speaker, nikum lam atang tawh a min la release theih loh te pawh hi k.deposit atangte, treasury atang ten a la awm nual a, khang kha chak zawkin kan Finance Minister pawh min release turin kan sawipui tawh a, kan ti thei turah kan ngai a.

Tin, nutrition hi Anganwadi tinah tha takin pek niah kan ngai a, tin, zep thu a awm lova Pu Speaker, khulam area ah khuan a har em em a ni. Worker tha an awm thei lova, a village level anga committee kha a awm tha tak tak thei lova chu chu kan hnathawktute kan department lamte pawhin harsatna an tawh tam tak hi a ni ve a, duhthu a sam tak tak thei lova. Amaherawhchu, naupangte hian per head in ₹ 6/- ang hi an quota a ni a, chung ang atang chuan eitur tha tak tak kha kan pe a ni. Tin, kan eitur pek hi Pathian zarah khaw kilkhawr ber thlenga Anganwadi hi awm kan ni a kalkawng hla tak takte hmun tam takah chuan Lawnga kal ngai te, ke a kal ngai te pawh an ni a, chungah pawh chuan mihring tana pawl tham khawpa chhia eitur kan sem lo hi Pathian khawngaihna kan chan a ni, kan depts. lam hotute pawhin an ti thin a, kan la lawm ve viau a. Amaherawhchu, eitur chhe thei chu kawng hla tak km. tam taka kal ngai leh phurh kawi phurh kawi chu a lo sawngkawn deuh te pawh a awm ve thei a ni tih hi a chiang a, chu chu Pu Nirupama kan MLA zahawm tak ka han chhanna kha a ni a.

Tin, ITI leh IAY 1312 2nd instalment te pawh kha sanction tunah kan hmu fel tawh a, amaherawhchu min rawn pek tlai avangin tun kum budget-ah allocation kan tih dawn chuan a nghawng buai tawh a budget kan thut tawh dawn avangin tun kumthar budget angah hian budget allocation tiin kan la hmu thuai ang tih kha kan hrilh duh deuh che a ni.

Tin, Pu Speaker, kan member zahawm tak Pu Josepha'n District Park Lunglei saw tun aia tha zawka enkawl dan a awm lawm ni a enkawltu tam zawk te pawh a tul a ni a ti a a tul khawp a. Lunglei Distric Park saw LAD ta bik a ni lova DC enkawl na hnuaiiah Department hrang hrang Horticulture te, Agriculture te, Tourism te pawh in hmun an nei a, khatieng kha kan kal dan a ni a. Pu Speaker a enkawl tur hian MR te pawh kan dil a, a hlawhtlinna kan la hmu chiah lova, kan hmu tur ah kan ngai a tun a Park kan han sawi tak

zawng zawng leh kan hawn thar tur a pawh hi tam tak chu nilo mahse kan Revenue awm ve na tur a ni a. Chutih lai a a enkawltu MR tal pawh kan neih theih loh chuan a dik lova. Hei hi kan sawrkar lam thuneitute pawh hian min pek ngei chu kan ring a ni tih kha kan sawi duh a ni.

Kan Member zahawm tak Pu K. Liantlinga sawi Social Welfare Director dah thuai hi a tha lawm ni, Recruitment Rules te pawh peih fel a ni tawh tih te a han sawi a. Nia Director Recruitment Rules chu kan nei fel tawh a, mahse vawiinah hian a Rules kan neih rualin Director anga dah ngheh tur hi a qualified kan la nei chiah lova. Sorkarin a ngaihtuah mek a a tul anga min dah ngheh sak turin thu neitu lamah te pawh kan dil mek a han ngaihnathiam theih mai tur pawh kan nei tawh a hei hi sorkar ah kan thlen a ni.

Tin Member zahawm tak Dr. Ngurdinglana'n an biala Anganwadi Centre an mamawh belh thu a rawn sawi a, tunah hian 1980 Anganwadi Centre hi kan nei a, tin member zahawm tak Pu Lal Thanzara pawh khan a bial Electric vengah neih belh an duh thu a sawi a. Department lama thawktute sawi dan chuan tunhma chuan Aizawl hian Anganwadi Centre hi an duh vak lova. Mi nau awm tura fate kal tir kha an duh lo deuh niawm tak a ni, dah kan tum pawhin veng tam takin an duh lova tunah hi chuan a that zia an hre tawh a an duh leh si a an ti a, thingtlangah chuan an population phu lo in kan ngah a. han in lakchhuah sak leh hi thil tih chi a ni lova. Central Sorkarin min pek loh chuan State in kan tih chi a ni lova. Worker leh helper kha hlawh nei a chhawr an ngai a tunah hian 150 kan dil a kan beisei reng a vawiin thlengin kan la hmuh belh lo a ni a. 150 te hi chu hmuh belh leh ila kan mamawh zualpui min phuhruk kan beisei a ni.

Member zahawm tak Dr. Thangtea sawi Old Age Home hi Distric tinah dah nise, in ti hman tawh kher lo mai thei a ti a, tun term-ah chuan District tinah chuan kan dah hman kher lo mai thei a. Amaherawhchu Pu Speaker, Old Age Home hi pakhat kan nei a ka zuk tlawh tawh a, mi 10 tana awm theihna niin ka hria mi 10 awm tur hi kan in hmu zo lo reng reng tin a awm te pawh hi ka tawng huat thu suhah a Mizo dik tak aiin khi lam atanga lo chhuk vakvai ta deuh mai te an ni awm mang e aw ka ti a. Chutiang chuan tuna kan neih sa ah pawh a accomadate theih zat mi 10 kha kan hmu lem lo a ni. Tin Pu Speaker ka ngaih ve dan chuan heng Home hi kan siam tam leh mihring an pung mai a ni tih hi ka ngaih dan a ni a, Fahrah enkawlina te pawh changlung deuhin siam ila a 100 tel an rawh luh belh mai ka ring an siam pung zawk a ni em tih te hi ngaihtuah ngaiin ka hria Old Age Home a awm awm tak tak tan chuan tuna kan neih khu a tawk lo maw sorkar ang chuan han thlir ila a hriat lem loh in ka hria. Chu chu kan sawi tel pah duh hrim hrim a a tul anih chuan Distric tinah kan la nei turah ngai ila a tha awm e. Pu Speaker, khatiang khanin kan Member zahawm tak tak te han sawi tlangpui kha ka han react thiam dan chu a ni mai a. Engemaw han react hmaih palh leh han sawi hmaih deuh pawimawh si ka nei em ka hre lova.

Tin, Pu Speaker, Pu Joseph-a han sawi tho wheel chair hi a mamawhtute mamawhna ngaihtuahin a hmuhdan hi a buaithlak a. Chuvang chuan, a awlsam zawnga tihdan a awm lawm ni a rawn ti a. Pu Speaker, keini pawh hi kan thu ber lohna chen a awm a. Keini pawh hian a chang chuan NLO lamah te, Spastic Society lamahte hian kan han tikual

ve leh thin a. Tin, District ah hi chuan kan District Social Welfare Office-ah te lam theihin a awm a. Engpawhnise, khawvela cheng kan ni a. Dan thlapa thil tih hi kan tlin vek lova. Khawngaihna Dana rorelna hi chu Pu Speaker, a tul fo thin a ni tih hi kei ka ngaihdan a ni a. Chuvang chuan, khatiang mamawh ngawih ngawih kha chu kan hnenah te pawh sawi a, kan sawi tlana, kan tih theih lohna tur a awm dawn em ni tih kha ka'n sawi duh a ni.

Pu Speaker, tichuan, kan Department hmalakna tlangpui (Pu LALDUHOMA : Pu Speaker khawngaihin. Kan kalsan hma-in. Bengdar hi tunhma-a kan han tihsak thin kha chu vuahtlak a ni lo an ti a, an hluihlawn deuh zel-in ka hria a, ka hriat ve chinah chuan. Tunlaia kan neih hi engnge a tihtlak em aw ?) Pu Speaker, tunah hian Bengdar hi kan nei lova. Hmanah khan NIOH lam atanga kan hmuh atangin khatiang khan kan han sem a ni a. Tunah tak hi chuan kan nei lova. Tin, kan Member zahawmtak sawi ang khan a quality hi a tha vak lo a ni. Tunah hi chuan Health & Family Welfare lam hian tha tak tak an semin ka hria a. Kha lam kha a mamawhtute tan pawh ngaihven chi a ni ang a. (Pu C.RAMHLUNA : Pu Speaker, a kalsan hma lawkin. MSDP kha DC Committee hnuaiiah khan function ni khan sawina kha a awm a, a dik a. Committee constitute a ni a. Tahchuan bialtu MLA te pawh kan tel ve na a, mahse, a hnu-ah khan District Council-ah khan hlan a ni fai ta vek a. Committee kha a function ta lo tlat mai a, defunct ang khan a awm ta a. Khalai kha, Committee kha effective zawkin a function leh thei ang em ? Committee thukhawm khan beneficiaries kha an thlang thei ang em ? tih lai kha min hrihfhiah leh sela, a tha-in ka hria a. A chhan chu kal chho zel tur an nih avang khan, kha kha awmze nei deuh hleka kan kalpui loh chuan, District Council in anmahni duh duha an lo challai kha a fel tawk lohna lai a awm deuh hleka hriatna lai a awm a. Kha kha min han hrihfhiah sela ka duh a. Tin, Local Fund kha min promise a, a lawmawm ka ti a. 25% an cut kha chiangkuang takin kan hria a. Tin, Joint Director, LAD pawh khan District Council ho hnenah khan lehkha kha a pe ngei a. Engahmah khan an ngai lova, an cut ta zel a ni. A chhan leh a vang chu kan hriatpui tehchiam lova. Mahse, an cut a ni tih kha ka'n sawi duh a ni e.) Pu Speaker, District Council hian a khawih ngawt thei lova. Amaherawh chu, District Level Committee hian District Council in IAY sem te leh thildang District Council kutah dah mai nise ti a an dil angin he District Level Committee hian a phalsak a ni. Chu chu hei a lehkha document pawh a awm vek a. Committee-ah i kal lo nge ni ka hre lova. Khatiang khan Committee a an rawn dil ang hian tiin keini Department lamah pawh an rawn theh pheih a. Chutiang chuan, kan Under Secretary in a convey lehna lehkha document te pawh a awm a tihian. Chutiang chuan, Official taka an dil angin District Council khan an dil chin angah khan District Council kutah dah a ni a. Tin, DC te a implementing Chairman an nih rual khan Pu Speaker, he MSDP hnuaiiah hian sum tam tak a awm a. Central atangin a lo kal a. A Department concerned tin khan, Mamit District ah chuan a hna tak tak monitoring te, khatiang ang kha an khawih a ni. Entirnan, vawiinah pawh Lawngtlai District ah kan han hmang ve ta a. Tui khaw engemaw zatah laksak an ni dawn a. Tahchuan a nuai tel min rawn pe a, chu chu DC pawhin PHE Department-ah an hlan leh a. Tikhan, khaw engemaw zatah PHE Department in tunah hian an bei mek a ni. Chutiang chuan DC hnuaiia Committee khan a remruat anga kal zel chu a ni ve pakhat a. Kha kha a kalphung deuhhlekk chu a ni a.

Tin, Pu Speaker, kan tar chaklo zawkte leh dinhmun chhe zawkte tana lawmawm ve hrim hrim han sawilan ka duh chu – Tunah hian Indira Gandhi National Disability Pension Scheme hnuai hian mi 554 ₹ 200 theuh thlatin kan pe thin a, kum 18 leh 59 inkar tan. Tunah hian October ni 1, 2012 atang khan Central sorkarin 544 kha 618 ah rawn tipungin ₹ 200 kha ₹ 300 ah a rawn tipung bawk a. Chu chu October ni 1, 2012 atang ang khan an la thei tawh dawn a ni, tih kha ka'n sawi duh a. Tin nichina an sawi ang khan hei, eizawngtu, pa ber maiin a'n boral san a. Tanpuina a ni ang chu, ₹ 10,000 kan pek thin te kha, tunah hian ₹ 20,000 kum 18 leh 64 inkar hmeithai eizawngtu berin a thihsan te tanpui nan ₹ 20,000 kha a ni tawh dawn a. chu chu mi 197 tan min rawn pe a ni.

Bal Bhavan hi Pu Speaker, ka'n sawi leh duh a. Tunah khuan ITI vengah khuan a hmun, Village council te, Sport lam te, khawtlang hotuten an sawi hovin hmun tha tak mai, ram, a nuai za tel pawh ni thei awm kha department kutah min pe a. Tiang chuan keini pawhin lawm tha kan sut a. Tiang khan a hnathawh tur awm ang ang, a side preparation thenkhatte tiang khan thawkin khulailah khuan nuai 400 in building tha tak sak tum a ni a. Tunah hian nuai 63 vel min pe tawh a. Chu chu PWD ah kan neih ang ang te, a sak nana hman tur ang chi kha chu kan transfer a. Tiang chuan kumtin 275 Article atangin he building sa puitling tur hian kan tichho dawn a. Hei hi Aizawl khawpui naupang tam tak, computer leina nei zo lo chhungkua te, naupang nei ve si ten, guitar tha deuh han perh ve duh, leina nei zo lo chhungkua, tui si ten an talent an hai chhuahna hmun atan khutilailah khuan kan bei dawn a. A hmun petu, veng neitu te chungah pawh he House kaltlang hian lawmthu ka'n sawi duh a ni.

Tin, Lungleiah sawn Pu Speaker, kan department, Social Welfare hian office leh in luah a pui saw kan ngah hle a. In luah man ringawtah hian thla khatah hian engzatnge kan sen ang? Ka hre lova. A sing tel kan seng a ni. District office ringawt pawh hi pathum kan nei a. District Social Welfare Officer Office kan nei a. CDPO kan nei a. Programme Officer, Chhimtuipui zawng zawng nena bialtu, Lawngtlai district te, tiang khan kan nei bawk a. Tichuan sawlam chhimlam zawng zawng nutrition a hun taka supply a nih theihna tur atana Main Godown dahna tur kan mamawh a. Chu chu kan luah bawk a. Chu ang zawng zawng chu mi in luah ngai lo turin wawinah kan hotute, kan CM te thahnemngaihna in building kan sa a. Tun April thla hi chuan kan zawh kan ring a. Chutah chuan Main Nutrition Godown kan hung lut ang a. A chungah CDPO, a chung lehah DSWO leh P0 office a awm ang a. Chutiang chuan office khatiang zat kha tuna department in hmun kan han neih a kan han sakah chuan kan in senglut thei dawn a. A ropui ang reng khawpin ka hria a. Achievement ropui tak, chhim lam atan, department tan a ni a. Ka'n sawi lang ve duh hrim hrim a. Tin, Multi Sector Development Project hnuai tunah hian 12th Five year plan a kan luh tak avang hian Ministry of Minority Office hian district ni lovin a block zawng hian a rawn thlang leh a. Chutah chuan Chawngte block leh West Phaileng leh Lawngtlai RD block te hi heng atan hian vaibelchhe 10 theuh tun kum 2013 leh 2014 a an area chhung development siamna tur atan a rawn ruahman sak a. Proposal pawh rawn thelut rawh u, tiin min rawn hriattir a ni tih kha Pu Speaker, ka'n sawi duh a. Tin, Tribal Welfare Ministry hnuai Social Welfare Department-ah hian school lamte pawh hi Pu Speaker, kan enkawl ve reng a. Tunah hian Aglovia Model Residential School, Lungleiah kan enkawl a, naupang

180 an awm a. A thlawn vekin enkawl an ni a. School tha tak kan nei a. Tunah hian Serchhipah chutiang chu din turin vaibelchhe 12 Central sorkarin min rawn sanction tawh a. Chu chu PWD ah pawh kan hlan tawh a. Hna hi tun kar chhungin school mi rethei zawkte tana luh theih turin a sak hna pawh hi an tan dawn a ni, tih kha he House-ah hian ka'n sawi tel ve leh duh a, tin, Pu Speaker old age pension la tu kum 80 chunglam te ₹500/- central sorkar in a rawn tum sak hi harsa tak chhungin mi 2854 chhungah kum 80 chin 500 pek tur anih laiin kum 82 chin kha kan in khung leng a. Tunah hian central sorkar in mi 4267 ah min rawn tihpun sak a. Chu chu 1.10.2012 atanga la tan tur an ni a, a lawmawm hle a, ti hi chuan kum 80 chin hi chu kan in thun leng thei turah kan ngai a ni.

Tin, Pu Speaker widow pension scheme a awm leh a, tahchuan mi 542 te hnenah ₹ 200/- kan pe thin a, kha kha ₹ 300/- in tunah kan pe thei tawh dawn a. Pu Speaker, Persons with Disabilities tan Commissioner Office kan han hawng ta a, tunah hian an theih ang tawkin hna an thawk chho a, department tinah te eng ang in nge heng rualbanlo te tana hamthatna ang zawnga department in hma an lak tih te pawh an zawt tan a. A pawimawh ber pakhat rualbanlo an nihna certificate, certification camp buatsaih hi an hmalak tanna bul pakhat a ni a, chutah chuan tunlai hian theihtawp an chhuah a, Commissioner office lam atanga initiate na in. Mi 7375 lai mai kha chutiang certificate te pawh chu pek an ni tih kha waviinah ka sawi tel duh a ni.

Awle Pu Speaker, sawi tur tam tak a awm a kan sawi seng lo ang a, waviinah hian kan department kan enkawl na kawngah te, department lam pawhin kan kalpui dan ah te, fel lo te duhtawk lohna tam tak a awm ang tih kan ring a. Amaherawhchu chungah chuan member te leh mipuiten he department hi min tawiawm chho in, waviin thlengin tluang takin kan kal hi a lawmawm a. Tun kum 2013-2014 atana kan department han sawite enkawl na leh hmalakna tur atana heng ka demand No.19- Local Administration Department vaibelchhe 67,41,47,000/- leh Demand No.29- Social Welfare Department vaibelchhe 32,16,11,000/- Total vaibelchhe 99,57,58,000/- hi he House hian lungrual taka min pass pui turin ka rawn ngen a ni, ka lawm e.

*Speech not corrected

SPEAKER : Aw le Minister in a Demand te ngaihnawm takin a rawn wind up a, pass a rawn dil bawka, a Demand 19-na Local Administration Department cheng vaibelchhe 67,41,47,000/- Demand No.29 Social Welfare cheng vaibelchhe 32,16,11,000/- avaiin ₹ 99,57,58,000/- hi pass remti apiangin “ Rem ti” ti rawh ule, remti lo kan awm chuan “Rem ti lo” ti ula, awm lo maw, awle Pu P.C.Lalthanliana, Minister zahawm tak Demand No.19-na Local Administration ₹ 67,41,47,000/- Demand No.29-na Social Welfare ₹ 32,16,11,000/- avaiin ₹ 99,57,58,000/- hi House in lungrual takin a pass ta a ni.

Pu P.C.LALTHANLIANA, MINISTER : Pu Speaker, ka lawm e.

SPEAKER : Tunah chuan Pu Lalsawta, Minister zahawm tak wind up turin sawm i la, a wind up zawhah pass han dil nghal bawk sela, i lo ko vang.

Pu LALSAWTA, MINISTER : Pu Speaker, zing atangin kan thu ngar ngar a, dar 7 a lo pel tawh a, mahse kan member zahawm tak tak te dawhthei takin an la thu reng a, kan officer te pawh. Kan member mi 22 in kan Dept min rawn sawisak vek a. Hetianga thahnem min ngaihpuhi hi a lawmawm ka ti hle mai a. A hmasain kan member te chungah lawmthu ka sawi duh a. Tin an sawi atanga ka hriat chu an sawi hi ka duh a ni. Kan member ten an bial atana an duh ang hi keini pawh hian pe thei ila kan duh em em a. Kei pawh hian ka bial atana ka duh hi a tam khawp mai a. Ka department enkawlah pawh ka tih theih mai loh avang hian kan member te kan hriattir duh bawk a . Pu Mathana khan a department enkawl te chanchina harsatna a sawi a. Education te pawh hi chutiang chu kan ni a. Department dang ang lo takin an in ngheng reng mai hi a ni a . Kum khata ni 365 ah hian ni 200 tal hi awm ho tur an ni a. Damlo te pawh an dam hunah an post ah an kal leh vang vang mai a. Keiniah erawh hi chuan an dam poh leh kan in hmu zing hi a ni mai a. Chuvangin a enkawltu zirtirtu te leh Asst Profersors te hi an tam bawk a. Thu leh hla pawh hi a tam ve hrim hrim a. Mahse thingtlang pa in an khaw thahnemngaihna avanga an han sawi ve tliar tliar mai te hi an zahawm ve a ni. Heti khawp hian Mizo fate hian zirna hi kan lo hlut a ni maw. Hetiang hi Karimganj-ah emaw, Kabugang-ah emaw an awm ka ring reng reng lo a, heti khawpa zirna ngaisang hnam hi an awm ka ring lo a ni. Fate zirna atana thahnem ngai em em mai hnam hi kan lo ni a. Harsa taka thingtlang atanga zirchhuak vawiina dingchhuak milian tak tak te hi an awm reng a, economic term a demonstration effect kan tih hi kan apply a a zawngchhang tlak hle in ka hria a ni . Member zahawm tak Pu C Ramhluna hian West Phailengah Higher Secondary School a awm miah lo a ti a, hei hi kan hria a, a bialtu Pu Robiaka pawh hian vawi duailo a rawn sawi tawh a. Hei hi hmun danga an sawi te nen sawi tlang nghal law law a tha in ka hria a. Vawiinah hian sorkar High School hi 199 kan nei a, chumi atanga pass chhuak ten an luh theihna tur atana Sorkar Higher Secondary School kan neih hi 20 a ni. A intu lo em em a, an in chawm zo lo tih hi a chiang reng a. Amaherawhchu vawiina kan dinhmunah hian Higher Secondary School sorkar a nih loh pawh in Adhoc tal ang emaw a nih loh pawh in tuna lump sum added kumkhata nuaikhat leh singnga pek ang chi emaw tal te pawh han tih belh hi kan chak a. Mahse vawiin kan dinhmunah hian kan sum dinhmun te kan enin kan tlin hrih lo tih kan hria a, amarawhchu kan Chief Minister zahawm tak pawh hian a ngai pawimawh em em a, hei hi chu tih dan awm se chu kan duh khawp mai. Engpawhnise, Pu Ramhluna lo pawhin an sawi tho avangin hei hi lo enzui chu a ngai a ni kan lo enzui ang a.

Tin, Lawngtlaia Polytechnic chungchang hi hma kan la a thil hi a chak zung zung thei lova. Keimahni department mawhphurhna nimahse department dang te nena thawhho te anih thin avangin a design te, estimate te pawh kha department dang te tih anih avangin tunah hian kan la thleng thui lo khawp mai a. Amarawhchu, bul kan tan dawn a ni tih kha kan sawi duh a.

Tin, Judges leh Magistrate kan tih hote hi power pek belh mai hian a tha lawm ni tih ang deuh khan rawtna a rawn sawi a, anni ho hi statutory provisions a an chungah thuneihna pek an ni a. District Session Judges te hian thuneihna chin mumal tak an nei a, additional judges te hian thuneihna mumal tak an nei a, Chief Judicial Magistrate ten a chin te hi an nei vek mai a khami an nih loh kha chuan a theih chuang lova. Tin, a department ngawr

ngawr pawh hian a zuk malkhai bik lova khang ang chi ho han ti phuisui tur chuan Home department in Jail an neih te a lo ngai a. Jail building tha tak an neih nan pawh hian Jail hnathawk tur te kha an neih loh ve leh zel te a awm a. Chuvang chuan ka va zin ve pawhin Lawngtlaiah te, Saiha ah te an harstana an sawi hian kan department a a tawp miau loh avang hian department dang te nen kan han sawi ho a, kan tum ang ram hi kan la thleng thei lova pawisa harsat vang te pawhin chu chu tuna kan dinhmun ania. Anmahni kha power han pek belh mai a Lunglei kal ngai lo a han tih ang chi kha chu a awlsam dan ni awm taka lang, mahse a nihna takah chuan statutory provision a an power neih chin vek a nih avanga khatia tih remchang lo a ni tih kha kan member khan min lo hriat sak se.

Tin, Lok Adhalat hi District tina tih ve a tha lawm ni tih kha hei hi kan nei a ni, district ah hian kan nei vek mai a. Tunah chuan Administrative District 8 ah hian kan nei vek a. Tin Court building chungchang leh an Quarters te khang ang chi ah khan hma hi chu kan la ve a mahse kan tum ram hi kan la thleng pha zo lova muangchanga tih ngai chi te pawh a awm ve reng reng a. Chuvang chuan D.C. Office ah an la bei ve rih a D.C te pawh in hrethiam takin an lo la hman tangkai ve zel a, heng hi keini ah chuan kan hmasawna tur leh kan tum ram a ni a. Tin, building pangngai ang hi anni hian an hmang remchang ve thin lova Office an neih bakah khanin Court Room te pawh a chhuat a in san hleih deuh te a ngai ve a. Khatiang te kha kan sak sak bik thin a, tuna kan sak ang chi ho tam tak te hi High Court lama Judges lam ten an rawn thlir phei chuan a te te an rawn ti a, anni phailam atanga rawn enah chuan mahse pawisa dinhmun atanga sak te anih avangin khatiang kha tunah chuan kan han sak belh chho ve zel a, Lawngtlaiah tunah tak chuan sakna programme kan nei hrih lovin ka hria a. Tin, High Court atana New Secretariat Complex Khatla ami kan Chief Minister zahawm takin High Court tana a pek hi kan lawm em em a, kawng dang atana han hman tur atan chuan kan phal awkawng lova. Amaherawhchu, High Court nei tur hian judge ho te kan han kawm a kan han sawi khawm reng reng hian infrastructure hian a la zo lo a ni, in la phu lo a ni min ti zel a chu chu thu dik pawh niin kan hria. Mahse kan han hriat tawh ang khan 1986 a memorandum kan signed na ah te pawh lo telh tawh anih avang hian han tih hram kan han duh avangin kan House Leader kan Chief Minister in a theih dan kawng kawng i zawng ang a ti a. Amah hian lehkha vawihnih vawithum a zuk zia k tawh a, a hnuai lama kan han ziah ve kha chu sawi ngai lo ni ta se, chutichung pawh chuan High Court han din theihna tur atan hian tunah hi chuan kan infrastructure hian a zo lova, chutihlai chuan Sikkim te a zo si tih zawhna kha a awm thei a. Amaherawh chu keini bikah chuan kan thenawm State pathum te High Court hran an neih lai pawha kan neih lohna chhan ber hi chu infrastructure hian a zo lo a ni ber mai a, tunah hian nuai 900 (9 crore) kan nei a chu chu kan han hmang dawn a, a design leh estimate te an han buai pui mek a heng hi keimahni lamah hian kan thu hi a tawp tlat lo mai a High Court lam panga kan Judge ho te hian administration lam enkawltu bik te an awm ve a chung hote chuan an rawn amen pui hi a ngai ve zel a, chu chu kan harsatna a ni a. Engpawhnise, heng hi hma lam pan chuan kan la kal ve zel tih kha kan member zahawm tak Pu C.Ramhluna kha kan han hrih nghal nisela.

Tin, Pu R.Lalrinawma kan Member zahawm takin a sawi chungchangah Separation of Judiciary hi a tak takin hman a lo ni ta a. Hei hi a harsa khawp mai a, a tirah

kha chuan kan hrethiam lova kan bial ami te lem lo te pawhin Law Minister han nih chuan engkim mai tithei tura min ngaihna laiah min han rawn te pawah an han tum thin a, pakhat lo kal phe chu ka nuih hi ati za ang reng a, Magistrate in kan thu a awi tlat lo mai i hauh deuh a ngai a ni an rawn ti a. E ngawi rawh u chutiang chuan ro kan rel ngai love anni chu anmahni thu, an thiamna hmanga rorel tur an ni a; keini chu kan sawi ve ngam tur a ni love kan in ti a, khatiang kha kan tawng nawlh nawlh thin a. Mahse tunah chuan khatiang kha a reh deuh tawh a, mipui lam pawh hian Separation of Judiciary a tak takin kan hmang tawh a ni tih hi min hriatpui tan tawh hle in kan hria a.

Tin, Legal leh Judicial hi a hranin awm thei se tih rawtna hi tuna kan hma lak mekna a ni a, vawiinah House-ah hian kan mualphona thin a tu a te pawh Minister te pawh a ni vek mai a. Kan han mualpho deuh hlekna thin hi chu Bill lo lut a phuai deuh thin, a lo in luh khalh deuh thin, a sap tawng te a grammar dik lo deuh te a A B C dik lo thlengin heng ang dik lo tam tak hi Law Department hian kan vet tur a ni a, mahseng a thawk a hi an tlem em em a; tin thiam bik em em a ngai a academic lam thiam tak tan pawh Law zir lem lo emaw, Law zir ah pawh a taka lo khawih thang lo tan kha chuan an thiam chuang lo a ni. Chuvang chuan kan duh ve danah leh kan lo ruahman ve danah chuan Legislative leh Parliamentary Affair Departments ang hi pakhat ang in awm sengin. Tin, Law and Judiciary kan ti dawn nge Law and Justice Department hi a hranpa in awm bawk se tih hi kan lo buaipui ve dan mek chu a ni a, engpawhnise hei hi thil hmanhmawh lutuk a tih theih phe chu a ni lova, khatiang ngaihtuahna kha file in tunah hi chuan a move chho ve mek a, heng hi thil thar anih ve avangin a harsa ve khawp mai a, amaherawh chu keini ah chuan an tih loh kan hlahuh avangin post create belh vak pawh a ngai lovang kan nih ang ang hian kan han ni nawk nawk ang e tiin DPR leh Finance.....ve a, kan House Leader chak tak hruaina zarah hian heng thil hi a lo puitlin chuan State dangte pawhin an neih vek tawh Central pawhin an neih vek tawh anih avangin tuna Legislative and Parliamentary Department te kan han neih theih khan chuan thil a awlsam phah hle in kan ring a ni. Chu chu a rawn sawi chhuahah khan kan tum mek a ni a, ani pawh khan kan tum mek a ni tih a hriat avanga lo sawi chhuak anih ka ring a. Tin, Parliamentary practice training hi MLA te, midang te pawh an ni ang a, heng te tan pawh hian tih leh theih nise; tin, mob parliament kan tih ang chi zirlaiten Lok Sabha emaw Legislative Assembly emaw a member te han in chhang vel leh engemaw an lo zir ve thin ang te hi tih leh nise an ti a, hei hi kan ti reng a, amaherawh chu central lam atanga pawisa ring tawp kan nia, an lo thawn loh tum anih kha chuan khawi State ah mah khan an ti chuang lova, mahse chumi avanga han tih loh thin kha chu kan ui ve khawp mai a, State pawh hian keimahni pual hian pawisa tam lutuk lem lo pawh, Education lam te nen pawh inbe remin tihdan chu awmse saptawng an zirna a ni ang a, zo tawng an zirna pawh nate pawh a ni bawk ang a, fip fap turah kan ngai a, kan tih ve ang chhun chhun hi chhunzawm turah kan ngai a, kha kha kan sawi duh a. Tin, RMSA building sak zak sawh tawh si hawn hun tawh tam tak te hi engtinngin in tih dawn le tih kha tunah hian hawn turin kan Officer ten programme te an buatsaih mek a ni tih kha kan sawi duh a. Tin, Primary School buildings Middle School te pawh a ni ang e a chhia te pawh a tam khawp mai a tih hi kan han sawi theih chin a chu - tunah hian a thar building School engemaw zat kan sa a, chutah chuan a thenah class room te kan sak belh a, Middle school ah te khatiang reng reng khan kan ti a. Pa remhre lo chet ang

deuh hlek hian Sorkar lo inthlak karah hian kan che ve a. High School a tunhma class 4 awm thin pawl 7, 8, 9 & 10 awm thin kha tunah hi chuan pawl 9 leh pawl 10 chauh a awm tawh a High School hi tunhma a kan class room awm thin te kan ngaihtuah chuan an mamawh bak class room hi an nei a ni. Nikum lawka pawl 8 Middle school a kan han dah tak khan, Middle school ah khan sak belh a lo ngai ta si a, kan han sak belh sang sang a, tunah pawh kan sak belh mek a, khatih lai khan NHRD khan National Level angin nangni pawh hi Primary thleng awm ve rawh u pawl 1, 2, 3, 4, 5 awm ve rawh u min han tih hian kan sawi tawh ang khan High School-ah hmanah class 4 awm turin kan sa a, class room te a awl dei duai a, chutah Middle school ah an awm leh dawn si a, kan ti a kan han sak belh a, kan sak belh zo chauh a Primary lamah Middle School class room awl leh tura han sak leh thin kha a ni em em bik love, hei hi tlem i nghak ve ang Primary-ah chuan pawl 4 thleng la awm se, Middle School ah hian Pawl 5,6,7, and 8 class 4 hi la awmzui hrih mai rawh se te kan ti a, chungte avang chuan kan sak thar tih loh hi chu Sorkar School pawh nise building chhe fe fe a awm a, mahse hengah hian Pu Speaker, thingtlangah pawh, khawpuiah pawh kan tatu tlang khawp a, school building a chhiat lutuk a theih tawka hnatlang leh a tul tul lo thawh tawk hi an awm reng a. Building thar leh a repair nate nei thei lo mah ila, an fate nitin an kal na anih avanga rawn tlawmngai tawk kan la hmu reng hi a lawmawm hle a ni. A lawmthu sawina lam hi chu ka sawi lo mai ang a, Sihphir a HSLC Exam Centre an neih thu a lawmthu an sawinate, Overseas scholarship chungchangah tunah hian 2012-13 atan hian nuai 35 kan nei a, hei hi diltu kan tam ang reng phian mai a, kan Chief Minister zahawm tak hian a ngaihdan tlang takin a sawi a. Mirethei tam tak hian an lo dil lem lova, kal pawh an kal lem lova, a kal tawh phehi hi chu tlema awm thei deuh an ni ang a, a mamawh hnenah pek theih dan hram kawng han buatsaih teh u khai a rawn ti a, he nuai 35 lek hi a mamawh te leh a deserving a, academic lam thil te pawh a ni ang a, chutiang zawng chuan buatsaih kan tum mek a ni tih kha Pu Speaker House hi kan hrih duh a. Tin, Pu Hmingdailova Khiantge Pu Speaker hetia a mal te te a kan sawi hi anmahni pawhin an sawi thin a an thlahlel thin a an duh dan anih avang khan ka sawi vek hi rem in tih loh chuan Pu Speaker Pu Hmingdailovan a rawn sawi Education a pawimawh zia a rawn sawi te kha chu ka sawi leh a ngai tawh lova, High school result te pawh a lo tha chho ve zel a tih leh mahse High school zawhah hian dropped out an tam a ni tih kha kan lo in enna turah kan ngai a kan ngai pawimawh khawp mai a, tin, ama biala harsatna awm thin te kha kan hriatpuia a tul angin kan lo exam ngun a ngaiin ka hria a ni.

Tin, Midday Meal chungchang hi kan sawi nual a Governor in chhum lo chat lo ti anga a sawi kha pawl kan ti a keini ngaihah chuan a scheme hi a kal ve reng a chutiang tih lohvah chuan harsatna kan tawh hnem ve khawp mai a, mahse VEC te, MHIP te, YMA te leh mi tlawmngai hrim hrim te zarah an fate ei tur chhun chaw hi chu kan la ti ve hram hram ve thei a, thingtlangah phehi chuan an dawrkai neih chhun te hi kan rawk hi a ni ti tih mai a kan bat sak a kan pe hlei thei lova mahse chung karah chuan zirna atan leh an fate tana chhun chaw an ni tih hria in an in pe nasa em em a, chu chu an chungah vawiin te pawh remchang la in kan lawmthu te pawh kan hrihna nise, anni hi tel lo se chuan tlawmngai pawl te kha kan chhunzawm thei lovang tih a hlauhawm a. Tin Sikul 337 hi in sawi teh

chhen a tih te pawh kha a lo awm bawh tak na in vawiin hi ni 20 ania ni 18 ah khan hemi 2008 a adhoc lo upgrade kha minrawn phal chiah a ni. Chuvang chuan kan sorkar hian kan leader zarah a dan ang taka han tih leh pawisa insum te hi puitling hna a ni tiin 2008 a sikul 337 kha hlankai anih avangin kan la tawrh avangin pakhatmah hi upgrade kan la nei lova, chu chu remchanga sawi a tulin ka hria a, a chhan chu heng kan sawi hi tute emaw kan demna a ni lo harsatna kan tawh avang ania, a chhan a neih thin avangin a chhan a kha kan sawi ve duh a ni. Zirtirtu education atan chauh te secondary chin atan chauh te anih thin avangin Mizoram in a Education Reform an din hi a danglam bik a ni. Tin, Pu Speaker hetah hian sawi a tha in ka hria a engatinge in va muang ve min ti a ni mai thei a, kan muang hauh lova kan tuan rang zawk a ni. Kan Officer te hi an inpe em em mai a, kan kal thui tawh em mai a 1964 vel bawra Kothari Commission in Education Reforms Commission a tih hi CCE te hi nikum hmasa 2011 vel khan Mizoram-ah hian kan tan thei chauh a ni, kum 40 hnuah. Chuvangin keini hi kan muang awzawng lo va, Commission meuhin an han tih hi chuan Task Force kan siam a, chumi hnuah chauh Working Group kan siam leh a. Khang khan uluk em em in service condition a ni emaw, kalphung dan tur te an thiam ang tawh in anrawn bei chho a, khang avang khan kan duh ang chuan a kal pur pur theih loh va. Vawiin a Education Reforms Commission kan siam in a nghawng tura hi chu kum 20/30 hnuah a par hi chu lo parh chhuak dawn chauh in kan hre nghe nghe a ni. Hei hi Education Reforms chungchangah hian han hriat tlan tha ve in ka hriat avang in kan sawi duh a. Khua a mi ngei zirtirtu lak chungchang hi kan sawi tam tawh a, CLP te pawh hian kan sawi thin a, amaherawh chu dan hi dan a ni a. Education hi kan hriat theuh ang in India Constitution-ah Concurrent List, List 3 kan tihah, State leh Central sorkar in kan in tawm a, thu in chuh a awm chuan Central sorkar a chak zawk zel bawh si a. Chuvang chuan kan duh duh ang a ti thei lo in anmahni kan ngaih chan thin a ngaih avang hian in keinih chuan kan duh ang te America rama an tih dan te han hre thin mah ilangin kan han ti ngawt thei lo va Central lampang ngaih chan a ngai thin a. Chuvang chuan zirtirtu thingtlang mi han lak mai chi tur angah te pawh hian vawiinah te phei chuan TET an ti a (Teacher eligibility Test) chung ang chu trained tawh ngei an ni tur a ni a, exam thei tur atan qualification a awm vek a. Chu TET an pass zawh vek hnuah chuan Primary teacher emaw, Middle atan emaw, H/S atan emaw an exam thei dawn chauh a ni. A tu atan pawh khang kha an exam hmasak a ngai dawn tlat nghe nghe a, hengte hi tunah hian ti puitling turin hma kan la chho mek a. Chutiang anih lai chuan anni hi an thawk duh a lawm tih a a remchang apiang mai tih hi kan ram mil tawh anihna lai hre bawh thin mah ila dan chu dan anih ve tlat avang leh quality education hi kan tum ve tlat avangin helai hi kan in hriatthiam tlan a ngai a. Amaherawh chu Pu Speaker, mithiam tak zirtirtu anihna hmuna kal duh chuang lo ai hi chuan thiam lo deuh pawh an mamawhna a kal duh hi chu keini kan department a enkawl tute tan chuan a hlu thlawt a. Chuvang chuan chutiang ang zawnga a pumpelhna deuh hi chu kan siam tha in kan hria a, a dan lo deuh anih pawhin thawk duh, thawk tui bawh si hi chu eng emaw hi chu kan tih a ngaiin kan hria, hei hi kan lo buaipui chho ve mek a ni.

Tin, Headmaster leh Primary teacher leh Primary leh Middle-ah Head pawimawh zia te, an awm loh thu te kan sawi a. Nimin lamah khan zawhna hunah ka lo

chhan nual tawh avangin Member ten an hre vek tho a, department dang anga post 2/3 han ruak a han fill-up mai a ni lova. Post 50/60 ruak te anih thin avang leh a zah ve deuh zawk hi hmeichhia, nu, thenkhatte pheih chu tar lampang tawh te an lo nih bawh thin si avang hian tum ang chu a ni lo khawp mai a. Mahse theih ang tawkin heng ang hmun ruak hi tikhah tum kan bei mek a ni tih kha kan sawi duh a ni. Provincialised State ni thei se Aizawl Law College leh Kamalanagar tih hi chu Member zahawm tak tak Pu Nirupam Chakma te pawn an sawi a. Hemi tur hian file pawh kan ti che tawh a, vawikhat pawh Cabinet-ah kan ngaihtuah tawh nghe nghe a, amaherawh chu final stage kan la thleng hlei thei lo va. Tin, UGC Norms college-ah te hian tih ve ni se, Principal te pawh hi Principal pangngai ang taka thlan hi ni ve tawh se tih hi tuna kan buaipui mek tun atanga rei vak lova a tak chang thei tur a ni a. Tin, tuna kan Polytechnic neih Lunglei a Mizoram Polytechnic leh Aizawl a Women Polytechnic hi improvement a tul khawp mai a an tih hi kan hria a, kan hotuten min lo hriatpui ve ulangin, heng hi skilled development tih kan sawi tawh te nen khan a in fin vek a, henga zirchhuakte hi hna an hmu tha tlat mai a ni.

Vawiinah hian Labour and Employment Department-in Employment Exchange-a 31st Dec. 2012-a kan hmuh angah chuan 33,000 aia chung hret hi matric leh a chung lam pang kan tihho, Educated Unemployed awmna a ni a. Chuvang chuan Additional Approach a, pawl 10 pass chuan 12 zir tur, 12 pass chuan BA, BSc. zir tur tih ang ngawt kha kan kalphung a ni thei tawh lova. Chuvang chuan, New Approach tih dan thar tih dan ang hi a ngai a. Ruaitu hmu lo tur ringawta inzir chhuahthir tawh lam ai hi chuan thiam bik nei sela Medical lamah a ni emaw, Engineer lamah a ni emaw, Motor repair lamah a ni emaw, engemaw thiam bik nei hian i zirtir teh ang u, tih hi a pawimawh a. Chu chu keimahni Deparment lam pang chauh pawh ni chuang lovin Labour and Employment lam atang pawhin an buaipui nasa em em a. Kan Chief Minister hi State Level angah pawh Chairman a ni hial a. Chuvang chuan Polytechnic-te hi hmanraw pawimawh tak a ni tihte hi kan sawi duh a. Kan mangnghilh hauh lo va, theihtawpin tihchangtlun kha kan tum a ni tih kha kan sawi a ni.

Tin, Pu TT Zothansangan a sawite zingah Overseas Scholarship te a lo pung e, tihte, tin, Commercial Pilot tana Provision in siam te, tin, Incentive Cash Award tan tih te. Heng ang hi kan theih ang tawh tawh chuan kan han tichho ve a. Kan Department hi a neitu kan tam a, sawisel tur tan hi chuan a mihring tam bawh si nen hian tihtam bawh nen englaipawh mai hian sawisel tur hi chu a awm ve reng a. Mahse, chutiang karah chuan mi min sawiselna hi kan ngai pawimawh lo ni lovin, keiniah hi chuan inngaithla ila, amaherawhchu, thil kan tih hi hma lamah hian chak takin ngil takin hmalamah hian i kal zel ang u, tih hi kan officers hote ka fuihna a ni a. Mi min engemaw, ngaihtuahna tipeng thei tur ang chi reng reng hi engto chin tawh hi nei ilangin . Amaherawhchu min sawiselna leh eng emaw hi chu haw lo ila, min ti tang tuah hmang ila, amaerawhchu, kan tum ram erawh hi chu pan ngar ngar ila tih hi kan Department ka kalpui dan tlangpui chu a ni a.

Tin, hei English Zirna chungchangte sawi a ni a, Tin, Educational Loan chung Changte pawh sawi a ni a. Research Fellowship chungchang te. Tin, Champhai College cheng nuaih 951 zet mai hmanga College sak that a nih dan te. Hengte pawh hi bialtu MLA

pawh hi a fakawmin ka hria. Amah a mimal thahnengaihna leh a tha thawh vang niin hriatna chen pawh ka nei tlat mai a. Hei hi a lawmawm tak zet a ni.

Tin, Higher Secondary, an harsat thu kha chu hmun dang dangah harsa an tam avangin hei hi engtinngge kan ngaihtuah dawn tih keini chuan kan dinhmun hre reng chungin kan lo hria e, tih kha kan lo sawi tur ni ta se.

Tin, Law Department-in Lungleiah leh Champhaia Site harsa tih chungchang kha, Lunglei lamah sawn harsatna kan nei reng lah tak a, kan tifel mai dawn emaw kan tih laiin a ni lo zawng deuh hlekin a rawn kal leh a, tifel hlei thei lovin Land Acquisition Act-tena han tih a, party-te inberem mai ang, inti ta lo khan kan han kal soal deuh hlek a, Champhaiah pawh kan duh ang ram tur hi a harsa a. Tin, khawpuiah keini Law lam pangte hi chu hmun hma mamawh kan ni a, Mizoram khawpui khawi lai hmunah pawh hian hmun hi a lo hlu tawh a. Hmun han zawn hi a har em em a ni. Chuvang chuan, hmun tha kan mamawh ang tiat te hi chu nuaih za hnih tih ang tea lei ngai zel a ni a. Chutiang tur chuan Central lam pang pawh hian min rilruk pui si loh avang hian harsatna hi kan tawk ve a ni tih kha Pu Speaker kan sawi duh a.

Tin, Pu VL. Robiaka han sawiah chuan Schoolte kan han tlawh lai hian Inspection te kan neih tak loh avang hi ni berah kan ngai a. Chuvang chuan hei hi chu tih thar leh a ngai a ni tih ka sawina hi kan hria a. Tunah hian Department hi anmahni pian hmanng structure te, tih dang lam hi kan tum a. Inspector tia hming pu kher lo pawh hian kan Officers zawng zawngte hi Effective Inspecting nei thei tura buatsaihin Mizoram School Education Service-te kan buatsaih mek a ni tih kha kan sawi duh a. Tin, hei eng emaw, mimal te te ang chi thil khang kha chu in lamah te pawh kan la sawidun turah ka ngai a, khang kha chu sawi ngai lovin kan dah hrih mai ang a, hei ka chhinchhiah vek tho a.

Tin, kan member zahawmtak Pu R.L.Pianmawia khan zirtirtu indaihlohna a rawn sawi kha kan hria a, hmanni ni sawm leh pali, tun thla a unstarred question Pu K.Lianzuala kan member zahawmtakin a zawhna a chhanna ah khan in lo hmu ang a, Teaching ami ringawt kha 1710 vacancy kan nei a, non-teaching ah 369 kan nei a, avai hian 2079 vacancy kan nei a, fill up hleihtheih loh, chungte avang leh thil tam tak avang hian kan indaihlohna hi a na a, tunhnai maiah pawh hian VRS avangin mi 300 an chhuak a, a rawn lut leh tura hi advertisement pawh kan la ti chhuak hleithei si lo a, a chhan chu DP & AR ten an en angai a, Finance Department lamten an en a lo ngai a, High Court in min lo ti buai ve reng baw si a, High Court a khingtu lo awm reng baw si a, chuvang chuan a insulpel tawk tura kan lo beisei kha a lo insulpel theih tawk loh avangin tunhnai maiah pawh hian zirtirtu 300 zet han bal kha chuan harsatna min thlen a, mahse nationalisation process hi a kal reng a, zawhkhat chuan nikum November thla khan kan han zo a, mahse thenkhat vanduai avanga thi te an lo awm a, khatiang te te ah khanin hnawkhah reng ngai a lo awm a, tin, pension pangngai hrim hrim te an lo awm ve reng baw a. Khang kha kan officer te hian a pawp thawm hna hi an thawk char char tho a, never ending process anih dawn hi mawle, kan ti ve hial a, mahse kan beidawng lova kan member te leh mipuite dawhtheihna te pawh hi kan ngen baw a ni. Kan harsatna te hi min hriatpuia chutiang khawpa vacancy nasa fill up

hleihtheih loh te, tin, VRS avanga chhuak fill up hleihtheih hrih loh te khang zawng zawngte kha min hriatpui se, tih kha kan han sawi baw a ni. Tunhma deuh khan, Pu Lalrinmawia Ralte in a thusawiah chuan sikul 18 ah hian single teacher an awm thin a a bialah mahse tunah chutiang chu a tlem ta hle a, a lawm khawp mai a, keini ho ang rual vawiin a kum 60 chhunglam ang chi te hi chu Primary school kan kal laiin single teacher a kal deuh vek kan ni hialin ka hria a, kan han sawikhawm hian, mahse tunah chuan , 'Right to children to free and compulsory education Act 2009' avang ten, pahnih tal hi an awm tur a ni, te an rawn tih tak baw avang hian kan han ti a, tin, zirtirtu indaihloh chungchangah hian Pu Speaker kan hriat ve ngai hi a awm a, keimahni ngawr ngawr hi min lo puh palh ang tih te kan hlau a, kha leh chen kha zirtirtu kan in lak ah hian subject teacher ang hian kan in la ngai lo a, mahse vawiin ah hian subject teacher angin science leh mathematics teacher, middle school ah te pawh an lo duh tak si a, high school ah te pawh an lo duh tak si hian an rawn nawr ta thin a, mahse kan lo in lak tawh thin danah khatiang thiam kha kan lo la lem lo a, chutiang te a nih vang chuan vawiin ah hian kan neih leh mipui lampang duh hi a inkailo, a inmil lo ve hrim hrim a ni, tih pawh kha sawi hi chu a tulin ka hria a, kan lo neih thin danah B.A te an ni a, P.U te an nih kha chuan kan la mai zel thin kha ania, mahse science teacher tur a ni, mathematics teacher tur a ni, tih te a lo nih tak si hi chuan harsatna te hi chu a lo awm ve hrim hrim a, hengte avang hian kan tum lo a ni chuang reng reng lo a, kan tum tho a ni.

Tin, Pu Lalthansanga, Pu Chate`an a rawn sawi Keitum a PS-III niawmin ka hria a, khatah khan teacher awm miah lo mai a ti a, nia tun ah tak hian chawlh lai a ni baw a, teacher awm loh pawha pawh tehchiam lo i ti hrih ang, mahse teacher hi kan pe dawn a, hei hi a chhan chu VRS a chhuak leh special trainer a term tawp, khami SSA atang ami a term lo tawp baw si avang kha a ni a, kan hria a, kan officer ten hma an la tih kha min lo hriatsak se, April ni 2 a sikul tan chuan zirtirtu 2 tal dah theih kan tum a ni. Khawlailung a, Higher Secondary School tih kha hmun dang ang bawkin kan ngaihtuah e, ti a ka chha mai loh chuan sawi fiah sen a ni lova. Tin, school building a chhe hlawn tih chungchangte kan hria a, a hma lamah te pawh kan lo sawi tawh a. Tin, rualawh vang ten private high school din an lo tam a, heng ang te hi an phur a rit em mai, ni 100 inhlawnhna atang ten an rawn thawkhawm a tih te kan hria a. Heng zawng zawng ang chi ah hian kan sawi tawh angin, kan duh ang thal hi ni lo mahse, kan theih ang tawp chuan hma kan la a ni.

Tin, Pu K. Lianzuala, kan Member zahawmtakin a rawn sawi, sawi nawn te anih tawh avangin ka rawn sawi puat mai ang a. Primary school leh Middle school leh High school tana Headmaster pawimawhna te, a ruak hi hnawkhah thuai theih nise tih rawtna te kha kan lo hria a. Tin, single teacher thenkhat a bialah an awm a ni tih kha kan lo hria a, kan lo bawhzui ang a, hna chauh duh, thawk duh si lo te hi kan mamawh lo tih hi kan sawi nawn duh a. Tin, joining report chauh pe mai tih ang te pawh hi an lo awm lehzal niawm tak ania, kan tam tham a, kan lo in hre seng lova. Amaherawhchu, heng ang hi kan Sorkar hian a tuar mai mai thei lo reng reng a, heng ang hi hlawnh pe turin thawk lo na na na hi tawrh kan tum lo a ni tih erawh kha chu House hi kan hriattir duh a.

Tin, Polytechnic, Chhiahtlang chungchangah khan hma kan la a, estimate te engkim an ti fel chho tan niin kan hria. Tin, hei min fakna lampang te a ni a. RMSA atangin

study tour ten an kal a, tin, naupangte pawh karate hmeichhia naupang ten mipa ten an pawng nek mai lohna turin mi 18545-in karate an tih te, RMSA kan englo te min lo hriat sak hi kan Member chungah lawmthu ka sawi duh a.

Tin, mark evaluation chungchang hi sawi a tam a, keini pawhin kan hria a, MBSE lam te nen pawh kan sawi a. Miin an chhan dik si a, mark 10-a mark 6 han pek tlat te hi, mark 4 hi khawi atan nge in tih thin le te pawh kan in ti fiam a. Kan lo pian leh murna hi Assam a ni a, Guwahati University hnuaia mi Board te a lo ni a, mark ren em em mai an lo nih thinna hi vawiin thleng hian a la kal ve a. Amaherawhchu, mark ren loh tur tih hi chu inzirtir chiah ka ngai lova, mark ren loh tur tih ang zawngin kal loh tur a ni a. Amaherawhchu, kan zawhna te hi anrawn chhan dik chuan mark 10-ah mark 10 pek hi a pawina reng reng a awm lo tih hi chu kan ngaihdan a ni a. Amaherawhchu, a hnam ang deuha kan han sawi mai thinah hian chhim lampang khu an pawk lutuk a tih a ni lem lo. Phai lamah hian lehkhah hi an zir hnem a ni kan naupang te hian. Mizo naupang ngei te pawh hian phai lamah Kerala a ni emaw, khawi hmunah pawh Kolkatta thleng pawh khuan lehkhah hi an zir hnem a, Mizoram ang hi chuan kan zalen lo deuh a ni tih hi chu Pu Speaker, han sawi tha ka ti a. Kan society-a kan social practice thleng te pawh hian kan tih danglam deuh te pawh hi a ngai lawm maw ni le. Heti khawp a ram nuam awm a, phai lama in thawn ngaia kan han awm tlat mai te pawh hi tiha ngaihtuah chang hi a tam khawp mai a. Chuvangin, kan evaluation chungchangah hi chuan theihtawpin hma kan la, technically-a a remchan chinah chuan tih that pawh kan tum. Amaherawhchu, a hnam ang hian lehkhah kan zir hnem a ngai, Korean film en kan tam lutuk te pawh hi dik tak chuan harsatna min siamtu pawh a ni ve a ni.

Tin, private school te, government school aia an that rengna chhan te pawh hi sawi tham a awm a, zanin hian ka sawi lovang a. Amaherawhchu, kan sawi duh erawhchu miina an hmuh hniam rawn anih tawh laklawh avang hian zirtirtu tha tak tan pawh hian tan hi a har ve a ni Sorkar school-ah hian. Arawn kal khawm hrim hrim, a mihring naupangte han en khan, nu leh pa ten school a kal a ni tih pawh an hriat mang loh, a kal loh chuan in lamah a inhlei mai mai tih ang kal khawm te hi an nih ve chang a lo awm thin a. Chung karah chuan tan lak hi a har a, tin, nu leh pa pawh hi kan fair lo khawp mai a, kan fate Mizo medium-a an kal laia kan ngaihtuah lem miah loh lai hian, English medium-a an kal chuan an home work kan tihpui chuk a, an uniform kan lei sak a, lehkhahu, Text Book nen theitawp kan chhuah leh a. Hetah hian English leh Mizo ah hian nu leh pa te ngei hian kan bias a ni. Duhsak bik hi chu kan nei nasa a, mahse heng zawng zawng tidam tur hian kan Officer te nen kan thawk a. Heng ang hi kan tidam a ngai. Mizo zirna In hi tihchangtlun a, tihphuisui a ngai nasa tih kan hria a. Chu chu sorkar School hniam tial tial a hi tihsan pawh kan tum a ni tih kha Pu Speaker, ka sawi duh a.

Tin, Pu Lalhmingthangan, Rationalisation hi a sawt pawhin ka hre love, a tih kha a sawt teh meuh a. Amaherawhchu, kan sawi tak ang khan Zirtirtu tam tak te VRS avanga an ban avangin a insulpel tura kan beisei te a insul pelh theih ta si lova, chungte avang chuan harsatna kan la nei a.

Tin Higher Secondary School mamawh hi chu, pakhat mai bakah, pahnih mamawh, pathum mamawh te kan nih vek avangin tunah hian sawi vak a tulin ka hre lova.

Tin, kan member zahawm tak farewell speech ang deuh neitu Pu Nirupam Chakma hian thahnemngai deuh maiin a rawn a. Court chungchang te pawh a rawn sawi a. Thingtlang mi te tan Justice at your doorstep kan ti ang kan nei theihna tur atan hma kan lak tumna, amaherawhchu 'Gram Naya Laya' kan ti a, hei hi han tih puitlin kan tum tehlul nen, Consultative Committee lamah te pawh hma kan lak nasat tehlul nen, High Court te nen a thawk ho kan nih avangin, High Court hi Rules hi vawiin thlengin a peih theih tlat lova. A Rules tel loh chuan implementation a theih tlat lova. Tin, fund hi sanction a la ni lova, hei hi kan nawr tang tang thin a, vawiin thlengin sanction a la awm loh avangin Magistrate te a tul anga zin kual a, justice endorse ti ang tak tak nei thei tur hian kan la ti hlei thei lova. Tin, Sub-Division te emaw han tih phuisui ringawt khan helai hi nichina ka sawi tak ang khan an status in a phak chuan loh kha chuan District judge emaw, selection judge emaw awm tur kha chuan a lo remchang leh tawh si lova, khangte avang khan tunah chuan harsatna tlem kan la nei a.

Tin, Education chungchangah, action a ngai a ni tih hi thudik a ni a. Tunah pawh hian hma kan sawn khawpin kan hria a. Kan Zirtirtute hi an dinhmun hrethiam chung si a an tih tur ti ngei tur pawhin kan innawr ve nasa a. Chutihlai chuan Zirtirtu community atang hian keini ringawt mai hi Mizoram mipui hian min beih rawn a, Department ber lah hian min chhan bawk si lova, an tih thawm te pawh hi a awm ve tho a, a fair lohna lai te a awm a. An han sawi duh te phei chuan Department dang an rui nilentih te pawh hi an hre ve tho, mahsela khang kha kan in elna a ni lova, keini chuan hmalam kan pan avangin theihtawpin hma kan lo la ang a. Tin, RMSA emaw, SSA emaw heng neuh neuh te hi chu amah nen MLA anih lai hian kan la sawi dun turah ka ngai a. Heta sawi a tul vekin ka hre lova.

Tin, Polytechnic chungchangte a awm a, Overseas Scholarship chungchang te chu member dang te sawi a tang khan thui tak kan sawi tawh avangin ka sawi nawn lovang a. Pu John Siamkunga, MLA zahawm takin a rawn sawi ho, RMSA High School Darzo ah hian tih ni thei se, tih te kha chu a tul angin kan lo bawhzui ang a. Tin, Bualpui 'H' ah hian High School ah naupang an tam si a, Ziritirtu an tlem a, heng te pawh hi inrem siam dan kan zawng ang tih te pawh kha kan lo ngaithla a, kan chhinchhiah bawk a.

Tin, Hnathial chungchanga lawmthu a sawi te pawh kha, keini pawh kan lo lawm khawp mai a, lawm taka min dawng tute hi kan Department hian kan lawm em em a ni tih kha ka sawi duh a. Geography atana permission kan pek hi min lo hriat sak ka duh chu rang tak hi chuan post sanction nen hi chuan a rawn zui theih kher lovang, tikhan hma hi lo la ve phawt sengin tih kha he House ah hian ka sawi duh a. A chhan chu anni ang bawka mamawh tam tak an awm ve avang khan chutia han theih a ni bik kher lovang tih kha ka sawi duh a. Cherhlun leh Thingsai lampang kha chu amah nen kan la inkawm ang a kan la sawi turah ka ngai a. Kan member zahawm tak Col. Z.S. Zuala rawn sawi Government special school building an tawt lutuk a a chung lama a chhawng siam hi

theih nise tih te. Tin, ITI school provincialized nise tih te, tin ama bial bika mi thenkhat te, kan sikul-pui kan tih Sikulpuikawn a mi te leh hemi Govt. Aizawl College te hi Mualpui ah sawn tur a ni em tih ang chi te hi theih ang tawkin House a tihrik anih tawh avangin keinin kan lo chhinchhiah a kan lo bawhzui ang a a tul angin, a tha thei ang bera ti turin kan lo enzui chho ang e.

Tin, member zahawm tak Pu Joseph Lalhimpuaia, ani hian sawi a nei teuh mai a in chungchang te hi thehdarh tam nise tih te (Interruption Speaker : Opposition group leader lo ah chuan a sawi tam ber a ni. Opposition group leader ho hian minute 5 in hun an pel ve ve a, Pu Mahiman minute 5 bawkin a pel ve a ni.) A sawi hnem a tangkai tak tak a ni a. Tin, Govt. College, JB College Lunglei ami te, a tin/team te khang chungchang te kha kan lo hria a. Tin, hetah hian University in college a neih chi, off – campus college kan tih ang chi hi hman atangin kum 2009 – 2010 atangin kan lo ti a, mahse University lam hi an inhawng vak lova, pawisa te pawh an nei lo ve bawk a. Chung avang chuan constituent college kan tih mai thin kha a ni a. Tunah hian tlem in a rawn eng ve det det a mi kan ti a, sawm kan dil zingah Govt. Lunglei College hi an rawn ngaihven bik ta deuh a hei hi under process in a awm a, mahse keini tih theih a ni lova Mizoram University in UGC ah te a zuk dil ang a, MHRT ah te pawisa a zuk tuak ang a chuta tang chuan a puitling dawn chauh a ni a. Keini tan chuan constituent college kan tih, campus college kan tih ho hi kan duh khawp mai a a quality a tha a. Tin, keini State hausa lo tan phei chuan enkawl na zawng zawng engkim building thlengin a tum thin avangin a hahdam thlak a, kan koki atanga lak thlak theih anih kha chuan tha zawk tur baw si kan duh em em a kan thlahlel a, kan hlawhtling turah kan beisei a chu chu kan hmalakna a ni a. (Interruption)

Pu JOSEPH LALHIMPUAIA : Pu Speaker, khawngaih takin campus chungchang kha, hei sorkarin theihtawp min chhuahpui a kan lawm khawp mai a, kan beiseina pawh a sang a. Mizoram University-in UGC-ah Annual plan, Action plan a thehluh zingah pawh khan a tel a a copy pawh min rawn pe ve a. Engpawhnisela, kan Chief Minister zahawm takin hma min laksak bawk a, a department ang pawhin kan Minister ka'n chah bik ang a, Lungleia University Campus neih hi chu kan Sorkar hian min champion-pui hram teh u tiin ka rawn ngen nawn a ni.

Pu LALSAWTA, MINISTER : Pu Speaker, a lawmawm khawp mai. UGC khan an rawn chhang tawh a, Mizoram University lamin hma la rawh se, pawisa tuak dan te ngaihtuah rawh se tiin chutah chuan keini lamin kan tih tur kan lo ti ve ang e tiin an rawn chhang tawh a, hei hi bawhzui chhoh mek a ni a.

Tin, Teachers' Inn hi kan duh belh lo maw, hei hi kan tul ber a ni lawm ni tih te a rawn sawi a a dik khawpin ka hria a. Teachers' Inn hi District tinah kan thei lo anih pawhin Lunglei, Saiha ah te hi chuan han awm belh se tunhmaa District hmasa te an nihna a zarah te pawh khan a itawm khawp mai a. Amaherawhchu vawiin a han sawi a, han in commit theih chi niin ka hre lova.

Tin, rationalization chungchang thu ah hian transfer norm te a awm e an ti a. Mahse keini Department hi kan sawi tawh ang thin kha a nia, hmeichhia an tam avang khan transfer norm a transfer rules ah hian hmeichhia te exemption rules te an lo siam a chungte pawh chu hei hi an lo tam zawk mah si a tiin kan examine a. Tunah hian Mizoram Education Act 2003 ami te leh kan adhoc a kan puih ho chi te, deficit a kan puih ho chi te, private a school leh educational institution kan enkawl ang chi zawng zawng te, kan Dan neih zawng zawng en tur hian task force kan siam a, kan dante hian min fah tawh lohna a awm em? tih kan en mek a, hmannah pawh MSU ho an lehkhate an lo leng a, tah chuan lehkhate an rawn theh lut a, khawi School nge an sawi fak lo na in, School fees te hi a sang lutuk a ni an ti a, chutah chuan kan Officer te hnenah hei hi examine ula a tul chuan an Principal te pawh ko ula, an fees sang te pawh chu dan kalh anih chuan a tul angin hma kan la dawn nia kan in ti a, engpawhnise heng hi sensitive tak a ni a, mi thenkhat ten commercial tak a School an siam a an hlawhtlina an hausak pui lai hian, thenkhat ten fee sang deuh hleka Kohhran Schhol tha tak an lo neih a, an School infrastructure development atana an lo hman ang te thik lutuk loh tur a ni ve em aw !! te pawh hi kan han ti ve rum rum a, a chang hi chuan education hi chu puitlinna anih avang hian a man hi chu a tam ve reng reng a ni, hetah hian State Govt pawhin kan tum danah hian kan member zahawmtak Pu Duhoman a sawi ang khan privatization hi a tha ber a ni a tih ang chi te pawh kha kan ngaihtuahna ah hian a tel a, education policy kan neih tak te pawh hi kan member te kan rawn hrilh ang che u ang a, chungah te pawh chuan heng hi kan sawi uar a, mi rama an tihdan angin privatize a in el tira competition speed neia naupang nei tam tam te an School fees kha a sang anih pawh a, a naupang a te zawkin an School fees reimburse ang a, Church Centre Method ang chi approach te pawh hi kan ngaihtuah tel a, engpawhnise a tha ber a hi hre thin mah ila kan tlin zawh loh a awm thin avang hian khalai kha ka han sawi tel a, quality kan duh si hi chuan tha hi chu a ngai. Tin, education ah hian sorkar hi chu a in ren thiango a ni, kan in ren baw lo va, kan theih ang tawh hi chuan kan seng tur a ni tih hi kan hai miahlo, kan theih ang tawh hi chuan kan ti ve reng a ni tih kha Pu Speaker kan sawi duh a.

Tin, SSA leh RMSA in nasa taka an contribution te min lo hriatpui avangin kan lawm a, mahse an tihphung tam tak hi chu tun aia hlawk zawk hian kan tih a ngai dawn a ni tihte a rawn sawi tel baw a, tin, Zobawka an School mal puih ngaite a rawn sawi a, hengte hi chu Office lamah te kan la sawiho turah ka ngai a, tin, moral education pawimawh zia te, chutiang angah chuan mipuite pawh hian kan ngaihtuahna education atanga lo piang tur anih dan te, society tha leh ram mipui tha kan nihna tur atana education tha a nihna tur ang chi te pawh hi kan education policy hian a rawn fun tel vek a ni.

Pu K.Liantlinga member zahawmtakin a sawiah chuan High Court hi State pathum ten an nei si a keini hi a nei ber tur kan ni lawm ni a tih laiah hian...

SPEAKER : Ka lo tawng ve lawk teh ang aw, tikhan Minister zahawmtak khan wind up nan darkar khat chiah a hmang ta a, 22 sawi zingah khan 15 a zo va, 16 na a kal tan chiah a, chuvangin mi pasarih kha a la ti leh dawn a, hetia kan hun hmandan pangngai anih chuan dar 8:35 vel ah a wind up a zo ang a, dar 8:40 pm velah Minister dang kan la leh thei

ang a, dar 10 dawnah chuan kan bang thei ang, chu chu anih avangin kan sawi ri ve mai mai ania, in ngaihdan chu ka la zawt rih chuanglo ang che u.

Pu LALSAWTA, MINISTER : Pu Speaker, tam tak kha chu Office ah te kan sawipui tur an nih tho avangin ka sawi vek lemlo mai ang a, education loan chungchangte pawh kan lo sawi tawh a, a ti bik turte pawh Officer te pawh kan lo inbuatsaih ang a; tin, Pu, H.Zothangliana kan member zahawmtakin a rawn sawi hi pawimawh tak tak a awm a, hengah hian kan bawhzui tur a awm a, mahse, tuna sawi ngailo hi a tam mai a, tin, Dr. Ngurdinglian a rawn sawi Elementary Level a education intanna a ngaih pawimawh ziate a rawn sawi a, hei hi keini pawn kan ngaipawimawh a. Tin, tuna RMSA a kan lak te an that zia thu a rawn sawi te kha a lawmawm kan ti a, kan Officer te a tha ber leh a dik berin ti rawh u aw kan tih min lo tawmpuina anih avangin kan lawm em em a ni. Tin, Etiquette leh nundan hrim hrim leh khawvel hmuh dan te naupang ten an zir a ngai, chutilo chuan inawhhlum mai mai te leh thil dik lo tih te hi an chungah a lo tla tam palh ang e tih te kha kan tawmpui a.

Tin, member zahawm tak Pu P.P. Thawla rawn sawi engvangin nge private school te hi a that zawk tih te kha chu kan sawi tawh a. Heng hi chu a that chhan kha hmun dangah pawh tha ve turin tih kan tum a ni ti khan chhang mai ila.

Pu LALDUHOMA : Pu Speaker, min rawn chiah lo nain indirect khan min cho deuhin ka hria. Member-te sawi zawng zawng lawmthu sawi nen a mal te te-a react vek ai kha chuan a subject azir khan entirnan helaiah secondary school pakhatin a lo sawi a, pakhatin a sawi a chhanna kha chu a relevant vek tawh a ni, member dangin khami a sawi zuk tlip lehzal kha chuan a rei lutuk thei ve a. Chuvangin a subject a la cover loh deuh kha sawi tul a awm chuan kha zawk kha nise, a mal te te a member te han react vek kha chu a tul lem emaw ni le? Nichin pawh khanin chutiang deuh chuan kan ngaihdan kan sawi a, kan sawi ri kha a ni lo zawngin i lo hre palh niin ka hria.

S P E A K E R : Chuti a ni maw? Anih chuanin kan Minister zahawm tak khan chutianga a subject wise deuh hlek khan mimal wise nilo khan a subject wise khan rawn ti ta sela. Tichuan, ka tawng ta sa sa, chah nghal mai ila Minister la ti leh tur pawh chutiang deuh chuan lo inbuatsaih lawk sela, awle sawi zel rawh le.

Pu LALSAWTA, MINISTER : Awle, Pu Speaker ka lawm e. Nikum khan khatia kan tih avang khan kan member te ho an lungawi lo deuh hlek a, a subject wise a kan tih kha mimal hming min lam la kan sawi te te kha an tih deuh vang bawk ania kan tih ni.

Pu Speaker, engpawhnise member ten hei sikul pianphunga harsatna nei bik Gilead School te an rawn sawi a tin, Dr. R. Lalthangliana pawn an sawi hnu deuh vek a rawn sawi avangin sawi ngai lo ni ah ka ngai mai a kan department bika a rawn sawi hi chu. Tlema danglam deuh chu engatinge Judicial service ah khan

32 lai post ruak advertised si a, mi kan tibuai hle mai a engmah hi a ni leh ta mang silova tih kha a rawn sawi a. Kha kha chu a chhan bera chu post awm lovah advertisement a lo awm a, a procedure kha a dik lo bawk a tin, kan sawi tawh angina heng hi keini sorkar Law Department in kan tih a ni mai lova High Court te tih a ni a High Court leh MPSC te kha an involve vek a chuang chuan tunah hian 5 nei thei turin kan inbuatsaih a Supreme Court lamah kan nghak mek a ni tih kha kan hrilh duh a.

Tin, Pu Laldhoma member zahawm takin a sawi tam tak hi keini chauh nilovin Labour & Employment lampang te Skilled Development chungchang te tin, keini lampang khawih em em tho anih avang khan hei hi tuna kan ngaih pawimawh em em a ni a, kan Chief Minister pawhin a ngaih pawimawh em em a ni a. Unemployment avang hian sorkar hi min tibuai thei a; tin, insurgency pawh a piang thei a ni tih kan hria a. Kan department School Education, Higher & Technical Education, Parliamentary Affairs Department leh Law & Judicial Deptt. heng angte hi tunah khan kan han sawizo ta a, nichinah khan Pu Speaker, kan Minister zahawm tak kha chu rawn dil nghal mai rawh kha i ti a, ka dil nghal ve mai dawn em ni ang ? (SPEAKER : dil nghal mai rawh) (Pu LAL THANHAWLA : Pu Speaker, kam hnih khat lek sawiduh ka nei a rem em ?) (SPEAKER : Rem e, House Leader)

Pu LAL THANHAWLA, CHIEF MINISTER : Kan member zahawm tak ten an sawi tel loh mahse tunlaia ngaihtuahna a awm ve a awm a, chu chu Lok Ayukta chungchang hi a ni. Hei hi corruption ven nan a tha a ngaih a ni a, keini pawn din ve a tha a ni lawm ni, tiin kan ngaihtuah a chuangin kan Advocate General hnenah a dan te engkim lo study a, sorkar thurawn min pe turin kan ti tawh a. Tin, state tam takin an nei a corruption ven nan a tangkai hle a keini ramah pawh hian ti ve ang kan ti a, kan han en a kan han hmuh theih thuak thuakah chuan Judge of High Court/Supreme Court Chairman turte a ni nual a kan tlin ve pek ang em chu ka hre lova, engpawhnisela ngaihtuahnaah a awm a ni tih kan sawi duh ve hrim hrim a he House-ah hian kan member-te hriat atan. Corruption in min eichhe nasa a chumi venna tur atan chuan Lok Ayukta hi kan ACB te, CBI te chunga tangkai tura ngaih anih avangin kan sorkarin a ngaihtuah a ni, tih kan sawi duh a.

Tin, hetia ka din min phalsak takah chuan Old Age Home kha sap ramah te, vai ramah te khawi khawiah emaw chuan an mamawh a ni, a chhan chu an pi leh pu te, an nu leh pa te an lo tar a, an tangkai tawh loh khan an hmsit a um chhuak ta te an awm thin a ni, keini ramah chuan Pathian khawngaihna in ram leilung fa bikte zingah hi chuan a la awm zen zen lo a ni. Chuvingin, tam tak kha kan mamawhin kan in hre lova, tin, khatiang zawnga kan tih chuan kan interest ang tih a hlauhawm a nichinah khan an sawi tawh orphanage tam takah hian foreigners te leh mi awm tha duhlo ten in thlahdah phah nan an hmang em aw, tih te pawh hi ngaihtuahnaah a awm a, chuangin Old Age Home hi kan encourage vak lova keini ram leilung fa bik Mizorama mite zingah hi chuan nu leh pa te, pi leh pu te an lo tar deuh a an lo upat a, an lo tangkai loh a umchhuak mai hi kan la awm lo niin a

lang a. Minister zahawm takin a awmchhun te pawh khu ram leilung fate an niin a lang love a tih te pawh kha a dikin ka ring a, chuvangin, Old Age Home hi kan ti vak lova.

Tin, skill development hi kan ngai pawimawh khawp a tunah hian Member Secretary, State Planning Board Pu Haukhum Hauzela hi helam ti bik tur hian a portfolio ang deuh te pawhin kan pe a. Tin, Central Sorkar pawhin a ngai pawimawh a, tin, North Eastern Council pawhin helam Institute hi dina Mizoram-ah hian a hmasa berrawn dah a duh a, mahselain state dangin an chuh buai a, a bik takin Assam ten chuvangin tlemin a zawi leh ta deuh a enge a an zel dawn kan la hre lova. Engpawhnisela skill development hi self employment atan te leh thildang atan leh kan lekhathiamte leh thiam manglo te pawhin Tourism Ministry atang te pawhin rawtna minrawn pe a, chu chu tunah hian ngun takin kan um mek a ni tih hi kan member zahawm takte hnenah ka sawi duh a. Tata Motors-te nen pawh hian engemaw colaberation nei a kan thalaite an zirtir dan tur awm ang te pawh ngaihtuah turin kan inkau mek a ni.

Tin, nichinah khan Czechoslovakia Ambassador lo kal chungchang kha sawi a awm a annirawn tum kha India ramah hian Czech ho khuan presencerawn neih ve hi an duh hrim hrim a, State hrang hrangah an kal kual a keini ramah chuan Airport development emaw, Helipad development emaw vel kha anrawn ti a, mahsela return an duh ve a kha mi sum lo kal tur kha Govt. of India through a ngai a, Govt. of India in an han ngaihtuah khan helaia an thilrawn tih tum vel a kha zawi zawiin kan State Sorkar nen kan tih chhoh theih anih avangin an encourage teh chiam lo va, chutichungin, Czech ho khanrawn luh dan chu an la ngaihtuah reng a, India ramah hian in a big way a presencerawn neih ve hi an duh hrim hrim a chu chu an intention pakhat niin a lang a.

Tin, Scholarship Board kha kan ti lian a, Foreign Scholarship te pawh kan han ti a tunah a diltu tam ber zingah chuan an theih vanga an tu leh fate mahni a lo dah tawh ho khan Foreign Scholarship a awm a ni tih an hriatin anrawn dil ta hlawm a ni, chu chu kan tum a ni lo. Foreign Scholarship a kan tum ber chu chhungkaw harsa ve tak fate bright tak tak prospect tha deuh deuh an awm a chung zingah chuan Foreign ah intir thei lo mahse an kala an zuk zira Ram leh hnam tan pawh a chhawr na awm tak tur te an awm anih chuan khangho kha encourage nan kan ti chauh a ni a, a duh nazawng chu kan pe thei lovin chu chu Foreign Scholarship kan han buatsaih a kan ngaihtuahna a ni. A nei zolote an tu leh fate ram leh hnam tana tangkai tur ang si awm ang chite chungho chu kan lo pui thei mahna tih chauh kha a ni a, mahni theihna avanga lo thawn tawh ten scholarship a awm ta tih hriat avangarawn dil leh kha chu nakinah consider an lo nih loh palha in demna a awm ang tih ka hlau a, Member zahawm tak te kan hriattir lawk a ni.

Pu LALSAWTA, MINISTER : Pu Speaker, he House zahawm tak hian Demand No. 4 na Law & Judicial Department Rs 17,38,91,000 Demand No. 12 na Parliamentary Department Rs 52,70,000 Demand No. 20 na School Education Rs 5,80,07,60,000 Demand

No 21 Higher & Technical Education Rs 1,07,11,19,000. A vaia belhkhawmin 7,05,10,40,000 min pass sak turin ka ngen e.

S P E A K E R : Pu Lalsawta Minister zahawmtakin a rawn wind up a. Amah chu a la inhuam hle a. A mal te te a kan hotuten in sawi zawng zawng pawh han tih dap a duh na a, keimahni lam khan chu em em chu kan ti zawk mah a. Lawmawm takin a rawn wind up a. Tin, pass a rawn dil bawk a. Kan satisfied tlangin a lang bawk a. A Demand No. 4-na, Law & Judicial – 17,38,91,000, Demand No.12-na Parliamentary Affairs – 52,70,000, Demand No. 20-na School Education - 5,80,07,60,000, Demand No. 21-na Higher & Technical Education - 1,07,11,19,000, a vaiin - ₹ 7,05,10,40,000 te hi pass remti apiangin “rem ti” ti rawh u le. Rem ti lo kan awm chuan “Rem ti lo” ti ula. Rem ti lo an awm lo maw. Pu Lalsawta Minister zahawmtak Demand No. 4-na Law & Judicial – ₹ 17,38,91,000, Demand No.12-na Parliamentary Affairs – ₹ 52,70,000, Demand No. 20-na School Education – ₹ 5,80,07,60,000, Demand No. 21-na Higher & Technical Education – ₹ 1,07,11,19,000, a vaiin ₹ – ₹ 7,05,10,40,000 te hi House in lungrual takin a passed ta a ni.

Pu LALSAWTA, MINISTER : Pu Speaker, ka lawm e.

S P E A K E R : Tunah hian Minister pakhat Demand lak tur kan la nei a. Tunah chuan Pu Lalrinliana Sailo, Minister zahawmtak khan a Demand te rawn wind up selangin, wind up zawhah thu chuang lovin pass rawn dil nghal sela. I lo ko ang.

Pu LALRINLIANA SAILO, MINISTER : Pu Speaker, tun term a Budget Session hnunung ber tura wind up thei tura Pathianin ka nunna min veng hi a lawmawm hlein ka hria a. Tin, member te kan thawh hona zawng zawngah lawmthu ka sawi a. Hei, waviin ah khan ka Demand NO. 24, 28 leh 44 te kha mi 22 in an sawi a. Ka lo ziak thlap a. Department officer te an awm tha hlein ka hria a. Mimal tin ka rawn react dawn lova. Pu Speaker, thui pawh hman ka tum lo ang a. Hei, ka'n hawi vel a, a la awm zawng hi ka'n khilai phawt teh ang. Health Sub Centre leh Health worker mamawh ho kha hei member zahawm tak Pu C.Ramhluna, Pu Rinawma, Pu B.Thlenga, Pu T.T. Zothansanga, Pu V.L. Robiaka, Pu R.L. Pianmawia, Pu Lalrinmawia Ralte, a sawi lova, zia kin a rawn ti leh a. Tin, Pu K. Lianzuala, Pu Zothangliana leh Dr. Ngurdinga te..... Chung ho zawng leh helaia awm zawng kha, in chhinchhiah em? Health Sub Centre kan sak sak vek ang che u. A tawi dawn ania. Sub Centre kha a theih nghal mai loh pawn Clinic Centre tal kan sa ang. Pu Speaker, hei Unethical a ni deuh a nih pawhin a hlimawm ve hrim hrim a, thawhhona a tha a, kan thu rei a, min tihlim zawk zaw mahin ka hria a. Pu R.L. Pianmawia, member zahawm takin a bialte ngaihtuah lutuk avanga rei tak, mahse, ngawi rei phal si lova a awm avang khan kan Chief Minister zahawm tak nen kan sawi dun a. Doctor hi kan dah chho nghal ang, Darlawnah. Mahse, midang kha chu lo ding tawh lo ula kan duh a ni. A tlai tawh deuh hlek a, Pu Speaker, ka theih tawpin kan wind up char char ang a, tawi te tein. Health Department hi Pathian khawngaihna in kan ti tha hle a ni tih lanna chu a zawnin wavi li(4) lawmman kan la a, Central sorkar atang leh vawikhat chu India Today kha a ni a. Amaherawh chu khami tum khan Central Minister 5 leh State Chief Minister 7 an lo tel a, khami lawmman lakna ah

khan report hrang hrang an pekna criteria-ah khan a awm reng kan lo ni a ni tih kan sawi duh a.

Tin, tunah hian kan Doctor te, kan Nurse te, kan Health worker te leh technical zawng zawng an vai mai hian an titha a ni tih chian na chu 2009 ah khan Malaria a thi hi mi 119 a ni a, 2010 khan mi 31 ah an tla thla a, vawiinah hian mi 30 ah a tla thla a ni, chu ringawt pawh chuan kan thawk tha a ni tih a Chiang reng mai a. Tin, Pathian khawngaihna in khawvel leh India sorkar a buaipui em em naute thihna hnam/ ram changkang leh kang loh lanna pawh a ni a. Chumi ah chuan kan tang hle mai a, tin, kan Chief Minister zahawm takin min guide tha a, kan Secretary te, kan Director te a tawn tawn in DHS leh DHME te an ti tha hle mai a, an naute an control thiam a, a IMR kan tih te leh nu thihna ang chi te pawh kha kan tlahniam ta a, a lawmawm tak meuh meuhin ka hria a. Chutiangte chuan tawi deuh te te in ka rawn sawi dawn a ni. Amaherawhchu, an thawhrim em avangin han sawi sak ve loh chu a tha in ka hre lova. Min lo thlir ang a Pension tawh te...department hmangaih taka la rawn en te an awm a, hei Civil Hospital hi ISO certificate min pe a kan lawm hle a ni, hei hi thil namai a ni lova, thawhrim na tak tak a ni. Tin, tunah hianDoctor te saw hemi Civil Hospital mai ni lovin Lunglei mai ni lo in District hospital dangah te pawh a tlem a tlemin rim takin an thawk a patient te hmangaihna leh khawngaihna tak takin an thawk niin ka hria, chu chu malsawmna min pek avangin hmasawna ah min hruai lut a niin ka hria a, a lawmawm tak meuh meuh a ni.

Tichuan tawi te te kan sawi leh duh chu RSBY nichinah member tam takin an rawn sawi a, a dik reng a ni RSBY tih hi, a tirah BPL ten Rs,30,000/- an lak theihna tur hospital a luh ve na an nei a, Job Card holder zawng zawngte hnenah a lo neih leh tak avangin, hei hi Labour & Employment Scheme a ni a. Hei hi Mizoram pumpui hian hria se kan duh em em, kan officer te pawhin TV ah te, Radio ah te leh Doordarshan ah te, Media print leh electronic ah te an lo chuan lawm lawm avangin hma kan sawn rualin, hei hi au rin a la ngai hle mai a, Zoram economy pawh hi a rawn chhan let dawn a. Tunah hian Central a lo kal mek crore 5 dawn hi miharsa mirethei zawk leh damdawi in a an awm man hi kan pe tawh a ni . Tichuan tunah hian job card an rawn siam leh tawh chuan tuna kan economic survey a a lan ang khan kan Finance Department in an rawn tihchhuah khan mi Lakh 1.5 vel kha job card holder nei tura an rawn assess tur kha a ni a. Khatiang anih chuan mi 60% kha rawn in register ta sela, lo damlo palh ta sela, khata tang khan crore 200-300 hi kan sorkar ta hian kan pui dawn a ni tih kha kan sawi duh a. Tichuan rawn in register vek sela Crore 400 vel hian damlo te kan pui thei dawn a ni. Tin, kan thawk tha a, kan hnathawk tute an rim bawk a, tunah hian Out Patient Service Mission Pilot Project turin min thlang a. India hmarchhakah pakhatna kan ni a, hemi hmarchhak bialah hian, tichuan India ramah hian thlanchhuah kan lo ni leh ta a. Serchhip kan han ti phawt ang a out patient hnenah pawh a ni dawn a ni. Hemi in admit kher loh pawhin a tih theih dawn a ni. State dang hian min rawn entawn a hei hi a dik lova, hei hi kan Chief Minister vang a ni. Tin, ESI hi kan han implement dawn mek a, Health Department nen kan thawhdun avangin, kan tih theih chuan a tha leh hle mai dawn a, he ESI scheme hi implement tura hmalak mek a ni. He scheme hian sorkar atanga benefit hmu ve thei lo entir nan dawra thawk te, News paper leh media a thawk te, tin, Cinema leh electronic media a thawk te, hotel leh restaurant te, tin, road transport te, private

school leh Nursing home a thawk te hi a ni dawn a. Chu chuan kan lo tihpuitlin ama thawktu khan inhlawh tu khan cheng 1.75% a tum ang a. Tin, a ruaitu khan 4.75% a lo tum ve bawk ang a, a damdawi In awm man emaw ah khan limit a awm lo ve thung a eng anga tam pawh nise nuai 100 pawh nise Labour & Empliment department khan Central in a rawn tum zar zar dawn a ni. Hei hi tha deuh mai a ni a kan tih fuh dawn chuan chu chu kan sawi lawk duh a.

Tin, Referral Hospital Medical College te nena han tih chhoh turah te pawh khan kan Chief Minister zahawm takin min guide chho a, hma kan sawn chho zel a. Tin, thil pawimawh deuh pakhat chu member dang ten fund hi kan va hmu ve love kan budget ah hian tih kha hei hi DoNER Ministry atanga kan sak la complete loh anih avangin lehlamah chuan kan dil belh reng bawk a, tunah hian vaibelchhe 4 leh nuai 91 chu kan lo pe ang che u tiin min offer mek a. Chutiang chu sawlai saw a ni a, Medical College tur hian Satia Meditech in DPR a siam mek a, chutiang chuan hma kan la chho zel a. Central pawh an positive em em a, tin, central ah Secretary 4 ka zu hrawn tawh a ni a anpositive em em a mi puih duhna thinlung tak tak an nei hle a. Tin, kan Chief Minister in engkimah hma min hruai sak zel a a lawmawm hle in ka hria a.

Tin, fel lo deuh pakhat chu kan Nurse te hi nichinah member zahawm takin a sawi a hei Nurse te hi an tha a Mizoram mai ni lo India ram chhungah leh Foreign ah te an thawk chhuak a. Chuvang chuan hemi atan pawh kan ti a, kan han zirtir chhuak ang a kan ram chauh ni lovah inhlawhna tha zawk an hmuhna turin kan ruahman a. Tichuan Central in midang state in an dil ngawih ngawih laia an pek theih loh laiin Nagaland ah te chuan keini chu 4 min pe a, kan Chief Minister hmalakna a ni a. Tunah hian building sak mek a ni a, Saiha ah sak a ni a, Serchhip ah, Champhai ah leh Thingdawl ah sak a ni a. Tin, Health Worker Training Center hi vaibelchhe 6 tur a ni a pakhat hi, Lawngtlai ah kan sa mek bawk a Pu Speaker. Tin, khami Nursing School kha vaibelchhe 10 zel a ni a, tiang chuan ruahmanna pali kan nei a tunah pawh hian in duh chuan an rawn ti a, Mamit leh Aizawl ah pawh hian kan zu theh lut leh mek a ni tih kan sawi duh a. Tin, hei pawimawh zet mai pakhat chu Champhai Civil Hospital-ah te pawh kan han kal thin a, kan kal zin hi a lo tha khawp mai a, phai atangin tender an lo chhang a ahawi dan pawh an rawn en dik thin silova sawlai Gyneacology chungchang ah te pawh sawn a ni a, tin Champhai ah te pawh a ni a, tiang chuan a hu hovin engineer te leh kan Director te kan Doctor ten kan tlawh thin a hei hi a tangkai khawp mai a, tawite a kan sawi duh chu Hospital nuam lo tak kha nuam takah kal chho dawn a ni tih kha kan sawi leh duh lawk a ni.

Tin, a pawimawh te te react ila, public importance tak tak anih avangin, nichina Pu Piana rawn sawi X-Ray chungchang a tha lo tih kha kum thum/li kal ta khan a man kan neih mai loh avangin portable chi hemi (Speaker : I ngaih mawh sawi hman lo tur khawp kha chuan sawi hman hmawh chuang suh aw) a khai theih chi hi Damlo mangangte tana pawimawh si kan ti a, amaherawhchu vanduaithlaktakin hemi a Company kan leina Cement Company hi India atangin an in hnuk chhuak ta hlauh mai a, maintenance pawh a tih theih tak loh avangin tuna a chhia ang chi te pawh kha kan repair hlei thei ta lova. Tunah hian a dang leina turin tender kan call mek a ni a tha ngawt mai tih chauh kan tum tawh dawn nia.

Tin, pawimawh em em mai pakhat leh chu CT Scan chungchang kha hei ni e kan sawi tam tawh a. Keini pawhin theihtawp kan chhuah a amaherawh chu khumi min petute khu an rawn fet khawp mai a, NEC hi kan tel lovin meeting pawh lo ti suh u an rawn ti a, tunhma in sulhnu duhthusam lo te pawh a lo awm a ni mahna. Amaherawhchu, tunah chuan boruak eng emaw a awm hlauhthawn a vangin kan tang tlang a, tunah hian Cancer Institute ti mai ila Zemabawk atan sawn a lo kal mek a khami tur kha, tin tuna Civil ami tur hi tender kha chhuah a technical Khang zawng zawng pawh kha en fel vek a ni tawh a tunah hian Finance ah kan theh lut mek a. Reiloteah hian kha kha chu lei mai theih tur anih kan han ring bawk a ni. Khami in sawi zawng zawng kha chu kan han react vek lo ang a, a pawimawh in sawi chin kha chu kan ziak a, Nurse ang chi te khang thil hrang hrang kha kan intodelh lohna lai leh kan mawngpawpna lai a awm a heng staffing-ah hian Indian Public Health Standard Norms hi kan phalo nasa mai a. Tiang chuanin Zoram Sorkarin sum leh pai a intodelh leh tlem a a lo that chhoh dan a zirin kan Finance te leh kan Chief Minister te hi kan ngen reng dawn a. Chutiang chu kan dinhmun a ni a, chutiang chuan tunah hian Nurse dinhmun te pawh heng Sesihah te, Phura ah te, Chhuanlungah te pawh leh Ngentiang leh South Lungpher ah te pawh hian a tharin kan dah chho a ni.

Tin, Pu Speaker kan vaia kan ngaimawh em em mai Doctor chungchang hi tunah hian DP & AR te leh keimahni Secretariat lam te pawhin an zo thawkhat in ka hria a. MPSC ah lak tura in chiah mek tawh niin ka hria a. Reilote ah kan rawn ti fel thei ang a, kan mamawh zualpui hi kan puhruk kan in ring a ni.

Pu Speaker, ka bial Khawzawl khi in 3000 chuang a in chhal an ni a, a bialte a duh sak bik an tih ka hlauh vang hian CHC zawng zawng a CHC chhe ber a ni a. Chutih rualin a lun ber lawt lak bawk si a, tun January ni 4 khan ka han kal a, tahchuan mi 20 vel an lo in admit tho mai a. Chutih rual chuan Champhai District-ah khan mi 4 vel an lo admit a, Hospital lian zawkah pawh khan. Chutiang chuan kan rash em em mai a, kan buk a, tiang chuan Planning leh Finance lam pang khan cheng 29 te kha min han pe ve a, mi 3 in an thawk a, amaherawh chu pakhat a malthlur ta a, tiang chuan duhthusam lo lai te a ban chhak lam te kha a lo ni a, NGO te nen kan en a repair theih a ni e an ti a, Khilai te khi Dr. Thangtea Member zahawm tak khan engemaw tak khan a rawn sawi a, TV atangin an en vek si a, kan sawi duh lawk a ni sawi tur a tam khawp mai.

Tin, Pu Speaker, ka rawt duh na chu Asian development bank atang khan vaibelchhe 100 leh sawm leh 17 nuai 83 India tangka khan a ni a. In hre tho a, Us million khan 25 dollars a ni a India tangka chuan cheng vaibelchhe 100 sawm leh 17 leh nuai 83 kha a ni a. Health Care-ah khan vaibelchhe 50 kha a lo puk hman kha a ni a, amaherawh chu hei te nen hian a in adjust kual tawh lo em ka hre lo va. Tunah hian kan Health Deptt., kan improve zelna tur leh kan economy, hemi hriselna lama sum leh pai kan paih hum hum a, Mizoram pawna kan zuk refer chuai chuaina thin ang hi kan ti tang thei tura kan rinna pakhat chu khami pawisa khan equipment hi min lei ta ang se. Tunah hian kan doctor te hi an tha em em mai a, hei kan pathologist te phei chu cancer an hmuh chhuah hi khu lamah an zuk en a an hmu chhuak lo leh thin a, helai ah hian in ti dik lo a niang an ti a. Amaherawhchu, an han en

nawn leh hian helaia an hmuh chhuah kha an hmu zui leh zawk a. Chutiang khawp chuan helaia mi te hian an uluk a. Dr.Loncy a kan super-specialist te ang te hi chu lung lampangah te chuan tha eltiang mai an ni a. Heng te leh kan specialist te reng rengin an diagnose leh prescribe hi 99% hi an lo pawm a ni Pu Speaker. Amaherawh chu equipment tha kan neih loh avangin tuna kan sawi thin MRI han tih ang chi te, CT Scan kan ti a ni emaw, tin apparatus khatiang ang chi tam tak kha helaiah hian lei ila chuan Mizoram pawna kan chhuahna hi hetah hian kan han chhut mai maiin cheng vaibelchhe 150 chuang hi kumtinin kan vawm chhuakin kan hria a. Pu Speaker, tunah hian vaibelchhe 20 khat lek te Asian Development Bank ami kha rawn dah se chuan vaibelchhe 150 chuang Mizoram pawna kan in thawn chhuah naah hian vaibelchhe 100 hi chu kumtin hian kan hlep ngei ngei ang tih hi kan sawi ho dan a ni. Chu chu a pawimawh khawpin ka hria a, kan sawi tel leh a ni a. Ka sawi ang khan kawng hrang hrangin kan thawktute thahnem an ngai a, a lawmawm tak meuh meuhin ka hria a.

Kan sawi leh duh chu Health Worker a ni emaw thawktu awmna tura kan dah an awm lo anih chuan min hrilh ula, a nghet an nih chuan action kan la ang a, a nghet lo anih chuan kan ban nghal ang. Damlohna leh eng emaw chhungkaw harsatna zualpui mihringin harsatna kan lo tawk thei a, chungte anih loh chuan NRHM, National Rural Health Mission atanga lak te an nih pheih chuan, khatiang ang kha, Health Worker chu tunah hian Serlui 'B' member zahawmtak Pu Rina sawi ang khan, a tir khan lak tur kan nei zo lo a, amaherawhchu kan han in zirtir a, seat 40 te kha 60 ah kan ti chho a, tichuan kan increase chho zel a tunah hian lak sen loh kan nei ta zawk mah a, chutih rual chuan khatianga thawk tha duhlo an awm chuan Pu Speaker,a thawk tha duh tur an tam avangin, anmahni huat vang niloin, awm duhlo na na na chu action kan la nghal ang, tih kha (Interruption)

Pu LALDUHOMA : Pu Speaker, khawngaihin lawk, ka bialah khuan Health Worker Training na ah pakhatna ni tluan chhuak zak distinction a pass, hna la hmu ve thei lo a awm a,khatiang anga thiam bik te kha chu remchang a awm chuan min rawn hriat sak thei se ka va duh em.

Pu LALRINLIANA SAILO, MINISTER : Pu Speaker, tunah Health Worker post hi thihsan leh pension san te 200 chuang kan nei a, Finance ah kan dil mek a tunah hian, tin, National Rural Health Mission atanga min pek hi kan nei tawh lo a, amaherawhchu tuna kan han sawi ang, hna dang hmu emaw leh a zir zawm zelte pawh an awm ve zauh a, chung anga..... eng emaw remchang hmasa ah kan lo hria ang e, chulai chu. Tiang chuanin tunah hian Health Worker hi 1093 kan nei a. Tukin khan ka rawn chhuah dawn tepin figure min rawn pek sual pek a 466 ti kha, keiman ka hriat chian tehluul nen, sub-centre hi 370 kan nei a, tin, clinic center hi 109 kan nei a, a vaiin 479 kan nei a. Health Worker 1093 kan nei a, tin, hmeichhia hi 431 an nia, mipa hi 662 ni in ka hria, chutiang chu an ni a, rawn dah thei vek tur dinhmunah kan ding a ni. Amaherawhchu harsatna lo tawk, cancer emaw leh natna khirhkhah deuh deuh mai a lo awm te pawh an awm ve a, chungte chu a thla vengin 2 theuh rawn dah kan tum a.

Pu Speaker, kan sawi duh chu, kan House leader zahawmtak pawh hian a sawi thin a, transfer leh posting te hi in sawipui loh tur a ti thin a, amaherawhchu a har tlang a ni. Kan ni deuh vek mai a, a ti tu, keimahni ngei pawh hian, khawiah emaw hian kan sawipui tho a, kan Chief Minister ngei pawh hian a rawn ziak emaw leh a rawn hrilh hi a awm ve tho thin mai a, tunah hi chuan kan Health Care kan tih that zelna turin mipui tan a pawimawh si a, hetiang hian rationalize kan tum a, remchang hmasa berah rationalize kan tum a, in sawi pui loh hram hi a tha. 1093 kan neihah khan sub-centre 479 kan nei bawk a, clinic centre nen. Han ngaihtuah ula, awm awm lohna a awm teuh a ni in sawi hmang chuan. Nichinah kan Officer te nen pawh kan sawi a, “E, kan lawmna ber a ni dawn anih chu” an ti a, tiang chuan rationalised kan rawn tum dawn a ni staff dang te pawh. Tin, Pu Speaker, tikhan kan zo mai a, Health Department chu a sawi tur a tam lutuk a.....

Pu R.L. PIANMAWIA : Ngawi rawh, lawk aw Pu Speaker, ka bial khaw thum Zokhawthiang, Upper Sakawrdai leh North Khawdungseiah Health Care Scheme tihna tur atana an tello tawp mai a kha. Tin, Upper Sakawrdai phei chu Zohmunah an ko a, ke in an kal a, pawisa pawh an dah vek a. Mahse, list-ah in tello tih vangin an ti thei lova. Khatianga khua tawp tawpa hmaih ringawt mai kha kawng dap dan a awm thei a ngem ?

Pu T.T. ZOTHANSANGA : Pu Speaker, kan zawt tel ve leh nghal law law ang e. Champhaia damlo 4 chauh kan han awmna chhan kha Doctor kan neih that loh thin vang a ni a pakhatat chuan. Khawpui chhungah khian tunhnaiah Damdawiin a awm thar a. Tin, mi hian min rawn zuam khawp mai a, Doctor kan that chiah loh avang khian, Doctor lem te pawh an man hial a ni. Khatianga kha kan dinhmun a ni a, Gynea kha min pe ta em kha kan hre chiah lova, naupang doctor te pawh kan nei lova, kan damlo a, kan na em em a, km 200 vel kan rawn in phur thla thin a, khalai boruak a te kha ania. Champhaia damlo kan awm lo pawh a ni lo, a lo kai pengtu leh eng emaw neuh neuh hi kan awm ve a, min han pe leh deuh hram se kan duh deuh zawk a ni, naupang doctor te kha a theih hram chuan.

Pu C. RAMHLUNA : Lawmthu ka sawi duh a. Health Worker chungchang thuah khan kha 1093 lai i nei a, a lawmawm hlein ka hria a. Mahse ka bial chhungah khan 2/3 chauh kan nei a. He kan sak thar ho, clinic centre kan tih te ho pawh kha la dah loh deuh vek kha an ni a. engtia rangin nge min tihsak theih ang?

Pu LALRINLIANA SAILO, MINISTER : Pu Speaker, nichinah kan sawi tawh kha, heta awm zawng chu kan pe ang che u kan tih kha.

Pu C. RAMHLUNA : A rang lam khan a tih theih ang em?

Pu LALRINLIANA SAILO, MINISTER : Aw, kan rawn tum ang chu. Pu Speaker, Member dang pawn an sawi khami RSBY leh Health Care Scheme-a kha ka'n sawi duh chu RSBY-a kha, Member zahawmtak Pu Lalduhoma pawh khan a rawn sawi a, Health Care-a kha a hawn hun awm lo hian tih dan a awm lawm ni a rawn ti a, awm deuh mai ania kha kha. Amaherawhchu, RSBY- hi Labour & Employment hnuuia Insurance Company te rawn tih anih avangin time bound a awm loh chuanin kha kha a dik thei lova,

khalai kha chu kan zu ti danglam thei lo a anmahni thu anih avangin. Anmahni'n hun tiam chin anrawn neih kha kan bawh buai thei lova.

Tin, tunah hian share finance in kan kal kan tih rual hian, khatianga kan kal reng anih tlat chuan tihsual palh te leh fault te pawh a awm thei a. Hetianga hunbi neia kan siam loh chuan a nuai nuai ang tih kan hlau tlat a. Keima bialah ngei te pawh, an lo kal a, an mangang a, 'Health care scheme i ti em' kan ti a, 'ti lo' an tih chuan, 'chhuak nghal rawh u' tih mai chang te pawh ka nei a. Kan au lawm lawm a, mipui/TV ah te, ka sawi ang khan, 'ka zin/ka feh' a tam lutuk a. Kum leh lamah chuan a that chhoh ka ring a, payment kan pek deuh zar zar a vangin.

Pu Speaker, Pu Piana sawi ang deuh khan, Chawngte lam a ni emaw, chhim lam a ni emaw, hmar lam a ni emaw, khami cover loh khua kha a awm a. Tichuan, RSVY nena kan streamline avangin, thla latute kha mizo ni lo te an lo ni a, engemaw boruak/kawthalo te hlau a thlen tak loh te pawh an nei tih kan lo hria a, kan lo monitor zui zel ang a.

Tin, Pu Speaker, chumi rualin RSVY taka kha tuna smart card issue a theih tak loh avangin Health care ah khan kan lo register ang a. Nichin khan kan officer te nen kan inbia a, khatianga hmaih leh tih loh chin kha kan kal tir emaw, ti, an lo register lova rawn report lo te an ni thei a, kan lo check ang a, chutianga tih loh khua chu kan rawn cover zui leh nghal ang a an bill thei tho ang, tih kha ka han sawi duh a ni.

Tin, ka han sawi leh duh chu, RSVY kha an hmang ang a, India sorkar/central sorkar pawisa anih avangin. Entirnan, damdawi inah lo awm ta se, ₹ 30000 an lo hman zawh an natna in a phak anih chuan a dang ₹ 70000 kha an la hmuh leh theih zel a ni. ₹ 10,0000 tling turin.

Tin, Pu Speaker Job Card holder mai bakah LPA kan han tih ang chi kha ₹ 500 pekin ₹ 10,0000 credical wilness bikah natna khirhkhah bikah khan ₹ 500 pekin in ₹ 10,0000/- a claim theih ang a, a hmuh theih ang a. Tin, ₹ 250 belh a ₹ 750 anih kan ₹ 20,0000/- a belh ang a. Tin, ₹ 300/- dang belh leh se, ₹ 1000/- a lo ni ang a, ₹ 1000/- a pek khan ₹ 30,0000/- thleng a hmuh theih dawn a ni. Heng hi hre fuh loh te an awm thin avangin tunah hian India Sorkar pawhin tha a ti tak meuh meuh a, State dang in an rawn entawn a kan kal dan hi a tha a. Khawvelah hian a tha ber awm mang e aw tih te pawh kan dawng a thawktu te chuan keini chu kan hre tlem a. Chutiang khawp chuan he Health Care Scheme leh RSBY kan tih hi a tha a ni tih kha ka'n sawi tel duh a ni. Tiang chuan in han hriat thiam loh lai khatiang lai recover loh lai pawh kha kan zin tir ang a, naktuk leh tukleh ah pawh hian kan intir chhuak thei a khalai a kha. A Health Care pangngaiyah khan na lut ang a kan recover zel dawn anih chu.

Pu Speaker, Trade & Commerce leh Labour & Employment hi sawi zawm mai a tha in ka ring a. Hei mi tam takin an sawi a. Tin, Health ah khan in

sawi tam tak ka rawn react zo lo a, amaherawhchu kan lo chhinchhiahin leh kan lo tum tho te pawh a ni a, sum leh paiin a daih loh avanga kan tih theih loh hrehawm kan lo tih ve em em te a ni bawk a ni tih kha ka'n sawi duh bawk a. Hei Trade & Commerce hi a te renrawn a kan Budget ah pawh kan sawi tawh ang khan vaibelchhe 4,92,75,000 chauh kha a ni a. Amaherawhchu kan theihtawpin kan tang ve a, hei a hnuaiah hian MAMCO a awm ve a nichina kan member zahawm tak Pu Duha te leh midang dangin an sawi ang khan, MAMCO hian heng ang kan thlai thar te leh kan dehchhuah te free taka an hralh chhuah theihna turin an monitor reng a. Chutiang chuan gate hemi Kanhmun lamah te, gate ti mai ila thawktu kan in dah a, Vairengte ah te tiang khan hmun hrang hrangah kan in dah ve a. Tunah hian tha ber ni a kan hriat leh kan sawi tawh thin kan Chief Minister ho a kan relah khan middle man lo awm tawh lova kuthnathawktu in a, a thlan tla tam berin a thawhchhuah ang ang man man zawka a hralh theihna tur khan a laia gate lo siam a duh anga, duh ang anga lo ching vel kha kan remtih tak loh avang leh vaiho in a duh ang anga min rawn tih tak loh avang hian tunah hian a rate hi a tha chho tak meuh meuh a ni a. Chutiang chuan keini hian palai hna ti mai ila zu hralhna tur ang chi te leh a rate chhe tur ven ang chi te kan lo thawk a, tiang khan free takin a kal ta a. A solution tha hi hei baka tha hi kan hre rih lo a, lehlamah chuan sawhthing hi kan sawi leh thin a, a rate chhhat kum chuan tihngaihna hlawl a awm thin lova. Sorkar in lehlamah Finance te leh Planning te va dil ve bawk mah ila hei tunah Stateshare tur te pawh kan nei mai thin lova chutiang khawp chuan kan State dinhmun kan hriat tlan avangin tilaiah kan lo phalrai a lo in.....deuh kha kan ngam chiah chuang lova. A rate that kum na na na a mipuiin a hlawkna an tel kha kan duh dan anih avangin tiin free takin free market, free movement in kan siam a, Gate man erawhchu cheng sawm hnih khat emaw, sawm li, sawm nga emaw ang kha chu Registration leh lo Record na ang kha chu kan siam ve a, chutiang deuh chuan kan kal a ni a mipui pawh hi an lawm khawp in ka hria Pu Speaker. Tin, MAMCO kha nuai 100 kha min lo pe chho ve a ni a, tunah hi chuan no lost no gain in tunah hi chuan a titha pawl kan ni mai awm mang e aw, kan han ti a, tin, Pu Speaker keimahnin thlai thar hralhna kan zawn leh kan buai pui mai bak a, Hmarcha, Sawhthing, Aieng khang hrang hrang kha keimahnin hian sum lo indeh chhuah ve na tur kan lo in ngaihtuah ve a, tichuanin JNV School Khawzawl hi cheng vaibelchhe 21 leh nuai 50 hi kan thawk a, tah hian 10 % agency charge kan ei ve a, tin, JNV School vaibelchhe 118 leh nuai 64 tah hian 10 % kan ei bawk a, Gandhi Vidhyalaya School, Lunglei hi tunah hian ruahmanna kan siam chho mek a, crore 18 tah hian 7 % tur a ni a, tin, Pu Speaker helai Mizoram chung chauh nilo ah pawh hian kan zuk kal a, KVS Udhalguri Assam ah khuan vaibelchha 121 leh nuai 79 man kha kan zuk ti a, midangin a thawh khu chu an thawk a, a agency kha kan lo lak ve a ni a, tah hian 7 % bawk a ni a, chutiang chuan MAMCO hian hma kan la chho va, kan lawm ve viau a ni, a te ren rawn nain, Pu Speaker Trade and Commerce-in tunah hian market hi kan enkawl bawk a nichina sawi ang khan, tunah member ten an rawn sawi in bial a mi te leh in ngaih pawimawh kha tunah hian MN 3 an tih atang hian in Agriculture Marketing Co-operation khu Central Bank ah khuan nuai 290 vel niin ka hria a, kan siam a, chutiang chuan Rural Market ang chi te pawh hi kan siam a, chungte a lo thlen chuan kan in cover thei ang em? tih kan lo in en ang a, in sawi kha hei kan ziaak a Officer ten an lo ruahman bawk a, tin, khawchhungah hian market kan enkawl a

hei revenue hi min charge tam em em mai a kan pawisa vaibelchhe 4 vel lekah khan vaibelchhe 1 revenue ah khum turin min han ti a ni a, kan ngah zel a kan khum ve zel a Pu Speaker a lawmawm khawpin ka hria.

Tin, nichin khan hemi Zokhawthar te, Kawrpuichhuah te leh Zorinpui te border trade chungchang kha an han sawi a, a bikin Lunglei lam te leh sawmi bial lam te Pu Rama te. Tin, Pu Speaker ka sawi hmaih hauh loh tur chu Dizawl a kan hmun kha rawn develop kan tum mek a tunah hian Central atangin a size scheme ah te pawisa kan nei zel a tichuanin, building tha tak quarter tha taktha tak kan siam a fencing thlap maiin, a chhung saw a la ruak a ni e a dik khawp mai. Sawmi lui atang sawn khawl man to tak tak te, vawk te, eitur chi hrang hrang te, tel ani emaw khang hrang hrang tin, petrol te pawh a lo kal a sawlaih sawn a kal mup mup tho va, churang chuan chung rate pahnih te chu kan han dah ve a, amaherawhchu, khami an awmna tur chowkidar quarter pawh tha tak kan sa a kan la equip loh avangin an la awm thei lova Pu Speaker theihtawp kan chhuah ang. Tin, kan sakna rama mihring In 6 awm an tih kha Burma mi an ni hlauh mai a V/C te leh Lai Autonomous District Council a hotute khan hei chu kan mi leh sa pawh an ni lova haw leh mai tur an nih avangin an ti a, keimah zawkin mihring ve tho an ni a hei mihring leh mihring, people to people contact te kan tih lai anih avangin rilru na chuan i insiam lovang u a hminga in chhete pawh nise in lo pek theih chuan a lawmawm khawp ang kan ti a Contractor te kutah kan dah a chung chu, kan lo ti ange an ti a khang kha chu anmahni nen an insiamrem turah kan ngai a keimahnin ₹ 10000/- kan pe ang che u tih nilovin, anmahni hriatthiamna zawk a ni a. Tin, Dan lova sorkar rama in rawn sa an nih avang khan kut beng der pawhin chhuak sela kan thiam tho tho mai a amaherawhchu, chutiang teh tlawnga ti lo chuan tih kan sawi duh a ni. Tin, Pu Speaker a pawimawh em mai a member zahawm tak Pu Rama rawn sawi Tuisen Tlang a Phar 2 an awm tih kha kan hriatsual loh chuan kan ram chhung mi an nilo in kan hria a, Burma mi lam pawh an ni mahna. Sawlaih sawn Burma unaute hi an tam em em mai a, sawng Zotechhuah, Zorinpui kan tih tak te tin, Tuisen Tlang ang chi te leh Mualluh sawnglaih te pawh sawn an awm nual a. Tin, hemi Hruitezawl ah ngei pawh sawn 50% vel saw in 100 chuang an ni a in 60 vel saw Myanmar mi an ni a, kan hriat dan chuan khami te kha Phar anga lang te kha Mizo nilovin kan unau khi lam mite an niin kan hria a, kan hre dik nge dik lo kan confirmed lova, kan hriat dan a ni a. Amaherawhchu, chuti chung chung chuan kan CMO tunah hian a zin thlak lai tak a ni a Bungtlang velah khan tichuan, a lo en ang a damdawi leh treatment engkim rawn pe turin a rawn ruahman nghal a Pu Speaker, kha kha kan lo take care nghal a nge tih kha kan sawi duh a, khatiang case kha kan nei tawh lovah kan ngai a. Tin, tunah Tlabungah sawn Phar damdawi in hi kan nei ve a, saw mi pahnih awm pawh saw khu lam mi Bangladesh lam mi an ni a haw na an neih loh avangin kan chawm tawp mai a, ringtu ram kan nia lawm mawle kan ti a chutiang chu kan dinmun zawk a ni. Hei Zokhawthar chu kan hria a, a hawn hun kha kan fix thei lova Central Minister leh Myanmar Minister te kutah kan dah a, anni remchan huna hawng mai turah kan ngai a, a tihur ang chi hrang hrang chu kan ti tawh a, khi a tlep tuar a in hmuh ang khian. Tin, tunah hian Border

Trade item 40 chu a kal tawn mup mup reng thova chu chu a lian zawka tih tumna kha a ni a. Zorinpui kha han sawi ta law law ila tunah hian double lane Sitwe lampanga kal hi chu PWD hian a enkawl a, tuna kan C.M hmalakna kha a ni a, tunah hianin Sitwe lampang atang sawn luipui haifai hna hi Esser company in an thawk a an rawn bei chho mup mup a, an rawn thleng thui tawh khawp mai an ti a Silting deposit dredging luipui haifai hi an rawn bei mup mup a ni, an tih sawlai leh Paloa saw a lo thlen chhoh chuan keini hian peihfel ta ila a ni rup dawn chhovin a lang a. Tichuan, keini pawh kan hmanhmawh hle mai a central hian tunah hian cheng vaibelchhe 42 hi tuna land custom station ruahman nan kan pe ang che u an ti a, chumi hma in thawktute tana lo awmna turin cheng nuai 60 bawr velin kan va..... in leh sawlai miten an va thawk mek a, staff te riahna tur leh chenna tur leh va tlawhtute tan pawh.

Tin, Pu Speaker, Central Team hi an lo kal tawh thin a, Helicopter ten, kan Chief Minister hmalakna azarah central atanga foreign secretary hovin chutiang chuan an lo kal tawh thin a, tin, midang pawh an lo kal fo tawh thin a (SPEAKER : Kan Tourism Minister pawh kha khatilai kha chu a sawtilam kha sawi a chak lutuk mawle) a la sawi dawn nia, Pu Speaker, Pathianin rem a tih chuan tunah hian Zorinpui hmun atang khan Myanmar ram chhungah va kalin kan media te leh helaia kan thiante pawh hian an chak ve a. Nikum kum leh khan kan Parliamentary Secretary Pu Pate-a hovin Pu S. Laldingliana nen kan han kal tawh a, Burma ram Minister pawh pasarih lai kan han hmu a, boruak a tha hle a, kha kha chu thui tak kan thlur lovang a, tiang chuan saw saw a kalchho mup mup a ni a.

Tin, a thlanglam saw Lunglei District lama kan member zahawm takte kha an tui zual deuh niin a lang a, keini pawhin kan theih tawkin kan bei nasa a, tin, kan Chief Minister zahawm takin hma a hruai zel a, a sutna engah kan han bawhzui zel a keipawh hi tum 8 Kawrpuichhuah kan tih Tlabung-ah sawn ka va thleng phei tawh a ni a, January 19 khan Indian Congress Committee tura kan kal pawh kal lo mai rawh u tiin kan va kal a ni a, Bangladesh tunah hian kan ko ei tak meuh meuh tawhin ka hria a, hriatna nungin kan in hre ta a ni tih ka rawn sawi a, a lawmawm tak meuh meuhin ka hria, a chhan chu keimahni hian kan sorkar hmasa in a tir atanga hma an lak khan bul tan te anih avang khan anni pawhin hma an la chho ve tho va, amaherawh chu keimahni remchan ang zawngin sawlaia luipui awm dan dik tak pawh zir chuang lovin kan sum hmuh chhuah dan khan kan lo sa ngawt a tunah hian Trade facilitation nuai 100 chuanga sak tawh a ni a hawn tawh a ni a Bangladesh Minister nen kan han hawng dun kha a ni a.

He sawrkar ah hian ka lawm khawp mai a, he sorkar hian policy dik deuh mai a neih thin na a awm a Foreign Minister Aizawl rawn pawt thleng tu chu he Sorkar hi a ni. January ni 19 ah an team chu rip takin an rawn chho a Minister te tin a hma ni in Shipping Minister a rawn chho a kha mi ni khan Chitagong Hill track Minister , tinauthority of Bangladesh te an lo kal a, secretary puitling te, Sipai General te, lawng pahnih khat tunin an rawn kal a, keini pawh kan Minister zahawm tak Pu Nihar Kanti

leh kan Official dangte nen kan zu kal a ni a. Ngun taka an ngaihtuahnaah Pu Speaker, tuna ruahmanna hi he mi sand deposit, a tiau vut tam lutuk hi all weather in lawng lianarawn kal thei dawn lova chuang chuan a thlang deuhah i sawn mai ang u hmian an ti a a awm khawp mai a PWD kutah kan hlan chho zel a tichuan Central Team pawh anrawn kal ngun tawh a (Speaker an ram chhung chin si ah maw, a zuk hla em ?) Aw an ram chhung chin si ah khan a hlat zawng chu Chhotahorina an ti a tuna kan ram lo neih sa leh lo ruahmanna atang chuan hla deuh a mahse Km 16 vel lo laih tawh a ni a khata lei dawhna tur hmun a kha tiau vut a tam lutuk avangin February thla pawh khan January thla pawh khan lawng lian kha a kal thei lo hrim hrim a, (Speaker: kan ram hnuai lai khan Chhotahorina tih chu kan hre vek a lawm) khalai Chhotahorina velah khan ruahmanna nei ila anrawn ti a mithiam zawk ten hma la chho zel turah ngai ila. Pu Speaker, lawmawm ve deuh chu kan Chief Minister zahawm tak hian Bangladesh Prime Minister a hmu a, vanneihthlak takin kei pawh ka zu thlang tawh ka tih kha, khang vang kha nge ni ang hmanni khan Prime Minister khan Mizo kha a ngaina in Mizo in ah ngei mai ka thlang duh e tiin muangchang deuhin arawn chhova. Thangluah lal thlah kal zel Pu Thangliana in-ah a thlang tih kha chanchinbu-ah kan hmu a. Mak angreng deuh mai chu. Tichuan, tunah hi chuan a lawmawm em em na chu kan awm loh pawh hian anmahni chuan vawi tam tak sawlai hmun chu anrawn tlawh tawh zawk thin a. Chutiang chuan tunah hian kan High Commissioner Bangladesh ami khu Prime Minister Office a kum 9 vel zet mai lo awm tawh anih avangin Politician ang deuh thaw-in thahnem a ngai a. Kan Chief Minister nen uluk taka an inbiak hnu-ah kei tehlu nen pawh kan inbia a. Kan in phone reng a. (Pu LALDUHOMA : Khawngaihlin, Chhotahorini-ah khan Lei kha dawh ni ta selangin, khawi atangin nge kan kal ang ? Kawrpuichhuah thlang lam daih kha a ni awm si a. Pu Nihara te khua-a kal tur pawhin Lawng a inkar kai ngai a ni si a. Ral lehlama kawnga kan pawhthlak dawn chuan Lei kha dawh hrim hrim a ngai a. Chumi chu khawiah nge kan kai ve tak ang ? Tlabung zawnah nge ni ang a, engnge ni, Lei pahnih kha a ngai dawn hrim hrim tihna a ni a.) Pu Speaker, chulai chu keini pawhin kan sawi a. Ama'rawh chu, India Sorkar zawk hi lo kal thin, Commerce leh Industry ami te leh Border Management a an Secretary te, hmanni pawh khan Joint Secretary a lo kal a. Kan ngaihtuahin a pawimawhna kan chhut hian vaibelchhe 100 hi chu engahmah kan ngai lo an ti tawp a. Khami a nih chuan kan han huphurh loh pui ve ngawt a. Tuna a sawi ang khan, tuna kan ruahmanna ang sa hi lo ti lo ta sela chuan Tlabung chhak lamah hian Vantaikhawr an tih, hmana kan Missionary duhawm tak Pu Muana tlakna thlang ah a Lei dawh kai hi a ngaih hmel a. PWD te pawhin hei hi chu kan duhna hmun zawk a ni e an ti hrim hrim a. Chutiang chuan khulalah khan Lei kha zuk dawh tawh kher loh pawhin Lawng lian atanga chet anih chuan Lei kha a ngai tawh kher lo mai thei a tih te pawh chu an sawi dan a ni a. Pu Speaker, a lawmawm khawp a. Lawmawm deuh mai chu khami January ni 19 a kan inhmuh khan Mizo nula tlangval te leh kan Bangladesh nula tlangval te pawh hi inpawh tawh rawh se an ti a ni. Tichuan, January ni 31 khan Lawng a inlen pawhna te kha an siam ta a. T.V ah te pawh kan lo hmuh kha, lawmawm danglam tak a ni.

Pu Speaker, tunah hi chuan, an thawnthu te min han hrilhna ah pheichuan a lawmawm angreng khawp a. Khulai mi khan hman atanga lo inpawh tawh kan nihna kha an lo hre zawk tlat mai a. Lushai nula te chu hmelta tak leh fel tak an ni a, kan Bangladesh pa fel tak mai hian a nei a. Lushai nu chu a haw leh ta si a. Kan Bangladesh pa lungleng chu a

tap a tap mai a, a mittui te a tla a. Tichuan, khawthlang tuipui Karraphuli river hi a lo piang ta a ni tih te pawh thawnthu an nei ve a ni. Chutiang chuan anmahni zawk hian initiative an rawn la chho ta a ni a, a lawmawm tak meuh meuhin ka hria a. Tunah hi chuan hriatna nungin kan inhre ta niin ka hria a. A lawmawm tak meuh meuhin ka hria a ni. Chumi hunah chuan kan economy hi a sawi danglam dawrh theiin ka ring a. Tin, hmanni ah Food & Civil Supply secretary a lo kal pawh khan engatinge in buhfai hi hetia Assam a kal kual lova, Bangladesh through a Tuipui kawnga in rawn kal mai loh? te pawh a rawn ti a nih kha, Pu Speaker, chuvangin heng hi mithiam zawkte hian vision an lo hmu a ni.

Tin, vanneihthlak tak mai leh han sawi a ka'n duh chu hei tunah tak hian Labour Employment nen han sawi dun lawk ta ila, skilled development kan tih kha a pawimawh em em mai a. Tunah hian khawvel hian a rawn thlir tawh a nia, kan hriat angin Bangladesh leh Myanmar-ah chuan political scenario pawh a lo danglam ta a. Hemi tak mai hi chuhin India sorkar pawh hian hma a la nasa a ni a. Tichuan, an sawi danah chuan mosolman rilru ngut maia khaw dang hawi lova kan lo inkhuh bur thin kha kan tih reng chuan thangthar ten kan thlanah chil min la chhak ang an ti a. Tin, Myanmar pawh chuti chiahin an economy pawh a rawn diversify ta a. Chu chu khawvel hian a rawn chuh rum rum ta a. Kan Pathian mi hmasa, kan zawlneite kan ti dawn em ni, khatiang te pawhin an lo sawi em em thin, mi hrang hrangin an lo sawi chu, sawlam kawtchhuah tur anih tur thu leh he Zoram hi hetiang taka Muslim leh Hindu leh Budddhist, ringlo mitena min chiah anih rual hian chunglam hian khawhar takin a dah lovang tih an lo sawi kha a dik ka'n rin ve zel tak a chu tunah hian a ang ta tlat mai a. He hmun hi tunah kan economic survey ah pawh a rawn sawi lang ta chiah chiah a, kan Finance minister khan. Indian gateway of South East Asia tih a rawn chuang ta kulh kha a ni a. Chuvang chuan kan thalaite hi kan lo ruahman fuh a ngai em em a ni, Pu Speaker. Skilled development tih kha a pawimawh lutuk a. Labour Employment nen kan thuai lawk ang a, thui tak kan sawi lovang a. Skilled development ah chuan kan hre thova. India hian nichinah Pu Sawta'n ka chhuah lai khan a sawi em aw? Ka hre lova. Kum 2022 ah chuan hnathawktu tha, themthiamna nei, million 500, 2022 ah chherchhuah a tum a ni. Khawvel economy thate chuan an inchhut a. Kut hnathawktu leh thiamna neia thawktute an ngah poh leh an economy kha a lo tha a ni mai a. Chuvangin Skilled Development hi a pawimawh em em a. Labour Employment pawh hian tunah hian kan khawi mek a. Tin, heng hi kan tih loh chuan heram hi Pathianin a siam danah kilkhawr takin awm mahse ualau takin a rawn siam dawn a. Khawvelin tunah pawh hianan ti a India pawh hian Bay of Bengal initiative for Multi Sector Technology & Economic Cooperation an ti a, ram 6 lain chung chu an lo siam a ni a Pu Speaker, hei India te, Bangladesh te, Mynmar te, Srilanka, Thailand, Bhutan leh Nepal ten tuna hemi politics kan chhehvel ram te in lum let tur an hmu Chiang si a. Tahkhan helai hi Europe leh Asia khawvel ram dang dang atangin an rawn lut dawn a ni tih an hmu a khami avang khan an in chuh ruih ruih a ni a. An ni pawh hian.....tunah hian potential a trade potential 13 thlan chhuah a ni a. Entirnan heng ang technology energy te, Transportation & Communication, Tourism, Fishery, Agriculture, tin Health leh Carbal Terrorism tih te, khating khan thil hrang hrangin people to people to contact tih te.....cooperation culture khang kha an lo ruahman a ni a. Advance tak maiin an lo ruahmana min tlan khalh an tum a ni, Pu Speaker.

Tin, tunah hian in hre tho a, Guam valley Thailand Guam luipui leh Ganga valley inkara helaia hmasawna co-operative project an siam leh a. Chu chu Guam Ganga valley Co-operative project an ti a. India, Myanmar, Thailand, Laos, Cambodia leh Vietnam te hian chung chu kan lo tlak khalh emaw leh chung Multi National Company te an lo luh pawha kan thalai tena an lo do zawh ve tura tuna kan ruahman hi a ngai a. Labour & Employment in a kan tum bulpui ber pakhat chu a ni Pu Speaker. Tunah hian kan sawi pawlh nuaih duh na chhan chu Labour & Employment-ah hian, pakhat chauh ka'n sawi leh ang, tun aiin ka sawi leh rei tlat mai a minute 30 vel a zawh tum ka ni a.

Kan tum pakhat tha em em mai kan share duh che u chu nichinah khan Chawngte bialtu zahawmtak khan a rawn sawi chho a. Hemi Inter State Migrant Workers chungchang hi, heng te leh tuna mi hi Pu Speaker, inzawm vek a nih avangin, ka hmanhmawh deuhhleak a, ka'n sawi mai pawh a, uluk deuha sawi ka chak a. Tunah hian nichina kan han sawi ang khan duh ang angin an rawn lut a, vai ti mai ila tawngkam mawilo ni lo se, an duh ang an rawn thawk mai a ni. An hnen atang hian chhiah pawh kan la lo reng reng a ni. ILP an neih chuan an duh duh naah an thawk mai a ni, mistiri ah an in promote zung zung mai mai a ni, a senior in a control a a ruaitute hi min bum nasa lutuk a ni. Chu chu siamthat kan tum a labour law leh inter state migrant te leh Pu Speaker, pawimawh kan tih em em chu vawiina kan thalaite hian hnathawh hi an duh lo a ni lova, zing dar 8 atanga tlai dar 5 thleng hnathawh hi an chak lo a ni lova ni. Phai a kum 4 kum 5 awm tawh ngat phei chuan hnathawh hi turah an ngai lo hrim hrim a ni. Anih loh pawhin zing dar 9 atanga tlai dar 5 thleng thawh hi a dik an ti thei lova, an peih ngang lo a ni. Chu chu engtingge niang kan ti a kan ngaihtuah danah chuan time wages, a darkar bi a siamna tur hian kan ruahman mek a, USA ah an kal a chutiang khatiing an hlawh tam kan ti a, Mahse USA leh sap rama kal hian dar kar 12 te 15 te an thawk a ni. Tuna kan tum danah chuan kan thalaite hnathawh lo hi thawh tir kan tum a, darkar bi a kan siam chuan khai le tunah chuan nu leh pa te petrol man emaw dil tawh lovin thian hoin an ti ang a, Darkar khat i va inhlawh ve lawk teh ang, darker 2/1 va inhlawh ve lawk teh ang an ti ang a, chu chuan work ethic a rawn siam tha chho ang a, hnathawhna rilru kan thalaiten an rawn nei chho bawh ang a, zirtirna tha a kan thalaite hi siam kan tum a ni. Tunah hian kan Chief Minster hmalakna zarah kan ram hmasawna nasa takin a kal a, thalai thawktu kan nei mang lo reng reng, hei tile phah kan tih ang chi phei chu a to lutuk ringawt ni khatah 4000/5000 te min rate khum a ni. Hei hi Labour & Employment chuan siam that kan tum a, khami atana pawimawh em em chu skilled development hrang hrang kha a ni a. Tunah pawh hian floor tile phah ang chi hi training pek kan tum a, central YMA leh KTP emaw TKP emaw PYD emaw te nen tangkawpin tih dan kan ruahman mek a Pu Speaker, hnathawh tir leh kawng dika hruai hi kan tum a ni a. Tiang chuan kan ram economy lo kal chho zel tur hi eng dinhmunah pawh lo ding ila kan thalaiten lo do zel turin kan in ruahman a ni tih kha kan sawi duh bawh a ni. Pu Speaker, tikhan Trade & Commerce leh Labour & Employment chu ka zo maiin ka hria, a tam si a hun ka la leh teuh ta mai.

Ka lawmna em em pakhat chu a tawp nan RSBY leh Health Care he sorkarin a tih hi a lawmawm ka ti em em a. A tawp nana ka sawi duh chu Pu Speaker kan member ten min ngen nasa bawh a building and other construction workers welfare cess hi a ni. Hei hi

1996 a All India hmun tura tih a ni a amarawhchu hman mai anih loh khan 1998 phei kha chuan Supreme Court in hmang ngei rawh u a rawn ti a. Amarawhchu hman loh in kan ramah pawh a lo awm a khawvel leh kan ramah a thawk tam ber leh a thlan tla tam ber chu retheite an ni zawk a kut hnathawktute an ni a. Mirethei leh mi hausa kar zau lutuk tur tih chipna tur a ni a, tichuan contract amount za zela chengkhat aia hniam lo leh chenghnh aia sanglo la turin central in min ti a. Chengkhat kan la ta a, tunah hian member te hriat duh chu cheng vaibelchhe sawm vel kan kawl tawh a nuai 80 thuak hi kan sem tawh a ni. Nichinah kan member ten an sawi tawh a vaibelchhe 10 vel kan la nei a ni. Tichuan a lo kal zel a pe lo department an awm chuan a hlauhawm khawp mai, kan sorkar hlim khan K.L.Sari, IAS senior tak mai a lo kal a, chu chuan a rawn sawi chu Chief Secretary te nen kan sawiho a hei hi pe lo department an awm chuan Chief Secretary ah kan ko dawn che an ti hmak hmak a ni. Chutiang khawp chuan an ngai pawimawh a. A benefit tur kha tunah hian mi kan au ei zolo a ni a, amarawhchu pawisa an hmuh tawh chuan an rawn ti zel turah kan ngai a. Pu Speaker mi a hnathawhna hmuna a thih khan tunah hian singnga vel a nia nuaikhat/nuaihnh vel kan tih thuai ka ring a Board in thatakin a la rel ang a. Tichuan Admission fee mi pahnh tan kan pe thei a cheng 3000 a nih chuan pakhat cheng 1500 a ni a. Tin, pension te an nei ve ang a cheng 25 in an rawn in register ve ang a kum 60 a tlin khan pension a nei reng dawn a ni , tin, nau nei tan te leh a hnathawhna hmuna ramtuileilo a a lo awm palh chuan tunah chuan cheng 25000 kan ti a, tin in sak tanpuina pawh tunah chuan a tlem rih a, ₹ 50000/- thleng a pung awm lo in kan siam sak thei a. Tin, Pu Speaker, hei hi min pe vek ta se chuan cheng vaibelchhe 200/300 a ni lo berah kumtin la lut turah kan in ngai a. Chu chu kut hnathawktute ruahmanna tha tak a ni a, he sorkar hi kut hnathawktute leh rethei zawk te tana ding a nihna angin hei hi he sorkar in a ruahmanna anih avangin a lawmawm tak meuh meuhin ka hria a ni.

Pu Speaker, Member ten tha taka min ngaihthlak avangin ka lawm tak meuh meuh a. Tichuan, ka Demand No. 24, Medical & Public Health Services te tana an hman atan ₹ 1,67,93,36,000/- leh, Labour & Employment tan ₹ 8,10,04,000/- leh Demand No. 44, Trade & Commerce tan ₹ 4,92,75,00/-, a vaiin ₹ 1,80,96,15,00/- te hi he House zahawm takin min pass pui turin ka ngen a che u. Ka lawm e.

SPEAKER : Aw le, kan Minister zahawm takin a rawn wind up a, a ngaihnam hle a. Zan rei deuh hlek lo se chuan hun tam zawk pawh hman tir a tha khawp mai. A Demand wind up in pass a rawn dil a, heng a Demand No. 24, Medical & Public Health Services, ₹ 1,67,93,36,000/-, Demand No.28, Labour & Employment ₹ 8,10,04,000/- ,No. 44 na Trade & Commerce ₹ 4,92,75,00 a vaiin cheng vaibelchhe 180 nuai 96 leh sing khat leh sang 5 te hi pass remti apiangin :”Remti” ti ru le. Remti lo kan awm chuan “Remtilo” ti ru le awm lo maw?. Awle Pu Lalrinliana Sailo Minister zahawm tak demand No, 24, Medical and Public Health Services, cheng vaibelchhe 167 nuai 93 leh sing 3 leh sang 6 No. 28-na Labour and Emploument cheng vaibelchhe 8 nuai 10 leh sang 4 leh No. 44 na Trade & Commerce cheng vaibelchhe 4 nuai 92 sing 7 leh sang 5 A vaiin cheng vaibelchhe 180 nuai 96 sing 1 leh sang 5 chu House in lungual takin a pass ta a ni. (Pu Lalrinliana Sailo, Minister Pu Speaker, ka lawm e)

Awle, vawiina kan business chu kan lo zo ta a, kan chawl tawh ang a, Naktuk ni 21.3.2013 (Ningani) zing dar 10:30.A.M ah kan thu khawm leh dawn nia.

Sitting is adjourned at 9:25pm.